



*Handwritten text, likely a signature or title, possibly reading "L'ingénieur..."*

819.3

For

# FORNMANNA SÖGUR,

---

EPTIR GÖMLUM HANDRITUM

ÚTGEFNAR

AÐ TILHLÚTUN HINS

KONÚNGLIGA

NORRÆNA FORNFRÆÐA FÉLAGS.

---

Urðar orði

kveður engi maður.

*Fjölsvinnsmál.*

---

FJÓRÐA BINDI.

Saga Ólafs konungs hins helga.

Fyrri deild.

---

Kaupmannahöfn, 1829.

Prentaðar hjá Harðvíg Friðrek Popp.



# THE HISTORY OF THE

REIGN OF

CHARLES THE FIRST

BY

JOHN BURNET

OF

SCOTLAND

IN

THE

YEAR

1649

AND

1650

BY

JOHN BURNET

# SAGA ÓLAFS KONÚNGS HINS HELGA.

---

EPTIR GÖMLUM SKINNBÓKUM

ÚTGEFIN

AD TILHLUTUN HINS  
KONÚNGLIGA  
NORRÆNA FORNFRÆÐA FÉLAGS.

---

FYRRI DEILD.

---

Kaupmannahöfn, 1829.

Prentað hjá *Harðvig Friðrek Popp.*



25 30 40 50 60 70 80 90 100

1 10 20 30 40 50 60 70 80 90 100

10 20 30 40 50 60 70 80 90 100

10 20 30 40 50 60 70 80 90 100

10 20 30 40 50 60 70 80 90 100

10 20 30 40 50 60 70 80 90 100

---

## F o r m á l i.

---

Eptir niðrskipan þeirri, sem viðtekin er á útgáfu Fornmannasaguanna, er fara skal að tímaröðinni, kemr hér nú í ljós, næst Olafs konungs sögu Tryggvasonar, Saga Olafs konungs ens helga Haraldssonar, með tilheyrandi þáttum í tveim bindum. Skal hér nú lýst þeim handritum, er brúkuð hafa verið, og frá því öðru sagt, sem helzt er að merkja við atbúning og útgáfu sögu þessarar.

Sagan er prentuð eptir skinnbókinni Nr. 61 í arkarformi (A), sem áður Olafs saga Tryggvasonar, og er henni nokkuð lýst við þá sögu; en nú fylgir til ýtarligri ímyndar um hana, eyrgrafin eptirmynd af parti eins blaðs hennar, er það byrjun 79da kap. og inniheldr alla tölu Þorguýs lögmanns til Olafs Sviakonungs. Í 137da kap. sögunnar skiptir rithöndum í A við orðin „at verkkaupi“, sleppr þar eldri rithöndin, að ágizkun frá öndverðri 14du öld, er Olafs saga Tryggvasonar og fyrri hluti sögu þessarar er ritaðr með, og tekr við töluvert nýligri hönd, og eigi eins snotur eða jafnvel sett, er og réttritunin þar lakari, virðist og sem vísurnar í þeim hluta sögunnar heldr hafi afbakazt af vangá eða kunnáttuleysi ritarans. Við orðin í 268da kap. „var bæði læst utan ok innan“ byrjar seinasta blaðsíðan í A, er hún máð og ólæsilig, en af því frasögnin og kapitula niðr röðunin um hrið á undan hafði í A verið samhljóða Flateyj-arbók (F), en eigi eins vel að hvorutveggju í hinum handritunum, var niðrlag greinds kap. og þrír þar á

ofan fylgjandi kapítular í lok sögunnar tekið úr *F*; sá og til þess á seinustu máðu blaðsíðunni í *A*, sem úti er framí 261sta kap., að bókin var þar enn samhljóða *F*. Fyrir aptan máða blaðið hángir skiki af innra dálki blaðs við kjölinn í *A*, og er auðr á aptari síðunni; má og af því ráða, að *A* hefir eigi haft söguna lengri enn prentuð er. *A* hafði aungvan prólógum fyrir sögunni, og er hann prentaðr eptir *S*, mun hann þó reyndar ekki eiga við þá meðferð sögunnar, sem í *A* og nokkurum hinna handritanna er, sè hún eldri *Snorra*; má vera að sagan sè í þeim handritunum, er hafa prólógum, (en það eru *D*, *G*, *H*, *K*, *S*), dregin úr *Snorra* með ýmsum viðraukum, og hafi þartil lagaðr verið prólógus, er *Snorri* hefir fyrir sínum Noregs konunga sögum.

Við aðalskinnbókina hafa samanborin verið þau handrit, sem nú skal lýsa:

1) Nr. 75d í 4r. bl. (stendr meðal bókanua í arkarformi) (*B*), er Arni Magnússon á lausu blaði framanvið kallar Bæjarbók úr Borgarsíði, og kveðr Síra Haldór í Reykholti fyrrum hafa brúkað, en Arna Gíslason átt. Kálfskinsbók þessi er sæmí-liga og þó mjög þétt skrifuð og ærið bundin, en að rættitun eigi frábrugðin meðalgóðum skinnbókum; og bendir útlit bókarinnar til, að hún sè rituð á ofan-verðri 14ðu öld; hún byrjar sem *A*, og ferr henni næst, en víkr þó sumstaðar frá í orðatiltæki, þó efnið sè eð sama; hún sleppir líka 16da og 17da kap., hefir eigi nema stutt ágrip 18da kap., líka 19da kap., sem að eins getr gýstingar Astu, og lýsir lítið Sigurði konungi; hún sleppir enn 21, 23, 24, 28, 29, 30, 35, 36ta og 41sta kap., og úr 44da kap. stykkinu um Finnska spámanninn, sleppir ennfrems 49da kap. og fyrra parti 52ars kap., líka 60sta kap. og niðrlagi 63ja kap. frámerk-inu; þá enn úr 87da kap. viðrtali Olafs k. og Astrið-



ar og vís., og úr 122rum kap. vísunni; en hefir umfram *A* P-viðraukann (5 B. cðr 2 D. bls. 195) eptir 179 kap. og ístað 160sta kap. Rauðúlfs þátt í 6 kapítulum (2 D. bls. 330-348). *B* sleppr að fullu í 200sta kap. Vísurnar eru í bók þessari víða afbakaðar og úr lagi færðar. Eptir *B* er pappírsbókin í arkarf. Nr. 74 nákvæmlega skrifuð, og hefir því eigi brúkuð verið.

2) Nr. 325 (7) í stóru 4rablf (*C*), er brot af kálfskinsbók, er inniheldr mikiun hluta sögunnar; það er vel skrifað og sett, með nokkuð smáu og þéttu lettri, og sumstaðar í meira lagi bundnu; rættiritunin er víða nokkuð fábreytilig, og þó að skapi elztu skinnbóka; t. d. er þ víða brúkað fyrir *ð*, *c* víðast f. *k*, *cæ* f. *e*. og *ø* f. *æ*; einstöku sinnum *av* í einum bókstaf f. *á*, líka opt *umb* f. *um*, o. s. frv.; við skammstöfun og band orðanna má það og merkja: rúnin maðr er stundum sett f. orðið maðr, *l* (*vel*) með höllu striki yfir f. *eða*, n'l (*nihil*) f. ekki, og stökusinnun *n* (*non*) f. ekki; við stafauna lögun er það fábreytiligt, að látínskt *d* víða, einkum framantil, er brúkað þar sem óstungið *d* skal lesa; fyrir *ll* stendr optast einfaldt *l* með hlykk á miðju, og *ek* er víða bundið í einn bókstaf. Af útliti bókarrinnar og rættiritun má því ráða, að hún sê rituð á öndverðri 14du öld, og sum böndin, sem eru látínsk, benda til þess að lærðr maðr hafi skrifað hana. Þar sem *C* víkr frá *A* að orðatiltæki, berr það stundum til að hún er fornryðtari, hittast og í henni sumstaðar fágætar lneigingar á orðunum, mátti slíkt þó eigi tilgreina. *C* bókarbrotið byrjar í 5ta kap. og tekr fram í 11ta kap., byrjar aptr í 31ta og nær framí 40sta kap., en vantar 35ta og 36ta, kap., byrjar aptr í 44da kap. og nær framí 72an kap., sleppir 49da kap. og orðum Ilroereks úr niðrlagi 50ta kap, líka fyrstu vísunni með inngáginum til hemnar úr 52rum kap., og þá 60ta kap. og

niðrlagi 63ja frá merkinu, byrjar aptr í 73ja kap. og nær þá framí 141sta kap., en sleppir úr 87da kap. viðrtali *Astriðar* og *Olafs konungs*, og vísunni þar; hefirir við niðrlag 97da kap. og í 98da kap. umfram *A* vísur, er standa í söguunni hjá *Snorra* í 108da og 109da kap.; sleppir vísunni í 122um kap.; tekr *C* þá enn til í 146ta kap. og nær framí 155ta kap.; byrjar þá aptr með 166ta kap. og nær framí 178da kap.; tekr þá end til í 191sta kap. og nær framí 222an kap.; en sleppir 207da kap. byrjar þá aptr í 229da kap. og endar að fullu í 248da kap. Þarðauk sleppir *C* stökusiunnum vísun úr sögunni, er standa bæði í *A* og öllum hinum handritunum, og er þess þá viðgetið í nótnunum, eru þö líkliga eigi önnur rök til þess mismunar eun vangá þess er skrifaði bókina; líka hittist stundum í *C* hálfskrifuð eða skammstöfuð vísa.

3) Nr. 325 (5) í 4rablf. (*D*) er skinnubók í litlu 4rablaða formi, rituð í tveim dálkum með skíru og meðalsnotru lettri, og venjulgri rættitun, og tranðliga eldri enn lok 14du aldar; í hana vanta mörg blöð. Hún er allvíða nokkuð frábrugðin *A* að orðatiltæki, og er þá heldr fáorðari, sleppir og stundum greinum, en sjaldnar er hún *A* fjölorðari; þykir og orðfæri hennar, þar sem hún víkr af, eigi jafn fornligt og í *A*. *D* hefir stytttri prólógum, eins og við hann er umgetið; sleppir 3ðja kap. og þá 16da og 17da kap.; hefir sem *B* ágrip 18da og 19da kap.; sleppir þá og viðrtali *Olafanna* úr 20sta kap., líka 21, 23, 24, 28, 29, 30, 35, 36ta og 41sta kap., og stykki, sem *B*, úr 44da kap.; vantar þá enn 49da kap., og tölu *Hræreks* í lok 50ta kap., líka fyrstu vísuna með tilheyrandi iungangi í 60ta kap. og niðrlag 63ja frá [. *D* sleppir í 85ta kap., en byrjar aptr í 97da kap., og nær þá framí 107da kap.; hefir í 97da og 98da kap. 2 vísur umfram *A*, sem standa hjá *Snorra* í sög-

unnar 108da og 109da kap.; *D* byrjar þá að nýna 112ta kap. og nær framí 201sta kap., sleppir vísunni úr 122um kap.; hefir í stað 160sta kap. þátt Rauðúlfs í 6 kapítulum; bætir inní milli 179da og 180sta kap. viðbætirmun *P*. *D* byrjar þá enn aptr í 211ta kap. og nær framí 252an kap.; tekr þá til enn í 257da kap. og nær framí 258da kap.; en seinasta brotið af *D* byrjar cigi fyrr enu sagan er úti, eptir þeirri meðferð hennar, sem hér er nú prentuð, á orðunum: „Þá kölluðu þau á hina helgu meyju Maríam“ í fyrsta kap. viðraukans *AA*.; hefir þarnaest 4ða kap. tæðs viðrauka, og þá viðraukann *CC*, og er þar samanborið við *L*, sem tæðir viðraukar eru eptir prentaðir; hefir *D* þá alein þar á eptir viðraukann *DD*. í 3 kapítulum, er hann prentaðr þareptir (2 D. bls. 222–224), og sleppr *D* að fullu í ennu síðasta þeirra; en seinasta blað bókariunnar, sem niðrlag kap. og kannske nokkuð meira hefir á staðið, er glatað. Nokkurjar vísur vanta í *D*, sem í *A* standa, og er slíks getið í athugasemdunum við hverja sêrilagi.

4. Nr. 75c meðal handritanna í arkarf., (*E*); það er vel skrifað og settliga með stórn lettri, hvorki mjög þétta né bundnu, og rêttritunni að því lagi, sem enar eldri og beztu skinubækr hafa. Það er illa farið, að mikinn hluta sögunnar vantar í bók þessa, því annað og þriðja hvört blað er glatað, og standum mörg í rennu. Skinubók þessi hefir að vísu verið eitt hið bezta þeirra handrita af sögunni, sem enn eru heil til eða leyfar af, vottar það bæði orðfærið í henni, sem víðast er snoturligra og fegurra þá sjaldan, er hún víkr frá *A* bókinni og þeim handritunum, er *A* koma nærst; eru og vísurnar í *E*, að því sem ráða má, sízt úr lagi færðar. Bókin hefir líkliga rituð verið snemma á 14du öld. Brotið byrjar við niðurlag 3ja kap. með lálfri þriðju vísu sem umfram er hin handritin öll, sem þar eru við, og tekr

framí 40da kap.; byrjar þá aptr í 31sta kap., og nær framí 44da kap.; en sleppir 35, 36ta og 41ta kap., líka sem *B*, parti úr 44da kap.; byrjar þá enn í 48da kap., og sleppr aptr í 51sta kap., en fellir 49da kap., og tölu Hræreks úr niðrlagi 50ta kap. undan; byrjar þá enn aptr í 63ja kap. en sleppir niðrlagi hans frá *L*, og nær framtil 65ta kap.; byrjar þá aptr í 69da kap. og nær framí 73ja kap.; tekur þá enn til í 81 kap. og nær langt framí hann; byrjar enn í 85ta kap. og nær þá framí 86ta kap., tekur þá aptr til í 89da kap. og kemst framí 91ta kap., kemr enn við með 95ta kap. og nær framí 98da kap., hefir þá vísu umfram *A* við niðrlag 97da kap., er hjá Snorra stendr við niðurlag 108da kap. sögunnar; byrjar þá *E* enn í 107da kap. og nær framí 111ta kap.; tekur þá til aptr í 119da kap. og nær framí 122an kap.; byrjar þá enn í 129da kap. og tekur framí sama kap., tekur þá til aptr í 131ta kap. og nær framí 133ja kap.; byrjar þá enn í 134da kap. og tekur framí 135ta kap.; tekur þá til aptr seint í sama kap. og nær framí 137da kap.; byrjar þá enn aptr í sama kap., og tekur framí 139da kap.; kemr þá aptr við í sama kap., ok nær framí 141ta kap.; byrjar þá enn í 144da kap. og tekur framí 159da kap., en hefir vísu umfram öll hin handritin í 157da kap.; byrjar þá aptr í Rauðúlfsþætti 1ta kap. og nær framí 2an kap., en tekur aptr til í 6ta kap. þáttarins, og sleppr í sama kap., standa þessi 2 brot af þættinum í *E* í stað 160ta kap. hér; byrjar *E* enn í 163ðja kap., og tekur framí 166ta kap., kemr þá enn við í 169da kap., og sleppr í 170ta kap., byrjar þá loksins enn í 182um kap., og sleppr að fullu í 185ta kap.

5) Flateyjarbók á Konungsins stóra bókasafni (*F*), nafnkend kálfskinnsbók í stærsta arkarformi, er blað hennar sérhvört skrifað í tveim dálkum, er hún alls 905 dálkar, en saga þessi og annað fleira er þar með hendi Jóns prests Þórðarsonar, og er

bókin rituð milli árána 1387 og 1395, að því sem hún berr sjálf vitni um. Það er alkunnugt, að bók þessi er fremr í miklu áliti og afhaldi af fjölda sagna þeirra, er hún inniheldr, en vali þeirra allra eða nákvæmni og réttleika ritunarinnar, og er hún þó að þessu hvorutveggju með meðalbókum teljandi. Olafs saga helga byrjar á 310da dálki bókarinnar, og endar á 516 dálki hennar; kemr hún þar næst á eptir „upphafi ríkis Haralds hárfagra“ eða réttar nefndum sögupætti hans. Inngang sögunnar sem hér innihelst í fyrstu 12 kapítulunum vantar á þessum stað i *F*, af því innihald hans er áðr rituð í bókinni við Olafs-sögu Tryggvasonar. Á eptir Haralds sögupætti kemr í *F*, sem inngangr til Olafs sögu, (á 306-308 dálks) „þátt Haralds grænska“ í 4 kapítulum, sama innihalds og 13, 14, og 15di kap. hér, og þeim að miklu leiti samhljóða. Þá kemr á 308 til 310 dálks enn á undan sjálfri sögunni „þátt Olafs Geirstaða álfs“ í 4 kap., sama höfuðefnis sem 16di og 17di kap., þó með nokkrum viðbætir. Sagan byrjar því í *F* með 18da kap. hér, er hann og næst fylgjandi kap. nokkuð frábrugðnir þar, en þó sama efnis. *F* sleppir 28, 29 og 30sta kap., en bætir 5 kap. við eptir 34da kap. hér, eru þeir prentaðir hér aptan við söguna eptir *F* í viðraukanum *A* (2 D. bls. 155-165); er þó annar og þriði þeirra reyndar sama innihalds og 29di og 30sti kap. hér, en tveir þeir seinustu standa í stað 35ta og 36ta kap., og eru að nokkru leiti sama efnis. *F* bætir þá og ein við (á 319-320 dálks) 2 kap. á eptir 37da kap. hér, og eru þeir þar eptir prentaðir í viðraukanum *B* (2 D. bls. 166-168); þó er síðari partr eus fyrra þeirra nærri því eins og 28di kap. hér, sem um er getið að vantaði í *F*. *F* sleppir úr sögunni 39da kap. og fyrra hluta 40ta kap. að orðunum „Eptir þat rak

Knútr konúgr af Englandi," líka sleppir hún 41sta kap., og er hann þó að nokkru leiti enn sami og síðari kap. viðraukans *B*; sleppir *F* og 43ja kap., og þá úr 44da kap. stykkinu um finnska spámanninn, og eun 45ta og 49da kap., og ræðn Hræreks í lok 50ta kap. og þá vísunni með inngáungi úr 52um kap. er þó kemr seinna í *F* í viðbætur (sjá viðraukann *FF*). Þá bætir *F* (á 327da dálki) við grein í 54da kap. við orðin "ok lagðist við Gr. með herinn," er hún prentuð þareptir í viðraukanum *C* (2 D. bls. 168-169), og eun bætir hún ein við (á 328da dálki) grein í 55ta kap. hér, eptir orðin „ok bjuggust vel um", er sú grein prentuð í viðraukanum *D* (2 B. bls. 169-170); og þá sleppir hún 4ðu vís. úr sama kap., en fyrsta greinin af 56ta kap. er í henni nokkuð fjölorðari; *F* sleppir þá og 60ta kap., en kallar 64da og 65ta kap. þátt Eyvindar Urarhorns. Þá bætir *F* enn ein við (á 341ta dálki) grein inni 73ja kap. hér, á eptir seinustu vís., er það viðraukinn *E* (2 D. bls. 170-171). Á eptir 75ta kap. hér, kemr þáttir Styrbjarnar Svíakappa í *F* einni (á 342-344 dálks), er hann þar eptir prentaðr\* (A 2 D. bls. 245-251) \*) og líka Hróaþáttir (*B* 2 D. bls. 252-256), er honum fylgir í *F* (á 344-348 dálks). Þá kemr, á eptir 82um kap. hér, upphaf Fostbræðrasögu í *F* (á 354-363 dálks), er það prólóguð sögunnar, og 13 fyrstu kap. hennar samhljóða handriti því, er sagan er prentuð eptir í Khöfn 1822 8blf.; eru hvorki þeir, nè framhald sögunnar, er síðar mun getið verða, hér prentað, af því

---

\*) Þáttir þessi er áðr prentaðr, með latínskri útléggíng, í Schedis Ara, er Worm útgaf í Öxnaforðu 1716; er þátturinn í ritgjörð þar eptanvið, er kallast *De Aræ Multiscii vita & scriptis Dissertatio*, á bls. 111-118.

það á eigi við þessa sögu. Einn bætir *F* (á 365 dálki), á eptir 85ta kap. hér, einum kap. við um Olaf. k. og Sighvat, er fyrri partr hans viðbætirinn *H*, sem prentaðr er eptir *L*, er orðamunurinn tekinn úr *F*, (sem þar kallast *Fa* til aðgreiningar frá orðamun þeim sem þar er viðtekinn úr viðbætirnum við söguna í *F*, er síðar verður getið, og aþtr hefir sama kap. og kallast *Fb.*); en síðari partr hans er fyrsta vísa 3ja kap. með inngáginum til hennar í viðraukanum *G*, og er þarvið orðamunur tekinn hððan úr *F* (*Fa*). Þá fellir *F* undan úr 87da kap. viðtal Olafs konungs og Astríðar, en vísan þar kemr seinna með annari fyrirögn, sem síðar mun getið. Eptir 88da kap. hér kemr þá í *F* einnri (á 368-377da dálks) þátrr Eymundar ok Olafs konungs, og er þar eptir prentaðr (*C*, 2 D. bls. 267-298). Þaræptir bætir *F* (á 377da dálki) enn ein við viðraukanum *F* (2 D. bls. 171-172). Einn bætir *F* ein við (á 378-379 dálks) þætti Tóka Tókasonar, og er hann þar eptir prentaðr (*D* 2 D. bls. 299-303). Þá bætir *F* þarnæst enn við (á 379-381sta dálks) kapitula, sem prentaðr er í viðraukanum *L* eptir handritinu *L*, og er hann fjölorðari í *F*. Þá er enn þar eptir (á 381 dálki) í *F* bætt inní söguna þætti af Isleifi biskupi, er prentaðr er aþtanvið Kaupmannahafnar útgáfuna af Kristnisögu, og á eigi við þessa sögu. Einn er þaræptir viðbætt í *F* (á 382-385ta dálks) þætti Egils Hallssonar og Tófa Valgautssonar, sem prentaðr er hér (*G* 2 D. bls. 321-329) eptir *L*, en samanborinn við *F*, og er hann þó í *F* enginn sérilagi þátrr, heldr nokkur grein sjálfrar sögunnar, er þar sumstaðar lítið fjölorðari, en sama efnis, og er orðamunurinn sá eigi tekinn. Þá kemr í *F* (á 385-396 dálks) framhald Fóstbræðrasögu, samkvæmt 14-23 kap. ennar prentaðu, og er því

hér sleppt. Þá er komið í *F* að 89da kap. hér, og kallast hann þar þátr Eymundar af Skörum. Einn bætir *F'* (á 400 dálki), eptir 89da kap. hér, viðraukanum *O*, og er þar heldr fáorðari ein *L*, sem þá er til grundvallar lögð. Þá sleppir *F* úr þessari sögu 91ta kap. og fyrra hluta 92ars kap. að orðunum „þat var eitt sumar“ kallar þá síðara hluta kap. og framað 99da kap. Orkneyinga þátt, og bætir við 2 vísu í lok 97da og 98da kap., eins og við *C*, *D*, *E* er áður getið, en kallar þá 107-110 kap. sögunnar þátt Dala-Guðbrands ok Olafs konúngs. Á eptir 110da kap. hér bætir *F'* (á 410-413 dálks) ein inni söguna þætti Eindríða ok Erlíngs, er hann hér eptir hemmi prentaðr (2 D. bls. 304 - 313), en fyrisögn þáttarins stendr þar yfir 110da kap., og er svo sett af vangá, því ekki á hann við þáttinn. Einn bætir *F* inni (á 414-428 dálks) á eptir 111ta kap. hér framhaldi Fóstbræðrasögu 24-44 kap. samhljóða þeirri prentuðu. Þaræptir bætir *F'* inni einum kap., er á að vera inngánger eptirfylgjandi frásagnar um Asbjörns selsbana með fyrisögn: þátr Asbjarnar Selsbana; er sá kap. eigi tekinn í viðraukanum, því hann inniheldr eigi nema ómerkiliga afsökun fyrir að þættir æðu innteknir í söguna, er eigi sýnist í fyrstu að koma við hana, en hnygi þó að lokum til heiðrs Olafi konúngi. Þá sleppir *F'*, eins og hin handritin, vísunni úr 122um kap. hér. Fyrir kap. 124da hér, er sú fyrisögn í *F*, að hann kallast: Færeyíngapátr ok Olafs konúngs; má þess og geta, að 131sti kap., upphaf 132ars kap., líka 138di og 139di kap. hér eru færðir frameptir í *F'* og viðtengðir 124da kap., hnytir *F'* (á 441 dálki) við þá einum kap. um sætt þeirra Færeyínga og Þrándar, sem hér vantar í söguna, en var þó eigi tekinn í viðrauka, af því hann snertir ekki sjálfa söguna, og verður



paraðauki prentaðr í tilkomandi útgáfu Færeyinga-  
sögu. *F* kallar 133ja og 134da kap. hér: þátt Steins  
Skaptasonar, og sleppir úr 153ja kap. greininni um  
Egil og Tófa, er áðr getið þess, að hún hafði lengri  
frásögn um þá eptir 88da kap. að framan. Þá bætir  
*F* (á 461-462 dólks) á eptir 157da kap. hér, enn ein  
við 3 kapitulum, sem þar eptir eru prentaðir í viðr-  
aukanum *M* (2 D. bls. 186-190). Eins og hin  
handritin hefir *F* (á 463-468 dólks) líka þátt Rauð-  
úlfs ok sona hans í stað 160sta kap. hér, og er við þau  
sammanborinn. Enn bætir *F* (á 469 dólki) kapitula inni  
söguna, er það á eptir 161 kap. hér; er hann á þá leið  
prentaðr í viðraukanum *N* (2 D. bls. 190-191).  
Þá bætir *F* eins og hin handritin *P* viðraukanum inni  
söguna á eptir 179da kap. hér. I byrjun 182ars kap. hér  
bætir *F* við ómerkiligu múnkarugli um mótgáng Olafs  
konúngs, og er það eigi tekið, en í stað 185ta kap. hér  
hefir *F* (á 481 dólki) ein viðraukann *Q* (2 D.  
bls. 195-197), bætir þá og ein við (á 482 dólki) eptir  
189da kap. hér viðraukanum *R* (2 D. bls. 197-198).  
Á eptir 190sta kap. hér bætir *F* inni söguna (á 483-  
485 dólks) 2 kapitulum, er kalla má Volsa þátt, með  
mörgum vísu og heldr lakligu, en frásögnin af  
hervillu nokkurri klæmin og ómerkilig, og var því  
eigi hér prentuð. Þar á eptir bætir *F* inni 46 kap. úr  
Fóstbræðrasögu, er eigi á heldr hervið. Þá cykr *F*  
(á 487da dólki) eptir 191sta kap. hér inni viðrauk-  
anum *S* (2 D. bls. 199-200) og er hann eptir henni  
prentaðr, og líka viðraukinn *T* (2 D. bls. 200-  
201) er hún ein bætir inni (á 488 dólki) eptir 192an  
kap. hér, í stað þess sem hún áðr undanfaldi úr 87da  
kap. sögunnar. Enn bætir *F* (á 488 dólki) ein inni  
193ja kap. hér á undan orðunum „þá tók konúgr  
nokkorar merkr silfrs“ viðraukanum *U* (2 D.

bls. 201), og á undan Bjarkamálavísunum í 194da kap. hér, halluzeli þormóðs gegn Sighvati, og á eptir vísurnar, frásögu haus um hvað mörg víg hann hafði unnið, samkvæmt 48da kap. Fóstbræðrasögu. Þá bætir *F* ein (á 490sta dálki) við niðrlag 200asta kap. inni viðraukanum *P* (2 D. bls. 201), og (á 493ja dálki) ístað byrjunar 211ta kap. að orðunum „þórir hundr kom þá“ hefir hún viðraukan *X* (2 D. bls. 202-203). Þá hefir *F* (á 495-496ta dálks) ein, ístað fyrstu þriggja línanna af 212ta kap. hér, viðraukan *Y* (2 D. bls. 204-205); eru þessir fjórir síðarstnefudu viðraukar prentaðir hér eptir *F*. En bætir *F* (á 496ta dálki) inni 212ta kap. á eptir orðunum „ok allt lið þat er eptir var“ nokkru úr Fóstbræðrasögu, sem eigi er hér tekið; er það greinin seinasta af 48da kap. og fyrstu tvær af 49da kap. í prentuðu sögunni. Þá er viðraukinn *Z* (2 D. bls. 205-207) prentaðr hér eptir *F* (á 497 dálki), er hefir hann ístað byrjunar 214da kap. sögunnar hér, að orðunum „Kálfr gaf ekki at því gaum.“ Enn bætir *F* við (á 497-498 dálks) fram-  
anvið 215da kap. hér, atriði úr Fóstbræðrasögu, sem eigi er hér tekið, og er það þriðja grein 49da kap. í prentuðu sögunni. Þá sleppir *F* úr sögunni \*) 217da kap. um burtferð Haralds Sigurðarssonar. Ístað 218da kap. hér hefir *F* þá (á 498-500 dálks) að nokkru leiti aðra og lengri frásögu af dauða þormóðar Kolbrúnarskálds, orðrétt samhljóða niðurlagi Fóstbræðra sögu, frá greinaskiptunum bls. 206 í 49da kap. prentuðu sögunnar, er mismunurinn því eigi tekinn meðal viðraukana.

---

\*) Vera má að þessi kap. og fleiri slíkir, sem getið er um að *F* sleppi úr þessari sögu, komi seinna í Flateyjarbók í þeirra konunga sögum, er þeir þóttu heldr viðeiga.

Eptir 226 kap. hér hefir *F* þann kapitula, er hér er sá 238di með nokkrun orðanna, bætir *F* inni hann á undan orðunum „Sighvatr kom heim í Noreg” annari vísu viðraukans *Æ* (sem prentaðr er eptir *L*) með þeirri fyrisögu og eptirmála, er þar og í orðannunum undir er um getið. Þar næst á eptir bætir *F* (á 504-505ta dálks) ein við viðraukanum þ (2 D. bls. 207-208), en þaræptir hefir hún kapitlana, er hér eru sá 239di og 240asti. Þá kemur í *F* á milli 227da og 228ðakap. hér, kapituli er fyrst getr með nokkrun orðum falls Tryggva fyrir Sveini, og komu Magnúsar í Norveg, (má það álíta sem ágrip frásaguarinnar úr 233-236ta kap. hér, sem *F* sleppir), og inniheldr þar næst niðrlag 238da kap. hér, frá orðunum „Sveinn konúgr Knútsson fór til Danm,” og að síðurstu 232an kap. hér. Þá sleppir *F* 231sta kap. hér, hefir þó reyndar innihald hans síðar, sem getið skal, öðruvís orðað sem sjá má í síðara kap. viðraukans *BB*; hefir þá 232an kap. hér, frammar þar, sem áðr var getið, en fellir úr 233-236ta kap. hér. Sem áðr er getið stóð 238-240sti kap. hér frammar í *F*; en 241-248da kap. hér sleppir *F* öldungis úr sögunni; þá fellir og *F* úr sögunni 253ja kap. hér. Á eptir seinasta kap. sögunnar hér bætir *F* (á 513da dálki) enn ein við viðraukanum *Ö* (2 D. bls. 211-213) og er hann eptir henni prentaðr. Þar á eptir bætir *F* við viðraukanum *AA*, og er þar samhljóða *L* sem hann er prentaðr eptir. Þar næst bætir *F* (á 514-516 dálki) við viðraukanum *BB* (2 D. bls. 216-221), og er hann eptir *F* prentaðr, er vísan í seinnu kapitulanum þar líka áðr komið með annari fyrrisögu í *Æ* viðraukanum eptir *L*. Þaræptir bætir *F* að endingu við söguna viðraukanum *Æ* (sem prentaðr er eptir *L*) að undanteknum tveim miðvísunum og fyrisögu

þeirra, sem getið var að *F* hafði fyrir. Nú hefir verið viðleitað að telja það, er Olafssögu í Flateyjarbók og þá hær prentuðu meðferð sögunnar skilr, en svo hefir verið til lagað útgáfunni, að lesendr geti séð mismuninn annaðhvort í orðamuninum við útgáfuna eða viðraukanum, og þá að nokkru leiti í áðr prentuðum sögum með styrk skírslu þessarar, er nú var gefin um bókina. Þess má hær samt minnst, að ein er sumstaðar í Flateyjarbók frábrugðin niðurröðun kapitlanna auk þess sem um er getið, er hær og óvíða tilgreindr sá orðamunr, er eigi breytti meiníngu frásagnarinnar, er þá og eigi þaðan tekinn við vísurnar nema sá orðamunr, er nokkru þótti skipta, en eigi sá, er af afbökun þótti sprottinn.

Auk þess, sem Flateyjarbók hefir umfram þá meðferð Olafssögu sem nú er prentuð, og áðr er upptalið, hefir hún seinna á eptir Hákonarsögu Hákonarsonar (á 750-754da dólks) viðbætir við söguna eptir Styrmí presti fróða að nokkru leiti umfram öll önnur handrit sögunnar, og er hann hær nú líka prentaðr í viðraukanum *FF* (2 D. bls. 225-242). Þó verðr þess að geta, að eigi er allr viðbætirinn þar prentaðr í samfelli, því á undan kapitulanum „Olaf konúngr hafði með sér marga íslenzka menn“ er það úrfellt, sem áðr stendr að mestu samhljóða í viðraukanum *G, H* (2 D. bls. 173-180) og þar er prentað eptir *L*, er hafði greinir þær einni vísu fullkonnari; en tæðr viðbætir í *I* er þvíð samanborin og við þær greinir kallaðr *Fb*, sem Flateyjarbók hefir áðr framí sjálfri sögunni, og þar til aðgreiníngar kallast *Fa*, sem áðr er getið. Tæðar greinir viðbætirsins standa í *F* í þeirri röð, að *H* viðraukinn er þeirra fyrstr, og þá þriði kapituli viðraukans *G*, og þá fyrsti og annar kap. hans. Þaræptir kemr kap. um

fiskiveið Sighvats, en sem áður stendr í sögunnar 52um kap., en af því hann var í viðbæturinum nokkuð frábrugðinn, er hann þar aptr prentaðr, mátti því eigi heldr úrfellast, að efni hans hlekk saman við eptirfylgjandi kapitula um Bersa og hin skáldin; en þess er að gæta, að sú vísa, sem í þeim kap. er talin Bersa, er áður í sögunnar 158da kap. kveðin sögð af Sighvati með öðrum atburðum, og var þó *F* þar í sögunni *A* samhljóða. A undan seinasta kap. viðbætirsins „Olafur konungur esldi í mörgu kristinnu rétt“ er og kapitula sleppt úr honum, er sá áður prentaðr eptir *H* (*K.* 2 D. bls. 181–182) sem hafði hann betr orðaðan. Seinasti kap. viðbætirs þessa líkist að nokkru 60sta kap. sögunnar hér, er mörg handritin sleppa.

6. Kálfskinsbókarbrotið Nr. 325 (<sup>6</sup>) í stóru fjögrableða formi, og blað hvört ritað í tveim dálkum, (*G*) inniheldr meiri hluta sögunnar, þó víða séu blöð úr týnd. Það er vel ritað og settliga, nokkuð þétt og bundið, og rættitruuin eins og í enum betri skinnbókum, og traudliga ýngra enn frá miðri 14du öld; það er mjög samhljóða *S*, sem síðar verður getið. Bókarbrotið *G* byrjar á prólógu, en scinni hluti hans er úrrifinn; byrjar *G* þá aptr á sjálfri sögunni og nær framí 37da kap., en fellir úr 16da og 17da kap. hefir ágríp 18da og 19da kap. hér; sleppir þá og greininni um Olafana úr 20sta kap., líka 21, 23, 24, 28, 29, 30, 35 og 36ta kap.; byrjar *G* aptr í 43ja kap. og tekr þá framí 71sta kap., en sleppir grein úr 44da kap., og 49da kap., og þá í lok 50sta kap. ræðu Hræreks og fyrstu vísunni með fyrisögu úr 52rum kap., líka 60sta kap. og niðrlagi 63ja kap. frá merkinu; tekr þá aptr til í 83ja kap. og nær framí 89da kap., en sleppir viðrtali Astríðar og Olafs og vísunni úr 87da kap.; byrjar þá enn í 96ta kap. og tekr framí 137da kap., en

hefir í lok 97da og 98da kap. umfram *A* 2 vísur sem hin flest, og sleppir vísunni úr 122rum kap.; tekr aptr til í 181sta kap. og nær framí 188da kap., byrjar þá enn í 220sta kap. og er þá að fullu lokið í 253ja kap. hér.

7. Pappírshandrit Nr. 73 í arkarformi með settlettri (*H*), er æði frábrugðið öllum hinum handritum sögunnar, hefir bæði kapitula, er eigi koma sögunni við umfram, og fellir undan, þegar á söguna líðr, kapitula, er þau öll hafa, verðr þá og opt fáorðara í frásögninni, og illa orðað, t. d. stendr þar í byrjun 205ta kap. „tilbæriligr“ í 207da kap. „þénurum“ o. s. frv.; þykir og allvíða sem orð sæu afbökuð og úr lagi færð og helzt í vísunum. Milli 4da og 5ta kap. bætir *H* inní kap. um fóstr Hákonar Aðalsteinsfóstra á Englandi, sama efnis sem 9di og 10di kap. Olafs sögu Tryggvasonar; hefir þá ístað 16da og 17da kap. nokkuð lengri frásögn um Olaf Geirstaðaálfr álíka og *F*; en sleppir 23, 24, 28, 29, 30, 35, 36, 41 og 49da kap., og greininni um spámanninn úr 44da kap., og ræðu Hlæreks í lok 50sta kap.; fellir þá og undan 4ðu vísuna úr 52um kap. (hefir gleymst að geta þess í athugasemdunum), en hefir vísuna, er fyrst stendr í þeim kap. hér, með tilheyrandi iungangi í 59da kap.; þá fellir *H* undan 60sta kap., og niðrlag 63ja kap. frá *L*, og enn viðrtal Olafs k. og Astríðar ásamt vís. úr 87da kap., en bætir við í lok 97da og 98da kap. 2 vísur, eins og flest hin handritin, og þá enn á eptir 98da kap. 10 kapitulum, er viðkoma Birni Hytdælakappa og þórði Kolbeinssyni, og standa þar reyndar fyrir 60sta kapitulanu, sem áðr vantaði; eru þeir eigi teknir hér meðal viðraukanna, af því að þeir eiga við sögu Bjarnar og eigi við þessa sögu. Í aptanverðan 109da kap. hér bætir *H* inní söguna 2 fyrstu kap. viðraukans *G*, fellir þó undan vísuna í fyrra kapitulanum, og aptr,

eptir 118da kap. hér, bætir *H* inni söguna seinasta kap. viðraukans *G*, og þaráeptir viðrankanum *H*, að undantekinni seinustu vísu hans og fyrisögu hennar; er helzti orðamunurinn, sem *H* hefir, tekiun við þessa viðrauka. Þá bætir *H* og inni á undan 2 síðarst nefndum kapítulum, og næst eptir 118da kap. hér, 2 kapítulum um Þorkel Eyjúlfsso, sem hér eru eigi prentaðir, af því þeir eiga við Laxdælu, og eru sama efnis sem 74di og 75ti kap. þar; þaráeptir koma 15 kapítular af Fóstbræðrasögu, er innihalda höfundefni 18-45ta kap. eptir prentuðu sögunni, en eru öðruvís orðaðir og styttri en þar; eru þeir hér eigi heldr teknir. Ur 122rum kap. hér sleppr *H* vísunni, en bætir inni söguna áeptir 127da kap. hér *G*-viðraukanum, og er þar samantorin við *L* handritið, sem hann er prentaðr eptir. Þá bætir *H* inni söguna áeptir 134da kap. hér viðraukanum *K* (2 D. bls. 181-182) er hann þar eptir prentaðr, og samantorinn við viðbætirinn í Flatteyjarbók, og líka við *K*. Ístað 160ta kap. hér hefir *H*, eins og hin handritin, Rauðúlfsþátt, og bætir sem þau *P*-viðraukanum inni söguna eptir 179da kap. hér. Kapítulinn 193ði er styttri í *H*, en 202an og 203ðja kap. vanta þar að mestu, er þá og 205ti kap. og fylgjandi kapítular, allt fram að vísunum í 211ta kap. hér, mikið styttri, og að eins ágrip af þeim í *H*. Enn fellir *H* úr sögunni 253, 254, 255, 256, 257da kap. Þá bætir *H* við niðrlag sögunnar viðrankanum *Æ*, að undantekinni vísunni um Alfifu og fyrisögu hennar, og er orðamunur úr *H* þar viðtekinn. Auk þess, sem nú er talið, að *A* og *H* hafi skilið, fellir *H* þarðauki víða vísur undan sem standa í *A* og hinum handritunum, nefniliga: í fyrri deildinni á bls. 102, 105, 151, 185, 186, 190, 349, 350, 354, 377, og í 2ri deild bls. 16, 76,

79 og 80, sem ljósar má sjá í athugasemdunum. Samhljóða *II* er pappírshandritið Nr. 76a í arkarf. með hálfsettu lettri, og annað Nr. 71 í arkarf. með fljótaskrift, nema prólógnis vantar í því síðarnefnda; þessara handrita orðamunar er því eigi getið.

8. Kálfskinsbókarbrotið Nr. 75 *A* í 4rablf. (stendr meðal bókanna í arkarformi) (*I* eða *J*) er vel skrifað með stóru lettri og eigi allþéttu nè bundnu, og er hvört blað ritað í tveim dálkum. Af rættiritun bókarbrotsins og útliti þess þykir ráða mega að það sé skrifað í byrjun 14du aldar. Eigi skilr *A* og *I* mikið að orðatiltæki, en þar sem svo berr við, er jafnvel orðað í *I*, eru vísunar þar og allrættligar. *I*-bókarbrotið byrjar í 55ta kap. sögunnar, og tekur framí 57da kap., kemur þá aptr við í 62um kap. og nær framí 76ta kap., en sleppir niðrlagi 63ðja kap. frá merkinu; byrjar þá aptr í 85ta og nær framí 89da kap., en sleppir viðrtali Astríðar og Olafs með vís. úr 87da kap.; tekur þá enn til í 89da kap., og nær framí 95ta kap., byrjar þá aptr í 97da kap. og tekur framí 101ta kap., en bætir við niðrlag 97da og 98da kap. 2 vísu sem hin; kemur þá enn við í 117da kap. og nær til loka 122ars kap., en sleppir vís. úr 122rum kap.; byrjar aptr í 127da kap. og tekur framí 134da kap., kemur þá enn við í sama kap. og nær framí 137da kap., byrjar aptr í 153ðja kap. og tekur framí 156da kap.; kemur þá aptr við í 2rum kap. af Randúlfsþætti, er *I* eins og hin hefir fyrir 160asta kap. sögunnar; endar þá *I*-bókarbrotið að fullu í 4da kap. þáttarins.

9. Kálfskinsbók í arkarformi í konungsins bókasafni í Stokkhólmi, er nefnist Konungabók af Bergi ábóta (*K*); hún er allvel skrifuð og með eldri bókum teljandi. Eins og hin handritin sleppir hún nokkr-



um kap. sem í *A* standa, og þó eigi jafumörgum sem flest þeirra, hefir líka marga kapitula umfram *A*, og standa þeir þó flestir í einhverjum hinna handritauna, og eru hér teknir í viðraukana; þó hefir og *K* einstöku kapitula enn umfram þau, sem hér verður að eins tilbendit; en þegar bókin var samanborin, urðu þeir eigi annríkis vegna uppskrifaðir, voru og lítils verðir og sögðu helzt frá heilagleik Olafs konungs eins og flest það er *K* bætir við. Að öðru leiti virðist *K* að orðun og frásögn helzt vera samhljóða *D*. *A* fellir nokkuð undan úr prólógn, eins og *D*, sleppir þá og 21, 23 og 24da kap., hefir þá miklu fjölorðari lýsingu Olafs í 25ta kap. enn hin.; fellir úr 28, 29, 30, 35 og 36ta kap., en bætir inni söguna í lok 40asta kap. 6 kapitulum, áhrærandi kraptaverk Olafs konungs, og sleppir þá 41sta kap., er þó nokkuð efni hans í einum greindra kap., er *K* bætti við. Þá sleppir *K* og 49da kap. hér, og ræðu Hræreks í lok 50ta kap. og fyrstu vísunni með tilheyrandi inngangi úr 42rum kap. Við niðrlag 54da kap. bætir *K* inni söguna grein, er vera mun sama og viðraukinu *C*, er *F'* bætir við á sama stað. Á undan 58da kap. hér bætir og *K* við kapitula, er inniheldr lofraðu um Olaf konung, er vera mun sama innihalds og 60ti kap. hér sem *K* fellir úr; þá sleppir *K* líka niðrlagi 63ðja kap. frá [. Amilli 66ta og 67da kap. hér bætir *K* inni söguna frásögn um Valgaut, er það þátrinn af Egli Hallssyni og Tófa Valgautssyni, er hér er prentaðr aptan við söguna. Þá bætir *K* ómerkri grein inni söguna í lok 86ta kap., og milli 86ta og 87da kap. hér einum kap. um ferð Astríðar og Egils, föstra hennar, á fund Olafs k. helga, en sleppir úr 87da kap. viðrtali Astríðar og Olafs k. ásamt vísunni. Við lok 97da og 98da kap. bætir *K* líka við 2 vísun eins

og flest hin handritin. I aptanverðan 109da kap. hér bætir þá *K* líka tveim fyrstu kapitulum viðraukans *G*, og á milli 117da og 118da kap. hér viðraukanum *H*; sleppir þá *K* vísunni úr 122rum kap. en bætir *O* viðraukanum inni söguna eptir 127da kap., og *K* viðraukanum eptir 129da kap. og þá enn eptir 132an kap. hér grein um hvarf Olafs konungs á nóttum. Þá vantar eitt blað í *K*, og nemr það frá orðunum í 135ta kap., „or Vestrafirði,” og til orðanna „ark-arfót einu” í 137da kap., og einn vantar apr í *K* frá því í 165ta til þess í 169da kap. blöð. Í stað 160ta kap. hefir *K* Raðúlfsþátt, en bætir inni milli 179da og 180sta kap. *P*- viðraukanum. Þá eru týnd úr *K* blöð frá því í 182um til í 189da kap., en á eptir 189da kap. bætir hún inni söguna *S*- viðraukanum, og þá í niðrlagi 193ðja kap. hér *U*- viðraukanum. Þá vantar einn blað í *K*, er nemr frá því í 210-211ta kap., en við niðrlag 223ðja kap. bætir hún inni vísu með fyrisögu um Alífu, sem stendr í *Æ*- viðraukanum (2 D. bls. 209), og í 231sta kap. í stað orðanna „svo ok Kálfr Arnason ok” því sem stendr í *BB*- viðraukanum á eptir vísuna þar. Þá sleppir *K* 258da kap. hér, en bætir 2 kap. við eptir 261sta hér, er það viðraukinn *EE*, og þá annar kap. viðraukans *AA*. Þá vanta líka nokkrar vísur í *K*, sem getið er í athugasemdunum

10. Skinnbók á enu konúngliga stóra bókasafni í Kaupmannahöfn í arkarf. (*L*) er kallast *Thómás-skinna*, af því Thómásar postula saga er þar fyrst í bókinni. Bókin er hvorki vel né rétt skrifuð, og víða sér þess merki, að sá er ritaði ekki hefir getað lesið það sem hann ritaði eptir, og af því stundum skrifað raung orðin og stundum ólæsilig, eru þau á þann hátt víða afbökuð og helzt í vísunum. Réttritun bókar-

innar og útlit sýnist benda til, að hún sæ skrifuð einhvörntíma á 15da öld; hún sleppir mörgum kap. sem standa í *A*, en hefir þá líka mikið umfram *A*, og öll hin handritin. Pappírs handritið Nr. 72 í arkarformi með hendi Asgeirs Jónssonar er skrifað eptir þessari bók. *L* hefir engan prólógus, fellir og undan 16da og 17da kap., en hefir að eins ágrip 18da og 19da kap., sleppir líka viðræðu Olafanna úr 20sta kap., og þá 21, 23, 24, 28, 29, 30, 35, 36 og 41sta kap., ennfremr greininni um spámaminn úr 44da kap., og tali Hræreks í lok 50sta kap., líka fyrstu vísunni með iungangi til hennar úr 52rum kap., og 4ðu vísunni úr 55ta kap.; tvítekr í 86ta kap. greinina frá orðunum, „öndverðan vetr fór Sighvatr úr Borg“ o. s. frv. til „Brátt sagði Sighvatr Olafi konungi“ er hún í *L* bæði þar, sem *A* hefir hana (bls. 192) og líka á eptir 12tu vísuna í sama kap., þar sem hún stendr í hinum handritunum. Þá bætir *L* inni 2 vísu í lok 97da og 98da kap. sem flest handritin. Á undan orðunum í 109da kap. hér „þann vetr hafði auðazt Olaf Svíakonungi“ bætir *L* inni söguna 3 kapitulum, eru þeir hér prentaðir eptir henni, og er það viðraukinn *G* (2 D. bls. 173-178), en *F*, *H*, *K* eru þar við samaubornar, að því leiti sem þær hafa viðraukann. Þá bætir *L* kapitula inni söguna á eptir 117da kap. hér, er það viðraukinn *H* (2 D. bls. 178-180), og er hann þar eptir prentaðr og samauborinn við *Fa*, *Fb*, *H*, og *K*. Þaræptir bætir *L* ein inni söguna:frásögu um Þórarinn Nefjúlffson, sem eptir *L* er prentuð meðal þáttanna (*F*, 2 D. bls. 314-320). *L* fellir úr 122rum kap. hér vísuna. Þá er þátrr Egils Hallssonar ok Tófa Valgautssonar (*G*, 2 D. bls. 321-329) prentaðr hér eptir *L*, sem á ýmsum stöðum bætir honum inni; fyrsta kap. hans bætir hún

inní sögunna á eptir 125da kap., en öðrum eptir 128da kap. hér; en þriði kap. þáttarins stendr í *L* í stað fyrra hluta 153ðja kap. hér. Aeptir 134da kap. hér bætir *L* ein inní sögunna viðraukanum *I* (2 D. bls. 180-181), og er hann prentaðr eptir *L*; þá bætir *L* og inní eptir 153ðja kap. hér viðraukanum *L* (2 D. bls. 182-186), og var hann því heldr prentaðr eptir *L* enn *P*, að *P* hefir hann skjálmeiri og eigi jafnsöguligan. Þaræptir bætir og *L* inní einum kap. um þormóð Kolbrúnarskáld, en hann var hér eigi tekinn af því hann á við Fóstbræðrasögu, og er ágríp 24da og 25ta og upphafs 26ta kap. hennar framyfir fyrstu vísuna eptir útgáfunni. Eins og hin handritin hefir *L* þáttinn af Rauðúlfi ok sonum hans í stað 160sta kap. hér, og er hann eptir heuni prentadr (*H*, 2 D. bls. 330-348) og við hin handritin samanborinn. Þá er og viðraukiinn *O* (2 D. bls. 191-195) prentaðr eptir *L*, en samanborinn við *P* og *H*, bætir *L* honum inní sögunna á eptir 177da kap. hér; þá bætir hún og við *P*-viðraukanum (2 D. bls. 195) eptir 178da kap. hér, er hann prentaðr eptir *L* og samanborinn við hin handritin sem hann höfðu. Enn bætir *L* við í 253ðja kap. hér eptir fyrri vísuna þar *Æ*-viðraukanum (2 D. bls. 208-211), sem þaræptir er prentaðr og samanborinn við *P* og *H* og að nokkru leiti við *K*. Þá sleppir *L* seinasta kap. sögunnar hér, en hefir í hans stað 6 aðra kapitula, er það fyrst viðraukiinn *AA* (2 D. bls. 213-216), sem þaræptir er prentaðr og samanborinn við *P* og að nokkru leiti við *D*, *K*; þarnæst hefir *L* viðraukan *CC* (2 D. bls. 221-222), sem er samanborinn við *D*, og endar þá sögunna með viðraukanum *EE* (2 D. bls. 224-225); eru báðir þessir viðraukar prentaðir eptir *L*.

11. Skinnbók Nr. 2 í arkarformi í konungsins bókasafni í Stokkhólmi (S); hún er vel og regluliga skrifuð og rétt orðuð, má og af rættitun og útliti hennar ráða, að hún er með eldri skinnbókum teljandi; að orðatiltæki skilr hana og A cigi töluverdt, en nokkrum kapítulum sleppir hún úr sögunni hér eins og flest handritin. S er allra handritanna líkust Snorra frásögu að orðatiltæki, og einkanliga í vísunum; hún er og mjög samhljóða G bókarbrotnu; hún hefir prólóguum við söguna, og er hann prentaðr eptir henni sem áðr er getið; hún sleppir 16da og 17da kap., og hefir að eins ágrip 18da og 19da kap., fellir þá og undan greinina um Olafana úr 20sta kap., og þá 21, 23, 24, 28, 29, 30, 35 og 41da kap., og greinina um spámanninn úr 44da kap., einneginu 49da kap. og ræðu Ilkæreks í lok 50ta kap. og fyrstu vísuna með tilheyrandi innngangi úr 52rum kap. og þá líka 60ta kap. og niðrlag 63ðja kap. frá [. Enn sleppir S viðrtali Astríðar og Olafs með vísunni úr 87da kap., en bætir við 2 vísu í lok 97da og 98da kap. sem flest hinna, fellir þá undan vísuna úr 122rum kap., en hefir Raðdúlfspátt fyrir 160sta kap., og bætir P-viðraukanum inni söguna ámilli 179da og 180sta kap., og hefir jafnlángt söguna sem hún er hér prentuð.

Þá er enn til í Nr. 75 B í arkarf. skinnbókarbrot af sögunni, eru það 4 blöð og ein blaðskiki úr bók er verið hefir í litlu 4blf.; það er vel skrifað og mjög gamalt útlits, hefir Arní Magnússon skrifað á blað, er hjáligr „úr O. S. H. egregio codice, fengið frá Hálfdráni Jónssyni á Reykjum í Ölvesi.“ Fyrsta blaðið byrjar í 9da kap. sögunnar á orðunum „konung, ok hafði hann jafnan sigr“ og er annað blaðið í samfellu við það, og endar í 20sta kap. á orð. „Olaf r k. var vel kristinn“ en úr er þar feltr 16, 17di og mikill

partr 18da og 19da kap., eins og í flestum handritunum, sem lýst hefir verið. Þriðja blaðið byrjar í 116da kap. á orðunum í orðamuninum „landlög þau“ og sleppr framí 118da kap. við orðin: „áðr um sumarit.“ Fjórða blaðið byrjar í 129da kap. við orðin „þá suðri þórir í brott,“ og sleppr í 131sta kap. við orðin „ef ek væri nökkurum vetrum ýngri;“ en blaðskikin inniheldr nokkuð af 134ta og 135da kap.

Eun eru brot af sögunni úr ýmsum skinnbókum sem verið hafa til í Nr. 75 E í arkarformi. Hið fyrsta þeirra byrjar í 56ta kap. í 2ari vísunni og nær framí 58da kap. að orðunum „játtu at hafa þau lög;“ byrjar seinna blað þess þá aptr í 67da kap. við orðin „þvíat þat mælti k.“ og nær framí 69da kap. að orð. „yfirlæti kunningjar mínir“; brot þetta er vel skrifað og með stóru lettri. Annað brotið úr bók með ólíkri hendi og þó vel skrifaðri byrjar í 72um kap. við orðin „þeim mönnum, er hígat vilja“ og sleppr fyrsta blað þess í sama kap. við orðin „sannast af at segja;“ en annað blaðið byrjar aptr í 77da kap. með orð. „þágat menn sína,“ og sleppr í 79da kap. með orð. „við þat allt kapp;“ en þriðja blaðið sem tekr til í 134da kap. við orðin „ok er sendimenn komu“ sleppr í 135ta kap. með orð. „þá stefuði hann þing við bændr.“ Þriðja brotið með líkri hendi og E byrjar í 136ta kap. við orðin „þat hefir ekki furr verit gert“, er það 2 blöð í samfellu, og endar síðara blaðið í 138da kap. við orðin „mikill ok friðr sýnum.“ Fjórða brotið, sem jafneldra virðist hinum er eitt blað ritað í tveim dálkum og er vel skrifað, ok ærið bundið, byrjar það í 194da kap. við orð. „friðr er betri eða verri“ og sleppr í 201sta kap. á orð. „nú mun ek trúa því.“ Svo virðist sem öll brot þessi séu rituð í fyrri hluta 14du aldar, sýnir það útlit þeirra og réttritun, er hún

sem í góðum og gömlum skinnbókum og þó eigi fábreytlig. Hvorki er orðamunur við útgáfu sögunnar hér tekiinn úr brotunum, er nú var næst lýst, eða hinum í Nr. 75 B, sem áður var frásagt, bæði af því að svo margar aðrar bækur voru hagnýttar, og líka af því að þar sem þau víkja frá *A*, berr þeim saman við eitthvört af handritunum *C*, *E*, *G* eða *S*. Enn eru í Nr. 75 *E* nokkur blöð af skinnbók, er verið hefir í 12blf. mjög illa skrifuð og eigi all gömull, sem innihalda 16da og 17da kap., og þó fjölorðari enn hér er, og líkasta, að því sem næst verður komið því sem þeir eru í *F*.

Enn eru í Nr. 325. 4, 8, 9, 11 í 4blfr. smá brot úr ýmisligum skinnbókum, er innihaldið hafa söguna, eiga þau betri þeirra nokkur við meðferð sögunnar í Snorra, en sum eru svo smá og lítilfjörllig, að eigi þykir þurfa að lýsa hvörju þeirra sérílagi.

Nú er þeim handritum lýst er fyrir hendi voru af sögunni, og má vera að sumum þyki sú lýsing að óþörfu laung orðin, en sú er tilgángerinn, er svo ýtarliga hefir sagt verið frá hverju handriti, að lesandi megi gjöra sér skíra hugmynd um hvert handrit sögunnar sérílagi, og við það réttiliga geta metið sér hvörja meðferð hennar; en þó að mörg handritin á einn veg víki frá *A* í einu, þótti aungva að síðr réttara að tilgreina það í lýsingu hvörs þeirra, svo hún yrði heil við hvört sérílagi. En útgáfu sögunnar hefir verið svo hagað, að hún er prentuð eptir því handriti óbrjáluðu, er þessvegna þótti bezt tilfallið, að það var sæmiliga orðað og rétt ritað og þvínær heilt, og hafði ýmislegt umfram flest hin handritin, og nokkuð umfram öll, en það hafði ekkert hinna alltsaman til að bera. Það sem hin handritin öll eða eitthvört þeirra höfðu umfram frásögunna í *A*, er prentað aptan


við söguna í þeirri röð, sem það kemr við hana; eru þær greinir, sem eigi má aðskilja frá sjálfri frásögunni um Olaf konung, prentaðar í viðraukunum, en þær frásagnir, er sum handritin bættu við, og bæði voru lengri og líka máttu eins vel standa fyrir sig, eru prentaðar í þáttum aptanvið söguna, eru og flestar þeirra svo nefndar í handritunum. Orðamunr handritanna er eigi tekinn nema þegar í einhvorju skildi frásögn og meiningu í þeim og aðalhandritinu, eða þau höfðu skjaldgæf orð þar, sem það hafði eigi, en þó sagt væri stundum með öðrum orðum frá í hinum handritunum, og þó eitthvað vantaði í þau lítilsverð, varð þess eigi getið.

Geisli, er Einar Skúlason kvað um Olaf Haraldsson Noregs konung (2 D. bls. 349-370) er prentaðr eptir Flateyjarbók (*F*); en úr Heimskringlu eru þær leiðréttingar, er þurfa þótti, (*Hk*) viðteknar, og þess getið, er þar hefir öðruvísi lesið verið.

Starfinu við útgáfu sögunnar hefir svo verið lagað, að Cand. Theol. og Yfirkennari Þorgeir Guðmundsson hefir afskrifað alla söguna líka viðraukana og þættina, að því undanteknu, að Prófessor Dr. Rafn, Riddari af Danabróge og Leiðarstjórnummi, hefir skrifað Eymundarpáttinn; en sá fyrrnefndi og Þorsteinn Helgason hafa samanborið öll handritin; hefir þá og Prófessor Rafn leiðréttt hvörja aðra próförk af sögunni, en Cand. Guðmundsson, hvörja fyrstu og þriðju próförk, hefir hann og látið til registrinu við söguna.

KAUFMANNHÖFN dag 28 Janúari 1830.







# Saga Ólafs konúnga ens helga Haraldssonar.

## *P r o l o g u s.*

Ari prestur Þorgilsson enn fróði ritaði fyrstr manna [hér á landi at norrænu máli fræði, bæði forna ok nýja; ritaði hann fyrst í upphafi sinnar bókar frá Íslands bygð ok lagasetning, síðan frá lögsögumönnum, hversu lengi hverr hafði lögsögu, ok hafði hann áratál fyrst, til þess er kristni kom á Ísland, en síðan allt til sinna daga; hann jók þar ok við mörg önnur dæmi, bæði konunga æfi í Noregi ok í Danmörk ok á Englandi, ok stórtíðendi þau, er gjörzt höfðu hér á landi, ok þikkir oss hans sögn öll merkiligust; var hann maðr forvitri, ok svá gamall, at hann var fæddr næsta vetr eptir fall Haralds Sigurðarsonar. Hann ritaði, svá sem hann sjálf segir í æfi Noregs konunga, eptir sögu Odds Kolssonar, Halls-sonar<sup>1</sup> af Síðu; en Oddr nam af Þorgeiri afrazkoll<sup>2</sup>, þeim manni, er vitr var, ok svá gamall, at hann bjó þá í Niðarnesi<sup>3</sup>, er Hákon jarl enn ríki var drepinn; í þeim sama stað lét Ólafr Tryggva-

<sup>1</sup>) v. í II. <sup>2</sup>) v. í D. <sup>3</sup>) afrazkoll, II. <sup>4</sup>) Vikarnesi, D; Niðarúsi, II.



son efna til kaupánga setu, en Ólafr enn helgi reisti kaupstaðinn. Ari kom sjö<sup>1</sup> vetra gamall í Haukadal til Halls Þórarinssonar, ok var þar 14 vetr. Hallr var maðr stórvitr ok minnigr; hann mundi þat, er þángbrandr prestur skírði hann þrèvetra, þat var vetri fyrr enn kristni var í lög tekin á Íslandi. Ari var 12 vetra gamall, þá er Ísleifr biskup andaðist. Hallr fór milli landa, ok hafði fèlag Ólafs ens helga konúnga, ok fèkk af því uppreist mikla, var honum því kunnigt um konúngsríki hans. Þá er Ísleifr biskup andaðist, var liðit frá Ólafi Tryggvasyni 80 vetra; en Hallr andaðist níu<sup>2</sup> vetrum síðarr enn Ísleifr biskup, þá hafði hann at vetratali 4 vetr ens tíunda tegar; hann hafði gjört bú í Haukadal þrítugr, ok bjó þar 60 vetra [ok 4 vetr<sup>3</sup>; svà ritaði Ari. Teitr, son Ísleifs biskups, var með Halli í Haukadal at fóstri, ok bjó þar síðan. Hann lærði Ara prest, ok marga fræði sagði hann honum þá, er Ari ritaði síðan. Ari nam ok marga fræði at þuríði Snorra dóttur goða; hún var spök at viti, hún mundi Snorra, föður sinn; Snorri var þá nær<sup>4</sup> hálf fertugr, er kristni kom á Ísland, en andaðist einum vetri eptir fall Ólafs konúnga<sup>5</sup>; því var eigi undarligt, at hann væri sannfróðr at fornum tíðendum, bæði hær ok utanlands, at hann hafði numit at gömlum mönnum ok vitrum, en var sjálfr minnigr ok nám-

<sup>1</sup>) 8, D. <sup>2</sup>) 10, II. <sup>3</sup>) ok 3 vetr D; v. í II. <sup>4</sup>) það, sem eptir er af Prologus, er rifit af G. <sup>5</sup>) hins helga, b. v. II.

gjarn. Rita hefir ek látit frá upphafi æfi konunga þeirra, er ríki hafa haft á Norðrlöndum, ok á Danska túngu hafa mælt, svâ ok nokkrar kynslóðir þeirra, eptir því sem vër höfum numit af fróðum mönnum, ok enn er sagt í fornkvæðum, eðr í lángeðga tölu finnst, þar er konungar hafa rakit ættir sínar. Þjóðólfr enn fróði, skáld, er sumir kalla enn Hvinverska, orti kvæði um Rögnvald konung, son Ólafs konungs af Vestfold; Ólafr var bróðir Hálfðánar svarta, föður Haralds ens hárfagra; í því kvæði eru upptaldir 30 lángeðgar Rögnvalds, sögð nöfn þeirra, ok svâ frá dauða hvers þeirra, ok er talit allt til Íngunar-Freys<sup>1</sup> er heiðnir menn kölluðu guð sinn. Annat kvæði orti Eyvindr skáldaspillir um Hákon jarl enn ríka, Sigurðarson, ok taldi hann lángeðga til Sæmíngs, er sagt er at væri Íngunar-Freysson, Njarðar<sup>2</sup>; sagt er þar ok frá dauða hvers þeirra ok legstað. En fyrsta öld var sú, er alla dauða menn skyldi brenna; en síðan hófst haugsöld, voru þá allir ríkismenn í hauga lagðir, en öll alþýða grafin í jörð, þá er menn voru dauðir, ok settir eptir bautasteinar til minnis. En síðan er Haraldr enn hárfagri var konungr í Noregi, þá vitu menn miklu gjörr sannendi at segja frá æfi konunga, þeirra í Noregi hafa verit. Á hans dögum bygðist Ísland, ok var þá mikil ferð af Noregi til Íslands, spurðu

<sup>1</sup>) Yngvi-Freys, II.    <sup>2</sup>) son Óðins, II.

menn þá á hverju sumri landa þessa ímilli, ok var þat síðan í minni fært, ok haft eptir til frásagna. En þó þikki mér þat merkiligast til sannenda, er berum orðum er sagt í kvæðum, eðr öðrum kveðskap þeim, er svá var ort um konunga eðr aðra höfðingja, at þeir sjálfir heyrðu, eðr í erfikvæðim þeim, er skáldin færðu sonum þeirra. Þau orð, er í kveðskap standa, eru en sömu, sem í fyrstu voru, ef rétt er kveðit, þótt hverr maðr hafi síðan numit at öðrum, ok má því ekki breyta; en sögur þær, er sagðar eru, þá er þat hætt, at eigi skillst öllum á einn veg; en sumir hafa eigi minni, þá er frá liðr, hvernig þeim var sagt, ok gengust þeim mjök í minni optliga, ok verða frásagnir ómerkiligar. Þat var meirr enn 2 hundruð vetra tólfræð<sup>1)</sup>, er Ísland var bygt, áðr menn tæki hær sögur at rita, ok var þat laung æfi, ok vant, at sögur hefði eigi gengizt í munni<sup>2)</sup>, ef eigi væri kvæði, bæði ný ok forn, þau er menn tæki þaraf sannendi fræðinnar. Svá hafa gjört fyrr fræðimenninnir, þá er þeir vildu sannenda leita, at taka fyrri satt þeirra manna orð, er sjálfir sá tíðendi, ok þá voru nærstaddir. En þar er skáldin voru í orrostum, þá eru tæk vitni þeirra, svá þat ok, er hann kvað fyrri sjálfum höfðingjanum, þá mundi hann eigi þora at segja þau verk hans, er sjálfr höfðinginn, ok allir þeir, er heyrðu, vissu, at hann hefði hvergi nærri verit; þat væri þá háð, en eigi lof. Nú ritu vèr þau

<sup>1)</sup> tólfræð, II. <sup>2)</sup> minni, II.

tíðendi með nákkvarri minningu, er gjörðust um æfi Ólafs ens helga konúnga, bæði um ferðir hans ok landstjórn, ok enn nákkvat frá tilgaungum þess úfriðar, er landshöfðingjar í Noregi gjörðu orrostu ímóti honum, þá er hann féll á Stiklastöðum. Veit ek, at svá mân þikkja, ef utanlands kemr sjá frásögn, sem ek hafa mjök sagt frá Íslenzkum mönnum; en þat berr til þess, at Íslenzkir menn þeir, er þessi tíðendi sá eðr heyrðu, báru hingat til lands þessar frásagnir, ok hafa menn síðan at þeim numit. En þó rita ek flest eptir því, sem ek finn í kvæðum skálda þeirra, er vâru með Ólafi konúngi<sup>1</sup>.

---

<sup>1</sup>) *I stað þess frá*: Rita hefir ek látit, o. s. frv., hafa D, K þetta: En bók þessa hefir ek látit rita eptir því, sem segir í kvæðum þeirra Sighvats ok Ottars svarta, er jafnan voru með Ólafi konúngi, ok sá ok heyrðu þessi tíðendi, en sumt eptir sögu Ara prests ok annarra fræðimauna, ok þikki mér kvæðin minnst or stað færð, ef þau eru rétt kveðin ok skynsamliga upptekinn.

---

---

Hér hefr upp sögu Ólafs konungs ens  
helga Haraldssonar.

---

**H**ARALDR hinn hárfagri var lengi konúgr yfir Noregi öllum, en áðr voru þar margir smákonungar, sumir höfðu eitt fylki til forráða; en alla þá setti Haraldr konúgr af ríki; sumir fëllu, sumir flýðu land fyrir honum, en sumir létu af konúgdómi, ok náði engi maðr at bera konúngsnafn, nema hann einn; jarl setti hann yfir hverju fylki til landsstjórnar ok lög at dæma. Konúgr átti margar konur ok mörg börn; hann átti 20 sonu eða fleiri, ok voru allir gjörviligir menn; göfug móðerni áttu þeir, ok fæddust þar margir upp með móðurfrændum sínum. Þessir voru elztir: Guthormr ok Hálfðán<sup>1</sup>, Eiríkr blóðöx; hans móðir var Ragnhildr, dóttir Eiríks konúgs af Danmörk; hann var uppfæddr með þóri hersi<sup>2</sup> í Fjörðum. Þessir synir Haralds voru sammæddir: Guthormr, Hárekr<sup>3</sup>, Guðröðr<sup>4</sup>; þeirra móð-

---

<sup>1</sup>) Hálfðánar 2, *G*, *II*.    <sup>2</sup>) Hróaldssyni, *B*, *D*, *G*, *II*.    <sup>3</sup>) ok Hrærekr, *G*, *II*.    <sup>4</sup>) er sumir menn nefna Guðrúð (*Gag-rauð*, *L*.) *b*, *v*. *G*, *L*.



ir var Gyða, dóttir Eiríks konúgs af Hörðalandi<sup>1</sup>; þeir voru ok þar uppfæddir í barnæsku. Hálf-dán hvíti ok Hálf-dán svartí voru tvíburar, synir Æsu<sup>2</sup>, dóttur Hákonar Hlaða-jarls, Grjótgarðs-sonar; Sigurðr<sup>3</sup> hèt hinn Þriðl; þeir fæddust upp í Þrándheimi; Hálf-dán svartí var fur þeim bræðrum. Ólafr hèt einn, Björn ok Sigtrygg, er sumir menn kalla Tryggva, Fróði ok Þorgisl; móðir þeirra hèt Hildr eða Svanhildr, dóttir Eysteins jarls af Heiðmörk; Haraldr konúgr setti Eystein jarl yfir Heiðmörk ok Vestfold, ok seldi honum til fósturs þessa sonu sína. Sigurðr hrísi ok Hálf-dán háleggr, Guðröðr ljómi, Rögnvaldr rættilbeini, þeir voru synir Snjófríðar Finnsku. Dagr ok Ríng, Rögnvaldr<sup>4</sup> rykkill, þeirra móðir var<sup>5</sup> Álfhildr, dóttir Ríngs Dags-sonar af Ríngaríki; þeir fæddust upp á Upp-löndum. Íngigerðr ok Álof árbót voru dætr Haralds konúgs; Íngibjörg hèt ok dóttir hans, er átti Hálf-dán<sup>6</sup>; þeirra börn voru þau Gunnhildr, er átti Finn skjálgi; [en þeirra börn voru þau Eyvindr skáldaspillir, Njáll, Sigurðr; Þóra hèt dóttir Njáls, ok var hans móðir Ástríðr, dóttir Steinkels Svía konúgs<sup>7</sup>. Ólöfu, dóttur Haralds konúgs, átti Þórir þegjandi; þeirra dóttir var Bergljót, móðir Hákonar jarls hins ríka. Haraldr

<sup>1</sup>) Hlaðalandi, L.    <sup>2</sup>) Astu, L.    <sup>3</sup>) Sigröðr, B, G, H, L.

<sup>4</sup>) Ragnarr, hin.    <sup>5</sup>) Ólof eðr, b. v L.    <sup>6</sup>) jarl, b. v. hin.    <sup>7</sup>) ok Eyvindr skáldaspillir, Njáll, Sigríðr ok Þórn; dóttir Njáls var Ástríðr, móðir Steinkels Svía konúgs, G, H.

konúngr gípti dætr sínar innanlands jörlum sínum. Haraldr konúngr var allra manna mestrok styrkastr, hverjum manni fríðari sýnum, ok betr at sèr gjörr um alla luti; þat var svà mjök ættgengt, at þat hefir enn haldizt í hans ætt allt í þeirra manna minni, er enn lifa. Haraldr konúngr átti margar orrostur innanlands, ok eignaðist svà vandliga allan Noreg, at hann átti óðöl öll, bæði byggðir ok sætr, eyjar ok markir allar, ok alla auðn landsins; voru þá allir hans leigumenn ok landbúar. Hann tók konungdóm 10 vetra gamall, en hann ræð landi sjötígi<sup>1</sup> vetra; en þá er hann var sextigr, voru synir hans alrosknir at aldri, en sumir dauðir; þeir gerðust miklir ofstopamenn innanlands, ok voru sjálfir mjök úsáttir; þeir ráku af ríki jarla konúngs, en suma drápu þeir. Haraldr konúngr stefndi þá þíng fjölmennt austr í landi, ok bauð til Upplendingum; þá skipaði hann lögum, ok þá gaf hann sonum sínum öllum konungsnafn, ok setti þat í lögum sínum, at hans ættmenn skyldi hverr ríki taka eptir sinn föður ok konungsnafn, en jarlsnafn sá, er kvennaborinn væri af hans ætt; hann skipti svà landi með þeim, at hann lét hafa Vínulmörk, Raumaríki, Vestfold<sup>2</sup>, þat gaf hann Ólafi, Birni, Fróða, Sigurði, Þorgílsi; en Heiðmörk ok Guðbrandsdali gaf hann þeim Dag ok Rögnvaldi<sup>3</sup> ok Ragnari;

<sup>1</sup>) 73, B, L; 74, D, G, H.    <sup>2</sup>) ok þelmörk, b, v. B, D G, L.    <sup>3</sup>) Hríng, hin.

Snjófríðarsonum gaf hann Ríngaríki, Þotn, Haðaland, ok þat er þar lá til; hann setti Guthorm, son sinn, lands at gæta ok til landvarnar austr við landsenda, ok gaf honum yfirsókn frá Elfi til Svínasunds, ok Ránríki<sup>1</sup>. Eiríkr var með Haraldi konúngi, feðr sínum; honum unni hann mest sona sinna, ok virði hann mest. [Halland ok alla Nórðmæri ok Raumsdali, þar gaf hann yfirsókn Hálfðáni svarta, ok Hálfðáni hvíta yfir Norðheim<sup>2</sup>. Sonum sínum gaf hann í hverju þessu fylki hálfar tekjur allar til móts við sik, ok þat með, at þeir skyldu sitja í hásæti skör hærra enn jarlar, en skör lægra enn hann sjálfr; en þat sæti, er hann hafði, ætlaði hverr sèr, sona hans, eptir hans dag; en hann sjálfr ætlaði þat Eiríki, en Þrændr ætlaðu Hálfðáni svarta, en Víkverjar<sup>3</sup> unnu þeim bezt ríkis, er þeim voru undir hendi. Af þessu varð mikit sundrþykki með þeim bræðrum, þvíat þeir þóttust lítt hafa til forráða; þeir voru þá í hernaði, svà sem sögur eru til, áðr<sup>4</sup> Hálfðán hvíti fèll á Englandi<sup>5</sup>; Hálfðán háleggr fèll í Orkneyjum; Fróði ok Þorgils létust í Dýflinni á Írlandi; Guthormr fèll í Elfarkvíslum fur Sölva-klofa;

<sup>1</sup>) Haraldr konúngur var lengstum um mitt land; þeir Hrærekr ok Guðrøðr voru jafnan innan hriðar með konúngi, ok höfðu veizlur stórar á Hörðalandi ok í Sogni, *b. v. D, G, H, L.* <sup>2</sup>) honum gaf hann Hálogaland, Norðm. ok Raumsd.; norðr í Þrændheimi (Heimi *B.*) gaf hann yfirsókn Hálfð. sv. ok Hálfð. hvíta ok Sigurði, *hin.* <sup>3</sup>) ok Upplendingar, *b. v. hin.* <sup>4</sup>) at, *hin.* <sup>5</sup>) Eistlandi, *B, D, L.*

eftir þat tók Ólafr þat ríki, er hann hafði. Eiríkr blóðöx ætlaði sèr at vera yfirmaðr bræðra sinna, hann var laungum í hernaði; hann átti Gunnhildi konúngamóður. Rögnvaldr rèttilbeini átti Haðaland; hann nam fjölkýngi, ok gjörðist seiðmaðr. Haraldi konúngi þóttu illir seiðmenn. Á Hørðalandi<sup>1</sup> var sá seiðmaðr, er Vitgeirr hèt; konúngr sendi honum orð, ok bað hann hætta seiðum; hann svarar, ok kvað:

Þat er vá lítil,  
þótt vèr seiðim,  
karla börn  
ok kerlínga,  
er Rögnvaldr síðr  
rèttilbeini,  
hróðrmögr Haralds,  
á Haðalandi.

En er Haraldr spurði þat, þá fór með hans ráðum Eiríkr, son hans, blóðöx, til Upplanda, ok kom á Haðaland; hann brendi inni bróður sinn með 8 tigum seiðmanna, ok var þat verk mjök lofat. Guðröðr ljómi druknaði fur Jaðri í Noregi.

2. Björn røð fur Víkinni ok Vestfold; þá var þar kaupstaðr mikill í Túnsbergi, ok sat hann þar laungum; hann var ekki laungum í hernaði; bræðr hans kölluðu hann kaupmann; hann var vitr maðr ok stíltr vel, ok þótti vænn til höfðingja; hann fèkk sèr gott kvánfáng; hann gat son þann, er Guðröðr hèt. Eiríkr blóðöx

<sup>1</sup>) Haðalandi, D, II.

kom eitt sumar or hernaði með skipaliði miklu til Bjarnar, ok beiddi at taka við sköttum þeim, er Haraldr konúngr átti, ok skyldum á Vestfold; en hinn var áðr vani, at Björn færði sjálfr feðr sínum skattana, eða sendi menn með, vildi hann enn svá gera, ok því vildi hann eigi af höndum láta, svá at Eiríkr tæki við. Eiríkr þóttist þurfa vista ok tjalda ok drykkjar. Þeir bræðr þreyttu milli sín með kappmælum, ok fékk Eiríkr eigi at heldr; fór hann síðan brott or bænum, ok kom aptr um nóttina, veitti hann þá Birni atgaungu, ok feldi hann ok marga menn með honum; tók Eiríkr þar herfáng mikit, ok fór síðan norðr í land. Þetta verk líkaði Víkverjum stórilla, ok var Eiríkr þar mjök úþokkaðr; fóru þau orð, at Ólafr mundi hefna Bjarnar, bróður síns, ef honum gæfist færi á.

3. Eptir um vetrinn fór Eiríkr norðr í Þrándheim, ok tók veizlur í Sölva<sup>1</sup>; en þat spurði Hálfván svartí, ok fór þegar með her sinn, ok tók hús á þeim Eiríki; hann svaf úti í skemmu einni, ok komst hann til skógar íbrott með 5ta mann, en þeir Hálfván brendu bæinn, ok allt þat, er inni var; kom Eiríkr með þessum tíðendum á fund Haralds konúngs feðr síns. Haraldr konúngr varð þessum tíðendum allreiðr, ok samnaði þegar liði, ok fór norðr á hendr þeim þrændum. En er þat spurði Hálfván svartí, þá býðr hann út skipum ok liði

<sup>1</sup>) Sölu, G, II; Sölvaklofa, L.

ok varð fjölmennr, ok lagði út til Staðs fur inn-  
an Þórsbjörg; Haraldr konúgr lá þá liði sínu  
út við Reinfuru<sup>1</sup>; fóru þá menn ímilli þeirra.  
Guthormr sindri hēt göfugr maðr ok ættstórr;  
hann var þá í liði með Hálfðáni svarta, en áðr  
hafði hann verit með Haraldí konúgi, ok var  
ástvinr þeirra beggja. Guthormr var skáld  
mikit; hann hafði ort sitt kvæði um hvárn  
þeirra feðga; þeir höfðu boðit honum laun fur,  
en hann neitti því, ok beiddi, at þeir skyldu veita  
honum bæn hvárr þeirra, þá er hann vildi þá  
biðja; ok því höfðu þeir heitit honum. Hann  
ferr nú, ok berr sættarboð ímillum þeirra: bað  
þá hvárntveggja þeirrar bænar, at þeir skyldu  
sættast; en konúngarnir gerðu svá mikinn met-  
nað hans, at af hans bæn sættust þeir; margir  
göfgir menn ok góðgjarnir fluttu þetta mál með  
honum, ok varð þat at sætt, at Hálfðán skyldi  
halda ríki sínu öllu, skyldi hann ok láta úhætt  
við Eirík, bróður sinn, ok hvárr þeirra við annann.  
Eptir þessi sögn orti Jórun skáldmæR nokkur  
erendi í Sendibít:

Haralds<sup>2</sup> frá ek Hálfðán spyrja<sup>3</sup>  
herðiþrögð, en lögdiss<sup>4</sup>  
sýnist svartleitr reyni  
sjá bragr [ens hárfagra<sup>5</sup>.

<sup>1</sup>) Reinslétta, B, G, II; Steinslétta, L. <sup>2</sup>) Harald, hin.  
<sup>3</sup>) verja, B. <sup>4</sup>) lögdust, G. <sup>5</sup>) enn hárfagri, B; kap. v. í D;  
hér byrjar E bókar brotið með þessum vísum:

þvíat ríkr konúgr rekka	morðs, þá er merkja þorðu
reyr undlagar dreyra	magnendr, hófst at fugna.

4. Haraldr hinn hárfagri gat son í elli sinni, sá hét Hákon; móðir hans hét Þóra Mostrstaung<sup>1</sup>, hún var<sup>2</sup> or Mostr<sup>3</sup> á Sunnhörðalandi; hún var kvenna mest ok hin fríðasta, ok vel ættuð; hún var í frændsemsis tölu við Hörðakára, en þó var hún kölluð konúnga ambátt; voru þá margir þeir konungar lýðskyldir, er þó voru vel ættbornir, bæði karlar ok konur. Hæðiligt þótti Haralds sonum um Hákon, ok kallaðu hann Mostrstágarson. Haraldr konúgr sendi Hákon, son sinn, til fósturs Aðalsteini, Engla konúgi, ok fæddist hann þar upp; hann var líkastr feðr sínum allra sona hans, ok framast um allar fþróttir.

5. Eptir fall Bjarnar kaupmanns tók Ólafr, bróðir hans, ríki yfir Vestfold, ok tók til fósturs Guðröð, son Bjarnar. Tryggvi hét son Ólafs, voru þeir Guðröðr fóstbræðr, ok báðir hinir efniligustu menn, ok atgerfimennt miklir; Tryggvi var hverjum manni meiri ok styrkari. Þá er Haraldr konúgr hafði 80 vetra aldrs, þá þóttist hann eigi hafa resseika til, fur aldrs sakir, at

Hvar vita einka örvir,  
orveðrs frama gervan  
tíngl rýföndum tíngla,  
tveir jöftrar, veg meira,  
enn geðharðir gerðu  
gulls land-rekar þollum,  
upp ángr um hófst ýngva  
óblindr fyrir lof Sindra?

Hróðr vann hringastríðis  
harin framkveðinn ramman,  
Goðormr laut af gauti  
góð laun kveðins óðar;  
raun franta brá rínnu  
runar skjöldunga gunnar,  
áðr bjóst heit til hjörva  
hveggis döglinga tveggja.

<sup>1</sup>) Morstrstaung, D, E; Morstaung, G. <sup>2</sup>) ættskoð, b. v. E.

<sup>3</sup>) Morstr, D, E,

fara yfir landit eða stjórna konungsmálum; hann leiddi þá Eirík, son sinn, í hásæti, ok gaf honum konungsnafn ok' vald yfir öllu landi. En er þat spurði Hálfðán svarti, þá settist hann í hásæti, ok tók til forráða um allan Þrándheim, ok voru at því ráði allir Þrændir með honum. En er þetta spyrja Víkverjar, þá tóku þeir Ólaf til konungs yfir alla Víkina, ok hèlt hann því ríki; þetta líkaði Eiríki stórilla. Tveim vetrum síðarr varð Hálfðán svarti bráðdauðr inní Þrándheimi at veizlu nokkurri, ok var þat mál manna, at Gunnhildr konungamóðir hefði keypt at konu nokkurri, at gefa honum banadrykk. Eptir þat tóku Þrændir Sigurð til konungs; en einum vetri síðarr andaðist Haraldr hárfagri, ok var hann heygðr við Haugasund.

6. Um vetrinn eptir tók Eiríkr landskyldir um miðt landit; en um vârit býðr hann út liði miklu, ok snýr austr til Víkr, þvíat þángat var byrr, en bæði Víkverkjar ok Þrændir lágu víða í samnaði. Sigurðr konúngr fór austr landveg á fund Ólafs konungs, bróður síns, ok voru þeir í Túnsbergi báðir samt. Eiríkr fèkk svà mikit raðbyri, at hann sigldi dag ok nótt, ok fór engi njósn fur honum, áðr hann kom í Túnsberg. Þá fóru þeir Sigurðr ok Ólafr austr or bænum á brekku eina, ok fylktu þar. Eiríkr hafði lið miklu meira, ok fèkk hann sigr, en þeir Sigurðr ok Ólafr fèllu, ok eru þeir heygðir þar, sem þeir fèllu.

\*) hér byrjar C.



Tryggvi ok Guðröðr flýðu til Upplanda. Eiríkr lagði undir sik landit, ok alla Víkina, ok dvaldist þar lengi um sumarit.

7. Þat sumar kom vestan af Englandi Hákon Aðalsteinsfóstri; fór hann furst norðr til Þrándheims á fund Sigurðar Hlaða-jarls, er allra spekinga var mestr í Noregi, ok fékk hann þar góðar viðtökur, ok bundu þeir samlag sitt, ok hét Hákon honum miklu ríki, ef hann vyrði konúngr yfir Noregi. Þá stefndu þeir þíng fjölmennt; ok á þínginu talaði Sigurðr jarl af hendi Hákonar, ok bauð bóndum hann til konúngs. Ok eptir þat stóð upp Hákon sjálf, ok mæltu þat sumir menn, at þar væri kominn Haraldr hinn hárfagri, ok vörðinn úngr í annat sinn. Hákon hafði þat upphaf síns máls, at hann beiddi bændr at gefa sèr konúngsnafn, ok þat með, at gefa sèr fylgd ok styrk at halda konúngdóminum; en þarímót bauð hann þeim, at gera þá óðalborna, ok gefa þeim upp óðöl sín, þau er þeir bjuggu á. At þessu erendi varð mikill rómr, svá at bóndamúgrinn æpti upp, ok sögðust vildu taka hann til konúngs; ok svá var, at Þrændir tóku hann til konúngs yfir allt land; ferr Hákon þá yfir landit, ok fékk sèr hirð. Þau tíðendi spurjast nú á Upplönd, at Þrændir hefði sèr konúng tekit, slíkan at öllu sem Haraldr hinn hárfagra, nema þat skildi, at Haraldr hefði alla menn áþjáð þar í landi, en þessi Hákon vildi hverjum manni gott, ok bauð aptr at gefa bónd-

um óðöl sín, þau er Haraldr hafði af þeim tekit. Við þessi tíðendi urðu allir glaðir, ok sagði hverr öðrum, flaug þat sem sinueldr allt austr til landsenda. Margir fóru af Upplöndum at finna Hákon, sumir gerðu menn til hans, eðr orðsendingar, at hans vildu gerast.

8. Hákon konúngr fór á Upplönd öndverðan vetr, ok stefndi þar þíng, ok dreif allt fólk á hans fund, þat er komast mátti; var hann þá til konúngs tekinn á öllum þíngum; fór hann þá austr til Víkr; þar koma til hans Tryggvi ok Guðröðr, bræðrasynir hans, ok margir aðrir, þeir er upptöldu harma sína, er lotit þóttust hafa af Eiríki konúngi, bróður hans. Eiríkr konúngr úvinsældist æ því meirr, sem menn gerðu sèr kærri við Hákon, ok heldr höfðu sèr traust at mæla, sem þótti. Hákon konúngr gaf konúngsnafn Tryggva ok Guðröði, frændum sínum, ok ríki þat, sem Haraldr hárfagri gaf feðrum þeirra; Tryggva gaf hann Ránríki ok Vínghulmörk, en Guðröði Vestfold; en fyri því at þeir voru úngir, þá setti hann vitra menn til lands at gæta með þeim; hann gaf þeim land með þeim skildaga, sem Haraldr hárfagri gaf sonum sínum, at þeir skyldu hafa helmíng af öllum sköttum ok skyldum. Hákon konúngr fór um vârit norðr til þrándheims, ok bauð út her miklum af þrándheimi; Víkverjar komu austan með allmikinn her. Eiríkr dró her saman um miðt landit, ok varð illt til liðs, þvíat rík-

ismenn margir skutust undan honum; ok fara til Hákonar; en er hann sá þar eigi efni sitt til mótstöðu við Hákon, þá sigldi hann vestr um haf, ok þat lið með honum, sem honum vildi fylgja; fór hann furst til Orkneyja, ok hafði mikit lið; þá sigldi hann vestr til Englands, ok fór þar með herskildi. Aðalráðr<sup>1</sup> Engla konúgr sendi orð Eiríki konúngi, ok bauð honum at taka af sèr ríki í Englandi, ok vildi hann vinna þat til sættar með þeim bræðrum, Hákoní ok Eiríki; var hann síðan konúgr yfir Norðimbralandi, meðan hann lifði, þvíat Adalsteinn konúgr gaf honum þat ríki; þat er kallaðr hinn 5ti lutr Englands. Eiríkr fèll í austrvíking<sup>2</sup>. Þau Eiríkr ok Gunnhildr áttu mörg börn; synir þeirra voru þeir Gamli ok Sigurðr slefa, Haraldr gráfeldr, Erlíngr ok Guthormr<sup>3</sup>; Ragnhildr hèt dóttir þeirra, er átti Þorfinnr<sup>4</sup>.

9. Hákon konúgr ræð fyrí Noregi sjö vetr ok 20; hans öld var svá góð, at alla æfi hafa landsmenn þat í minnum haft; þá var allskyns ár í Noregi, bæði á sjá ok á landi; þá var ok friðr svá góðr, at engi grandaði annars fè, ok engi gerði öðrum friðbrot. Hákon konúgr var manna glaðastr ok snjallastr ok lítillátastr; hann var maðr stórvitr, ok lagði mikinn hug á laga-

1) Aðalsteinn, *hin*. 2) vestrvíking, *hin*. 3) Fróði, *b. v. B*; Ragnfróðr, Guðröðr, *b. v. hin*. 4) Arnfinnr jarl, son Þorfinns jarls, *hin*. 5) 6, D, F; 3, L.

setning; hann setti furst Gulaþíngslög<sup>a</sup> ok Heiðsæfislög at upphafi, en áðr hafði sérhverr konúngr lög, ok var nær sem sín lög gengi í hverju fylki. Hákon konúngr gaf Sigurði jarli, mági sínum, vald yfir öllum þrændheimi, svá sem hann hafði furr haft, ok faðir hans fyrir hann um daga Haralds hárfagra. Hákon konúngr var staddr einn tíma at veizlu á Hlöðum með Sigurði, mági sínum; þá fæddi Bergljót son, kona jarls, systurdóttir Hákonar konúngs, jólanótt hina furstu; konúngr jós vatni sveininn, ok gaf nafn sitt; sá sveinn fæddist þar upp, ok varð göfugr maðr ok ríkr, hann var síðan kallaðr Hlaðajarl, er einnhverr spekingr hefir verit mestr at viti hígat í Norðrlönd. Um daga Hákonar konúngs komu í Noreg synir Eiríks blóðöxar, ok börðust til Noregs veldis, ok áttu orrostur við Hákon konúng, ok hafði hann jafnan sigr, þar féll Gamli Eiríksson. Hlina síðarstu orrostu áttu þeir á Hörðalandi í Storðá Fitjum, ok hafði Hákon sigr, ok varð sárr, ok andaðist á Hákonarhellu, ok þar hafði hann í heiminn komit, ok er hann heygðr á Sæheimi.

10. Eiríks synir lögðu þá land allt undir sik, ok hétu þeir öllum mönnum lögum þeim, er sett hafði Hákon konúngr þar í landi; þeir gáfu ok höfðingjum þvílíkar nafnbætr, sem áðr höfðu þeir haft af Hákoní konúngi, ok slíkt annat, sem áðr höfðu þeir haft; en er þeir settust í

<sup>a</sup>) ok Frostaþíngslög, b. v. hin.

ríki ok festust í landinu, þá þótti þeim ofmikit ríki hafa Sigurðr jarl í Þrándheimi. Bróðir Sigurðar jarls hét Grjótgarðr, hann var yngri þeirra bræðra ok virðr minna; hann eggjaðu Eiríkssynir til at drepa bróður sinn Sigurð, ok fengu honum styrk til þess, ok er þat sögn flestra manna, at nokkur þeirra bræðra hafi verit í þessi ferð. Þeir fóru síðan inn í Þrándheim ok [inn á Uglu<sup>1</sup>, ok komu þar um nótt, ok tóku hús á Sigurði jarli, ok brendu hann inni með marga menn, ok fóru á brott síðan; þat var 2 vetrum síðarr enn Hákon konúngr fell, at sögn Ara prests ens fróða Þorgilssonar. Þá var Hákon Sigurðarson hálfþrítögr<sup>2</sup> at aldri, hann var frændmargr ok ættstórr, en Sigurðr, faðir hans, var ástuðligr öllu fólki; varð Hákonni gott til liðs, svá at allir þrændir snèrust til hans, ok vorðu land fyrir Eiríkssonum, svá at engi þeirra þorði at koma inn um Þrándheims mynni; þá fóru menn ímilli þeirra, beggja vinir, ok leitaðu um sættir; kom svá með fortölum góðra manna, at þat varð at sætt, at Hákon skyldi hafa allt þat ríki í Þrándheimi, er átt hafði Sigurðr jarl, faðir hans, ok vera jarl, en Grjótgarðr, ok þeir menn, er<sup>3</sup> jarl nefndi til, skyldu fara utan sætta, ok brott af Noregi. Með Hákonni ok Gunnhildi voru stundum hinir mestu kærleikar, en stundum beittust þau brögð-

<sup>1</sup>) inn Aglu, C, E. <sup>2</sup>) nær tvítugr, C, D, E, G, H. <sup>3</sup>) hér sleppr E um sinn,

um. Hákon jarl fór nokkur sumur í Austrveg at herja; þá drap hann Grjótgarð, frænda sinn, ok 2 jarla sonu, ok marga menn með þeim, þá er verit höfðu at vígi Sigurðar jarls, föður hans. Hákon jarl fór á fund Haralds Gormssonar Danakonúngs, ok gerðust þeir fèlagar. Hákon jarl fór aptr til ríkis síns í Noregi, ok varð hann ríkr maðr ok spekfngur mikill.

11. Tryggvi konúngur Ólafsson var ríkr maðr ok göfugr, hann þótti Víkverjum bezt til konúngs fallinn at ráða landi öllu; hann átti Ástríði, dóttur Eiríks bjóðaskalla. Guðröðr, son Bjarnar, var ok göfugr maðr, hann var á vist með Tryggva, frænda sínum; Guðröðr fèkk sèr gott kvânfáng oksæmiligt; hans son var Haraldr, hann var sendr til fóstrs upp á [Grennörk til Hrana hvíta; hans son var Hrani hinn víðförli, voru þeir Haraldr mjök jafngamlir ok fóstbræðr. Eitt sumar fór Hákon jarl sunnan or Danmörk; hann áttistefnu við þá Tryggva konúng ok Guðröð konúng, ok sátu þeir lengi á eintali; þá fór Hákon jarl heim norðr. Gunnhildr ok synir hennar spurja þetta, ok grunuðu þau, at vera mundi landráð við þau. Eptir um vârit búast þeir bræðr í hernað, Haraldr gráfeldr ok Guðröðr, synir Gunnhildar, ok fór sèr hvârr, þvîat þeir létu, sem þeir væri reiðir mjök ok úsáttir; en þá er þeir komu austr í Vík, þá sigldi Guðröðr austr um Foldina, en Haraldr fór til Túnsbergs; en

1) Grænland til Hrón, *lin.*

Þar skamt á land upp var Guðröðr Bjarnarson; þá fór Haraldr þangat, ok tók hús á honum, ok lagði í eld; Guðröðr gekk út ok hans menn, ok fèll þar, ok margt manna með honum. Þá drap ok Guðröðr Tryggva konúng austr við Veggina, ok sveik hann í trygðum; þat var 6 vetrum síðarr enn Sigurðr jarl fèll. Eptir þat lögðu Gunnhildar synir undir sik allt land; marga aðra menn tóku þeir af lífi, stóra höfðingja, en sumir flýðu land fyrri þeim. Haraldr konúgr Guðröðarson, er kallaðr var hinn grænski, flýði furst til Upplanda ok með honum fóstrbróðir hans Hrani, ok dvöldust þeir þar mjök lengi með frændum sínum. Eiríks synir leitaðu mjök eptir þeim mönnum, er í sökum voru við þá, ok þeim öllum mönnum mest, er þeim var uppreistar at vãn. Þat ræðu Haraldi frændr hans ok vinir, at hann færi or landi brott. Haraldr grænski fór austr til Svíþjóðar, ok leitaði sèr skipanar, ok kom sèr í sveit með þeim mönnum, er fóru í hernað, at fá sèr fjár; hann var hinn gerviligasti maðr. Tosti hèt maðr í Svíþjóð, er einn var<sup>1</sup> ríkastr ok göfngastr í því landi, þeirra er eigi bæri tignarnafn; hann var hinn mesti hermaðr, ok var laungum í hernaði, hann var kallaðr Sköglar-Tosti; Haraldr konúgr grænski kom sèr þar í sveit. Um sumarit fóru þeir í víking, virðist Haraldr vel hverjum manni; hann var eptir um vetrinn með Tosta; Sigríðr hèt dóttir

<sup>1</sup>) hér sleppr C um sinn.

Tosta, hún var úng ok fríð ok skörúngr<sup>1</sup> mikill; fimmi vetr var hann með Tosta.

12. Eiríks synir voru hreystimenn miklir ok íþróttamenn, grimmir ok úværir við allt; um daga þeirra var í Noregi hallæri mikit, bæði á sjá ok á landi, var þá sultr mikill um allt land; svá kom, at göfgir menn þoldu þeim eigi vandræði. Klyppr hersir, son Þórðar Hörðakárasonar<sup>2</sup> drap Sigurð konúng slefu. Erling konúng drápu bæendr. Hákon jarl sat í Þrándheimi með trausti bónda, en stundum var hann í Danmörk með Haraldi konúngi Gormssyni, en stundum herjaði hann í austrvíking; þar hittust þeir Gullharaldr<sup>3</sup>, ok fóru um haustit báðir til Danmerkr, ok voru um haustit ok um vetrinn með Dana konúngi; þann vetr sættu þeir vælræðum við Harald konúng gráfeld. Haraldr konúgr Gormsson sendi orð Haraldi konúngi gráfeld Eiríkssyni, nafna sínum, ok bauð honum til sín; ok er hann kom til Limafjarðar, þar sem heitir at Hálsi, þá kom þar Gullharaldr, ok barðist við nafna sinn, hann hafði lið meira; þar féll Haraldr konúgr gráfeldr Eiríksson; litlu síðarr kom þar Hákon jarl, lagði hann þá at Gullharaldi, ok tók hann höndum, ok hengði hann á gálga. Haraldr konúgr Gormsson fór þat sumar til Noregs, ok hafði 7 hundruð skipa; þá var með honum Hákon jarl ok Haraldr grænski

<sup>1</sup>) svarkr, B, D, G. <sup>2</sup>) Hörðakára, B. <sup>3</sup>) Haraldr grænski, D, G.



ok margt annarra manna þeirra, er flýit höfðu óðul sín ok eignir fur Eiríks sonum or Noregi. Haraldr konúngr fór til þess, er hann kom í Noreg í Túnsberg, ok gekk undir hann allt landsfólk, dreif til hans lið mikit ok fjölmenni. Haraldr konúngr fékk í hendr Hákon jarli þann luta allan, er á hans luta kom í Noregi, ok gaf honum til forráða; en þat var Rogaland, Hörðaland, Sogn, Firðafylki, Sunnmæri, Raumsdal, Norðmæri; þessi 7 fylki gaf hann honum til forráða með þvílskum málum, sem Haraldr hinn hárfagri gaf sonum sínum, nema þat skildi, at Hákon skyldi eignast konúngsbú öll í Þrándheimi ok landsskyldir, hann skyldi ok hafa konúngsfé, ef hann verði land fur úfriði. Nafna sínum, Haraldr grænska, gaf hann Víngulmörk ok Vestfold ok Agðir allt til Ljóðandisness, ok konúngsnafn; lét hann hann hafa þat ríki með öllu slíku, sem frændr hans höfðu haft at fornu; Haraldr grænski var þá 18 vetra gamall, ok varð síðan frægr maðr. Hákon jarl fór með her sinn norðr með landi; en er þat spur Gunnhildr ok synir hennar, þá varð þeim illt til liðs; tóku þau þat ráðs, sem furr hafði tekit Eiríkr, at þau sigldu vestr um haf til Orkneyja. En Hákon jarl lagði land allt undir sik, ok ræð lengi síðan; var þat jafnan, at synir Gunnhildar herjaðu í Noreg, ok áttu orrostur við Hákon jarl, ok hafði jarl þá skatta alla, þá er Dana konúngr átti, til síns kostnaðar, en fyri þat sendi hann Dana konúngi stundum

hauka eða hesta ok nökkut af skatti, en stundum ekki, þartil er Dana konúgr taldi at; ok at lyktum varð hann svâ reiðr, at hann fór með her sinn í Noreg, ok gerði þar hit mesta hervirki; eptir þat veitti jarl honum aungva lýðskyldu. Haraldr konúgr grænski hêlt allt sáttmál við Dana konúgr, ok svâ hêlt hann vináttu við jarl, meðan hann lifði; hann fêkk Ástu, dóttur Guðbrands kúlu, göfugs manns.

13. Þá er Haraldr konúgr hófst til ríkis í Noregi, var Eiríkr at Uppsölum í Svíþjóð, Ey-mundarson, hann andaðist þá, er hann var nær tíræðr<sup>1</sup>. Eptir þat voru konúgar í Svíþjóð synir hans, Ólafr, faðir Styrbjarnar, ok Eiríkr hinn sigrsæli, er lengi var konúgr í Svíþjóð; hann fêkk í elli sinni Sigríðar hinnar stórráðu, dóttur Sköglar-Tosta; þeirra son var Ólafr svænski, er var konúgr í Svíþjóð eptir föður sinn Eirík. Eiríkr Svía konúgr fêkk bana ofarla á dögum Hákonar jarls; Sigríðr drottning var þá at búum sínum, þvíat hún átti bæði mörg ok stór; hún var forvittr ok forspá um marga luti.

14. Haraldr konúgr fór eitt sumar í hernað í Austrveg, at afla sèr fjár, hann kom í Svíþjóð; en er þat spurr Sigríðr, föðursystir hans, þá sendi hún menn til hans, ok bauð honum til veizlu; hann fór þangat með mikla sveit manna; þar var góðr fagnaðr; sat konúgr ok

<sup>1</sup>) tvítugr, hín.

drottning í há sæti, ok drukku bæði saman um kveldit; ok er konúgr fór til rekkju, þá var sæng tjölduð þellum, ok búit forkunnar vel um; í því herbergi var fátt manna. Ok er konúgr var afklæddr ok kominn í rekkju, þá kom drottning þar sjálf, ok skenkti honum, ok lokkaði hann mjök til at drekka, ok var hin blifðasta; konúgr var allmjök drukinn ok bæði þau; þá sofnaði konúgr, en drottning gekk í brott ok til svefnis. Eptir um morguninn var veizla hin kappsamasta; en þá varð, sem jafnan verðr, þar sem menn verða mjök drukknir, at næsta dag eptir, þá varast flestir at verða ofdrukknir; drottning var þá enn hin kátasta; hún talaði svá til konúgs, at hún virði eigi minna eignir sínar, þær er hún átti í Svíþjóð, enn konúgdóm hans í Noregi. Við þessar ræður varð konúgr úglaðr, ok fannst fátt um allt, ok bjóst í brott eptir þat, ok var hugsjúkr; en drottning var hin kátasta, ok leiddi konúg brott með stórgjöfum. Fór þá Haraldr konúgr um haustit til Noregs, ok var heima um vetrinn ok heldr úkátr; en eptir um sumarit fór hann í Austrveg með liði sínu, ok hæld þá til Svíþjóðar, ok sendi orð Sigríði drottningu, at hann vill finna hana; hún reið ofan á fund hans, ok talaðust þau margt við. Konúgr vekr brátt mál við hana, ef hún vildi giptast honum; hún segir honum þat hægómamál: ok ert þú áðr svá vel kvængaðr, at þær er fullræði í. Hann svarar: góð kona er Ásta ok göfug, en ekki er hún jafn-

stórættuð sem ek. Vera má þat, segir hún, at hún sè ættismærri enn þú, en hitt hygg ek, at með henni sè nú beggja ykkar gæfa ok ham-ingja. Litlu fleirum orðum skiptust þau við, áðr drottníng reið ábrott. Haraldi konúngi varð allskapþúngt af þessu; hann bjóst síðan at ríða á land upp á fund drottníngar, margir hans menn löttu þessa, en eigi at síðr fór hann með sveit manna, ok kom til þess staðar, er drottníng ræð fyrri. Hit sama kveld kom þar annar konúngr, sá hét Vísivaldr or Garðaríki. Þeim var skipat báðum konúngunum í eina mikla stofu ok forna, eptir því var allr búnaðr hennar; þeim var gefinn drykk af engrum kveldit; svá at allir voru fulldrakknir; sofnáðu allir höfuðverðir ok útverðir. Þá sömu nótt lét Sigrðr drottníng veita þeim atgaungu, bæði með eldi ok vápnum, þar brann stofan ok allir þeir menn, sem inni voru; þeir voru drepnir, er útkomust. Sigrðr drottníng segir, at svá vill hún leiða smákonúngum, at fara til þess af öðrum löndum at biðia sín.

15. En þann vetr hinn næsta áðr átti Hákon jarl orrostu við Jómsvíkinga á Hjörúnga vági. Hrani hafði verit eptir at skipum, þá er Haraldr konúngr hafði riðit á land upp, var hann settr forráðandi þess liðs, er at skipum var. En er þeir spurðu þat, at Haraldr konúngr var af lífi tekinn, þá fóru þeir í brott sem tíðast, ok aptr til Noregs, ok sögðu þessi tíðendi. Hrani fór á fund Ástu, ok segir henni þessi tíðendi um för

þeirra, ok svá þat, hverra eyrenda Haraldr kon-  
úngr fór á fund Sigríðar drottningar. Ásta fór  
þegar til Upplanda, er hún frètti þetta, á fund  
föður síns, ok tók hann við henni; en bæði voru  
þau reið Haraldí konúngi fyrí þat, er hann hafði  
ætlat at láta hana eina, ok um ráðaætlan þá,  
er verit hafði í Svíþjóð.

16. Eina nótt dreymdi Hrana, at maðr  
kom at honum í pellskyrtli, ok hafði guðvefjar-  
skikkju yfir sér, hann hafði gullhring á hendi; hann  
mælti svá: vaki þú, Hrani! segir hann; ek er  
Ólafr konúngr Geirstaðaallr; þik vel ek til at  
brjóta minn haug, ok mun lítit fur verða, ef þú fær  
mín ráð at: haf eld ok snæri með þér, ok far svá í  
hauginn. þar munt þú sjá marga menn, far óhræði-  
liga! þar muntu sjá mann með slíkum búningi,  
sem nú er ek, tak af honum hjálm ok hrínginn  
gullvönd ok sverð ok skikkju, síðan högg þú af  
honum höfuð, ok mun þat auðveldt; ok ef þú  
bregðreigi af því, er ek mæli, þá fylgir hamíngja,  
ella liggr á þér víti; spenn af mér belti ok knífinn  
á; þá mun þér málfrótt at fara, ok vænti ek, at  
þér endist vel; ok ef illar vættir taka í klæði þín,  
þá sker þú af með sverðinu þá leppa, er þeir ná,  
af þínum klæðum. Ek vil ok segja þér mína  
æfi skyndiliga, bæði um haugsgjörð ok um blót  
ok reimleik, ok hefir þat svá farit, sem ek gat.  
En ef þú óttast at brjóta hauginn, þá far þú til  
móts við Svein Hákonarson, hann liggr hëðan  
skámt frótt með liði sínu, ok er fëvaní mjök;  
hann þikkist spurt hafa, at fëvân er mikil í haugi

Ólafs konúngs digrheins. Nú sagði hann Hrana, hvaðan hann skyldi brjóta hauginn: ok skulum nótt at vera, segir hann; engi mun vinna í hauginn gánga fur ódaun, er or hauginum mun útleggja; þá ráðst þú til, ok far í hauginn, ok mæl til 3 kostgripi at afnámsfè, en helmíng af öðru fè; síðan bið þú Svein jarl halda festinni, hann einn mun einurð ok drengskap til hafa at bíða, þartil er þú kemr or hauginum; ber til skiptis allt lausafè þat, er í hauginum er, ok áðr liggr í einni hrúgu; en hværki mun í hauginum hljódt nè kyrt, er þú ferr í brott; ljósin munu slökkna, en allir menn munu af hauginum stökkva, nema Sveinn jarl, ok fæir menn með honum; hann mun þá vilja, at þú hafir þriðjúng fjár, en hann 2 luti; en þú seg svà, at þat sè eigi ykkarr skildagi; hann mun segja þann virðíngar mun ykkarn; lát þú þèr þat líka, laup þú á hest þinn, ok ver eigi nærr honum, enn mál nemi, ok sýn honum þá gripina; hann mun sjá vilja gjörr gripina; en þú lát þess engan kost, ok ríð undan í skóg, ok lætt eigi furr enn þú kemr til Ástu Guðbrandsdóttur, ok fylg henni til föður síns, hún er með barni, ok ef henni greiðist seint, legg um hana beltit þat, er ek hef átt, ef við þik er ráða leitat, ok mun þat duga; mæl þú þèr laun fur, at þú vilir ráða fur nafni, ef sveinn er, ok lát Ólaf heita, ok skil þú eigi við hann, meðan þið lifið báðir; ok sá sveinn mun verða hjálp ok heilsa kyns vârs, þvíat vèr allir

munum fagna hans hingatburð ok andláti, svá sem vèr sèim nálíga af dauða reistir. Þá gripi, er þú tekr af mèr í hauginum, vil ek at þú sellr í hendr Ástu, ok bið þú hana varðveita, ok selja í hendr syni sínum, þá er hann vex upp. Hraní þóttist spurja: mun þat eigi ofráð, at brjóta haug þinn fyrri landshöfðingjum, svá mikla ást sem þeir höfðu á þèr, meðan þú lifðir? Draummaðrinn svarar: nógt traust er þèr at jarlinum, hann hefir lánngskip alskipat, ok liggr hèðan skamt ábrott í einum leynivági; engi er svá ríkr, at sjá gángi á þin efni. Sveinn jarl þarf fjárins, en þú gjör fèlag við hann at mínum boðskap; brjót þú enn fyrsti manna hauginn, ok gakk inn; lát þú Svein jarl eigi hafa gripina, þá er þú tekr af mèr, þvíat heldr mun hann þá kjósa enn allt fèit; en þriðjungs mun þèr virt af öllu fènu, þar er þú átt helmíng, en þú lát þik ekki á þat skilja; bið þú Svein jarl láta bera fèit til skipta, en þú kom um morgininn eptir til skiptis, en bú á þeirri stundu ferð þína. Síðan hvarf draummaðrinn ábrott. En Hraní vaknaði, ok hugsaði um, hvat fyrir hann hafi borit; hann vissi gjörla, at Ólafr Geirstaðaálfr hafi verit mikill höfðingi ok allvinsæll, ok manna bezt at sèr þeirra manna, er í fornum sið hafa verit; svá kvað Þjóðólfr hinn hvinverski:

Ræð Ólafr

Ofsa<sup>1)</sup> forðum,

<sup>1)</sup> Upsa<sup>1)</sup> F, II.

víða frægr,  
 ok Vestmari',  
 unz fótverkr  
 við foldar þröm  
 [virða vin<sup>2</sup>  
 [umviða náði<sup>3</sup>;  
 nú liggr gunndjarfr  
 á Geirstöðum  
 herkonúgr<sup>4</sup>,  
 haugi vorpinn.

Þessi Ólafr var son Guðröðar Vinda konúngs, ok vissi fyri dauða sinn af draumspeki sinni. Hrani vissi, at þat var satt, er hann sagði honum, ok framkomit var, ok því treysti hann, at þat mundi ok eptirganga, sem óvorðit var í þeim draumi; hann fór þegar at leita at Sveini jarli, ok fann hann, sem honum var tilvísat, ok gekk fyrir hann; jarl fagnaði honum vel, ok spurð at erendum, þvíat hann vissi at Hrani var frægr maðr, ok hafði víða farit. Hrani frétti, hvárt jarli væri engi hugr á fæfaungum. Jarl kveðst gjarna vildu fjár afla, ef þess væri kostr. Hrani segir nú til, hvar haugrinn var, ok kvað fást mundu fæit, ef hans ráðum væri at farit; ok því játar jarl, ok skildi Hrani sèr helmíng fjár þess, er fengist. Síðan fóru þeir til haugsins, ok brutu, ok gekk þetta allt, svá sem draummaðrinn hafði sagt; gekk Hrani í hauginn, en jarl hêlt

<sup>1</sup>) goðum líkr ok Grænlands fylki, *b. v. F.* <sup>2</sup>) vígfröum-  
 ustum, *F, H.* <sup>3</sup>) varð at gæandi, *F*; af víða iðði, *H.* <sup>4</sup>) sjá  
*b. v. F.*



festi, sem Hrani átti skilt. Ok er Hrani kemr í hauginn, sèr hann tíguligan mann á stóli sitja, ok sprettir af honum beltinu, ok var þar knífr á; hann tók hjálm af höfði honum, ok var þat hin mesta gersimi; síðan brá hann sverðinu, ok þorði furst eigi at höggva hann, en þó ræð hann þat af umsíðir, hjó hann af honum höfuðit, var því líkast, sem í vain bríðdi, svá beit sverðit; síðan bjóst hann íbrott, ok bar lausafè allt í festi, þat er áðr lá í hauginum; ekki var þá kyrt í hauginum, ljósit slokknaði, en þess verðr hann varr, at flestir menn eru þá brottu af hauginum, nema Sveinn jarl ok fáir menn með honum. Hrani las sik upp eptir snærinu or hauginum, ok var fenu hagat til gæzlu. Ok um morgininn, er þeir fundust, sagði Sveinn jarl, at hann vill hafa 2 luti fjárins; Hrani sagðist eigi af því haldinn vera; jarl kvað hann enga atferð til þess haft mundu hafa at brjóta hauginn, ef eigi hefði notit at hans tignar ok gæfu. Þú munt ráða verða, jarl! sagði Hrani. Ok er Hrani kom á hest sinn, mælti hann til Sveins jarls: mikinn ójafnað lýstir þú nú við mik ok mikit ofríki, en þó hefi ek þá gripi, er fëmætir eru, ok var þá eigi nærr jarli, enn mál nam í milli þeirra. Jarl vildi sjá gripina; en Hrani reið undan með 2 hesta; þá skutu þeir hestinn undir honum; hann ljóp þá á bak öðrum hestinum, ok hleypti í skóginn; er nú ekki sagt frá ferðum hans, furr enn hann kom til Ástu

Guðbrandsdóttur, ok sagði henni tíðendi þau, sem vorðin voru, ok fylgði henni til föður síns, ok tók hann allvel við henni.

17. Litlu síðarr tók Ásta jóðsótt, ok var þúngliga haldin, ok horfðist seinliga á um sóttarfar hennar, sátu menn yfir henni mjök harmþrúgnir; þá var ráða í leitat, þeirra er mönnum kom í hug, var Hrani eptirspurðr, ef hann kynni nokkut til at leggja; hann kvað eigi þess örvænt, ok sagðist ráð mundu tilleggja, ef hann reði fyri nafni sveinsins, ef sveinbarn væri; þeir sögðu þat skyldu at vísu; þá tók Hrani beltit ok lagði um hana, ok litlu síðarr varð hún lèttari<sup>2</sup>.

18. Ásta Guðbrandsdóttir ól sveinbarn<sup>2</sup>, en sá sveinn var nefndr Ólafr, er hann var vatni ausinn; Hrani jóð hann vatni, [ok er þat sumra manna sögn, at Guðbrandr vildi eigi upp láta fæða sveininn fur reiði þeirri, er hann hafði á feðr hans, fur enn Hrani sagði honum, at hann sæi ljós yfir húsi því, er sveinninn var í fæddr; Guðbrandr gekk til at sjá sjálfr; var þá ábrott tekinn sveinninn, ok fæddr upp með mikilli ástúð. Hrani gaf honum beltit ok knífinn at tannfè, ok er honum vóð aldr, þá gaf Hrani honum hringinn ok sverðit. Ólafr var uppfæddr<sup>3</sup> með Guðbrandi ok Ástu, móður sinni.

<sup>1</sup>) *Two undanfarandi kapit. v. í B, D, G, L, en eru í F ok II frábrugðnir ok fjölorðari.* <sup>2</sup>) um sumarit, *b. v. hin.* <sup>3</sup>) var sá sveinn þar uppfæddr fyrst, *hin.*

19. Nokkurum vetrum síðarr báðu þeir Ástu, móður Ólafs, Gissr Guðbrandsson, lendr maðr, ok Sigurðr sýr, er þá var konúgr á Hríngaríki, ok hafði hvàrtveggi marga fulltíngsmenn. Sigurðr konúgr var spekingr mikill at viti, göfugr maðr ok auðigr at fè, ok heldr fastr at framlögum. Gissr var mildr at fè ok meirr við alþýðu skap, ok var þat flestra manna til-laga, at árna Gissuri kvánfángsins. Þá setti Ásta Ólaf, son sinn, á knè sér, hann var þá 6 vetra gamall. Ásta spurr, ef Ólafr leiði nokkut at-huga, hvert eyrendi þeirra manna væri þángat? Ólafr svarar: skilst mèr þat, segir hann, en betra þikkir mèr nú at leika við sveina, enn at íhuga vandamál. Ásta svarar: kalla má, at þetta sè umfram þinn afli, er þú hefir furaldrs sakir, en þó bregzt mèr mjök í, ef eigi fætt þú nokkut þat at mæla, at ek muni þaraf mín forlög marka. Ólafr mælti: hve mikill ertu metnaðarmaðr, móðir? segir hann. Ásta svarar: eigi ætla ek mik þat munu skorta. Ólafr mælti: hvárt mundi þèr þikkja betra eptir þinn dag, eða meðan þú lifðir, at eiga lenda man at syni, eða þann, er þjóðkonúgr væri yfir Nor-egi? Hún svarar: kunna mundi ek þess skyn. Ólafr mælti: þat segir Hrani mèr, fóstri minn, at eigi muni kvistir þèr betri enn aðaltrè, at þú munir ala son við lendum manni, en þú mætt-ir vel ala konúng við þeim, er konúngborinn er

í allar kynkvíslir. Þetta flutti mjök fram mál Sigurðar; var þat afráðit, at Sigurðr konúngr fékk Ástu, móður Ólafs konúngs; hann var landsstjórnarmaðr góðr, engi var hann hermaðr, rættlátr ok hófsmaðr um alla luti. Ólafr Haraldsson fæddist upp með Sigurði, stjúpfoður sínum, ok Ástu, móður sinni.

20. Einum vetri síðarr enn Haraldr grænski féll í Svíþjóð, þá tóku þrændir af lífi Hákon jarl, en tóku til konúngs Ólaf Tryggvason. Ólafr var hinn mesti merkismaðr, ok at allri atgervi líkastr Hákoní Aðalsteinsfóstra. Ólafr konúngr var vel kristinn, ok hêlt furstr rætta trú Noregs konúnga; hann kristnaði allan Noreg ok mörg lönd önnur, ok var ágætr konúngr; hann fór um allt land, at boða mönnum trúna. Hann kom á Hríngaríki, ok þá veizlu at Sigurði konúngi sýr; þá var Sigurðr konúngr skírðr ok allir hans menn, þá var ok skírðr Ólafr Haraldsson, ok veitti Ólafr konúngr sjálfr honum guðsifjar. Svá er sagt, at Ólafr konúngr hafi mælt við nafna sinn, þá er hann hêlt honum undir skírn, at slíkan son mundi hann sêr æskja at eiga, ok sagði hann vera konúngs efni dýrðarsamligt. Ólafr Haraldsson sagði ok svá, at þat kom ásamt með þeim, at þvflíkan konúng mundi hann kjósa sinn föður, sem Ólafr konúngr Tryggvason var, fyrir sakir allrar atgervi ok ríkdæmis, er hann hafði umfram flesta konúnga á Norðrlöndum. Þat sýndist ok snemma, at vitrum mönnum fannst mikit

um Ólaf Haraldsson, ok spáðu honum, hverr ágætismaðr hann mundi verða í sínu lífi ok afreksverkum þeim, er hann vann, eptir því sem síðan birtist. Hraní var með Ástu, sem sagt var, hann veitti fóstr Ólafi Haraldssyni. Ólafr var snemma gjörvuligr ok fríðr sýnum, meðalmaðr á vöxt, vitr maðr var hann snemma ok málsnjallr. Sigurðr konúngr var bússýslumaðr mikill, ok hafði menn sína mjök í starfi, hann fór ok optliga sjálfr at sjá yfir akra sína, ok eigi stöð til smíða sinna, eða þar er menn störfuðu nokkut. Þat var eitt sinn, at Sigurðr konúngr vildi ríða af bænum, þar var þá engi maðr yðnarlauss á bænum, at eigi hefðist hverr nokkut at; hann kallaði Ólaf, stjúpson sinn, at söðla sèr hest; hann fór síðan ok söðlaði honum fararskjót; hann segir honum, at búinn var skjótrinn. Þá gekk Sigurðr konúngr út, ok sá, hversu Ólafr hafði gjört; hann mælti: þat er auðsýnt, at þú munt vilja af höndum ráða kvaðningar þær, er þær sè ímóti skapi; er þat ok auðsèt, at við munum vera ekki skapglíkir, munt þú vera maðr miklu skapstærri enn ek. Ólafr svarar fá; hann hafði söðlat búkk einn konúnginum.

21. Þat var eitt sinn, er Ólafr reið á dýraveiðar, ok með honum sýgnskr maðr, er Halldórr hét, ok var kallaðr Rannveigarson; hann hleypti eptir dýrum um daginn, ok féll af baki; um kveldit, er þeir komu heim, bar Ásta honum at drekka; þá kvað Ólafr vísu:

Fyll horn, kona!  
 fèll af hesti  
 Rannveigarson,  
 þar er riðu drengir;  
 kunnu eigi Sygnir  
 á söðuldýrum  
 fullvel fara;  
 fær mēr ok þær!

Halldórr kvað aðra vísu til Ólafs við þann atburð,  
 er áðr hafði gerzt:

Fyll horn, kona!  
 frá ek at belldi  
 Ólafr konúgr  
 undri miklu,  
 þá er hann söðlaði  
 sínum mági  
 búkk at ríða;  
 fær' mēr ok þær!

22. Ólafr Tryggvason ræð 5 vetr fur Nor-  
 egi; hann fèll í orrostu suðr fur Vindlandi, sem  
 segir í sögu hans, þá er hann barðist við Svein  
 Haraldsson, Dana konúgr, er þá átti Sigríði hina  
 stórráðu, dóttur Sköglar-Tosta, ok við Ólaf Svía  
 konúgr ok við Eiríkr jarl Hákonarson. Eptir  
 þat ræðu Noregi Eiríkr jarl ok Sveinn jarl Há-  
 konarsynir, ok guldu skatta Dana konúgi ok  
 Svía konúgi. Knútr hinn ríki var son Sveins  
 konúgs. Sveinn Dana konúgr fór með her  
 sinn vestr til Englands á hendr Aðalráði, Eng-

1) her, F.

lands konúngi, Játhgeirssyni, ok áttu þeir orrostur, ok höfðu ýmsir betr, þvíat ýmsir sigraðust. Sveinn konúngr setti menn sína í Víkina, ok var hans vald austan Fjarðar.

23. Þá er Ólafr Haraldsson var 8 vetra gamall, þá var hann viðstaddr einn dag, er Ásta móðir hans, leitaði í eina hirzlu. Ólafr spurð, hvat þar væri svá bjart í hirzlunni? Hún svarar: Þat eru sverðs hjölt. Ólafr mælti: hvern á? Þú átt, son minn! segir hún, ok er þat sverðit Bæsíng, er Hrani, fóstri þinn, gaf þér, en átt hefir Ólafr Geirstaðaálfr. Ólafr mælti: ek vil nú viðtaka ok meðfara. Ásta selr honum sverðit. Sigurði konúngi þótti eigi verða vel meðfarit, þvíat Ólafr dró þat eptir sér um hallargólfrit, en sverðit var mjök gulli búit. Sigurðr konúngr mælti til Ástu, sagði, at þat var siðvenja kvenna, at láta þat margt eptir börnum, er þau þurfa at aungu, en láta þau missa þess margs, er þau þurfa. Ásta svarar: ef þú færst teygst af honum sverðit, svá hann gráti eigi, þá leyfi ek þat, en grát hans vil ek eigi. Sigurðr konúngr mælti við Ólaf einn dag við drykkju, at hann vill varðveita Bæsíng, ok þó honum til handa, en fá honum annat sverð léttrara til meðferðar; Ólafr svarar engu. Sigurðr kveðr hann í annat sinn, ok er Ólafr hljóðr; ok hit þæja sinn kveðr Sigurðr hann reiðuliga. Ólafr bregðr þá sverðinu, er konúngr kveðr hann hit þæja sinn, en leggur umgjörðina undir skykkju

Hrana, fóstur síns, en réttir blóðrefilinn at konunginum, en heldr sjálfur um meðalkaflann. Ólafur mælti þá: eigi hefi ek aldrei til at banna yður at taka af mér Bæsing, nauðgum, en ek sel hann engum manni af hendi öðruvíss, enn ek hafi umgerðina ok meðalkaflann. Sigurður mælti: Þá varðveit þú sjálfur sverð þitt, ok er þess mest ván, at ek kveðja þik þess eigi optarr.

24. Þá var Ólafur 10 vetra, er Sigurður bað hann bjóða mönnum í veizlu, ok ráða sjálfan tilfaungum. Ólafur lét höggva upp [allt búit<sup>1</sup>, ok bauð meirr enn hálfu fleiri mönnum, enn Sigurður hafði mælt; Sigurður kvaðst hann eigi mundu þessa optarr kveðja, ok kvað brátt mundu uppganga lausafæin, ef hans skipan skyldi á vera. Ólafur kvað annann veg eiga at búa konunga enn kotkarl. Þat fannst brátt á, hversu mikit þessum sveini var í hug, ok síðan reyndist um hans ráð enn framarr.

25. Ólafur Haraldsson vóx upp, sem sagt var; hann var ekki hárr meðalmaður á vöxt, ok allþrekligr ok sturkr, ljósjarpr á hár, breiðleitr, ljóss ok rjóðri andliti, eygðr forkunnar vel, fagreygr ok bjarteygr, svá at ótti var at sjá í augu honum, ef hann var reiðr. Ólafur var íþrótta-  
maður mikill um marga luti, kunni vel við boga, ok sundfærr vel, skaut manna bezt af handboga, hagr ok [sjónhannr um alla luti<sup>2</sup>; hann var kall-

<sup>1</sup>) eitt bú allt, *F.* <sup>2</sup>) sjónhannarr um smíðar allar, hvort er hann gerði, eðr aðrir menn, *B.* *S.*



aðr Ólafr digri; hann var djarfr ok snjallr í máli, bráðgjörri var hann um alla luti, at öllum þroska, ok afli ok vizku; hann var hugþekkr öllum vinum sínum ok frændum; hann var kappsamr í leikum, ok í öllum lutum vildi hann fur öllum vera um allt, þat er tilkom, eptir því sem hann var tilkominn.

26. Ólafr Haraldsson var þá 12 vetra, er hann stó á herskip fursta sinn. Ásta fékk til Hrana, er kallaðr var konúngsfóstri, til forráða fyri liðinu með Ólafi, þvíat hann hafði opt verit í hernaði. En er Ólafr tók við liði ok skipum, þá gáfu liðsmenn honum konúngsnafn, sem siðvenja var til, þá er herkonúngar fóru í hernað, ef þeir voru kynbornir til konúngsnafns, þóat þeir sæti eigi at löndum, þegar þeir voru herkonúngar. Hraní sat við stýrihömlu, en Ólafr við stjórn í háseti; þeir höldu austr með landi, ok furst til Danmerkr; svá segir Óttarr svartí:

Úngr [hratt þú<sup>1</sup> á vit vængis,  
vígrakkr konúgr! blakki,  
þú hefir dýrum þrek dreyra,  
Danmarkar, þik vandan;  
varð nytligust norðan,  
nú ert ríkr af hvöt slíkrí,  
frá ek til þess er fóruð,  
för þín, konúgr! gjörva.

En er haustaði, sigldi hann<sup>2</sup> fur Svíaveldi, tók hann þá at herja ok brenna landit, þvíat hann

<sup>1</sup>) hēltu, G.    <sup>2</sup>) austr, b. v. hin.

þóttist Svfum eiga at gjalda fullan fjandskap, er þeir höfðu tekit föður hans af lífi. Svá segir Óttarr svartí berum orðum, at Ólafr konúgr fór austr or Danmörk:

Öttuð<sup>1</sup> árum skreyttum  
austr í salt með flaustum<sup>2</sup>,  
báruð lind<sup>3</sup> af landi,  
landvörð<sup>4</sup>! á skip randir;  
neyttuð segls ok settuð<sup>5</sup>  
sundvarpaði stundum,  
sleit mjök róin<sup>6</sup> mikla  
mörg ár und þær báru.

Drótt var<sup>7</sup> drjúgligr<sup>8</sup> ótti  
dólgstinns<sup>9</sup> at för þinni,  
svanbeiðir<sup>10</sup> namtu síðan

Svíþjóðar nes hrjóða.

Haustr þat barðist Ólafr<sup>11</sup> við Víkínga, ok er sá Sóti nefndr, er fyri þeim ræð. Ólafr hafði miklu minna lið, en skip stærri; hann lagði skip sín millum boða nokkurra, ok var víkingum þá úhægt at þeim at leggja, en þau skip, er mest lögðu at þeim, þá komu þeir á stafnljám, ok drógu þá at sèr, ok hruðu svá þau skip. Víkingarnir lögðu frá, ok höfðu látit menn ok mikit fe; svá segir Sighvatr skáld:

<sup>1</sup>) attuð, B, II, L. <sup>2</sup>) fleystum, K. <sup>3</sup>) lind, B; lendr, II. <sup>4</sup>) landherr, B. <sup>5</sup>) sættuð, B; sóttuð, K. <sup>6</sup>) roðin, F. <sup>7</sup>) víðr, B; stendr, D, F; varð, G, K, S; víðr stendr, L. <sup>8</sup>) dýr-ligr, D, F, L. <sup>9</sup>) dóglings, hin. <sup>10</sup>) svanbraeðir, hin. <sup>11</sup>) ena fyrstu orrostu við Sótusker, þat er í Svíaskerjun; þar barðist hann, b. v. D, G, H, K, I, S.

Lángt bar út hinn únga  
jöfra kund [at sundi<sup>1</sup>,  
þjóð ugði<sup>2</sup> sèr síðan,  
sæmeiðr, konúngs reiði;  
kankaða ek mark<sup>3</sup>, en manna,  
minna<sup>4</sup> fursta sinni,  
hann rauð æztr fur austan  
úlfs fót við sker Sóta.

Ólafr hèlt þá austr fyri Svíþjóð, ok lagði inn í  
Lögin, ok herjaði á bæði borð, hann lagði upp  
til Sigtúna ok lagði at við fornu Sigtúnir; svá  
segja Svíar, at þar sjái enn grjóthlöð þau, er  
Ólafr konúngr lèt gera undir bryggjusporða  
sína. En er haustaði, þá spurr Ólafr konúngr  
þat, at Ólafr Svía konúngr dró her saman, ok  
svá þat, at hann hafi járnum gjört um sundit  
ok sett þar menn til at gæta, svá at eigi máttu  
þeir útkomast or Leginum, ok ætlaði Svía kon-  
úngr, at þar skyldi þeir blíða frera, ok þótti  
Svía konúngi lítils verdt um her hans, þvíat  
hann hafði lítit lið. Þá fór Ólafr konúngr út í  
Stokkssund, ok komust eigi þar út, þvíat kastalinn  
var fur vestan sundit, en herr manns fur austan.  
Nú spurr Ólafr, at Svía konúngr er á skip kom-  
inn, ok ætlaði þá at leggja at þeim. Þá lèt Ólafr  
konúngr grafa [fitina út til hafs<sup>5</sup>, en þá voru  
regn; en um alla Svíþjóð þá fèllu rennandi  
vötn í Lögin; en einn óss er til hafs or Legin-

<sup>1</sup>) frá grundu, *G, II.* <sup>2</sup>) hugði, *G, L.* <sup>3</sup>) margs, *lin.* <sup>4</sup>)  
minni, *lin.* <sup>5</sup>) út í gegnum Aðnaft til hafsins, *D, G, K, L, S.*

um svá mjórr, at margar ár 'eru breiðari; en þá er regn eru mikil eða snænám, þá falla vötn svá æsiliga í Lögin, at forsfall er út um Stokksund, en Lögrinn gengr þá á landit; en er gröptrinn kom út í sjáinn, þá ljóp þar út straumur ok vatn. Þá lét Ólafr konúngr leggja stýri öll orlagi á skipum sínum, en draga upp segl við húna; byrr var aflandi, ok stýrðu þeir með árum, ok gengu skipin út yfir grunninn, ok komu öll heil á haf út. Svá konúngr veitti þeim þúngar átölur, er gætt skyldu hafa óssins, at Ólafr konúngr kæmist eigi út; þat er nú kallat Konúngsund, ok má þar ekki stórskipum fara, nema þá er vötn æsast mest. Nú er þat sumra manna sögn, at Svíar vyrði varir við, þá er konúngr hafði grafit út fitina ok vatnit fèll út, at Svíar færi þá til með her manns, ok týndist þar fjöldi manns; en Svíar mæla þar ímóti, ok kalla þat hægóma, at menn hafi þar farizt.

27. Ólafr konúngr sigldi þá um haustit til Gautlands, ok bjóst þar til hernaðar; en Gautar höfðu fursamnað, ok gjörðu síðan menn til hans, ok buðu honum gjald af landinu; þat þekktist konúngr, ok tók gjald af bóndum, ok sat þar um vetrinn; svá segir Óttarr svarti:

Gildir<sup>1</sup> komt þú at gjaldi  
gotneskum [her flotna<sup>2</sup>,  
þorðuð þèr at verða<sup>3</sup>

<sup>1</sup>) Gildis, B, D; gildir, G, K, L.    <sup>2</sup>) herflotta, F.    <sup>3</sup>)  
v iða, hin.

Þjóðland<sup>1</sup> fírar<sup>2</sup> brandi<sup>3</sup>;  
 rann, en meðr of minna  
 margr býr um þrek, varga  
 húngr frá ek austr, enn ýngvi<sup>4</sup>,  
 Eysýslu lið, deyja<sup>5</sup>.

Hér segir ok svá, at Ólafr fór, er váraði, austr til Eysýslu ok herjaði; svá er sagt, at hann veitti landgaungu, en landsmenn fóru ofan, ok áttu orrostu við hann; þar hafði Ólafr konúngr sigr, ok rak hann flóttann ok herjaði. Svá er sagt, at Ólafr konúngr kom í furstu í Eysýslu, þá buðu bændr honum gjald af landinu, ok herjaði hann þar eigi; en er gjaldit kom ofan, þá gekk hann ímóti með lið sitt alvápnat, ok var þar annann veg enn bændr hētu, þvíat þeir höfðu gjald ekki at færa konúngi, heldr hervopn at berjast við hann, sem furr var sagt; svá segir Sighvatr skáld:

Þar<sup>6</sup> var enn, [er unnuð<sup>7</sup>,  
 Ólafr, nè svik fálust<sup>8</sup>,  
 odda [hríð í auðri<sup>9</sup>  
 Eysýslu gekk<sup>10</sup> heyja;  
 sitt áttu fjörfótum,  
 fár<sup>11</sup> beið or stað sára,  
 en þeir er undan runnu,  
 allvaldr<sup>12</sup>, bændr gjalda.

<sup>1</sup>) þat land, G, H, S; þjóðlönd, hin. <sup>2</sup>) fyrir, B; fíra, K; jöfurr, G, H, S; farar, L. <sup>3</sup>) röndu, B, D, K. <sup>4</sup>) úngi, D, G, S; ýngri, hin. <sup>5</sup>) heyja, B, D; þegja, F, K, S; þeysa, G, H; þreyja, L. <sup>6</sup>) þat, hin. <sup>7</sup>) er önnur, B, D, F, K, S; er annat, G, H. <sup>8</sup>) fálust, B. <sup>9</sup>) þing í eyldri, hin. <sup>10</sup>) gut, L. <sup>11</sup>) farir, G. <sup>12</sup>) allvald, B; allvaldi, F, G, H.

Síðan sigldi Ólafr konúgr aptr til Finnlands, ok herjaði þar, ok gekk á land upp; en lið allt flýði á skóga undan, ok eyddi bygðina, svá at þeir fengu ekki af fè; hann fór þá lángs á land upp ok yfir skóga nokkura, ok urðu þá fur þeim dalbygðir nokkurar, ok voru þar bæir margir, því heita þar Herdalir; þar fengu þeir lítit fè, en ekki af mönnum. En er áleið daginn, snéri konúgr ofan til skipa sinna; ok er þeir komu á skóginn, dreif lið at þeim öllum megin, ok sótti at þeim fast; konúgr bað menn sína hlífa sér. En áðr konúgr kæmi or skóginum, þá lét hann marga menn, ok margir voru sárir; hann kom um kveldit til skipa sinna. Þá gerðu Finnar um nóttina mikit fjölkýngiveðr at þeim ok storm sjóvar; þá lét konúgr taka upp akkeri ok draga upp segl á skipum sínum, ok beitti hann vestr fyri landit, ok mátti meira hamíngja konúgs, enn fjölkýngi Finna, ok fengu þeir beitt fyri Balagarðssíðu ok svá út á haf. En Finnar fóru hit efra, sem konúgr sigldi hit ytra, ok væntu þá ok þá, at þá mundi uppreka at þeim; svá segir Sighvatr skáld:

Hrífð varð stáls, á' stríðri,  
 straung, Herdala gaungu  
 Finnlendinga at fundi,  
 fylkis niðs<sup>2</sup> hins<sup>3</sup> þriðja<sup>4</sup>;  
 en austr við lá leysti  
 lið<sup>5</sup> víkínga síðu<sup>6</sup>

<sup>1</sup>) í, hin. <sup>2</sup>) móts, II; niðr, F, S. <sup>3</sup>) hinn, B, D, G; hina, F, II, L, S. <sup>4</sup>) þriðju, F, L. <sup>5</sup>) leið, hin. <sup>6</sup>) skeiðir, B, D, F, K, L, S; skeiðar, G, H.

Balagarðs, at barði  
brimskíðum lá síðan<sup>1</sup>.

Þá sigldi Ólafr konúgr til Danmerkr; ok er hann  
kom í Suðrvík, þá átti hann þar hina 4ðu orrostu;  
svá segir Sighvatr:

Enn kváðu gram gunnar  
galdrs<sup>2</sup> upphöfum valda,  
dýrð<sup>3</sup>, [er þeim<sup>4</sup> vel varðist,  
vinnast fjórða sinni;  
Þá er ólítit<sup>5</sup> úti  
jöfra liðs<sup>6</sup> ámiðli<sup>7</sup>  
friðr gekk sundr í<sup>8</sup> sáðri<sup>9</sup>  
Suðrvík, Dönum kuðri.

Þaðan sigldi Ólafr konúgr suðr til Fríslands;  
hann lá fyrri Kinnlimasíðu í hvössu veðri, þar  
gekk hann á land upp með lið sitt; en menn  
fóru ofan ímóti þeim með lið sitt, ok börðust  
við þá; svá segir Sighvatr skáld:

Víg vanntu, hlenna hneigir!  
höldum<sup>10</sup> grímt hið fimmta,  
þolduð<sup>11</sup> hlýr fur hárri  
hríð Kinnlimasíðu;  
Þá<sup>12</sup> er við rausn at ræsis  
reið<sup>13</sup> herr<sup>14</sup> ofan skeiðum<sup>15</sup>  
en ígegn at gunni  
gekk hilmis lið, rekkum.

<sup>1</sup>) síða, B, H, L, S; síðu, G. <sup>2</sup>) gjalds, D, F, L. <sup>3</sup>) v. 1  
G. <sup>4</sup>) frá ek þeim er, hin. <sup>5</sup>) ólúill, B, K, S; ólúil, G, H;  
ólítum, L. <sup>6</sup>) lið, B. <sup>7</sup>) milli, K, S. <sup>8</sup>) með, G. <sup>9</sup>) slíðri,  
B, D, F, H, K, S; suðri, L. <sup>10</sup>) hjálmum, hin. <sup>11</sup>) þoldu,  
hin. <sup>12</sup>) þar, B, D, F, L, S. <sup>13</sup>) reiðr, G, H. <sup>14</sup>) hvern,  
B; ferð, D, F, L. <sup>15</sup>) sverðum, D.

28. Þat er sagt, at þá er Ólafr konúgr herjaði um Austrríki, hafði hann markað við heiðit fólk eitt sinni; þá urðu (þeir) þess vísir, at þar var vísindakona ein á því landi, sú er sagði fyrir ör-lög manna ok líf, ok þotti förunautum konúgs skemtiligt at eiga tal við hana; þeir spurja kon-úng, ef hann vildi gánga til tals við hana, ok frétta eptir forlögum sínum; hann kveðst þat eigi vilja; þá spurja þeir, ef hann vildi lofa þeim, at frétta eptir fur hans hönd; hann segir sér lítit um þat, en kveðst eigi banna. Þá spurja þeir vísindakonuna: hefir þú nokkut athuga leidd um konúng vörn, hversu lengi hann mun lifa, eðr hvat honum mun at bana verða? Hún mælti: þar standa yfir æfi hans ógnar geislar, þeir er mæ er eigi lofat þángat at sjá, en svá skuluð þær segja konúngi yðrum, at hann mun eitt mismæli tala á allri æfi sinni ok láta á sama degi líf sitt. Nú má þat sjá, hversu geyminn hann var at guðs lögum, er hann vildi engan þann frétta eptir sínum forlögum, er eigi var af guðs krapti vitrat.

29. Nokkurri tíð, þá er Ólafr herjaði á heið-nar þjóðir, ok hann hafði marga heiðingja við velli lagt ok mikit herfáng samandregit, þá fór herr Ólafs konúgs til skipa með þann fjárlut, er þeir höfðu í hernaðinum fengit; ok er þeir komu til skipanna, þá söknuðu þeir Ólafs, ok vissu eigi, hvar hann mundi vera; við þat varð allr herrinn hryggr, svá at þeir vissu eigi, hvat þá var til ráðs. Nú er þeir hörmuðu þenna atburð,



ok ætlaðu at leita Ólafs, þá sá þeir, hvar hann reið af landi ofan, ok rak fur sèr marga menn, þá er stórar byrðir höfðu á baki. En er þeir komu til skipanna, þá spurja liðsmenn, hvarfyri þeir lèti rekast svà margir undir byrðum fur einum manni. Þeir svöruðu: eigi er hann einn, heldr sýndist oss hann koma til vor með fjölda vâpn-aðra manna, þeirra er oss nauðgaðu til at bera þessar byrðir. En er liðsmenn Ólafs heyrðu þessa sögu, þá undraðust þeir, ok vegsamuðu Ólaf meirr þaðanfrá.

30. Þá er Ólafr Haraldsson var í Englandi jafnfram Knúti konúngi, þá kom hann hvern morginn furst til kyrkju, þá er hrngt var til tíða, ok hlýddi öllum tíðum, unz lokit var. Aldrí var sá gnýrreðr ógnir út at heyra, at Ólafr mundi utarr líta eptir kyrkjunni, meðan hann var at tíðum, heldr var hann æ staðfastr á bæninni, svà at (hann) brásèr ekki við ógnir þær, sem atbárust. Knútr kom seint til kyrkju, en þó var þat siðvenja, at bíða hans at tíðum. Á nokkrum hátíðardegi varð sá atburðr, at kennimenn biðu Knúts at óttusaung; ok er þeir höfðu lengi beðit, þá leit biskup utarreptir kyrkju, sá er fyri tíðunum rèð, ok sá, hvar Ólafr stóð, en hann sá eigi kominn Knút konúng; þá mælti biskup: seint kemr Knútr konúngr nú, ok munu vèr eigi bíða hans lengr, þvíat kominn er sá konúngr hingat nú, er með breinum hug er ávallt, ok elskar guðliga þjónustu. En er Knútr konúngr kom

til tíða, ok spurði þessi orð biskups, þá öfundaði hann Ólaf, er hann var konúngr kallaðr, ok mátti eigi réttum augum til hans líta. Þat segja menn, at þá væri Ólafr fursta sinn konúngr kallaðr, er biskup nefndi hann konúngs nafni, ok trúa menn þat hafi hann gjört af heilagri andagipt.

31. Ólafr konúngr sigldi þá enn vestr til Englands; en þat var þar tíðenda, at Sveinn Dana konúngr Haraldsson hafði setit þar marga vetr, ok herjat á land Aðalráðs konúngs, ok höfðu Danir þá gengit nálíga yfir allt landit, en Aðalráðr hafði þá flýit landit. Þat sama haust, er Ólafr konúngr kom til Englands, vorðu þau tíðendi þar, at Sveinn konúngr varð bráðdauðr um nótt í rekkju sinni; en þat er sögn enskra manna, at Eðvarðr<sup>1</sup> hinn helgi dræpi hann með þeim hætti, sem hinn helgi Merkúríus drap Julíanum níðíng. En er Aðalráðr konúngr spurr þetta á Flæmíngjaland, þá snéri hann þegar aptr til Englands; en er hann kom aptr, sendi hann orð vinum sínum, ok bauð til sín öllum þeim, er fè vildu þiggja til þess, at vinna aptr landit með honum; dreif þá til hans mikit fjölmenni, þá kom ok þar til liðs við hann Ólafr konúngr með mikla sveit manna<sup>2</sup>. Þeir lögðu furst utan í ána Temps; en Danir höldu borginni öðrum megin árinna, en mikit kauptún var öðrum megin, er heitir Suðvirki, þar höfðu Danir mikinn umbúnað, ok grafit um stórt díki ok sett

<sup>1</sup>) Játmundr, hin.    <sup>2</sup>) Norðmanna, D, II, K, S.

fur innan vegg með viðum ok grjóti, þar höfðu þeir í lið mikit. Aðalráðr konúgr lét þar veita atsókn mikla, en Danir vörðu, ok fengu þeir ekki atgert. Bryggjur voru gjörvar yfir ána Tems milli borgarinnar ok Suðvirkis, svá breiðar, at aka mátti vögnum á víksl; á bryggjunum voru ok vígi, bæði kastalar ok karmar<sup>1</sup> forstreymis, [ok tók þar sem maðr var mjórstr<sup>2</sup> á bryggjunum, ok vörðust þeir þaðan. Aðalráðr Engla konúgr var nú mjök svá hugsjúkr, hvernveg þeir skyldu koma ofan bryggjunum. Ólafr konúgr segir, at hann mundi atleggja með sínu liði, ef aðrir höfðingjar vildi atleggja. Á þeirri stefnu var þat ráðit, at þeirskylduleggja her sinn upp undir bryggjurnar; bjó nú hvern höfðingi sitt lið ok sín skip. Ólafr konúgr lét gera flaka stóra af viðum ok bera yfir skip sín, svá at þeir tóku út af borðum, þar lét hann setja undir stafi svá hátt ok þykkt, at bæði var hægt at verjast ok vega undan, ok svá ærit stinnt við grjóti, þóat<sup>3</sup> ofan væri fært á þá. En er herrinn var búinn, þá veittu þeir atróðr neðan eptir ánni; en þegar er þeir komu nærr bryggjunum, þá var borit á þá bæði skot ok grjót, svá stórt, at ekki stóð við, hvárki hjálmar nè skildir, ok skipin meiddust; lögðu þá frá flestir. En Ólafr konúgr ok Norðmenn með honum lögðu allt

<sup>1</sup>) borðþök, *hin*    <sup>2</sup>) svá at tók upp fyri miðjan mann, *hin*.

<sup>3</sup>) *hér byrjar C aptr.*

upp undir bryggjurnar, ok báru styrkakaðla um stafina, þá er upp hældu bryggjunum, svá sem þeir máttu neðarst, tóku síðan ok ræru öllum skipum senn forstreymis, drógust þá stafirnir með grunnum, þartil er undan gengu, brustu þá niðr bryggjurnar allar; en vâpnaðr herra, er stóð á bryggjunum þykkt, ok margt grjótt ok annar þúngi, er á var borinn, þá fêll þat allt niðr í ána<sup>1</sup>. Eptir þetta veitti konúngr atgaungu at Suðvirki, ok vann þat. En er borgarmenn sá þat, at virkið var unnit, svá at þeir máttu eigi banna skipaför upp í landit, þá hræddust þeir ok gáfu upp borgina, en tóku við Aðalráði; svá segir Óttarr svarti:

Enn braust þú, ðla kennir  
yggveðrs! róinn<sup>2</sup> bryggjur,  
linns hefir lönd at vinna,  
Lundúna, þær snúnat.

Ok enn kvað hann:

Komtu í land ok lendir,  
láðvörðr! Aðalráði,  
þín<sup>3</sup> naut rekka reynir<sup>4</sup>  
[ríki eflr<sup>5</sup> at slíku;  
harðr var fundr, sá er færud  
friðland á vit niðja  
rêð ættstuðill áðan  
Eátmundar þar grundu.

Ok svá segir Sighvatr skáld:

<sup>1</sup>) hér byrjar E apt.    <sup>2</sup>) þorinn, hín.    <sup>3</sup>) þíns; C, F, L.  
<sup>4</sup>) runi, C, D, F, L, S.    <sup>5</sup>) ríkis, C, D, F, G, L.

Rètt er', at sókn hin sètta  
 snarr þengill bauð Englum  
 átt, þar er Ólafr sótti,  
 yggs, Lundúnar bryggjur;  
 sverð bitu [völsk, en<sup>a</sup> varði  
 [víkínga lið<sup>3</sup> diki,  
 átti sumt<sup>4</sup> í slèttu  
 Suðvirki lið búðir.

32. Ólafrkonúgr var þann vetr með Aðal-  
 ráði konúgi á Englandi, þá áttu þeir orrostu  
 mikla á Hríngmaraheiði á Úlfkels landi; þat ríki  
 átti Úlfkell snillíngur; þar fengu konúgarnir  
 sigr; svá segir Sighvatr:

Enn lét sjöunda sinni  
 sverðþíng háit verða  
 endr á Úlfkels landi  
 Ólafr, sem ek fer málum;  
 stóð Hríngmaraheiði,  
 herfall var þar, alla<sup>5</sup>  
 Ellu kind, en olli  
 arfvörðr Haralds starfi.

Óttarr svartir segir svá:

Þengill! frá ek, at<sup>6</sup> þúnga  
 þinn [herr, skipum<sup>7</sup> ferri,  
 rauð Hríngmaraheiði,  
 hlóð valköstu, blóði;

<sup>1</sup>) varð, C, D, E, F, L. <sup>2</sup>) völd en, B. <sup>3</sup>) víkíngar þar,  
 hin. <sup>4</sup>) sunds, B, F. <sup>5</sup>) allra, C. <sup>6</sup>) enn, C, F. <sup>7</sup>) herr með  
 skip, B.

laut fur yðr, áðr lætti,  
landsfólk í gný branda,  
Engla ferð, á jörðu,  
ótt, enn mörg, á flótta.

Þá lagðist enn landit víða undir Aðalráð konúng,  
en Þíngamenn ok Danir hældu þá enn víða borg-  
um, ok víða hældu þeir landit.

33. Ólafr konúngur var höfðingi fur herin-  
um, þá er þeir hældu til Kantarabyrgis ok börð-  
ust þar, ok vinnu staðinn, en drápu fjölda manna,  
ok brendu borgina; svà segir Óttarr svartí:

Atgaungu vanntu, ýngvi!  
ætt síklínga mikla,  
blíðr hilmir! tóktu breiða  
borg Kantara of morgin;  
læk við rann<sup>1</sup>, af ríki  
rèð þú, bragna konr<sup>2</sup>! gagni,  
aldir<sup>3</sup> frá ek at aldri,  
eldr ok reykr, [at þú<sup>4</sup> beldir.

Svà segir Sighvatr skáld:

Veit ek, at víga mætir<sup>5</sup>,  
virðum<sup>6</sup> hættr<sup>7</sup> hit<sup>8</sup> álta  
styrkr gekk vörðr at virki,  
verðungar styr<sup>9</sup> gerði;  
sinn máttat bæ banna  
borg Kantara, sorgar  
margt fékkst prúðum pörtum  
portgreifar Óleifi.

<sup>1</sup>) lét, B, D. <sup>2</sup>) rönn (ravn), hin. <sup>3</sup>) vinr, G. <sup>4</sup>) aldar, hin.  
<sup>5</sup>) um, C, G, H. <sup>6</sup>) hucitir, G. <sup>7</sup>) vörðum, G; Vindum, hin.  
<sup>8</sup>) hættr, B, E, F, L; hútt, D, G, H. <sup>9</sup>) enn, hin. <sup>10</sup>) frið, E.

Ólafr konúgr hafði þá landvörn fur Englandi,  
ok fór með herskipum fyr landit; hann lagði  
upp í Nýjamóðu, þar var fur þíngmannalið, ok  
átti þar orrostu, ok hafði Ólafr konúgr sigr;  
svá segir Sighvatr:

Vann úngr konúgr Englum  
ótrauðr skarar rauðar,  
endr kom brúnt<sup>1</sup> á branda  
blóð í Nýjamóðu;  
nú hefik orrostur austan<sup>2</sup>  
ógndvaldr<sup>3</sup> níu taldar,  
herr fèll danskr, er<sup>4</sup> dörrum  
dreif mest at Óleifi.

Ólafr konúgr fór víða um landit, ok tók gjald  
af mönnum, en herjaði at öðrum kosti; svá  
segir [Sighvatr skáld<sup>5</sup>:

Máttut [enskar ættir<sup>6</sup>,  
öld, þar er tókt við gjöldum,  
vísi vægðarlausum,  
víðfrægr<sup>7</sup>, við þær bægjast<sup>8</sup>;  
gulduð gunnar<sup>9</sup> sjaldan  
goll<sup>10</sup> döglingi þollar<sup>11</sup>,  
stundum frá ek til strandar  
stór þíng ofan fóru.

34. Ólafr konúgr dvaldist þar 3 vetr; en  
hit 3ðja vár þá andaðist Aðalráðr konúgr, tóku

<sup>1</sup>) brúnt, *L.* <sup>2</sup>) ofan, *F.* <sup>3</sup>) ógndjarfr, *B, S*; óguvalds, *E, S*; óguvaldr, *hin.* <sup>4</sup>) með, *F, L*; fyr, *II*; þar er, *hin.* <sup>5</sup>) Ottarr, *B, C, D, E, F, G, K, S.* <sup>6</sup>) enskrar ættar, *hin.* <sup>7</sup>) vanfrægr, *B.* <sup>8</sup>) bægia, *E, G, K, S.* <sup>9</sup>) gunnar (gumar) *hin.* <sup>10</sup>) gull, *hin.* <sup>11</sup>) hollost, *L, K, S*; hellum, *G, II.*

Þá ríki synir hans, Eaddvarðr ok Eátmundr. Þá fór Ólafr konúgr suðr um sjó ok barðist í Hríngs-firði ok vann kastalann á Hólund', er víkingar sátu í, hann braut kastalann allan; svá segir Sighvatr:

Tögr var fylldr<sup>2</sup> í fögrum,  
fólksveggs<sup>3</sup> drífa hreggi  
hèlt, sem hilmir mælti,  
Hríngsfirði, lið þíngat;  
ból<sup>4</sup> lét hann á hólí<sup>5</sup>  
hátt, víkingar áttu,  
þar<sup>6</sup> báðut<sup>7</sup> sèr síðan  
slíks skotnaðar, brotna<sup>8</sup>.

Þá hèlt Ólafr konúgr liðinu vestr í Gíslu<sup>9</sup>-polla, ok barðist þar við víkinga fyrri Vilhjálmsbæ, þar hafði Ólafr konúgr sigr; svá segir Sighvatr skáld:

Ólafr! vanntu, þar er jöfrar  
ellifta styr feldu<sup>10</sup>,  
úngr<sup>11</sup> komtu af því þíngi  
þollr, í Gíslu<sup>12</sup>-polla;  
þat frá ek víg<sup>13</sup> vittu<sup>14</sup>,  
Vilhjálms fur bæ, hjálma<sup>15</sup>,  
tala mín<sup>16</sup> er þat telja,  
[trygð í háit, at bygðum<sup>17</sup>.

<sup>2</sup>) hælunum, C; hælunum, D, E; hólunum, G, H, S. <sup>3</sup>) fólkhreggs, C. <sup>4</sup>) blóð, C, D, F, L. <sup>5</sup>) blóði, C, F; hælt, D; hljóði, L. <sup>6</sup>) þeir, hin. <sup>7</sup>) báðir, C; báðu, G. <sup>8</sup>) brotna, C. <sup>9</sup>) Gríslu, G, K, L. <sup>10</sup>) féllu, hin. <sup>11</sup>) hríngs, G, H. <sup>12</sup>) Gríslu, G, K, S. <sup>13</sup>) vígs at, C, G. <sup>14</sup>) veittu, D, F, G. <sup>15</sup>) málma, B, F; álmar, D, G, H. <sup>16</sup>) minnst, B, D, G; minnist, C. <sup>17</sup>) tryggs jarls háit svarla, hin.



Því næst barðist hann vestr í Fetlafirði, sem Sighvatr segir :

Tönn rauð tólfta sinni  
tír fylgjandi ylgjar,  
varð í Fetlafirði  
fjörbann lagit manna<sup>1</sup>.

Þaðan fór Ólafr konúgr til Seljupolla, ok átti þar orrostu, þar heitir Gunnvaldsborg; hann tók höndum þann höfðingja, er ræð fyrri borginni, er Geirfinnr hèt; þá átti Ólafr konúgr tal við borgarmenn, ok lagði gjald á þá ok á jarlinn til útlausnar [30 marka<sup>2</sup> skillinga; slíkt var honum goldit, sem hann beiddi ok lagði á þá, or borginni; svà segir Sighvatr skáld:

Þrettánda vannt þrænda,  
þá<sup>3</sup> var flótta bö<sup>4</sup>, drottinn  
snjallr í Seljupollum  
sunnarla styr fullan<sup>5</sup>;  
upp lèt gramr á<sup>6</sup> gamla  
Gunnvaldsborg um morgin,  
Geirfiðr hèt sá gjörva<sup>7</sup>  
genginn<sup>8</sup>, jarl of<sup>9</sup> fenginn<sup>10</sup>.

Eptir þat hèt Ólafr konúgr liði sínu vestr í Karlsár ok herjaði þar; hann átti þar orrostu ok fékk sigr.

35. Svà er sagt, at heiðingjar þeir, er ræðu

<sup>1</sup>) mönnum, *hín*. <sup>2</sup>) 20 merkr gulls, *C, D, F*; 12 þúsund-ir gulls, *G, K, S*; 12 merkr gulls, *E*. <sup>3</sup>) þat, *hín*. <sup>4</sup>) dvöl, *F, L*. <sup>5</sup>) kunnau, *hín*. <sup>6</sup>) í, *hín*. <sup>7</sup>) goina, *D, G*. <sup>8</sup>) gengit, *C, D, E, F, K, L, S*. <sup>9</sup>) ok, *E, K*. <sup>10</sup>) fengit, *C, E, F, L*.

fur í Karlsám blótaðu tvær undarligar skepnur til fulltíngis sèr, þær er styrkvar urðu þeirra mótsstöðumönnum, þat annat var margýgr, hún liggr í Karlsám, en stundum í sjá; hún svæfir skipshafnir með fögrum saung, en drekkir þeim síðan, en stundum æpir hún svà hátt, at menn verða nær at gjalti, ok hverfa af því aptr. Margýgrin lá þá í Karlsám; þat kvikendi er svà skapat, at þat er fiskr niðr frá beltisstað ok fjöðr á, en kona upp þaðan; þat er hennar náttúra, þá er hún er í vatni, at hún leikr sèr at fiskum, ok ef hún steypir sèr at skipi, þá þikkir þeim ráðinn manntapi, en ef hún steypir sèr frá skipi, þá farnast vel; þetta skrímsl var svà magnat, at þat hafði mörgum mönnum at skaða vorðit þar í ósinum. Þá er Ólafr konúngr skyldi útleggja, þá sá þeir, þar sem mættist sjárin ok vatnit, þetta skrímsl, er í bókum kallast súrna eða hýrenus, ok lèk sèr í ósinum; óssinn var bæði lángr ok breiðr; hún örglaðist upp or sjónum hátt ok allt af grunnineðan. Ok er skip Ólafs, þat er furst fór, rendi fram at þessu skrímsli, þá tók hún í stafninn ok hvelfði, ok fursfór allri skipshöfninni; þeir vorðu hræddir, er síðarr fóru á öðrum skipunum, ok mæltu: biðum vèr Ólafs, ok vitum, hvat ráða hann vill taka. Síðan viku þeir aptr skipunum, ok kölluðu á Ólaf, þegar kall mátti heyra, ok sögðu, at úhreint var í ósinum ok þarmeð þenna atburð. Ólafr biðr þegar róa fram sínu skipi, ok var svà gert.

Síðan kom upp margýgrin, ok fór gapandi at skipinu; en Ólafr brá saxi, at sumra manna sögn, ok hjó af henni hendina við stafninum; sumir menn segja, at hann tæki eitt spjót ok skyti í brjóst henni, ok fengu henni með því bana; ok varð gæfa hans mjök um fram aðra menn, þegar um vandamál var at vera, ok sýndist þat, hve mikils guð virði hann þessa heims. En svá kvað margýgrin við hátt, er Ólafr veitti henni skaða, at eigi þóttist slíkt heyrt hafa.

36. Eptir þat fara þeir, sem þeir höfðu áðr ætlat, ok leggja at landi einhversstaðar þaðan skamt ábrott; þeir renna þar upp, ok tóku fé mikit í blóthaugi einum; var þá á hvassviðri mikit, ok hafði blásit hauginn, ok lá silfrit bert, ok fundu þeir af því fèit; ferr herrinn eptir þat allr til skipa. En Ólafr var einn eptir staddr, ferr á land upp einsaman, ok reið í rjóðr eitt, ok hugsaði um, hvárt hann skyldi aptr hverfa eðr eigi; ok er hann hafði þar staðar numit, þá heyrði hann mikla brakan alla vega frá sèr í skóginn, ok því næst kemr þar fram einn göltr geysimikill ok illiligr, hann var grimmligr ok svá gamall, at hann hafði marga manns aldra, á honum höfðu landsmenn mikinn átrúnað; hann hafði margt lið með sèr, svá at þakti allt rjóðrit, svá var þat mikill fjöldi; sýndist honum þat óþekkt mikil, er þar var saman komin. Galti fór með gapanda munni at konúnginum; en Ólafr ljóp upp báðum fótunum í söðulinn, ok forðaði

þeim svá. Þat er sagt frá vexti galta, at þá er hann vildi bíta konúnginn, lagði hann tranann ok tennr upp á söðultreyjuna. Ólafr konúngr var girðr sverðinu Bæsíngi, hann bregðr því hvatt ok tídt, ok hjó ranann af galta nokkurum fyri neðan augun, ok valt þat upp í söðulinn; galti kvað við svá hátt, at Ólafr sagðist þat viðkveð heyrt hafa armligast annat enn þat, er margýgrin hafði haft. Síðan kallaði Ólafr sverðit Hneiti, er áðr hèt Bæsíngr, þvíat honum þótti þathneita önnur sverð fur hvassleika sakir. Nú hafði konúngr ranann af galta til sigrmarks sèr ok tenn; en sumir menn segja, at hann hefði hendina af margýgrinni, ok fór eptir þat til liðs síns.

37. Ólafr konúngr lá þar skipum sínum ok beið byrjar, ætlaði hann þá at sigla til Njörvasunda ok þaðan út í Jórsalaheim; þá dreymdi hann merkiligan draum, at til hans kom tíguligr maðrok ógrligr, ok mælti við hann, bað hann hætta ætlan þeirri, at fara út í lönd: far heldr aptr til ættjarða þinna, þvíat þú munt konúngr vera í Noregi at eylifu. Hann skildi þann draum svá, at hann mundi konúngr vera yfir Noregi ok hans ættmenn eptir hann; at þessi vitran snèri hann aptr ferð sinni, ok lá við Peituland ok herjaði þar ok brendi landit; þar brendu þeir stað þann, er Varrandi heitir; þess getr Óttarr svartli:

Náðit' úngr at eyða,

<sup>1)</sup> náðut, *hin*.

ógnateitr jöfurr! Peitu,  
reynðuð, ræsir! steinda<sup>1</sup>,  
rönd<sup>2</sup> á Stúlka<sup>3</sup>-landi.

Svâ segir Sighvatr skáld:

Málm<sup>4</sup> rauð' Mæra hilmir  
munnrjóðr, er komt sunnan,  
gáng<sup>5</sup>, þar er gamlir sprúngu<sup>7</sup>  
geirar, út<sup>8</sup> at leiru;  
varð fur víga morði<sup>9</sup>  
Varrandi, [sjó fjarri<sup>10</sup>,  
brendr á bygðu landi  
bærr heitir svâ<sup>11</sup> Peitu.

38. Ólafr konúgr hafði verit í hernaði vestr í Vallandi 2 sumur ok einn vetr; þá var liðit frá falli Ólafs konúgs Tryggvasonar 13 vetr, en þessa stund alla höfðu ráðit fur Noregi jarlar, furst Sveinn ok Eiríkr, Hákonarsynir, en síðan Sveinn ok Hákon Eiríkssynir; Hákon var systurson Knúts hins ríka Sveinssonar. Í þann tíma voru í Vallandi jarlar 2, Vilhjálmr ok Roðbert, faðir þeirra var Ríkarðr Rúðu-jarl<sup>12</sup>, en systir þeirra var Emma drottning, er átti Aðalráðr Engla konúgr; voru þeirra synir Eátmundr ok Eáðvarðr hinn góði, Eáthvígr ok Eáthgeirr. Ríkarðr jarl var son Roðberts lánaspjóts, en hann

<sup>1</sup>) þrænda, C. <sup>2</sup>) hér sleppr G um sinn. <sup>3</sup>) Tosku, K; Týska, L; Túska, hin. <sup>4</sup>) málm, hin. <sup>5</sup>) vann, hin. <sup>6</sup>) gagn, C, D, E, F. <sup>7</sup>) sángu, C, D, E, F, H, L. <sup>8</sup>) upp, C, D, E, F, K, S. <sup>9</sup>) njörðum, B, C, E, F, H, L; morðum, K, S; meiðum, D. <sup>10</sup>) sjá fyrri, L. <sup>11</sup>) sjá, C, L. <sup>12</sup>) þeir réðu fyrri Normandí, b. v. hin.

var son Gaungurólfs, jarls þess, er nam Norðmandí; hann var svá mikill, at hann báru eigi hestar, ok fyri þá sök var hann kallaðr Gaungurólfr; hann var son Rögnvalds hins ríka Mærajarls, en móðir hans var Hildir, dóttir Rólfs nefju; hann var hinn mesti víkingr ok úeirinn; hann hafði strandhögg stór eitt sinn í Vík austr, þá er hann var kominn or víking, ok fur þat varð Haraldr konúngr honum reiðr, ok gerði hann útlaga af Noregi. Þá fór Hildir, móðir Gaungurólfs, á fund Haralds konúngs, ok flutti mál hans, en konúngr var svá reiðr, at þat tjáði ekki; þá kvað hún<sup>1</sup> þetta:

Hafnit Nefju nafni<sup>2</sup>,  
[nú rekit gand<sup>3</sup> or landi,  
horsken hölda<sup>4</sup> barma,  
hví bellit því, stillir!  
ílt er við úlf at ýlfast<sup>5</sup>,  
yggs valbríkar slíkan,<sup>6</sup>  
muna við yðrar<sup>7</sup> hjarðir  
hógr, er<sup>8</sup> hann gengr til skógar.

Eptir þat fór Gaungurólfr or landi, ok herjaði lengi síðan um Vestrlönd, ok ruddi sèr til ríkis í Vallandi, ok sótti þangat brátt fjöldi manna<sup>8</sup>, ok bygði þar, sem síðan heitir Norðmandí. Frá Gaungurólfi jarli eru komnir Rúðu-jarlar, svá sem nú var sagt; því töldu þeir jafnan frændsemi við Noregs höfðingja, ok virðu þá mikils, voru

<sup>1</sup>) Norðmandí, B. <sup>2</sup>) nafna, C, D, E, L, S. <sup>3</sup>) nú er rekin gandr (gander, C) C, E, F, L. <sup>4</sup>) Höfða, B, C, D, E, F, L; höfðu, K. <sup>5</sup>) ýglast, E, L. <sup>6</sup>) hlímis, hin. <sup>7</sup>) ef, B, D, E, F, L. <sup>8</sup>) Norðmanna, B, C, D, E.

Þeir hinir mestu vinir Norðmanna alla stund síðan, ok áttu með þeim friðland allir Norðmenn, þeir er þat vildu. Um haustit kom Ólafr konungur í Norðmandí, ok dvaldist þar um vetrinn, ok hafði friðland.

39. Eptir fall Ólafs Tryggvasonar gaf Eiríkr Einari þambarskelfi grið, syni Eindriða Styrkárssonar af Gimsum; Einarr var þá 18 vetra, er hann fór með Eiríki norðr í Noreg. Svá er sagt, at Einarr hafi verit manna styrkastr ok beztr bogmaðr þeirra manna, er verit hafa í Noregi, ok varð harðskeyti hans umfram alla menn aðra; hann skaut með bakkakólfi í gegnum uxahúð hráblauta, er hëkk á ási einum, þat gerði hann til ágætis sèr; skiðfærr var hann hverjum manni betr; hinn mesti var hann í þróttamaðr; hann var ættstórr ok auðigr. Eiríkr jarl ok Sveinn jarl giptu honum Bergljótu, systur sína, Hákonardóttur, hún var enn mesti kvennskörúngr; Eindriði hèt son þeirra. Jarlar gáfu Einari veizlur stórar í Orkadal, ok gerðist hann hinn ríkasti maðr ok hinn göfgasti í Þrændalögum, var hann jörlum hinn mesti styrkr ok ástvinr beggja þeirra.

40. Þá er Eiríkr jarl hafði ráðit fur Noregi 12 vetr, þá kom til hans orðsending Knúts konungs hins ríka, mágs hans, at hann skyldi fara með honum vestr til Englands með her mikinn. Eiríkr jarl var frægr maðr af bardögum þeim ok orðstír, er hann hafði borit sigr or orr-

<sup>1</sup>) í Sögu, b. v. B, C, E, II, L.

ostum þeim tveim, er snarpastar höfðu verit á Norðrlöndum: önnur sú, er þeir Hákon jarl, faðir hans, börðust við Jómsvíkínga, en sú önnur, er hann barðist við Ólaf Tryggvason; þess getr Þórðr Kolbeinsson í Eiríks drápu:

Enn hefst<sup>1</sup> leyfðr<sup>2</sup> þar<sup>3</sup> er lofðar<sup>4</sup>  
lofkenda frá ek senda<sup>5</sup>  
at hjálmsömum hilmi  
[hjaldr drýgjanda<sup>6</sup>, boð<sup>7</sup>, jarli;  
at [skögl tjalda<sup>8</sup> skyldi,  
skil ek, hvat gramr læzt vilja<sup>9</sup>,  
endr at ástafundi

Eiríkr koma þeirra.

Jarl vildi eigi undir höfuð leggjast orðsendíng Knúts konúngs; fór hann síðan or landi, en setti eptir í Noregi lands at gæta Hákon, son sinn, ok seldi hann í hendr Einari þambarskelfi, mági sínum, at hann skyldi hafa landráð fur Hákon; hann var þá átján<sup>10</sup> vetra, en Sveinn jarl hafði þá hálf land til móts við Hákon, frænda sinn. Eiríkr kom til Englands, ok fór þegar til fundar við Knút konúng, ok var með honum, þá er hann vann Lundúnaborg. Eiríkr jarl barðist fur vestan haf; þá feldi hann Úlfkel snillíng; svá segir Þórðr Kolbeinsson:

Gullkennir [læzt þú gulli<sup>11</sup>  
græðis-hests fur vestan,

<sup>1</sup>) hefst, C, D, E, L, S. <sup>2</sup>) leyfð, B, D, E, H, K, S; leyfs, C, L. <sup>3</sup>) þess, E. <sup>4</sup>) leyfða, L; lofða, hin. <sup>5</sup>) sendu, C, E, L, S; kendu, K. <sup>6</sup>) hjárls drottna, hin. <sup>7</sup>) bað, B; bauð, K. <sup>8</sup>) skyldligast, hin. <sup>9</sup>) hér aleppr C um sinn. <sup>10</sup>) 17, B, K, S. <sup>11</sup>) lét gunni, hin.



Þundr vâ leyfðr til landa,  
 Lundún saman bundit;  
 fèkk [regn þorin<sup>1</sup> rekka  
 rönn af þíngamönnum,  
 [öglis höggs<sup>2</sup>, þar er eggjar<sup>3</sup>  
 Úlfkels<sup>4</sup> blár<sup>5</sup> skulfu.

Eiríkr var á Englandi einn vetr, ok átti þar nokk-  
 urar orrostur, enn annat haust eptir æilaði hann  
 til Rómferðar ok bæta heim fur sèr; þá andað-  
 ist hann af blóðláti þar á Englandi. Knútr  
 konúngr átti margar orrostur á Englandi við  
 sonu Aðalráðs konúngs, ok höfðu ýmsir betr;  
 hann kom þat sama sumar til Englands, er Að-  
 alráðr konúngr andaðist; þá fèkk Knútr konúngr  
 Emmu drottningar, er átt hafði Aðalráðr kon-  
 úngr; börn þeirra voru þeir Haraldr ok Hörða-  
 knútr<sup>6</sup>. Knútr konúngr sættist við Eátmund  
 konúng, ok skyldi hafa hálf England hvârr  
 þeirra; en á sama mánaði, er þeir höfðu sæzt,  
 drap Heiðrekr<sup>7</sup> trjóna<sup>8</sup> Eátmund konúng. Eptir  
 þat rak Knútr konúngr af Englandi alla sonu Að-  
 alráðs konúngs; svâ segir Sighvatr skáld:

Ok senn sonu  
 sló hvern ok þó,  
 Aðalráðs, eða  
 útlæmdi Knútr.

Þat sama sumar komu synir Aðalráðs konúngs

<sup>1</sup>) regn þorins, *D, E*; hreggþorins, *K, L*. <sup>2</sup>) yglis högg, *B*; ygglig högg, *hin*. <sup>3</sup>) eggja, *S*. <sup>4</sup>) Úlfkell, *B, S*. <sup>5</sup>) við lár, *L*. <sup>6</sup>) ok Gunnhíldr *b, v. hin*. <sup>7</sup>) Heinrekr, *E*. <sup>8</sup>) strjóna, *hin*.

til Rúðu [móðurbróður síns í Valland<sup>1</sup>, er Ólafr kom vestan or víkingu, ok voru þeir allir samt í Norðmandí um vetrinn, ok bundu lag sitt saman með þeim skildaga, at Ólafr skyldi hafa Norðymbraland, ef þeir gæti unnit England. Þá sendi Ólafr um haustit Hrana, fóstura sinn, vestr til Englands at eflast at liði, ok sendu synir Aðalráðs konúngs jartegnir til vina sinna ok frænda; Ólafr konúngr fèkk honum í hendr lausafè mikit, at gefa höfðingjum, ok spenja svà landit<sup>2</sup> undir þá með því. Hrani var í Englandi um vetrinn, ok gat komist at trúnaði margra ríkra manna, ok var landsmönnum betr viljat at hafa samlenda konúnga við sik yfir sèr; en þó var svà mikill styrkr Dana þá í Englandi, at allir ríkismenn ok landsfólk var undirbrotit ríki þeirra. Um vâritfóru þeir vestan allir saman, Ólafr konúngr ok synir Aðalráðs konúngs, ok komu til Englands, þar sem heitir Íngafurða<sup>3</sup>, þeir gengu þar þegar á land með lið sitt; þar voru fyri margir þeir menn, er þeim höfðu liði heitit, þeir unnu þar borg ok drápu margt manna. En er við þetta vurðu varir menn Knúts konúngs, þá drógu þeir her saman, ok vurðu brátt fjölmennir, svà at synir Aðalráðs höfðu engan liðsafla ímóti, ok sá þann sinn kost helzt, at halda íbrott ok vestr til Rúðu; þá skildist Ólafr konúngr við þá, ok vildi

<sup>1</sup>) í Vallandi til móðurbræðra sinna, *D, E, K, S.* <sup>2</sup>) lið, *E, K, S.* <sup>3</sup>) Júngufurða, *B*; Menjúngufurða, *E, L*; Menníngafurða, *D, F*; Úznafurða, *H.*

eigi fara vestr aptr til Vallands; hann sigldi þá norðr til Norðimbraland, hann lagði þar at í höfn þeirri, er heitir [fyri Valldi', hann barðist þar við bæjarmenn, ok fèkk sigr ok mikit fè.

41. Sá atburðr varð, þá er Ólafr konúngr herjaði á Írland, at skip hans fjaraði uppi, svà at þau stóðu á þurru landi, en sjórinn var hvergi í nánd þeim; konúngrinn var farinn upp á land með öllu liði sínu at herja; en er landsmenn sá, hvar skip Ólafs voru uppi fjarut, þá samnaðu þeir ótalligum her, ok ætlaðu at berjast við Ólaf konúng ok hans menn, þóttust Írar hafa ráð þeirra í hendi sèr fur liðsfjölda sakir ok þess, at skip Ólafs voru uppi fjörut. Nú er Ólafr ok hans menn sá, at þeir máttu eigi ábrott komast, en fjöldi liðs fór eptir þeim, ok hann þóttist eigi sjá, hvern veg hann mátti íbrott komast, þá mælti Ólafr konúngr við lið sitt; þar var þá meðhonum Þorkell enn háfi ok Úlfr, son Þorgils sprakaleggs. Ólafr mælti: þat sýnist mèr ráð, at vèr heitim á guð allsvaldanda, ok biðjum þess, at hann veiti oss sitt fulltíngi, en vèr heitim því, at vera hèðanaf ógrimmari ok óherskárri enn hín-gattil; höfðíngjarnir sögðust öllu því vilja heita, sem hann sæi ráð fur. Eptir þat mælti konúngr fur heiti þeirra; síðan fèll konúngr til jarðar með liði sínu; en guð heyrði bæn hans, ok gaf þá miskun, at sjórinn fèll svà skjótt á land, at skipin voru öll á fljóti, áðr konúngr hafði lokit bæn sinni;

<sup>1</sup>) Fyr-Vald, E.

stè konúgr á skip sín ok fór leið sína, en Írar hurfu aptr.

42. Þá er Ólafr konúgr hafði herjat ok hneykt grimmleik heiðinna þjóða um eyjar ok andnes, Danmörk ok Svíþjóð, Austrvegu ok Valland, Írland ok England, snèri hann aptr ferð sinni; hann lèt eptir lángskip sín á Norðymbralandi, en bjó þaðan knörru 2 ok [3 hundruð<sup>1</sup> manna, þeir voru albrynjaðir ok allir valdir at hug ok hreysti; hann sigldi þá um haustit norðr í haf, ok fengu óðviðri mikit í hafi, svá at mannhætta var í mikil; en með því at þeirhöfðu liðskost góðan ok hamíngju konúgs, þá hlýddi; svá segir [Óttarr svartí<sup>2</sup>:

Valfasta, bjótt þú vestan,  
veðrörr! tvá knörru;  
hætt hafit èr í ótta<sup>3</sup>  
opt skjöldunga þóptu<sup>4</sup>;  
náði straumr, ef stæði,  
stránger kaupskipum ángra,  
innan borðs á unnum  
erríngarlið verra.

Ok enn segir hann:

Eigi hræddust ýtar<sup>5</sup>,  
èr fórut sjá stóran;  
allvaldr of getr<sup>6</sup> aldar  
engi nýtri drengi;  
opt var fyrs<sup>7</sup>, en forsi

<sup>1</sup>) 20 menn ok hundruð, B, H, K, L, S; hundruð, D; 20 menn ok 2 hundruð, hin. <sup>2</sup>) Sighvatr, L. <sup>3</sup>) óttu, L. <sup>4</sup>) þópti, D, F, K, L, S. <sup>5</sup>) jöfra, B; ægi, hin. <sup>6</sup>) lár, B. <sup>7</sup>) fars, hin.

flaust<sup>a</sup> hratt af sèr brattum,  
nautt<sup>a</sup>, áðr Noreg beittut<sup>3</sup>,  
niðjúngr Haralds! miðjan.

Hann segir svà hèn, at Ólafr konúngr kom utan at Noregi miðjum; en ey sú heitir Sæla<sup>4</sup>, er þeir komu furst við land, þat er út frá Staði. Þá mælti Ólafr konúngr: Þetta mun oss vera tímadaðr, er vèr höfum lendt við Sælu í Noregi, ok er þetta góð vitneskja, er svà hefir tilborit. Síðan gengu þeir uppá eyrna, ok steig konúngr þar á landi fæti, sem var leira nokkur, ok steyptist á knè; þá mælti konúngr: fèll ek nú, segir hann. Þá svarar Hrani<sup>5</sup>: nú festir þú fætr í landi. Konúngr hló at, ok mælti: má svà vera, ef guð vill at þat gjörist. Gánga þeir nú ofan til skipanna, ok sigldu suðr til Úlfasunda<sup>6</sup>; þá spurja þeir þat, at Hákon jarl Eiríksson var farinn suðr í Sogn, ok hans var þá sunnan væn, þegar er byr gæfi, ok hafði 1 skip.

43. Þá er Ólafr konúngr Tryggvason røð fur Noregi, þá boðaði hann trú rætta ok kristni þar í landi, ok var þat torsótt mál í mörgum stöðum; hann vann þat til styrks sèr ok framgánga um siðinn, at hann gipti systur sína<sup>7</sup> Erlíngi Skjálgssyni af Jaðri; en fyrir því at henni þótti sèr þat lítilræði, at giptast honum, ótignum manni, þá gaf hann Erlíngi hálfar landsskyldir

<sup>a</sup>) flaust, *F, L.*    <sup>2</sup>) nýtr, *K*; neytt, *hín.*    <sup>3</sup>) hittuð, *D, H.*

<sup>4</sup>) Selja, *F, K.*    <sup>5</sup>) eigi félltu, konúngr! *b. v. D, E, F, H, L.*

<sup>6</sup>) Sauðúngsunda, *II.*    <sup>7</sup>) Astríði, *b. v. D, E, L.*

ok allar hálfar konúngstekjur við sik milli Líf-  
andisness ok Sogns. Erlíngr Skjálgsson vildi  
eigi jarl heita, en hann hafði þó meira ríki enn  
flestir skattkonúngar. Ólafr Tryggvason gipti  
aðra systur<sup>1</sup> sína Rögnvaldi Úlfssyni, hann ræð  
fur Vestra-Gautlandi lengi síðan; Úlfr faðir  
Rögnvalds jarls var bróðir Sigríðar hinnar stór-  
ráðu, móður Ólafs Svía konúnga. Eptir fall Ólafs  
Tryggvasonar, þá er þeir bræðr ræðu landi,  
Eiríkr ok Sveinn, þá átti Erlíngr<sup>2</sup> einn þriðjúng  
lands, annann þriðjúng lands hlaut Sveinn  
Dana konúngur, ok hafði hann mestan lut Víkr-  
innar<sup>3</sup>; Ólafr Svía konúngur laut hinn þæja, þat  
voru sjö<sup>4</sup> fylki<sup>5</sup> í Þrándheimi: Sparbyggja fylki<sup>6</sup>,  
Skön, Stórdæla<sup>7</sup>-fylki<sup>8</sup>, Mæri hváratveggju,  
Raumsdalir ok Austrvík<sup>9</sup> við landsenda. Sveinn  
jarl átti Hólmfríði, dóttur Eiríks Svía konúnga,  
systur Ólafs Svía konúnga, ok hélt hann land af  
hendi hans. Eiríkr jarl lét sér ekki líka, at Er-  
língur Skjálgsson hefði ríki svá mikit, ok þótti  
hann vera ekki trúligur, ok tók hann undir sik  
allar hans eignir ok landsskyldir allt um Roga-  
land, ok guldu landbúar opt tvennar landsskyld-  
ir, en at öðrum kosti eyddi hann byggðina; lítit  
fékk jarl ok af sakeyrinum, þvíat ekki hældust  
þar sýslumenn við, ok þvíat eins sat jarl þar at

<sup>1</sup>) Ingibjörgu, b. v. *hín*. <sup>2</sup>) Eiríkr jarl, II, K, L. <sup>3</sup>) en  
Eiríkr hafði sunnan hans hlut at veizlum, b. v. II, K, S. <sup>4</sup>) 4,  
D, E, K, L, S. <sup>5</sup>) *hér byrjar G aftr.* <sup>6</sup>) Verðalafylki, b. v. E,  
G, H, K, L, S. <sup>7</sup>) Stordæla, B; Stjórna, E, L; Stjórna, D. <sup>8</sup>) á,  
b. v. B, D, G, K; L, S; v. í G. <sup>9</sup>) Austr-Ráuríki, *hín*.

veizlum, ef hann hefði fjölmenni mikit; þess  
getr Sighvatr skáld:

Erlíngr var svá, at jarla<sup>1</sup>  
átt<sup>2</sup> skjöldunga mátti<sup>3</sup>,  
Ólafs mágr<sup>4</sup>, at ægði<sup>5</sup>,  
aldyggs sonar Tryggva;  
næst gaf sína systur  
snarr búþegna harri,  
[Úlfs varat æðra arfa<sup>6</sup>,  
aldrgipta Rögnvaldi.

Eiríkr jarl orti því ekki á, at berjast við Erlíng,  
at hann var frændstórr ok frændmargr, ríkr ok  
vinsæll, sat hann jafnan við fjölmenni sem kon-  
úngar; hann var opt á sumrum í hernaði, ok  
fèkk sèr svá fjár, þvíat hann hèlt teknum hætti  
um rausn ok stórmennsku, þótt hann hefði minni  
veizlur ok úhaldkvæmri enn um daga Ólafs kon-  
úngs, mágs síns; hann var manna mestr ok sterk-  
astr, fríðr sýnum ok vígr allvel, ok um allar  
íþróttir líkastr Ólafi Tryggvasyni; hann var vitr  
ok kappsamr um alla luti, ok hinn mesti her-  
maðr; þess getr Sighvatr skáld:

Erlíngi varð engi  
annar lendra manna<sup>7</sup>,  
örr<sup>8</sup>, sá er átti fleiri  
orrostur, stóð þorrinn<sup>9</sup>;

<sup>1</sup>) jarli, *B.* <sup>2</sup>) er, *B.* *E.* <sup>3</sup>) máttit, *lin.* <sup>4</sup>) svá, *b.* *v.* *lin.*  
<sup>5</sup>) ægja, *G.* <sup>6</sup>) Úlfs var þat, en aðra, *B.* *S.*; úlf seðjandi aðra,  
*K.*; Úlfs feðr var þat aðra, *E.*; Úlf varðaðar aðra, *D.* *L.*  
Úlfs nið v. þ. a., *G.* *H.* <sup>7</sup>) *vísan heðanfrá er tekin úr S.* *v.* *i*  
*A.* *B.* *L.* <sup>8</sup>) ok, *E.* <sup>9</sup>) fjölkostigr, *G.*

þrek bar seggr [við sóknir<sup>1</sup>,  
[sinn þvíat fyrst gekk innan  
mildr í marga hildi,  
mest en örr [á lesti<sup>2</sup>.

Þat hefir verit mál manna, at Erlíngr hafi verit göf-  
gastr lendra manna í Noregi um sína daga. Þessi  
voru börn þeirra Erlíngs ok Ástríðar Tryggva-  
dóttur: Áslákr, Skjálgr, Sigurðr, Loðinn, Þórir,  
Ragnhildr, er átti Þorbergr Árnason. Erlíngr  
hafði jafnan með sér tíu<sup>3</sup> tígi frelsíngja eða  
fleiri, ok var svá bæði vetr ok sumar; þar var  
máldrykkja at dagverðum, en at náttverðum var  
þar úmælt drukkit; en er jarl var nærr, þá  
hafði hann 2 hundruð manna eða fleiri; aldrí  
fór hann fámennari enn við tvítögssessu allskipaða.  
Erlíngr átti skeið mikla [2 rúm hins 8da tigar<sup>4</sup>,  
ok þó mikil at því, hana hafði hann í leiðángra  
hina stærri eðr í víking, ok voru þar á 2 hundruð  
manna eða fleira; hann hafði með sér 30 þræla<sup>5</sup>,  
hann ætlaði þeim verk lívern dag, en gaf þeim  
síðan stund ok orlof at vynni sér um nætr ok um  
reykr; hann gaf þeim akrlönd, at sá sér korni  
ok færa til ávaxtar sér ok fjárr; hann lagði verð á  
lívern þeirra ok lausn, ok leystu margir sik til  
frelsis<sup>6</sup>; með því fèr keypti Erlíngr annat man,  
en leysíngjum sínum vísaði hann sumum í síld-

<sup>1</sup>) at sinni, *D.* <sup>2</sup>) snarr í ðli darra, *D, G.* <sup>3</sup>) at flestu, *D, G, H.* <sup>4</sup>) 9, *B, D, G, H.* <sup>5</sup>) þritugssessu at rúmatali, *G*; 2 rúm ok þrjátígi, *hín.* <sup>6</sup>) ok umfram annat man, *b. v. D, E, G, H, L.* <sup>7</sup>) hín fyrstu misseri eða önnur, en allir þeir, er nokkur þrífnaðr var yfir, leystu sik á 3 vetrum, *b. v. E, G, H, K, S.*



fiski, en sumum til annarra fêfánga, sumum vísaði hann til merkr, ok ruddu þeir mörkina, ok gerðu sér þar bæi; öllum kom hann til nokkurs þroska, þeim er honum höfðu um hendr verit.

44. Ólafr konúngr hêlt nú inn af þjóðleið ok svà inn til Sauðúngssunda, ok lá þar nokkura hríð skipum sínum, ok lá sínum megin hvárt skipanna í sundinu. [Svà er sagt, at nokkur finnskr maðr var á skipi Ólafs konúngs, hann tók svà til máls: miklir lutir ok dásamligir eru þat, er nú berr fur mik. Einn maðr spurr: hvat er þat, er nú berr fur þik? Hann svarar: með mikilli farsælu er kvâma Ólafs konúngs í þetta land, þvíat hín gat mun koma Hákon jarl á skipi í dag, ok munu vèr taka hann lifanda. Liðsmenn sögðust mundu drepa hann fur lýgi sína, ok færðu hann konúngi, ok sögðu, hvat hann hafði spáð; ok er konúngr heyrði þessa sögu, þá lét hann taka spámanninn ok setja í geymslu. Enn finnski maðr bað konúng fá sér þann dauða, sem hann vildi, ef eitt orð brysti í því; er hann hafði þeim sagt frá þeim lutum'; þeir höfðu meðal skipanna kaðal einn digran; ok á þeirri sömu stundu fór at sundinu Hákon jarl Eiríksson með skeið skipaða; ok er þeir sá skipin fur sér í sundinu, þá hugðu þeir vera kaupskip 2, róa síðan fram í sundit milli skipanna. Nú draga þeir Ólafr konúngr strengina upp undir kjölinn skipinu, ok vundu með vindásun, þegar er festi

<sup>1)</sup> /rá [ v. í hin,

nokkut undir skeiðinni, gekk (hún) þá upp aptr, en steypist fram, svá at sjórinna fella inn um söxin, fylði þá skeiðina ok því næst hvelfdi. Ólafr konúgr tók þar á sundi Hákon jarl ok alla þá menn, er þeir náðu at handtaka, en sumir höfðu týnt fur grjóti ok skotum, en sumir sukku; svá segir Óttarr svarti:

Blággjóða, tóktu, bræðir<sup>1</sup>  
 bengjálfs<sup>2</sup>! ok þá sjálfa,  
 skatti gnægðr<sup>3</sup>, með skreyttri<sup>4</sup>,  
 skeið Hákonar, reiði;  
 úngr sóttir þú, þróttar  
 þíngs margrennir<sup>5</sup> hingat  
 máttit jarl, [sá er átti<sup>6</sup>,  
 áttland<sup>7</sup>, fur því<sup>8</sup> standa.

Hákon jarl var þá leiddr upp á konúngsskipit; hann var manna vænstr ok hærðr allvel, hann hafði bundit gullhlaði um höfuð sér; hann settist niðr í furrúmit. Þá mælti Ólafr konúgr: eigi er þat logit af yðr, frændum, at þér eruð fríðir menn sýnum, en farnir eruð þér nú at hamíngjunni. Þá svarar Hákon jarl: ekki skal þetta úhamíngja, þvíat þat hefir lengi verit í heimi þessum, at ýmsir hafa sigrazt, hefir ok svá verit með oss ok yðrum frændum, at ýmsir hafa betr haft, er ek enn ok ekki kominn af

<sup>1</sup>) heðir, *G.* <sup>2</sup>) bengjálfrs, *hin.* <sup>3</sup>) gnægðr, *E.* <sup>4</sup>) skreyttum, *D S*; skreyttu, *hin.* <sup>5</sup>) mágrennir, *D, E, F*; mágrennr, *G.* <sup>6</sup>) þar er áttuð, *F, G, L*; þau er áttuð, *hin.* <sup>7</sup>) ættlönd, *B, D, E, H.* <sup>8</sup>) þeim, *B*; þér, *G.*

barns aldri, voru vèr ok nú ekki mjök viðbún-  
ir, við nè einum úfriði at verja oss, kann vera at  
í annat sinn takist betr til enn nú. Konúngr  
mælti: grunar þik ekki, jarl! at nú hafi svá til-  
borit, at þú farir hvárki hëðanfrá sigr nè úsigr?  
Þá mælti jarl: Þèr munuð því nú ráða at sinni.  
Þá mælti konúngr: hvat villtu nú tilvinna, jarl!  
at ek láta þik fara í friði, hvert er þú vill, heilan  
ok úmeiddan? Jarl spyrr, hvers hann beiddi.  
Konúngr svarar: engis annars, enn þèr farið or  
landi ok gefi oss svá upp ríki yðvart, ok sverlð þess  
eiða, at þèr skuluð aldrí halda bardaga ígegn  
mér. Jarl læt þetta gera mundu, svá sem kon-  
úngr beiddi. Síðan vinnr Hákon jarl Ólafi kon-  
úngi eiða, at hann skyldi aldrí síðan berjast í-  
móti honum, ok eigi verja Noreg fyrir honum  
nè sækja hann af honum. Þá gaf Ólafr kon-  
úngr honum grið ok öllum mönnum hans, tók  
jarl þá við skipi því, er hann hafði haft áðr, róa  
nú íbrott leið sína; þessa getr Sigvatr skáld:

Ríkr kvað' sèr, at sækja,  
Sauðúngs<sup>2</sup>, konúngr, nauðir,  
frægðar<sup>3</sup>-gjarn, í fornu,  
fund Hákonar, sundi;  
stránger<sup>4</sup> hitti þar þengill  
þann jarl, er var' annar  
æztr, ok ætt gat bezta  
úngr á danska túngu.

<sup>1</sup>) lét, E. <sup>2</sup>) hér sleppr E um sinn. <sup>3</sup>) fremdar, K, S. <sup>4</sup>)  
hér byrjar apt. C. <sup>5</sup>) varð, B, C, D, F, S.

Eptir þat bjóst jarlsem skjótast or landi, ok sigldi vestr til Englands, ok hitti þar móðurbróður sinn, Knút konúng, ok segir honum allt, sem farit hafði með þeim Ólafi konúngi; Knútr konúgr tók við honum forkunnar veli, ok setr Hákon jarl innan hirðar með sér, ok gefr honum mikit ríki; dvaldist Hákon jarl þar lengi með Knúti konúngi.

45. Þá er Sveinn ok Hákon jarl ræðu landi, gjörðu þeir sætt við Erlíng Skjálgsson, ok var bundin með því, at Áslákr, son Erlíngs, fèkk Gunnhildar, dóttur Sveins jarls; svá skyldu þeir feðgar Áslákr ok Erlíngr hafa þá veizlur þær allar, er Ólafr Tryggvason hafði veitt Erlíngi; gjörðist Erlíngr þá fullkominn vin Sveins jarls, ok bundu þeir þat swardögum sín á meðal.

46. Ólafr konúgr snèri nú austr með landi. eptir þetta, ok átti þíng við bændr, ok gengu margir til handa honum, en sumir mæltu ímóti, þeir er voru vinir eða frændr Sveins jarls; fór Ólafr konúgr fur því skyndiliga austr til Víkr, ok hèlt liði sínu inn í Víkina, ok setti þar upp skip sín, en hann sótti síðan á land upp; ok er hann kom á Vestfold, þá fögnuðu honum þar vel margir menn, þeir er verit höfðu vinir föður hans, þar var ok mikit ætterni hans; hann fór um haustit á Upplönd<sup>1)</sup> á fund Sigurðar konúngs sýrs, stjúpfoður síns, ok kom þar snimma dags. En er Ólafr konúgr var kominn nærr

<sup>1)</sup> Land upp, B, C, G.

konúngsbænum, þá ljópu þjónustusveinar fur heim til bæjarins, þeir gengu inn í stofu; Ásta, móðir Ólafs konúgs, sat þar inni ok margar konur með henni; þá sögðu sveinarnir henni um ferð Ólafs konúgs, ok þat, at hann var þá nærr kominn bænum. Ásta stendr upp þegar, ok heitir á karla ok konur at búast um sem bezt; hún lét 4 konur taka búnað stofunnar ok búa hana tjöldum ok bekkjum: 2 karlar báru hálm á gólf, 2 settu trapizu ok skaptker, 2 settu borð, 2 báru fram vistina, 2 sendi hún braut af bænum til fundar við Sigurð konúg, 2 báru inn ölit; en allir karlar ok konur þá bjöggust ímót Ólafi konúgi. En sendimenn fóru ok báru með sèr tignarklæði Sigurðar konúgs, ok hest hans með gyltum söðli, ok bitullinn var settr dýrum steinum<sup>1</sup>. Fjóra menn sendi Ásta fjögra vegna í bygðina, ok bauð til sín öllu stórmenni at þiggja veizlu at sèr, er hún gerði fagnaðaröl ímóti syni sínum; alla menn, er fur voru, lét hún taka hinn bezta búnað sinn, er til áttu, en fèkk þeim klæði, er eigi áttu sjálfir.

47. Sigurðr konúgr sýr var þá staddr úti á akri einum, er sendimenninnir komu til hans ok sögðu honum þessi tíðendi, ok allt þat, er Ásta lét athafast heima á bænum; hann hafði þar marga menn hjá sèr, sumir skáru<sup>2</sup>, sumir hlóðu í hjálma eptir ok í löður, en hann sjálfr ok 2

<sup>1</sup>) ok gyltr *b. v. B, K, S.* <sup>2</sup>) korn, en sumir bundu, sumir óku (*báru C.*) heim korninu, *b. v. C, D, G, H, K, L.*

menn með honum gengu stundum á akrinn, þar er laðit var korninu. Svá er sagt frá búnaði Sigurðar konúnga, at hann hafði kyrtíl blán ok blár hosur, uppháfa skó, bundna at legg, grá kápu ok þófa' - hatt grán víðan, staf í hendi ok á ofan silfrhólkr gyltr ok silfrhríngr í. Svá er sagt frá lunderni Sigurðar konúnga, at hann var bússýslumaðr góðr, ok sjálfr skipaði hann til um fê sitt, ræð hann sjálfr búnaði sínum; engi var hann skartsmaðr ok heldr fámálugr, manna var hann vitrastr, þeirra er þá voru í Noregi, ok auðg-astr at lausafê; hann var friðsamr ok úágjarn við aðra; Ásta, kona hans, var ör ok ríklunduð; þessi voru börn þeirra: [Gunnhildr var elzt, þá Guthormr<sup>2</sup> ok Hálfðán ok Íngiriðr<sup>1</sup>, þá Haraldr. Þá mæltu sendimenn við Sigurð konung: þau orð bað Ásta at við skyldim bera þér, at henni þótti allmiklu máli skipta, at þér tækist nú stórmannliga, ok bað þess, at þú skyldir nú meirr líkjast í ætt Haralds ens hárfagra ok hans skaplyndi, enn Nereið jarli hinum gamla eðr Hranamjónef, móðurföður þínum, þóat hann væri spekingr mikill at viti. Konúnggr mælti: tíf-endi mikil herið þið, enda flytið þið allákaflika, ok víst er þat satt at segja, at látit hefir Ásta yfir þeim mönnum vel furr, er henni var minni vandi á, enn taka vel við syni sínum þvílíkum, tekr hún þetta ok með miklum ákafa, ok ef hún

<sup>1</sup>) v. í hin. <sup>2</sup>) Guthormr var elztr, þá Gunnhildr, hin. <sup>3</sup>) Sigurðr, C, L.

leiðir hann svá út, sem nú leiðir hún hann inn, ok sè þat með þvílíkri stórmennsku, þá er víst vel um ráðit, ef þat endist með því móti; en svá lízt mèt, við þat er ek em áhugalítill, ef svá skal útgánga, at þeir, sem sik veðsetja í þetta mál, munu hvârki fursjá fè sínu nè fjörvi, þvíat þessi maðr, Ólafr, brýzt í miklu ofrefli, ef hann heldr þessu fram, þvíat á honum ok á hans ráðum liggr reiði bæði Dana konúngs ok Svía konúngs. Þá settist Sigurðr niðr ok lét taka af sèr skóklæðin, en dró á fætr sèr kordúnu hosur, ok batt með gyltum sporum, þá tók hann af sèr kápuna<sup>1</sup>, ok girði sik við búnu sverði, setti hjálm gullroðinn á höfuð sèr, steig þá á hest sinn; hann gerði verkmenn í bygðina, þá sem nærst var, ok tók sèr þar 30 vaska menn ok vel búna, ok riðu þeir með honum heim á bæinn, ok er hann reið í garðinn fur stofuna, þá sá hann, at öðrum megin í garðinn brunaði fram merkit ok þar með herrann sjálfr, Ólafr konúngr, ok hundrað manna, ok allir vel búnir, þá var ok allt skipat mönnum milli húsanna. Fagnaði Sigurðr konúngr þegar af hesti Ólafi konúngi, stjúp-syni sínum, ok öllu liði hans, ok bauð honum með sèr at dveljast ok heimilt allt þat, er hann mátti veita honum, bæði land ok lið. Ólafr konúngr þakkaði honum vel orð sín; stigu þeir af baki ok gengu inn. Þá gekk Ásta at syni sín-

<sup>1</sup>) ok kyrtílinn, en klæddist síðan með pellsklæðum ok yzt skollatskápu, b. v. hin.

um ok mynntist við hann, ok bað hann velkominn, ok honum heimilt allt þat, er hún mætti veita honum, ok leiddi hann til hásætis inn í stofuna. Sigurðr konúgr fèkk menn til at varðveita klæði þeirra ok gefa korn hestum þeirra, en hann gekk til hásætis síns, ok var veizlan gjör með hinu mesta kappi.

48. Nú er Ólafr konúgr hafði<sup>1</sup> lengi dvalizt með Sigurði konúgi, mági sínum, þá var þat einn dag, at Ólafr konúgr heimti hann til tals við sik ok Ástu, móður sína, ok Hrana, fóstara sinn. Þá tók Ólafr konúgr til máls: svâ er, Sigurðr mágr! sem yðr er kunnigt, at ek er kominn hingat til lands þessa, ok hefir ek nú verit áðr lánga hrið utanlands, hefir ek ok mínir menn haft þat eina til framflutnings oss, er vèr höfum sótt í hernaði ok í mörgum stöðum vorðit út at hætta bæði lífi ok sálu, hefir margr orðit fur oss saklauss at láta bæði líf ok aura; en yfir þeim eignum sitja útlendir menn, er átti minn faðir ok hans faðir, ok hverr eptir annann vârra frænda, ok er ek óðalborinn til, ok láta þeir sèr þat þó eigi einhlýtt, heldr hafa þeir undir sik tekit allar eigur vârra frænda, þeirra er komnir eru at lángeðga tali frá Haraldi konúgi enum hárfagra, ætla þeir sumum lítit af, en sumum alls ekki; nú skal því upplúka fur yðr, er mèr hefir lengi í skapi búit, at ek ætla at heimta föðurarf minn, ok mun ek hvârki fara at finna

<sup>1</sup>) þar eigi, b. v. hin.



Svíá konúng nè Dana konúng, at biðja þar neinna muna um, þóat þeir hafi nú kallat sína eign um hríð þat, er átt hefir Haraldr konúgr hinn hárfagri, ætla ek heldr yðr satt frá at segja, at sækja oddi ok eggju frændleifð mína, ok kosta þar til allra frænda minna ok vína, ok þeirra manna allra er at því ráði vilja hverfa með mér; skal ok þetta svá upptaka tilkallit, at annathvært skal vera, at ek skal eignast til forráða allt þat ríki, er þeir feldu frá Ólaf konúng Tryggvason, frænda minn, eðr ek skal hær falla á frændleifð minni. Nú vænti ek svá góðs af yðr, Sigurðr mágr! ok öðrum þeim mönnum í landinu, sem óðalbornir eru til konúngdóms at lögum þeim, er setti Haraldr konúgr hárfagri, þá mun yðr eigi svá mikilla muna ávant, at þær munið eigi vilja upphefjast ok reka af hendi frændaskömm þessa, at eigi munið þær alla muni tilleggja við þann, er forgángsmaðr vill at vera, at hefja upp ætt vára; en hvárt sem þær villð hær, Sigurðr mágr! nokkurn manndóm ásýna, eðr engan, við oss um þenna lut, þá veit ek þó skaplyndi alþýðunnar, at til þess væri þó öllum tídt, at komast undan þrælkan útlendra höfðingja, þegar menn bera traust til ok fá sèr nokkura höfuðbendu; hefi ek þetta mál fyrri þá sök fur engan mann uppborit, furr enn þik, at þú ert vitr maðr ok kannt forsjá til þess, hvern veg reisa skal frá upphafi til enda þessar ætlanir, hvárt þat skal furst fara í hljóði, ok reifa þetta fur nökk-

urum vitrum mönnum, eða skal þat í fjölmenni ok fur alþýðu uppbera; hefi ek ok nokkut roðit tönn á þeim, þá er ek tók höndum Hákon jarl, ok er hann nú or landi stokkinn, ok gaf hann mér með swardögum þann luta lands, er hann þóttist eiga; nú ætla ek, at oss muni lættara falla at eiga um við Svein einn, enn þeir væri báðir til landvarnar. Sigurðr konúgr svarar þá: eigi býr þér lítit í skapi, ok þessi ætlan er meirr afkappi enn forsjá, at því er ek virði, enda er þat vãn, at langt muni í milli vera lítilmennsku minnar ok þess hins mikla áhuga, er þér býr í brjósti nú, fur því, at þá er þú vart lítt af barnsaldri kominn, vart þú þegar fullr af kappi ok ójafnaði í öllu því, er þú máttir, ert þú nú ok reyndr í orrostum ok samit þik eptir síðum útlendra höfðingja; nú veit ek, at svá fremi muntu þetta hafa uppkveðit, at ekki mun stoða at letja þik, er ok vðarkunn<sup>a</sup> á, at þvílíkir lutir liggi í miklu rúmi, þeim er nokkurir eru í skapi, at öll ætt Haralds hins hárfagra falli niðr ok konungdómr; en í engum heitum vil ek bindast, furr enn ek veit ætlan ok tiltekjur annarra Upplendinga konunga; en vel hefir þú þat gjört, er þú læzt mik furr vita þessa ætlan, enn þú bærir hana í hármæli fur alþýðu manna, ok heita vil ek þér umsýslu minni við þá konungana, ok svá við aðra höfðingja eða landsfólk; svá skal þér ok heimilt at hafa til trausts þér fè, svá sem þú

<sup>a</sup>) vðarkunn, C.

þarft. En svá fremi vil ek, at vèr berim þetta mál furalþýðu, er eksè, at nokkurr sturkr fæst til þessa stórræðis, fur því at svá skaltu tilætla, at mikit er í fáng tekit oss, ef þú vill kappi deila við Ólaf Svía konúng ok Knút konúng hinn ríka, er nú er konúngr yfir Danmörk ok Englandi, ok mun rammar skorður þurfa við at reisa, ef hlýða skal; en ekki þíkkir mèr úlíklígt, at þèr verði gott til liðs, þvíat alþýðan er gjörn til ný-úngarinnar; fór þat svá furr, þá er Ólafr Tryggvason kom til ríkis, at allir urðu því fegnir, naut hann þó eigi lengi konúngdómsins. Þá tók Ásta til orða: svá er mèr gefit, son minn! at ek em þèr fegin vorðin, ok því fegnust, er þinn þroski mætti sem mestr verða, en heldr vildi ek þó, at því væri at skipta, at þú virðir yfirkonúngr yfir Noregi, þóat þú lifðir eigi lengr í konúngdóm-inum, enn Ólafr konúngr Tryggvason, enn hitt at þú virðir eigi meiri konúngr enn Sigurðr kon-úngr sýr er, ok vyrðir þú ellidauðr. Eptir þat slitu þeir málstefnunni; dvaldist Ólafr konúngr þar um hríð með öllu liði sínu. Sigurðr konúngr veitti þeim annann hvern dag at borðhaldi fiska ok mjólk, en annann hvern dag slátr ok munngát.

49. Ólafr konúngr heyrði menn sína hall-mæla Sigurði, mági sínum, um þat er þeir drukku annann hvern dag mjólk, en eigi munngát, ok fur þat ávítaði hann þá mjök, ok segir, at Sigurðr

<sup>1)</sup> hér byrjar *E aptr.*

konúngr gerði þat spakliga: Þvíat sárum mönnum hentir betr mjólk enn munngát. Nú líðr ímót jólum; þá lét Sigurðr konúngr búa veizlu dýrðliga með öllum hinum beztum faungum, er til voru þar í landi, bæði at drykk ok vistum ok fjölmenni. Ásta lét ok búa eina stóra höll, er Sigurðr konúngr átti með dýrðligum herbúnaði, ok lét þar gera virðuligt hásæti, sem sómdi, er Ólafr skyldi sitja í um jólin. Jólakvöld hit fursta fylgði Ásta Ólafi í hásætit ok öllu liði hans, ok skipaði honum göfugligt hásæti, sem sómdi; ok er hann var þar kominn með sínu föruneyti, þá kom Sigurðr konúngr í höllina með öllu sínu föruneyti, skríddr öllum konúngsskrúða; hann gekk fur Ólaf konúng, ok kvaddi hann ástsamliga, ok bauð honum ok öllum hans mönnum til þess fagnaðar, er hann hafði búa látit, ok bað hann með sér vera svá lengi sem hann vildi, ok fór um þat mörgum fögrum orðum; síðan gekk hann til sætis hjá Ólafi; þá tókust konúngarnir at talast við mart spakliga, ok drukku með mikilli gleði ok skemtan. Sigurðr konúngr hafði verit nokkut fárr öndverðan vetr, en nú var hann glaðr ok spurall, bæði um ferðir Ólafs konúngs ok um hernað þann, er hann hafði haft útanlands; en Ólafr ok menn hans sögðu ok mart merkiligt frá hans ferðum, sem efni voru til. Nú er Sigurðr hafði heyrt sagt frá bardagum þeim, er Ólafr hafði haft í Austrlöndum ok í Suðrriki, í Germaníi ok vestr á Spanía, þá þótti Sigurði kon-

úingi mikils um vert, ok varð af þessu öllu saman hin mesta gleði með vitrligum undirtektum Sigurðar konúngs. Liðu nú svá jólin af höndum, at Sigurðr konúngr þótti vaxa mikit af þessi veizlu ok sinni stórmennsku. Haraldr, son Sigurðar ok Ástu, var þá svá úngr, at hann lá í vöggu, ok mátti eigi mæla; Ásta bar sveininn fur Ólaf konúng, ok mælti: hær er sveinn sá, er við Sigurðr konúngr eigum, ok vildi ek, son minn! at þú legðir góðan hug til þessa bróður þíns, ok lagði sveininn á knè Ólafi; hann leit á sveininn ok þagði. Ásta mælti þá: þat vildi ek, at þú segðir mér, hvært nokkut vit ætlar þú í honum mun verða. Ólafr mælti: hverr ábyrgist þat, móðir! at góðráðr verði, ek mun ábyrgjast, at eigi mun heimskr verða, ef lífinu heldr. Þá tók Ásta sveininn íbrott.

50. Þá voru Upplendinga konúngar margir, þeir er fur fylkjum ræðu, ok voru þeir flestir komnir af ætt Haralds hárfagra; fur Heiðmörk ræðu bræðr<sup>2</sup>, hæt annar Hrærekr, en annar Ríng. Yfir Guðbrandsdölum ræð sá konúngr, er Guðrekr<sup>1</sup> hæt; varok konúngr áRaumaríki, ok hafði hann til forráða þotn ok Haðaland; á Valdresi var ok konúngr. Sigurðr konúngr átti nú stefn-  
ulag við þessa alla konúnga uppi á Haðalandi; þar var ok á þeirri stefnu Ólafr konúngr Haralds-  
son. Þá bar Sigurðr konúngr upp fur þá kon-

<sup>1</sup>) Guðröðr, *hin*.

úngana ráðastofnan Ólafs konúgs, mágs síns, ok biðr þá styrktar bæði at liði ok ráðum at samþykkja þeim um þetta mál, telr þat upp furst, hver nauðsyn þeim var á, at reka af höndum þat undirbrot, er bæði hafa Danir ok Svíar þá undirbrotit; segir at nú mun fást maðrinn til at gánga fur þessu máli, telr þá upp mörg stórvirki ok snildarbrögð Ólafs konúgs Haraldssonar, er hann hafði gjört bæði í Norðrhálfunni ok suðr í löndum ok svá í Vestrlöndum, ok allstaðar þar sem hann herjaði, þvíat Ólafr konúgr hafði jafnan haft gagn ok sigr, hvar sem hann herjaði frá unga aldri, at þess er þá var komit. Þá svarar Hrærekr konúgr: satt er þat, at mjök erniðrbrotit ríki Haralds konúgs hárfagra, er engi skal hans ættmanna vera yfirkonúgr at Noregi; nú hafa menn hér í landi ýmiss viðfreistat: var Hákon Aðalsteinsfóstri konúgr yfir landi þessu nokkura hríð, ok undu allir því vel, en er Gunnhildar synir ræðu fur, þá varð mönnum svá leidd þeirra ofríki ok ójafnaðr, at menn vildu heldr hafa útlenda höfðingja yfir sér, ok vera sjálfráðir, þvíat útlendir höfðingjar voru jafnan fjarri um at vanda háttu manna, höfðu þeir ok slíkan af landi, sem þeir skildu sér, ok höfðu þaðanaf engar pyndingar á mönnum; en er þeir vurdðu úsáttir Haraldr Dana konúgr ok Hákon jarl, þá herjaðu Jómsvíkingar í Noreg, reis þá ímóti þeim allr landsmúgr ok margmenni ok hrundu þessum úfriði af sér; eggjaðu

menn þá Hákon jarl þess, at halda skatti fyri Dana konungi, ok verja honum landit oddi ok eggju; en þegar jarl þóttist fullkominn til ríkis af landsmönnum, þá gerðist hann svá frekr ok harðr við landsfólkit, at menn þoldu honum eigi újafnað sinn, ok drápu þrændir hann sjálfir, en hófu til ríkis Ólaf konung Tryggvason, er óðalborinn var til konungdóms hér í landi, ok var fur allra luta sakir vel tilfallinn, geystist þá at því allr múgr, at vilja hann hafa konung yfir sér ok reisa hann upp af nýju til þess ríkis, er átt hafði Haraldr konungr hárfagri; ok er hann var fullkominn í ríki, þá var fur honum engi maðr sjálfráði, gekk hann þá at með frekju við oss smákonunga, at heimta undir sik þær eignir allar, er átt hafði Haraldr konungr hárfagri, ok sumt miklu frekara, ok at síðr voru menn sjálfráðir fur honum, at engi ræð því, á hvern guð trúa skyldi; en er hann var frá landi tekinn, þá höfum við nú haldit vináttu við Dana konung, höfum við síðan haft af honum mikit traust um alla luti, þá er við þurfum at krefja, en í annann stað sjálfræði ok hóglífi, en ekki ofríki; nú er þat at segja frá mínu skaplyndi, at ek við vel við svá búinn, veit ek þat eigi, þóat minn frændi sè konungr yfir í landi þessu, hvárt nokkut skal minn rættir batna við þat eða ekki; nú er þat víst at segja, at ek á engan lut í þessi ráðagerð, ef ekki skal minn sómi aukast við þat, heldr neiti ek henni. Þá mælti Ríngi, bróðir hans: birta

mun ek mitt skaplyndi: betra þikkir mér, þótt ek hafa hit sama ríki ok eignir, sem nú hefir ek, at minn frændi sè konúngr yfir Noregi, enn útlendir konúngar, þeir er hère eigu enga til-  
tölu til ríkis, ok mætti enn hère í landi heldr aukast vár ætt; er þat ok mitt hugboð um þenna mann, Ólaf, at auðna hans ok hamíngja mun mestu umráða, hvárt konúngr skal ríki hafa eða eigi; nú ef hann verðr einvaldskonúngr yfir Noregi, mun eigi sá þá þikkjast betr hafa, er stærri luti á til at telja við hann um vináttu? mun þá engi þikkjast hafa ófússtil hans gert; nú hefir hann í engan stað meiri kosti undir sèr, enn einhverr vârr, nema því minni, at vèr höf-  
um hère land til forráða ok ríki, en hann hefir alls ekki, eru vèr ok eigi síðr enn hann óðal-  
bornir til ríkis þess ok konúngdóms enn hann; nú ef vèr viljum gerast honum svâ miklir lið-  
sinnismenn, at vèr unnim honum hinnar æztu tignar hère í landi, ok fylgja honum til ríkis með öllum várum styrk ok leggja þar sjálfa oss í hættu fur hans sakir, ok allt þat, er vèr eigum, hví mun hann oss þat eigi góðu launa, ok síðan lengi muna með góðu, ef hann er svâ mikill manndómsmaðr, sem aðrir segja, ok ek hygg at hann sè? nú munu vèr á þá hættu leggja, ef ek ráða, ok binda við hann vináttu, ok gera eptir því, sem ek beiði. Eptir þat stóð upp hverr at öðrum þeirra konúnganna ok talaðu, ok kom þó mjök í einn stað níðr, at flestir snèru hère



hug sínum eptir, sem Hríngr konúgr talaði, ok voru þeir fleiri fúsari, at binda fèlagsskap sinn við Ólaf konúg. En þó at Hrærekr væri þessa ófúss ok letjandi, þá kunni hann eigi at gjörast einlagium þetta, er hann sá þó, at aungvir vildu eptir honum gánga, ok mælti svá: Þèr munuð þessu ráða, at taka Ólaf yfir land þetta einvalds-konúg, ok setja svá sjálfa yðr í hættu við Dana konúg ok Svía konúg, ok allt þat er þèr eig-ið, en ekki er ek forspárr, en þat er hugboð mitt, at þeir sem þetta mál flytja nú mest, ok vilja nú ekki 'annat heyra enn gefa Ólafi kon-úngi svá mikit vald at taka hann yfirmann yfir sik ok þarmeð yfir allan Noreg, at eigi munu margir vetr líða, áðr enn þèr munuð þessa iðr-ast, ok svá allir vèr, er nú gjöldum jákvæði til þess, en ekki vil ek einn rísa ímóti því, er allir aðrir vilja vera láta; en þóat þèr, Ólafr frændi! þikki ek ekki mjök vingaðr hafa verit yðr í þessi ráðagerð, þá skal þó enginn þeirra konúg-anna, sem nú eru hèr komnir, veita þèr meira styrk enn ek, ef vèr skulum þó undir þik víkj-ast. Þá gengu þessir allir 6 konúgar til handa Ólafi konúngi, ok játaðu honum öllum sínum styrk ok hefja hann til ríkis með öllum sínum mætti; en hann hèt þeim ímóti sinni vináttu fullkominni ok rættarbótum, ef hann vyrði ein-valdskonúgr yfir Noregi, ef þeir kynni til at gæta; bundu þeir þetta nú með swardögum sín ímillum.

51. Nú eptir þetta stefna konúngarnir þíng; þá bar Ólafr konúgr þetta mál fur alþýðu, ok sína ráðagjörð ok allt sitt tilkall, þat er hann hafði þar til ríkis, biðr hann bændr sèr þá viðtöku til konúngs yfir allt landit, ok heitr þeim þar ímóti fornum lögum, ok því at verja land fur útlendum höfðingjum, ef þeir sækja til, talar þarum langt ok snjalt; fèkk hann góðan róm at máli sínu. Þá stóðu upp konúngarnir, ok talaði hverr at öðrum, ok fluttu þetta mál fur lýðnum; varð þat at lyktum, at Ólafi var gefit konúngsnafn yfir öllu landi ok dæmt honum land at upplenzkum lögum. Þá hóf Ólafr konúgr upp ferð sína, ok lét bjóða upp veizlur fur sèr, þar sem konúngsbú voru fur, fór hann furst um Haðaland ok svá norðr um Guðbrandsdali; fór þá sem Sigurðr konúgr sýr hafði tilgetit, at lið dreif til hans svá mart, at hann þóttist eigi þurfa hálf af at hafa, ok hafði hann þá þó nærr [hálf 3ðja hundrað<sup>2</sup> manna; þá endust honum þó ekki veizlunnar, sem ákveðit var, þvíat þat hafði siðvenja verit, at konúngar fóru um Upplönd með 60 manna eða 70, en aldrei meirr enn með hundrað; fór hann þá skjótt yfir ok var eina nótt í sama stað; en er hann kom norðr til fjalls, þá byrjaði hann ferð sína norðr um fjallit.

52. Þórðr<sup>3</sup> Sigvalda-skáld hafði verit með

<sup>1</sup>) hér sleppr E aptr. <sup>2</sup>) meirr enn 3 hundrað, G; 3 hundruð, hin. <sup>3</sup>) son, b. v. G; K.

Ólafi konungi furr, þá er hann var í hernaði. Sighvatr hét son Þórðar, hann var at fóstri með Þorkatli at Apavatni [á Íslandi; Sighvatr þótti seinligr maðr í uppvexti. Í Apavatni er fiskiveiði mikil; þar var á vist með Þorkatli Austmaðr nokkr, vitr maðr ok dæmafróðr; þeir sátu á ísinum, ok sá framkoma mikinn fisk ok fagran, ok gátu eigi veiddan. Þá bað Austmaðr Sighvat fara á vatnit, ok bjó til veiðarfæri hans, þvíat honum líkaði til Sighvats vel; en er Sighvatr hafði litla stund setit, þá dró hann þann enn fagra fisk; ok er þeir komu heim, var soðinn fiskrinn. Þá mælti Austmaðr, at Sighvatr skyldi eta furst höfuðit af fiskinum, ok kvað þar vit hvers kvikendis ífólgit. Sighvatr át höfuðit ok allan fiskinn, ok þá kvað hann vísu þessa:

Fiskr gengr oss at óskum  
eitr, sem vèr höfum leitat  
lýsuvánga or lýngvi  
leygjar orm at teygja;  
atrenis má annars  
aungul gripinn fanga,  
vel hefir, örriða, at erja  
agngagli mèr fagnat.

Sighvatr var síðan skírr maðr ok fór utan'; ok er hann kom til Noregs, fór hann á fund Ólafs konungs, ok beiddist at færa honum kvæði; konúgr svarar: at hann vill ekki heyra kvæði hans, ok hann vill ekki láta yrkja um sik. Sighvatr kvað þá vísu:

<sup>1)</sup> frá í v. í hin, nema II.

Hlýð mínum brag, meiðir<sup>1</sup>  
 myrkblakks<sup>2</sup>, því ek kann yrkja,  
 alltígin, mátt þú eiga  
 eitt skáld<sup>3</sup>, drasils tjalda!  
 Þótt<sup>4</sup> öllúngis allra  
 allvaldr lofun<sup>5</sup> skálda,  
 þér fæ ek hróðr at hváru  
 hlft, annarra nítit.

Ólafr konúgr gaf Sighvati at bragarlaunum  
 gullhring, er stóð hálf mörk. Sighvatr gerðist  
 þá hirðmaðr Olafs konúgs; hann kvað þá enn:

Ek tók lyst, nè<sup>6</sup> ek lasta  
 leyfð, iðn var þat síðan,  
 sóknar njörðr! við sverði,  
 sá er minn vill, þínu;  
 þollr fèkktu húskarl hollan,  
 höfum ráðit vel báðir,  
 linns<sup>7</sup>, en ek lánardrottinn,  
 lands<sup>8</sup> blóða, mēr góðan.

Þá er Sighvatr kom af Íslandi til Ólafs konúgs,  
 þá kvað hann þetta:

Gjörbænin<sup>9</sup> [mun ek<sup>10</sup> gunnar<sup>11</sup>  
 [gamms hnykkjandum<sup>12</sup> þikkja<sup>13</sup>,  
 áðr þágum vèr ægis  
 eld, en<sup>14</sup> nú bið ek feldar<sup>15</sup>;

<sup>1</sup>) heiðir, *B.* <sup>2</sup>) myrkblans, *B.*; myrkhlars, *C.*; myrkhals, *D.*, *F.*, *L.*; myrkblás, *K.*, *S.* <sup>3</sup>) spjald, *B.* <sup>4</sup>) þvíat, *C.*, *F.*, *L.* <sup>5</sup>) lofum, *K.*, *L.* <sup>6</sup>) þannig leiðrétt; v. í *A.*, *F.*, *L.* <sup>7</sup>) látrs, *hin.* <sup>8</sup>) linns, *hin.* <sup>9</sup>) gjörbænn, *hin.* <sup>10</sup>) maðr ok, *B.* <sup>11</sup>) gölgum, *G.* <sup>12</sup>) gunnteitundum, *B.*; gaunteitandum, *D.*, *G.*, *S.*; gunsreit-erum, *F.*, *L.* <sup>13</sup>) heitin, *B.*, *D.*, *K.*, *L.*; veita, *G.* <sup>14</sup>) ef, *B.*, *G.*, *K.*, *S.* <sup>15</sup>) felda, *hin.*

landaura veit þú, lýru<sup>1</sup>  
 láð<sup>2</sup> þverrandi! af knerri,  
 en ófangan<sup>3</sup> engjar<sup>4</sup>  
 ek hefi sjálfr kraft hálfa<sup>5</sup>.

53. Ólafr konúgr kom liði sínu í Uppdal, ok fór svá ofan til Orkadals; hann átti þá þing við bændr, ok beiddi, at þeir skyldi taka við honum til konúgs; hann lét þá bera vitni þau, er við höfðu verit, þá er Hákon jarl hafði fengit honum með swardögum þann luta lands, er hann þóttist eiga ok furr hafði Eiríkr jarl, þat voru<sup>6</sup> fylki: Orkdælafylki, Gauldælafylki, Strindæla<sup>6</sup>-fylki, Eynafylki; margir menn veittu honum þar góðar viðtökur, en sumir flýðu undan, sumir mæltu ímóti. Sveinn jarl var inní þrándheimi at Steinkерum, ok lét þar búa til jólaveizlu, þvíat þar var þá kaupstaðr mikill. Einarr þambarskelfir spurð til ferða Ólafs konúgs, hann fór þá uppí Gaulardal með húskarla sína; hann sendi menn til Niðaróss, ok lét taka þar róðrarskútu, er hann átti, fóru þeir menn eptir firði, ok koma einn dag síðla inn til Steinkera, ok bera njósn Sveini jarli um ferð Ólafs konúgs. Jarl átti lángskip mikit, er flaut tjaldat fur bænum; hann lét þegar um

<sup>1</sup>) lundr, D, F, L; lýru, G, K, S. <sup>2</sup>) læ, G; leið, L. <sup>3</sup>) oflúnga, B, D, F; afgánga, G; úfánga, L. <sup>4</sup>) engann, B, C K, S; engum, D; úngum, F; engi, G. <sup>5</sup>) hálfra, G; Sighvatr var lengi með Ólafi konúgi; hann var eigi hraðmælt dagliga, en skáldskapr var honum svá tiltækr, sem hann mælti annat mál, b. v. L; *vísuna v. í C.* <sup>6</sup>) Strinda, hin.

kveldit flytja áskipit lausafè sitt allt ok klæðnað manna, drykk ok vist, svà sem skipit tók upp, rèru þá þegar út um nóttina ok komu í lýsing í Karlsund<sup>1)</sup>. Ólafr konúngr hafði ráðit sèr til skipa í Orkadal, tók bóndaför ok hafði 5 skip, hèlt hann þegar inn eptir firði. Þá snèri jarl at landi fur<sup>2)</sup> Masarvík, þar var þykkr skógr; þeir lágu svà nærr berginu, at lauf ok limar tóku ofan á sjó, svà at ekki sá skipit fur liminu, var ok eigi alljóst norðan, þá er konúngr rèri inn um, var ok þá logn veðrs; þá rèri konúngr inn um eyna, ok sá þeir eigi skipit; en er fal sýn ímilli þeirra, þá reyri jarl út á fjörðinn at Frostu, ok lagði þar at landi, þvíat þar var ríki hans. Sveinn jarl sendi úti Gaulardal eptir Einari þambarskelfi, mági sínum. En er Einarr kom til jarls, þá segir hann honum allt um ferð sína, ok svà at hann vill liði samna, ok fara til móts við Ólaf konúng, ok berjast við hann. Einarr svarar svà: vèr skulum nú ráðum at fara, herra! segir hann, en rasa nú eigi fur ráð fram: skulu vèr nú furst halda njósnum til, hvat Ólafr ætlast fur, látum hann þat eina spyrja, at vèr sèim kyrrir, kann þá vera, at hann setist at Steinkerum inn um jólin, ef hann spurr engan liðsamnað várn, þvíat þar er nú vel furbúit, en ef hann spyr, at vèr höfum liðsamnað, þá mun hann þegar stefna út eptir firðinum, höfum vèr hans þá alls ekki.

<sup>1)</sup> Skarsund, B, K, S; Skarasund; C; Karmsund, G; Karlsund, D. <sup>2)</sup> frá, hin.

Svá var þá gjört, sem Einarr mælti: fór jarl á veizlur til bónda um Stjóradali'. Ólafr konúgr kom inn til Steinkera, ok þá tók hann upp veizluna, ok lét bera á skip sín, ok aflaði til byrðinga, ok lét bera á bæði vist ok drykk, ok bjóst íbrott sem skjótast, ok hæld allt út til Niðaróss; þar hafði Ólafr konúgr Tryggvason efnat til kaupbæjar ok húsat þar konungsgarð, en áðr var þar [einn bær<sup>1</sup> í Niðarósi; en Sveinn jarl lét búa til kaupbæjar at Hlöðum, sem faðir hans hafði haft atsetu, en hann úrækdi hús þau, er Ólafr konúgr hafði gera látit við Nið, voru þau þá sum niðrbrotin, en sum stóðu, ok þó heldr hrörlig. Ólafr konúgr hæld nú út skipum sínum í Nið, lét þar þegar umbúast í þeim stað ok í þeim húsum, er uppstóðu, en reisa þau upp, er niðr voru fallin, ok hafði þar at fjölda manns, lét þá ok flytja upp í húsin bæði vist ok drykk, ok ætlaði þar at sitja um jólin. En er þat spurr Sveinn jarl ok Einarr Þambarskelfir, þá samna þeir liði ok fara út til Gaulardals hit efra, ok stefna svá út til Niðaróss, ok höfðu nærr 20 hundruð manna. Menn Ólafs konúgs voru á njósn út á Gaularási ok höldu [vörð á hesti<sup>2</sup>; þeirvurðu nú varir, er herrinn fór utan um Gaulardal, ok báru þeir njósn konúngi um miðnætti; stóð þá konúgr upp þegar ok lét vekja liðit; gengu menn nú þegar út á skipin, ok báru út öll klæði sín ok vöpn, ok þat er þeir fengu meðkomizt, róa nú út or ánni; kom

1) Orkadul, K. 2) einbæli, *lin.* 3) hestvörð, B, C, D, G.

Þá jarl þegar til bæjar, ok tóku þar þá jólavist alla, en brendu húsin öll. Ólafr konúgr reri nú út eptir firði til Orkadals, ok gekk þar af skipum, fóru síðan upp eptir dalnum allt til fjalls ok austr yfir fjallit til Dala. Frá þessu er sagt, er þeir Sveinn jarl brendu bæinn í Niðarósi í flokki þeim, er [ortr er um Klæng Brúsason<sup>1</sup>, hann var þá með Sveini jarli:

Brunnu allvalds inni,  
eldr hykk at sal feldi,  
eimr<sup>2</sup> skaut<sup>3</sup> á her<sup>4</sup> hrími,  
hálfgjörr, á<sup>5</sup> Nið sjálfa.

Ólafr konúgr fór þá norðr eptir Guðbrandsdölum ok þaðan út á Heiðmörk, ok fór at veizlum.

54. Ólafr konúgr samnaði her saman, er áleið vetrinn, hann hafði mikit lið af Heiðmörk, er konúgarnir fengu honum, fóru þaðan lendir menn margir ok ríkir bændr; í þeirri ferð var Ketill af Ríngunesi<sup>6</sup>; Ólafr konúgr hafði ok lið af Raumaríki; Sigurðr konúgr sýr, mágr hans, kom ok til liðs við hann með mikla sveit manna; sækja þeir nú út til sjóvar, ok ráða síðan til skipa, ok búast svá innan í Víkina<sup>7</sup>, ok höfðu mikit lið. Sveinn jarl samnar liði um Þrándheim allan þegar eptir jólin, býðr út leiðangri bæði at skipum ok mönnum. Í þenna tíma var í Noregi fjöldi lendra manna, voru þeir margir ríkir ok

<sup>1</sup>) orti Klængr Bjarnason, (Brúsason F) G, H. <sup>2</sup>) ærnir, C.  
<sup>3</sup>) stökk, C, L. <sup>4</sup>) hús, H. <sup>5</sup>) við, hin. <sup>6</sup>) Ríngu, C; Hringa-  
ríkisnesi, K. <sup>7</sup>) or Víkinni, hin.



svá ættstórir, at þeir voru komnir af konunga-  
ættum, ok áttu skamt til at telja, voru þeir ok  
stórauðgir, var þar ok allt traust konúnganna  
eða jarlanna, er fur landinu ræðu, sem lendir  
menn voru, þvíat svá var í hverju fylki, sem  
lendir menn ræði fur bóndamúgnum. Vel var  
Sveinn jarl vingaðr við [bónða lýðinn', varð hon-  
um gott til liðs; Einarr Þambarskelfir, mág hans,  
var þar með honum ok margir aðrir lendir menn;  
þeir fóru, þegar þeir voru búnir, ok hældu suðr  
með landi, ok drógu á árum út or firðinum; þeim  
samnaðist lið or hverju fylki; en er þeir komu  
suðr til Rogalands, þá kom til móts við þá Erlíngr  
Skjálgsson með mikit lið ok frítt, voru með hon-  
um margir aðrir lendir menn, hældu síðan öllu  
liðinu austr til Víkr. Þat var er áleið lángeföstu,  
er Sveinn jarl hæld inní Víkina; jarl hæld liði sínu  
inní Grenjar, ok lagðist við Grenjar<sup>2</sup> með herinn;  
þá hæld Ólafr konúngr innan eptir Víkinni, ok var  
þá skamt ímilli þeirra, ok vissu þá hvàrir til ann-  
arra. Ólafr konúngr hafði þat skip, er Karlhöfði  
var kallaðr, þar var skorit á framstafninum kon-  
úngs<sup>1</sup> höfuð, hann sjálfr hafði þat skorit; þat  
höfuð var lengi síðan haft til sýnis í Noregi.  
Þat var laugardaginn fur Pálmsunnudag er þeir  
lágust svá nærr, sem nú var frásagt.

55. Sunnudags morgininn, þegar er lýsti,  
stóð Ólafr konúngr upp ok klæddist, ok gekk

<sup>1</sup>) lenda menn, B, C, D, G. <sup>2</sup>) Grenmar, B, C, D, K, S. <sup>3</sup>)  
manns, C.

síðan á land, ok lét blása öllu liðinu til landgaungu; þá átti hann tal við höfðingja, ok sagði alþýðu, at skamt mun vera í milli þeirra Sveins jarls: skulu vèr nú, segir hann, umbúast sem vænligast þykkir, vâpnist menn nú ok búi sik ok sitt rúm hverr maðr, þar sem áðr er skipat, svà at allir sè þá búnir, er ek læt blása til brottlögu; róum vèr síðan samfast, fari engi skip furrenn allr ferr herrinn, dvelist engi þá ok eptir, er ek ræ or höfninni, þvíat eigi megu vèr vita, hvar fund vârn berr saman ok orrosta tekst með oss, hyggjum þá at því, at vârir menn heimti skip sín saman ok sè búnir til saman at tengja; hlífum oss furst ok gætum vâpna vârra, at vèr kastim eigi á glæ<sup>1</sup> til ónýts, en er festist orrostan ok skipin hafa saman bundizt, gjörum þá sem harðasta hriðina, ok dugi þá hverr sem mannligast. Ólafr konúngr hafði á skipi sínu hundrað manna, ok höfðu allir hríngabrynjur ok valska hjálma, flestir menn höfðu hvíta skjöldu, ok lagðr á hinn helgi kross með gulli, eða rauðum steini eða blám; kross lét hann draga í enni á öllum hjálmum með bleikju, hann hafði ok\* merki þat, er var ormr at sjá; síðan lét hann sýngja sèr allar tíðir ok messu; síðan gekk hann út á skip, ok bað menn snæða nokkut; þá lét hann blása herblástr ok leggja út or höfninni, reyru þá þegar at leita Sveins jarls; ok er þeir komu fur höfnina, þá er jarl hafði legit í, þá var lið jarls vâpn-

<sup>1</sup>) sæ, B.    <sup>2</sup>) hvítt, b. v. hin.

at, ok ætlaði þá at róa út or höfninni; en er þeir sjá konúngs lið, þá tóku þeir at tengja saman skip sín, ok settu upp merki sín ok bjuggust vel um; en er Ólafr konúngr sá þat, þá greiða þeir atróðrinn. Ólafr konúngr lagði sitt skip ímóti jarls skipi, tókst þar þegar orrosta ok var hin ákafasta; svá segir Sighvatr:

Veitti sókn, þar er sótti<sup>1</sup>,  
siklíngr firum mikla,  
blóð fèll rautd [í rjóða<sup>2</sup>  
rein í höfn at Sveini;  
snjallr hèlt at sá, er olli,  
eirlost konúngr, þeirra,  
en Sveins liðar, sínum,  
saman [bundu lið, fundi<sup>3</sup>.

Hér segir þat, at Ólafr konúngr hèlt at orrostu, en Sveinn jarl lá fur í höfn. Sighvatr skáld var þar í orrostunni, ok kvað þá þegar Nesja-vísur eptir bardagann, ok segir þar vandliga frá þessum atburðum; þar segir ok svá:

Þat er ofkunnt, hve kennir  
Karlhöfðann lét jarli,  
eggja<sup>4</sup> frosts, fur austan  
Agðir nærr of lagðan.

Orrostan var hin snarpasta, ok var þat lánga hríð, er ekki mátti yfirsjá, hvern veg hníga mundi,

<sup>1</sup>) sætti, C. <sup>2</sup>) á rauða, B, D, G; á roða, C, K, S; á roðna, F, L; í rauða, H. <sup>3</sup>) bundust (bundu, F, L), skip sundi, C; bundust skip fundi, D, G, H, K, S. <sup>4</sup>) odda, hin.

féll þá mart af hvárumtveggjum, en þó varð fleira sárt; svá segir Sighvatr skáld:

Vara svinnhuglum<sup>1</sup> Sveini  
sverðagnýrs at frýja,  
gjóðs nè gildrar<sup>2</sup> hriðar  
gunnreifum Óleifi;  
þvíat kvistingum<sup>3</sup> kostu<sup>4</sup>,  
komat herr í stað verra,  
áttu sín<sup>5</sup>, þar er sóttust,  
seggir hvárintveggju.

Jarl hafði ok lið meira, en Ólafr konúngr hafði einvalalið á skipi sínu, þat er honum hafði fylgt lengi í hernaði, ok búit forkunnar vel, sem furr var sagt, at hverr maðr hafði hringabrynju, ok vorðu þeir nærr ekki sárir; svá segir Sighvatr skáld:

Teitr sá ek [okkr í<sup>6</sup> ítru,  
allvalds liði falla,  
[þá var<sup>7</sup> harðr<sup>8</sup> um herðar  
hjördynr<sup>9</sup>, svalar brynjur;  
en mín at flug fleina  
falsk<sup>10</sup> und hjálm hinn valska,  
okkr vissa ek svá sessi,  
svört skörr, við her<sup>11</sup> gjörva<sup>12</sup>.

En er lið tók at falla á skipum jarls, en sumt var sárt, ok þynntist þá skipan á borðum, þá ræðu

<sup>1</sup>) sigmánn, B, C, G, H, K, S; sigmarn, D, F, L. <sup>2</sup>) góðrar, B, C, F, G, L; hér byrjar J. <sup>3</sup>) kvistingar, hin. <sup>4</sup>) köstu, B, G, H; kosta, hin. <sup>5</sup>) svá, C, D, F, L. <sup>6</sup>) ört á, G, H, J. <sup>7</sup>) gerðist, hin. <sup>8</sup>) hörð, B. <sup>9</sup>) hjördyns, B. <sup>10</sup>) falk, B. <sup>11</sup>) hjör, H, J. <sup>12</sup>) vísuna v. í C, D, F, L.

menn Ólafs konúgs til uppgaugu; var þá komit merki Ólafs konúgs á þat skip, er næst var jarls skipi, en konúgr sjálfr fylgði fram merki sínu; svá segir Sighvatr skáld:

Staung óð gylt, þar er gengu<sup>1</sup>  
göndlar<sup>2</sup>-serks und merkjum  
gnýss, með göfgum ræsi,  
greiðendr, í böð<sup>3</sup>, reiðir;  
þeygi var sem þegnum<sup>4</sup>  
þengils á jó<sup>5</sup> strengjar,  
mjöð, fur málma-kveðjur  
mær, heiðsæfum<sup>6</sup>, bæri<sup>7</sup>.

Þá var snörp orrosta ok fèllu mjök Sveins menn,  
en sumir ljópu fur borð; svá segir Sighvatr  
skáld:

Vèr drifum hvatt<sup>8</sup>, [en heyra<sup>9</sup>  
hátt våpnabrák mátti<sup>10</sup>,  
rönd klufu roðnir brandar,  
reiðir [upp á skeiðir<sup>11</sup>;  
en fur borð þar<sup>12</sup> er börðust,  
búin [fengust skip, gengu<sup>13</sup>,  
nærr<sup>14</sup> flaut ört við eyri  
úfár, bændr<sup>15</sup> sárir.

Ok enn kvað hann þetta:

<sup>1</sup>) gengum, *H, S.* <sup>2</sup>) gunna, *C, G, H, J.* <sup>3</sup>) skip, *lin.* <sup>4</sup>) þessir, *B*; þessum, *lin.* <sup>5</sup>) jós, *B.* <sup>6</sup>) heiðþægum, *B, F, L, S*; heiðþægum, *C*; heiðþægnat, *D*; heidrægum, *G, H, J.* <sup>7</sup>) víðuna v. í *K.* <sup>8</sup>) hart, *G, H, J.* <sup>9</sup>) at herja, *C.* <sup>10</sup>) knátti, *C, D, G, S.* <sup>11</sup>) upp í skeiðar, *B, J, S.* <sup>12</sup>) þeir, *C.* <sup>13</sup>) fengu skip drengir, *F, L.* <sup>14</sup>) nár, *C, F, S.* <sup>15</sup>) á mar, *C.*

Öld vann ossa<sup>1</sup> skjöldu<sup>2</sup>,  
 auðsætt var þat, rauða,  
 hljóð, þar er hvítir komum,  
 hríng miðluðum<sup>3</sup> þíngat<sup>4</sup>;  
 þar hykk úngan gram gengu,  
 gunnsylgs<sup>5</sup>, en vèr fylgðum,  
 blóð<sup>6</sup>, féll<sup>7</sup> sjór<sup>8</sup> þar er sæfðust<sup>9</sup>  
 sverð, upp í skip, gerðu.

Þá tók at snúa mannfallinu í lið Sveins jarls;  
 sóttu þá konungsmenn at jarlsskipinu, ok var  
 þá við sjálf, at þeir mundu uppganga á skipit  
 jarls. En er jarl sá, í hvert óefni komit var, þá  
 hèt hann á frambyggja, at þeir skyldu höggva  
 tengslin ok leysa skipin út; þeir gerðu svá; þá  
 færðu konungsmenn stafnljá á skeiðarkylfin ok  
 hældu þeim; þá mælti jarl, at stafnbúar skyldu  
 höggva af kylfin, ok svá gerðu þeir; svá segir  
 Sighvatr skáld:

Sjálfir bað<sup>10</sup> svartar kylfur  
 Sveinn harðliga skeina,  
 nærr var áðr í ora<sup>11</sup>  
 oll-vân<sup>12</sup> róit hânun;  
 þá er til góðs<sup>13</sup> en gjóða<sup>14</sup>  
 gjört fengum, hræ svörtum

<sup>1</sup>) oss á, B, C, G, J, L, S. <sup>2</sup>) skjöldum, G, J. <sup>3</sup>) mið-  
 löndum, B, C, F, K, S; miðlöngum, G, J. <sup>4</sup>) þíngat, B. <sup>5</sup>)  
 gunnsilg, B, C, D, G, J, K, S. <sup>6</sup>) bráð, C, D, F, L. <sup>7</sup>) fékk,  
 hin. <sup>8</sup>) gammr, C; svann, D, G, H, J; svart, K, L. <sup>9</sup>) slæddust,  
 C, F, K, L, S; skæfðust, D, H, J. <sup>10</sup>) baud, G, J, L. <sup>11</sup>)  
 ærna, C. <sup>12</sup>) auðvân, C, D, F, G, J, S. <sup>13</sup>) gjóðs, L.  
<sup>14</sup>) gjóði, C, F, G, S; góði, L.

Yggs lét herr of höggvit<sup>1</sup>,  
hrafni, skeiðar stafna.

Einarr Þambarskelfir hafði lagit sitt skip á annat  
borð jarlsskipinu, þá kastaði hann akkeri í jarls-  
skipit í stafninn fram, ok fluttust svá allir sam-  
an útá fjörðinn; eptir þat flýði allt lið jarls ok  
reyri út eptir firðinum. Bersi Skáld-Torfuson  
var í furrúmi á jarlsskipinu; en er skipit jarls  
seig fram hjá konúngsskipinu, þá mælti Ólafr  
konúngr hátt, er hann kendi Bersa, þvíat hann  
var hverjum manni auðkendri: vænn maðr ok  
búinn allvel at klæðum ok vopnum! farit heilir,  
Bersi! segir konúngr ok brosti at lítinn þann;  
hann svarar: verit heilir, konúngr! Svá segir  
Bersi í flokki þeim, er hann orti síðan, þá er  
hann kom á vald Ólafs konúngs ok sat í fjötrum:

Hróðrs<sup>2</sup> bað<sup>3</sup> heilan líða  
hagkennanda þenna,  
en snarrækinn<sup>4</sup> slíku  
[svarat unnu<sup>5</sup> vèr, gunnar;  
orð<sup>6</sup> seldum þau<sup>7</sup>, elda,  
út hauðrs<sup>8</sup> - [boða traudir<sup>9</sup>  
knarrar hapt<sup>10</sup>, sem keyptag  
kynstórr<sup>11</sup> á vil brynju.

Ok þessa aðra:

<sup>1</sup>) höggvinn, G. <sup>2</sup>) hlóðr, B; hróðr, K, S. <sup>3</sup>) bar, C,  
battu, G, J, S. <sup>4</sup>) snarræki, B, H, S; svarbræði, C; sjá rekkr,  
D; snarketi, G, J. <sup>5</sup>) svart unnu, B; svaran unu, C. <sup>6</sup>) auð,  
G, J. <sup>7</sup>) vèr, G, J, S. <sup>8</sup>) ytlauðs, J; útlauðs, G. <sup>9</sup>) bjóða  
rauða, L. <sup>10</sup>) happs, B, F; knapps, C. <sup>11</sup>) kynstórr, B, G,  
J, K, S

Sveins raunir hefi ek sènar,  
 snart<sup>1</sup> rækjandi<sup>2</sup>, bjartar<sup>3</sup>  
 þar er svaltúngur súngu  
 saman voru<sup>4</sup> við, stórum<sup>5</sup>;  
 elgs mun ek eigi fylgja<sup>6</sup>  
 útskiðs<sup>7</sup> boða<sup>8</sup> síðan  
 [heldr at hváru vildag<sup>9</sup>  
 hranna dýrra manni<sup>10</sup>.

Ok enn:

Krýp<sup>11</sup> eigi svà, sveigir<sup>12</sup>  
 sára-linds! í ári<sup>13</sup>  
 búum ólittinn úti  
 öndr, þér til handa<sup>14</sup>;  
 at ek, herstefnir! hafna,  
 heiðmildr, [nè ek<sup>15</sup> þá leiðumst<sup>16</sup>,  
 úngr kunna ek [þat þraungvir<sup>17</sup>  
 þín<sup>18</sup>, hollvini mína<sup>19</sup>.

Sumir menn jarls flýðu á land upp, en sumir  
 gengu til griða, en jarl sjálfir reyri útá fjörðinn  
 ok mestr luti liðsins, ok lögðu þar saman skip-  
 in; töluðu höfðingjar þá milli sín, þvíat jarl leit-  
 aði ráða undir lenda menn, hvern upp skal taka;  
 [þá mælti jarl<sup>20</sup>, at þeir skyldi sigla norðr í land

<sup>1</sup>) svart, *D, G.* <sup>2</sup>) reknínga, *B, G, J, S*; rækínga, *C, D, F, L.*  
<sup>3</sup>) hjarta, *C, D, F*; hatta, *J.* <sup>4</sup>) fóru, *hin.* <sup>5</sup>) stórir, *B, D, K, S*;  
 stórar, *hin.* <sup>6</sup>) sýlgja, *B.* <sup>7</sup>) útriðanda, *D*; úthrið, *hin.* <sup>8</sup>)  
 v. í *D.* <sup>9</sup>) helzt, (hest, *C, D, F, G, J*) á hvárum kosti, *hin.*  
<sup>10</sup>) manna, *C, K, L.* <sup>11</sup>) ek, *b. v. B, C, D, F, K, L, S.* <sup>12</sup>)  
 síðan, *C, K.* <sup>13</sup>) vári, *C, D, F, L.* <sup>14</sup>) halda, *S.* <sup>15</sup>) eða,  
*C, D, F, K, L, S*; er ek, *G*; en ek, *J.* <sup>16</sup>) leiðumk, *C.* <sup>17</sup>)  
 þá þraungvi, *C, D, F, L, S*; þá þrængar, *G, J.* <sup>18</sup>) þinn, *B,*  
*D.* <sup>19</sup>) minna, *B, D*; báðar þær síðarstu vís. v. í *II.* <sup>20</sup>) Er-  
 lingr Skjalgsson réð þeim, *hin.*



ok fá sér þar lið, at berjast enn við Ólaf konúng, þegar þeim þætti færi á; en flestir höfðingjar löttu þess, ok þótti þeim þúngt veitt hafa, svá gott lið ok mikit sem þeir höfðu haft nú, en höfðu nú látit mikit lið, ok þótti ósýnt, at þeir fengi í annat sinn meira afla, enn svá nökkvat þar í landi, ok fýstu af því flestir, at jarl færi or landi furst svá brúit ok á fund Svíakonúngs, mágs síus, ok efldist þaðan at liði, ef hann vildi nökkurn styrk veita honum, ok fylgði Einarr þambar-skelfir því at um ráðin, þótti honum þeir engan styrk til hafa at berjast við Ólaf konúng í annat sinn. Sigldi jarl þá suðr yfir Foldina ok með honum Einarr, mígr hans, ok margir aðrir lendir menn, en þeir sem eigi flýðu óðöl sín, fóru norðr til heimila sinna; hafði Erlíngr um sumarit fjölmenni mikit um sik á Sóla.

56. Ólafr konúngur ok hans menn sjá, at jarl hefir samanlagit liðinu ok skipin í annat sinn; þá eggjaði Sigurðr konúngur sýr, at þeir skyldu leggja at jarli, ok láta þá til stáls sverfa með þeim. Ólafr konúngur svarar, segir, at hann vill furst sjá, hvat jarl tekr ráðs, hvárt hann heldr samian liðinu eða skilst þat við hann; Sigurðr kvað hann ráða mundu: en þat er mitt hugboð, segir hann, at við skap þitt ok ráðgirn, at seint tryggvir þú þá at þér stórbokkana; varð nú ok ekki af atlögunni, sá þeir þá brátt, at lið jarls skildist við hann. Lét Ólafr konúngur þá ransaka valinn, lágu þeir þar nokkurar nætr, ok skiptu herfángi; þá kvað Sighvatr vísur þessar:

Þess get ek meir, at missi  
 morðarr, sá er fór norðan,  
 harða margr, í hörðum,  
 heimkvámu styr þeima;  
 sökk af sundablakki  
 sunnu: mörg<sup>3</sup> til grunna;  
 satt var, at Sveini mættum  
 samknúta<sup>4</sup> vèr úti.

Frýrr<sup>5</sup> eigi oss í ári  
 innþraungs<sup>6</sup>, þóat lið minna,  
 gjört hugða ek svá snertu<sup>7</sup>,  
 snotr<sup>8</sup> mæ, konúngs væri;  
 brúðr mun heldr af<sup>9</sup> háði  
 hafa drótt, þá er framsótti,  
 fold ruðum<sup>10</sup> serks<sup>11</sup>, sem<sup>12</sup> skyldi  
 seggi<sup>13</sup> aðratveggju.

Afli vex, þar<sup>14</sup> er efla  
 Upplendingar sendi<sup>15</sup>  
 svinn<sup>16</sup>, finnum<sup>17</sup> þat<sup>18</sup>, þenna  
 þriðja<sup>19</sup> til konúngs<sup>20</sup> vilja;  
 raun er hins, at heynir  
 hrælinn<sup>21</sup> megu vinna,

1) kom, *G, J, S.* 2) sunnum, *D, L, S.* 3) eða mörg; margr, *G, J; margt, S.* 4) sannknúta, *C, D, F, J, S.* 5) flýr, *C, D, F, J.* 6) innþraenzk, *hin.* 7) snóta, *B.* 8) snert, *B; snótar, G, J.* 9) at, *hin.* 10) ruðu, *C, D, F.* 11) skers, *B, C, F, G, J; sers, K, S; skær, L.* 12) ef, *B, G, J, K, S.* 13) skeggi, *C, D, F, G, J, L.* 14) þat, *B; þá, G, J; því, hin.* 15) sendu, *B.* 16) Sveinu, *B, D; Svein, C, F, L; Sveins, G, J, S.* 17) funnut, *hin.* 18) þér, *F, L; þar, hin.* 19) pikklaks, *J; þvílka, L; þillblaks, hin.* 20) konúngr, *C, G.* 21) hrælinn, *C, D, G.*

Þeir<sup>1</sup> áttu<sup>2</sup> flug<sup>3</sup> fleina<sup>4</sup>

[fólk - hrekks<sup>5</sup>, enn öl drekka<sup>6</sup>.

Ólafr konúgr gaf Sigurði konúgi, mági sínum, at skilnaði góðar gjafar ok svá öðrum höfðingi-um þeim, er verit höfðu með honum; konúgr gaf Katli af Ríngunesi karfa einn fimtín<sup>7</sup>-sessu, ok flutti Ketill skipit út eptir<sup>8</sup> elfi ok svá uppi Mjørs. Ólafr konúgr hēlt til njósnum um ferðir jarls; en er hann spurð þat, at jarl var or landi farinn, þá fór hann austr eptir Víkinni, dreif þá lið til hans ok var hann til konúgs tekinn á þíngum, hvar sem hann kom, fór hann svá allt til Lífðandisness; þá spurð hann þat, at Erlíngr Skjálgsson á Sóla hafði liðsamnað mikinn, dvaldist konúgr þá ekki á Norðr-Ögðum, þvíat hann fékk raðbyri; fór hann þá sem skyndiligast norðr til Þrándheims, þvíat honum þótti þar megin landsins, ef hann fengi þar undir sik spanit, meðan jarl væri íbrottu. En er Ólafr konúgr kom í Þrándheim, þá var þar engi upp-reist gjör ímóti honum, ok var hann þar til konúgs tekinn sem annarstaðar, ok settist hann þar um haustit í Niðarósi, ok bjó þar til vetrvistar, ok lét hann þar húsa konúngsgarð ok setja þar Clemenskirkju í þeim stað, sem nú stendrhún; hann markaði dóptir til garða, ok gaf bóndum eða kaup-mönnum, eða þeim öðrum er honum sýndist ok

<sup>1</sup>) þeim, J. <sup>2</sup>) æskla, C, F, L; æskja, D. <sup>3</sup>) faus, C; fals, D; fors, F, L. <sup>4</sup>) fleiri, C; fleira, D, F. <sup>5</sup>) fjallreks, G, J; fjölreks, D, S. <sup>6</sup>) 2 seinustu vísurnar v. í II. <sup>7</sup>) 20, D, II, K. <sup>8</sup>) Raun, b. v. hin.

húsa vildu; hann sat þar fjölmennt, þvíat þeir treystu illa þrændum um trúleik við sik, ef jarl kæmi til, voru berastir at því Innþrændir, at þeir vildu til jarls stunda, ok fekk konúngr þaðan engar skyldir af bøndum.

57. Sveinn jarl fór til Svíþjóðar á fund Ólafs konúngs, mágs síns, ok segir honum allt um skipti þeirra Ólafs konúngs digra, ok leitaði þá ráða af Svíakonúngi, hvern hann skal upptaka. Konúngr segir, at hann skal vera hjá honum, ef hann vill, ok hafa þar ríki slíkt til forráða, sem honum þíkkir sæmiligt: en at öðrum kosti, segir hann, skal ek fá þær góðan liðsafla, at þú megir sækja landit af Ólafi digra; þat kaus jarl, þvíat þess fýstu allir hans menn, þvíat þeir áttu margar stórar eigur í Noregi, er þá voru með jarli; þá sátu þeir yfir þessi ráðagerð um hríð, ok kom þat ásamt með þeim, at þeir skyldu búast til um vetrinn eptir at fara landveg um Helsíngjaland ok Jámtaland, ok svá ofan í Þrándheim, þvíat jarl treysti Innþrændum bezt um trúleik við sik ok staðfesti, ef hann kæmi þángat; gjöra nú þat ráð, at fara um sumarit í hernað í Austrveg at fá sèr svá fjár. Sveinn jarl fór með liði sínu austr í Garðaríki ok herjaði; þar dvaldist hann um sumarit; en er haustaði, snèri hann aptr til Svíþjóðar liðinu, ok þá tók hann sótt þá, er hann leiddi til bana. Eptir andlát Sveins jarls fór hans lið, er honum hafði fylgt, aptr til Svíþjóðar, en sumir snèru til Helsíngja-

lands ok þaðan til Jámmtalands, ok svá austr um Kjöl til Þrándheims, ok sögðu þar þessi tífðendi, er gerzt höfðu í ferð þeirra; varð nú sannspurt andlát Sveins jarls<sup>1</sup> um allan Noreg. Einarr Þambarskelfir ok sú sveit, er honum fylgði, fór furst um vetrinn til Svíakonúngs eptir andlát Sveins jarls, ok voru þar í góðum fagnaði ok yfirlæti, þar var ok mart annarra manna þeirra, er fylgt höfðu Sveini jarli. Svíakonúngi líkaði stórrilla til Ólafs digra, er hann hafði sezt í skatiland hans, en rekit íbrott Svein jarl, mág hans, lét hann þarsyrir Ólafi digra hinum mestum afarkostum, þegar hann mætti sèr svá viðkoma; hann sagði þat jafnan, er um var rædt, at Ólafr digri mundi eigi svá djarfr vera, at hann mundi taka undir sik þat veldi, er jarlar höfðu átt, en nú kallar Svíakonúngr sína eign þann luta lands, er Sveinn jarl hafði átt, sannaðu þetta margir hans menn með honum, at svá mundi vera. En er þrændr spurðu til sanns, at jarl var látinn, ok hans var ekki at vænta, þá snérist öll alþýða til lýðni við Ólaf konúng; fóru þá margir menn innan or Þrándheimi á fund Ólafs konúngs ok gerðust hans menn, en sumir sendu orð ok jartegnir til, at hans menn vildu vera ok honum þjóna; fór hann þá um haustit inní Þrándheim ok átti þíng við bændr, var hann þá á hverju þíngi til konúngs tekinn; hann fór þá til Niðaróss, ok lét þángat flytja allar konúngs skyldir, ok efnaði þar til vetrsetu.

<sup>1</sup>) hér sleppr J um sinn.

58. Ólafr konúgr lét húsa konúngsgarð í Niðarósi, þar var þá ok gjör mikil hirðstofa, ok dyr á báðum endum; hásæti var í miðri stofunni, en innarfrá skamt var hásæti Grímkels biskups, en þar innarfrá sátu kennimenn hans, en utarfrá honum sátu ráðgjafar hans; í öðru öndvegi gegnt honum sat stallari hans, Björn digri, en þarnæst gestir hans, eða ef göfgir menn komu til hans; við elda skyldi þá öl drekka; hann skipaði mönnum þá í þjónostur, sem siðr er konúnga til; hann hafði með sér 60 hirðmanna ok 30 gesta, ok setti hann þeim mála ok lög, hann hafði ok 30 húskarla, er starfa skyldu í garðinum ok tilflytja slíkt, er þurfti; hann hafði ok þræla. Í garðinum var mikill skáli gjörr, er hirðmenn sváfu í, þar var ok mikil stofa, er konúgr hafði hirðstefnur í ok málstefnur ok sættarstefnur. Þat var siðr hans, at rísa upp<sup>1</sup> um morna ok klæðast ok taka handlaugar, ok ganga síðan til kirkju ok hlýða óttusaung ok morgintíðum, en ganga síðan á stefnur, ok sætta menn sína, ef þess þyrfti við, eða tala þat annat, er honum þótti skylt; hann stefndi til sín ríkum ok látækum, ok þeim öllum er vitrastir voru; hann lét upptelja<sup>1</sup> fur sér lög þau, er Hákon Aðalsteinsfóstri hafði sett í Þrándheimi; hann skipaði síðan lögum með ráði hinna vitrastu manna; lagði hann þar á allan hug, at taka af heiðni ok fornar úvenjur, þær er honum þótti kristnispèll

<sup>1</sup>) *snemma, b. v. hin.*

í vera. Svá kom, at bændr játtu at hafa þau lög, er konúgr setti þeim; svá segir Sighvatr skáld:

Loptbyggjum<sup>1</sup> mátt leggja  
landrètt, þann er skal standast  
unnar, allra manna,  
ýta<sup>2</sup> liðs, ímiðli.

59. Ólafr konúgr var maðr síðlátr vel, fálýndr, örr ok fægjarn, ok þótti bæði gott at þiggja ok veita. Þá var þar með Ólafi konúngi Sighvatr skáld, sem furr segir, ok enn fleiri íslenzkir menn. Ólafr konúgr spurð vandliga, hvern veg kristinnómur væri haldinn á Íslandi; ok er hann vissi þat, þá þótti honum mikilla bóta ávant, at vel væri, þvíat þeir sögðu honum þat frá kristnihaldinu, at þat væri lofat á Íslandi at eta ross ok bera út börn, sem heiðnir menn gjörðu, ok enn fleiri lutir, þeir er kristni-spæll væri í; þeir sögðu konúngi frá mörgu stórmenni því, er var á Íslandi; Skapti Þóroddsson hafði þá lögsögn á Íslandi. Víða af löndum spurði konúgr at síðum manna þá menn, er gjörla vissu, ok leiddi mest at spurníngum um kristinnóm, hversu haldinn væri, bæði í Orkneyjum ok á Hjaltlandi ok or Færeyjum, ok spurðist honum svá til, sem víðast mundi mikit á skorta, at vel væri; slíkar ræður hafði hann optast í munni, ok taldi landsrètt eða lagasetníng.

60. Björn hét maðr ok var kallaðr Hítðæla-

<sup>1</sup>) loptbyggvir, C, F, K, L, S; líðbyggvir, G. <sup>2</sup>) eykja, hin.

kappi, hann var hirðmaðr Ólafs konúnga; Björn var harðgjör maðr ok mikill fur sèr. Þat bar til einu sinni, þá er Björn var með Ólafi konúnga, at hann fór í laug með konúnginum; en sú gjörð var mönnum mjök tíð, at hafa silkibönd utan at hosum, ok vöfðu þar með leggina; nú fór Björn furr or lauginni enn konúngr, en klæði þeirra lágu öll saman, konúnga ok Bjarnar; nú geymir Björn eigi at, ok tók silkiræmu konúnga aðra, ok batt um fót sèr; ok er konúngr kom or lauginni, fann hann, at Björn hafði skipt við hann; Björn bauð aptrat skipta, þegar hann vissi; konúngr segir, at þat skyldi þá hverr hafa, sem fengit hafði. Ólafr konúngr gaf Birni sverð gott, er hann kallaði Mæring. Björn fór til Íslands, ok eru miklar frásagnir frá skiptum þeirra Þórðar Kolbeinssonar, áðr Björn féll fur Þórði, þar sem Hvítúngshjalli heitir í Hítardal. Björn var grafinn á Völlum, þvíat þar var þá kirkja, hvíldi Björn þar lengi síðan, þartil er staðr efldist at Húsafelli, var þá upptekin kirkjan á Völlum ok grafinn garðrinn, ok öll bein færð í Hítardal, þau er þar höfðu jörðut verit. Björn hafði í klæðum verit niðrsettr; ok er bein hans voru upptekin, þá var allt hold hans fúit ok öll klæði, svá at engan stað sá, nema sú ein silkiræma, er Ólafr konúngr hafði átt, hún var heil ok úsökuð, svá sem hún hefði aldri í jörð komit; nú sýndist í þessum atburð mikill heilagleikr Ólafs konúnga, at sá einn lutr var



ófuinn í jörðu á beinum Bjarnar, er helgast hafði af líkama Ólafs konungs; sú silkiræma var síðan höfð til messufata-linda, ok er nú á þeim bæ, er í Görðum heitir á Akranesi. Nú, svà margir höfðingjar ok harðfengir hirðmenn sem konúnginum fylgðu, þá var hann þó sjálfir öllum þeim æðri at öllum lutum. Ólafr konúgr var allra manna vitrastr, ok sá hvert ráð, sem eptir gekk, ef hann læk í tómi við, en ef hann var bráðum borinn, þá var þat nökkut hætt. Ólafr konúgr virði mikils kirkjur ok kennimenn ok allan kristinnóm, ok gæddi gjöfum góða menn, klæddi hann kalna, en gaf lè föðurlausum, auðræði ekkjum ok útlendum þeim, er fátækir voru, huggaði hann hrygga, en studdi alla ráðvanda menn, bæði í heilræðum ok öðrum tillögum þeim, er þeir þurftu; hann var harðr við hermenn, stríðr við stuldamenn, óþýðr við alla ósiðamenn; hann refsaði rán ok hegndi hart allt þat, er guðs rætti var raskat, en furgaf linliga allt þat, er við hann var misgjört; misjafn orðrómr var á hans ráði, þá er hann lifði í þessum heimi: margir menn kallaðu hann ríklundaðan ok ráðgjarnan, harðráðan ok heiptúðigan, fastan ok fægjarnan, ólman ok óðan, metnaðarmann ok mikillátan, ok þessa heims höfðingja fur alls sakir; en þeir er gjörr vissu, kallaðu hann linan ok lítillátan, hægan ok huggóðan, mildan ok mjúklyndan, vitran ok vingóðan, tryggvan ok trúlyndan, forsjálan ok fastorðan, gjöflan ok

góðgjarnan, frægan ok fályndan, góðan ok glæpa-  
varan, stjórnsaman ok stiltan vel, geyminn at  
guðs lögum ok góðra manna, ok hafa þeir rætt  
sagt, ersvâ sögðu; optliga hepti hann sinn vilja,  
en gjörði guðs vilja, ok leitaði meirr guðs vilja  
enn sinnar virðingar at alþýðu ok réttsýnna  
manna tilliti.

61. Þann sama vetr komu austan or Sví-  
þjóðu sendimenn Ólafs Svíakonúngs, ok voru  
bræðr 2 furþeim, hét annar Þorgautr skarði, ok  
(hinn) Ásgautr ármaðr, ok voru þeir saman 24; en  
er þeir komu austan um Kjöl í Veradal, þá  
stefndu þeir þing við bændr ok talaðu við þá,  
heimtu síðan skatt af hendi Svíakonúngs. En  
bændr báru ráð sín saman ok talaðust við, ok  
kom þat ásamt með þeim, at þeir mundu gjalda  
slikt, sem Svíakonúngr beiddi, ok heimti Ólafr  
digri engar skyldir af þeim fur sína hirð, en  
sögðust eigi vilja gjalda tvennar landsskyldir;  
ok þetta þótti sendimönnum sannligt; fóru síðan  
brott ok út eptir dalnum, ok á hverju þingi,  
er þeir áttu, fengu þeir af bóndum hin sömu  
svör, en ekki fè; fóru síðan út á Skön, ok áttu  
þar þing ok kröfðu þar enn skatta, ok fór allt á  
sömu leið sem furr; þá fóru þeir í Stjóradal ok  
kröfðu þar þinga, en bændr voru þar því stærri  
enn annarstaðar, at engi vildi tilkoma, ok vildu  
ekki skvaldr þeirra á sèr; þá sá sendimenninnir,  
at þeirra erendi varð ekki; vildi Þorgautr þá  
fara aptr, ok þótti ekki atskapast. Þá mælti Ás-

gautr : ekki þikkir mér vèr enn rekit hafa kon-  
úngs erendi svá búit, ok vil ek fara á fund  
Ólafs konúngs digra, er þó skjóta bændr þángat  
sínu máli. Nú ræð hann, ok fóru þeir út til  
bæjar ok tóku sèr þar herbergi í bænum; þeir  
gengu um daginn eptir fur konúng, er hann  
sat yfir borðum, ok kvöddu hann, ok sögðu at  
þeir fóru með erendum Svía konúngs. Kon-  
úngr bað þá koma um morgininn eptir fur sik.  
Annann dag eptir, er konúngr hafði hlýdt tíðum,  
gekk hann til þínghússins, ok lét þángat kalla  
menn Svía konúngs ok bað þá bera upp erendi  
hans. Þá talar Þorgautr ok sagði furst frá því,  
hverra erenda þeir fóru, ok þat síðan hvern  
veg þeir hefði tekit Innþrændirnir þeirra erendi;  
eptir þat beiddi hann konúng veita orskurð,  
hvert þeirra erendi skyldi verða. Konúngr  
svarar, er stund leið : meðan er jarlar ræðu hèr  
fur landi, þá var þat ekki undarligt, at lands-  
menn væri þeim lyðskyldir, þvíat þeir voru  
hèr ættbornir til ríkis, ok var þó rættara at jarlar  
hefði veitt þeim konúngum lýðni, er rættbornir  
voru hèr til ríkis, heldr enn þat at lúta til út-  
lendra konúnga ok hefjast upp með úfriði í  
móti rættum konúngum, ok fella þá frá landi,  
sem þeir gerðu við Ólaf konúng, frænda minn;  
en ef Ólafr konúngr svænski kallar til Noregs,  
þá veit ek eigi hverja tiltölu hann hefir hèr til,  
þá er rættlig er eðr sannlig, en hitt mætti vèr

muna, hvern mannskaða vèr höfum beðit af honum ok hans frændum. | á svarar Ásgautr: eigi er undarligt at þú sèr kallaðr Ólafr digri, allstórliga svarar þú erendum þvílíks höfðingja, en ógjörla veizt þú, hversu þúngbær þèr verðr reiði hans, ok hefir svá vorðit þeim, er meira krapti hafa stýrt, enn mèr sýnist at þú munir vera; en ef þú vill þrálíga halda ríki þessu, þá gef ek þèr þó annat ráð heldr enn deila kappi við Ólaf Svía konúng: far heldr á fund hans með lítillæti ok gerst hans maðr ok honum lyðskyldr, munu vèr þá biðja með þèr, at hann fái þèr land þetta til forráða ok at láni. Þá svarar Ólafr konúngr ok tók hógliga til máls, sem hann var jafnan vanr, þá er honum þótti mjök í móti skapi: ek vil ráða þèr annat ráð, Ásgautr! segir hann, farið nú aptr austr til konúngs yðvars, ok segið honum svá; atsnemma í vár mun ek búast ok fara austr til landamæris þess, er at fornu hefir skilit ríki Svía konúngs ok Noregs konúngs, má hann þá þar koma, ef hann vill, at vèr gjörim sætt okkra, ok hafi þat ríki hvárr okkarr, sem óðalborinn er til. Þá snúasendimenn í brott ok furst heim til herbergis, ok bjöggust sem tíðast; en konúngr gekk þá til borða; sendimenn gengu þá til konúngs garðs, ok vildu finna konúng, áðr þeir færi; en er durverðir sá þá, sögðu þeir konúngi, hann bað þá ekki sendimenn inn láta, þvíat vèr viljum nú ekki við þá tala; fóru þá

sendimenn í brott; segir Þorgautr at hann mun aptr ok hans menn, en Ásgautr svarar, at hann vill enn reka erendi konúgs síns, sem hann má; þá skiljast þeir bræðr, ferr þá Þorgautr inn á Strönd<sup>1</sup>, en Ásgautr ok þeir 12 saman snúa upp til Gaulardals ok svá út til Orkadals; ætlar hann at fara suðr á Mæri ok reka sýslu Svía konúgs. En er Ólafr konúgr spurr þessi tíðindi, sendi hann gesti sína út eptir þeim, ok fóru ok tóku þá höndum ok bundu ok leiddu þá inn á Gaularás, ok reistu þar gálga ok hengðu þá þar alla, svá at sjá mátti utan af firði af þjóðleið. Þorgautr spurr þessi tíðindi, áðr hann fór aptr or Þrándheimi, fór hann þá alla leið, þartil er hann fann Svía konúg, ok segir honum þat er gerzt hafði í ferð þeirra. Konúgr varð allreiðr, er hann heyrði þessa sögn, ok skorti þar eigi stór orð.

62. Eptir um vârit bauð Ólafr konúgr liði sínu útor Þrándheimi, ok bjóst at fara austr í land; þá bjóst ok or Þrándheimi Íslandsfar; þá sendi Ólafr konúgr með þeim orð ok jar-tegnir Hjalta Skeggjasyni, ok stefndi honum til sín; hann sendi ok orð ok jar-tegnir Skapta lögmanni ok öðrum þeim mönnum, er mest ræðu á Íslandi lögum þeirra; hann sendi þeim til þess orð at taka or lögum þeirra þat, er honum þótti mest kristniþell í vera; þar með sendi hann ok vingjarnlig orð öllum lands-

<sup>1</sup>) Svind, *hinn*.

mönnum jafnsaman. Konúgr fór þá suðr með landi ok dvaldist í hverju fylki, ok þíngaði við bæendr; en á hverju þíngi, þá lét hann lesa upp kristin lög, ok þau boðorð er þar fylgðu, tók hann þegar af við lýðinn margar úvenjur ok heiðindóm, þvíat jarlar höfðu haldit forn lög ok landsrætt, en um kristnihaldit hirðu þeir ekki svá mjök, ok létu þat gera hvern eptir því sem vildi, ok sjálfum þótti skapfeldast; var þá svá komit at flestir menn voru skírðir víðast um sæbygðir, en kristin lög voru mönnum úkunnig, en í dölum upp ok fjallbygðum þá var víða alheiðit með öllu, þvíat þegar er lýðrinn var sjálfráði, þa festist þeim þat helzt í minni um átrúnaðinn, er þeir höfðu í æskunni numit, ok feðr þeirra ok mæðr hefðu þeim kent, en þeir menn sem eigi vildu við skipast orð konúgs um kristnihaldit, þá hæt hann afar-kostum bæði ríkum ok úríkum. Ólafr var til konúgs tekinn á hverju þíngi, ok mælti þá engi maðr í móti honum; ok þá er hann lá í Karlssundi<sup>1)</sup>, fóru menn í milli þeirra Erlíngs<sup>2)</sup> Skjálgssonar, báðu menn þá at þeir skyldi sættast, ok var lagðr sáttarfundr með þeim í Hvítíngsey. En er þeir fundust þá talaðu þeir um sætt sína, ok þóttist Erlíngi konúgrinn allt stríðari enn honum var sagt. Erlíngr mælti til þess, at hafa veizlur þær allar, er Ólafr Tryggvason fékk honum ok síðan jarlarnir,

<sup>1)</sup> Karmssundi hin. <sup>2)</sup> hér byrjar apte I.

Sveinn ok Hákon; ok mun ek þá gjörast þinn maðr ok hollr vin. Ólafr konúngr svarar: svá lízt mér, Erlíngr! sem eigi sè þér verra, at taka af mér jafnmikit vald, sem þú tókt af Eiríki jarli, þeim manni sem þér hafði gert þvílíkan mannskaða sem hann hafði þér gert; en ek mun þik láta vera göfgastan mann hær í landi, þóat ek miðla veizlurnar at sjálfræði mínu, en eigi láta, sem þér lendir menn sèð hær óðalbornir til ríkis í Noregi eðr ættleifðar minnar, eða ek skyldi margföldu verði kaupa at yðr þjónustu yðra. Erlíngr hafði eigi skaplyndi til at biðja konúng hær nè einna muna um, þvíat hann sá at konúngr var ekki leiðfugamaðr, ok hann vildi þat eitt hafa, er honum kom í hug, sá hann ok at 2 voru kostir fyrir hendi, sá annar, at gera enga sætt við konúng ok hætta til hvernveg færi, eðr hitt, at láta konúng einn ráða fur. Þá mælti Erlíngr til konúngs: sú mun yðr, herra! mín þjónusta haldkvæmust, er ek legg sjálfráðr fram ok velviljandi, ok öll önnur af hendi. Stóð Erlíngr þá upp ok gekk í brott. Eptir þat gengu til frændr ok vinir Erlíngs, ok báðu hann tilláta við konúng ok færa vit við en eigi ofrkapp, munt þú, sögðu þeir, jafnan vera göfgastr lendra manna í Noregi, bæði at framkvæmdum þínum ok frændum ok fjárafla. Erlíngr fann at þetta var heilræði ok þeim kom góðvill til, er slíkt mæltu, gjörði hann þá ok svá, at hann gekk til handa konúngi með þeim

skildaga, sem konúngr ræð fur at skilja. Skiljast eptir þat ok voru sáttir at kalla; fór Ólafr konúngr þá leið sína austr.

63. Þegar er Ólafr konúngr kom í Víkina, ok þat spurðist til sanns, þá fóru Danir í brott, þeir er þar höfðu haft sýslur af Dana konúngi, ok sóttu á fund konúngs til Danmerkr sem skjótast, ok vildu eigi dvelja ok eigi biða Ólafs konúngs. En er Ólafr konúngr fór inn eptir Víkinni sem skjótast, þá átti hann þó þing við bændr, ok fór þar sem annarstaðar, at allt fólk gekk undir hann, tóku hann þá allir til konúngs; tók Ólafr konúngr þá allar skyldir ok konúngstekjur; dvaldist hann í Víkinni um sumarit. Hann hélt austr um Foldina ok allt austr um Svínasund, þá tók til ríki Svía konúngs, hafði hann þar sett yfir sýslumann, er Eilífr gauzki hét, yfir hinn neyrðra lutinn, en Hróa skjálga yfir hinu eystra lut allt til Elfar, hann var ættaðr tveim megin Elfar, en átti bú stór í Hísing, hann var ríkr maðr ok stórauðigr; Eilífr var ok stórauðigr. Ólafr konúngr kom í Raumaríki liði sínu, ok bað bændr viðtöku þar, sem annarstaðar höfðu menn gert í Noregi. Brynjólfur úlfaldi hét einn göfugr bóndi, hann stóð upp af bónda hendi, ok talaði svá: vitu vèr bændr, hvat réttast er landskipti meðal Noregs konúngs ok Svía konúngs at fornu, at Gautelfur hefir ráðit frá Væni<sup>1</sup> til sjávar, en Norðrmarkir til Eiðaskógs, en þaþan

<sup>1</sup>) þannig hin; Mæri, A.



Skill' allt norðr til Finnmerkr; svá ok þat, at ýmsir hafa gengit á annarra ríki ok hafa hvárir viljat vera öðrum meiri ok ríkari, hafa Svíar haft laungum vald yfir allt til Svínasunds; en þó yðr satt at segja, herra! at ek veit þá marga menn hær, at betra þætti at þjóna Noregs konungi enn Svíum, en menn bera þó varla traust til þess, ok mun yðr þat þó þikkja nokkur vorkun, þar er Svía konúngs ríki er frá oss bæði austr ok suðr ok allt fur ofan, en þess' vãn at þær munuð brátt fara norðr í land, þar sem landsmegin er meira, ok höfum vør þá engan afla til at halda deilu við Gauta; nú verðið þær, herra! at sjá heilt ráð fur oss, en fúsir eru vør at þjóna yðr ok gerast yðrir menn. En eptir þíngit var Brynjólfur í boði konúngs um kveldit, ok svá annann dag eptir, ok töluðu þeir konúngr mart í milli sín um marga luti; fór þá konúngr austr eptir Víkinni. En er Eilífr spurrr, at hann er þar kominn, þá lét hann halda til njósnum um ferðir konúngs. Eilífr hafði 30 manna sinna sveitunga, þeirra er honum fylgðu, hann var nú í [viðrbúningi ok í mikilli önn' uppi við merknar, ok hafði þar mannsamnað mikinn. Margir menn komu til Ólafs konúngs, ok margir sendu orð ok vináttumál til hans. Þá fóru menn í milli þeirra Ólafs konúngs ok Eilífs, ok báðu bæendr, at þeir legði stefnu með sèr, ok ræði frið sín í milli

<sup>1)</sup> Killr, hin. <sup>2)</sup> hær lyrjar E optir. <sup>3)</sup> bygðinni ofanverðri, K, S.

með nökkuru móti; sögðu svá Eilífi, at þeim væri þess vãn af konúngi, ef ekki væri viðskipast hans orð, at af honum mundi vãn stórra afarkosta, en sögðu Eilíf eigi skyldu skorta lið til fundar þessa við konúng. Ólafr konúngur sendi þá Þóriláng, gestahöfðingja sinn, ok þá sjö' saman til Brynjólfs úlfalda, þeir höfðu brynjur undir kuflum en hjálma undir höttum. Eptir um daginn komu bæendr fjölmennir ofan með Eilífi, þar var þá Brynjólfr ok hans menn, voru þeir Þórir þar með honum. Konúngur lagði skip sín at utan, þar sem voru klettar nökkurir ok gengu fram í sjó, gekk konúngur þar upp ok settist niðr ok lið hans á klettinn, en völlr sléttr var fur ofan, ok var þar bónda lýðrin; en menn Eilífs stóðu upp í skjaldborg fur honum. Björn stallari stóð upp, ok talaði langt ok snjalt af konúngs hendi. En er hann settist niðr, þá stóð upp Eilífr ok tók til máls. Í því stóð upp Þórir lángi, ok brá sverði ok hjó til Eilífs á hálsinn, svá at af tók höfuðit, þá ljóp upp bónda lýðrin, en hinir gauzku höfðu á rás undan, ok drápu þeir Þórir nökkura menn af þeim; en er hinir stöðvaðust, þá stóð Ólafr konúngur upp ok mælti, at bæendr skyldu niðrsetjast; þeir gerðu svá, var þá mart talat, en at lyktum varð þat, at bæendr gengu til handa konúngi ok jataðu honum hlýðni, en hann hét þeim því í móti, at vera þar til þess, er þeir Ólafr Sviakonúngur lyki sínum vand-

1) 6, *hin*.

ræðum á einn veg. Eptir þat lagði Ólafr kon-  
 úngr undir sik alla hina neyrðri sýsluna, ok  
 fór hann allt austr til Elfar ok tók allar lands-  
 skyldir með sjófum ok um eyjar; en er áleið  
 sumarit, snèri hann aptr í Víkina, ok lagði upp  
 allt eptir Raumelfi til fors þess, er Sarpr hèt;  
 nes gekk norðan at forsinum, þar lét Ólafr kon-  
 úngr girða með grjóti um þvert nesit ok með  
 torfi ok viðum, ok grafa díki fur utan ok gera  
 jarðborg mikla; en í borginni lét hann efna til  
 kaupstaðar, þar lét hann húsa konúngsgarð ok  
 gera Mariu kirkju, hann lét þar ok marka tópt-  
 ir til annarra garða, ok fèkk þar menn til at húsa;  
 hann lét þánga flytja um haustit öll þau faung,  
 er þurfti til vetrvistar at hafa, ok sat hann þar  
 um vetrinn með fjölmenni, en hafði menn sína  
 í öllum sýslum; hann bannaði allar flutningar  
 or Víkinni uppá Gautland bæði síld ok salt, en  
 þat máttu Gautar varla nýta<sup>1)</sup>; hann hafði jóla-  
 boð mikit, bauð hann til sín or hæröðum mörg-  
 um stórbóndum. [Svá segja menn, at þá er Ólafr  
 konúngr var í Víkinni, kom hann á Geirstaði  
 til haugs þess, er getit var furr í sögunni, þá  
 spurð Ólaf einn vinr hans, sá er með honum var  
 þá í för: segðu mér, segir hann, hvárt þú hefir  
 hær grafinn verit. Ólafr svarar: aldrí hafði önd  
 mín tvá líkami ok eigi mun hún hafa, heldr  
 mun hún einn líkama hafa nú, ok þann mun hún  
 hafa á dómsdegi, þá er guð kemr at dæma allt

<sup>1)</sup> án vera, S.

mannkyn. Sá enn sami maðr mælti enn við konúng: þat segja menn, konúng! at þú hafir svá mælt furr, er þú komt til þessa staðar, þat vár er hér várum ok hëðan kvánum. Ólafr konúngs svarar: þat hefir ek eigi mælt ok þat mun ek aldrí mæla, ok ef ek játa annat enn ek mælti áðan, þá er eigi rëtt mín trúa, ok þá keyrði hann hest sinn með sporum ok reið í brott. Ólafr konúngs var svá prúðr, at alla hina beztu menn í landinu gerði hann sína hirðmenn ok sër handgengna; hann hafði með sër 2 dýrðliga kennimenn, Grímkel biskup ok Sigurð biskup, þeir voru báðir spekingar miklir ok vel lærðir, trúfastir ok tryggvir, óhræddir menn ok hraustir í öllum mannaunum, málsnjallir ok mjúklyndir, rëttlátir í dómum síns kennimannsskapar.

64. Maðr ernesndr Eyvindr úrarhorn, ættaðr austan af Ögðum, hann var maðr ættstór ok drengr góðr, hann var hermaðr mikill ok fór hvert sumar í hernað til ýmissa landa, en stundum í Anstrveg eðr suðr til Fríslands, hann hafði tuttögssessu ok velskipaða, þat var snekkja; hann hafði verit fyrir Nesjum með Ólafi konúngi, en er þeir skildust þá hët Ólafr konúngs honum sinni vináttu, en Eyvindr konúngi liðsemd sinni, nærr sem hann vildi kraft hafa. Eyvindr var í jólaboði konúngs um vetrinn, ok þá þar góðar gjafir af konúngi; þá var ok með konúngi Brynjólfr úlfaldi, ok þá at honum í jólagjöf sverð gullbúit ok þar með bæ þann, er Vættaland hët,

ok er þat hinn mesti höfuðbær. Brynjólfr orti vísu um gjafarnar, ok er þetta niðrlag á:

Bragningr gaf mér bæði

brand ok Vættalandit.

Þá gaf konúgr honum ok lends manns rætt, ok var Brynjólfr hinn mesti vin Ólafs konúgs allar stundir síðan. Þann vetr fór Þrándr hvíti or Þrándheimi austr á Jamtaland, at heimta skatt af hendi Ólafs konúgs, ok er hann hafði samandregit skattinn, þá koma at þeim menn Svíakonúgs ok drápu þá Þránd 12 saman, en tóku skattinn ok færðu Svía konúgi. Þetta spurði Ólafr konúgr í Noregi, ok líkar stórilla. Ólafr konúgr lét boða kristni um Víkina ok þau lög er þar til heyra með sama hætti ok norðr í landi; ok gekk þat vel, þvíat Víkverjum voru kristin lög miklu kunnari enn þeim norðr í land, þvíat þar var bæði vetr ok sumar fjölment af kaupmönnum, bæði Dönum ok Söxum; Víkverjar höfðust ok mjök í kaupferðum til kristinna landa, Englands ok Saxlands, Flæmingjaland ok Danmerkr, en sumir voru í víking, ok höfðu vetrsetur á kristnum löndum. Um vârit eptirsendi Ólafr konúgr orð Eyvindi úrarhorn at hann skyldi koma til hans; hann gerði svâ at finna þegar konúg. Þeir talaðu lengi einmæli. Eptir þat bjóst Eyvindr at fara í víking sem hann átti vanda til, hann sigldi síðan suðr eptir Víkinni, hann lagði at útfrá Hísing í Ekreyjum<sup>1</sup>,

<sup>1</sup>) Eitreyjum C, E; Akreyjum, G, J; Sikreyjum, K.

þar spurr hann, at Hrói skjálgi var farinn norðr í Ostro<sup>1</sup>, ok hafði þar samandregit leiðánger ok landsskyldir Svíakonungs, ok var hans þá norðan ván; þá reyri Eyvindr inn til Agðasunda<sup>2</sup>, en Hrói reyri þá at norðan, ok hittust þar í sundinu ok börðust þegar, þar fèll Hrói hinn skjálgi ok nær 30 manna með honum, en Eyvindr tók fè allt þat, er þeir Hrói höfðu haft, fór Eyvindr þá í Austrveg, ok var þar í víking um sumarit<sup>3</sup>.

65. Maðr hét Guðleikr<sup>4</sup> gerzki, hann var ættaðr af Ögðum í Noregi, hann var auðigr at fè ok farinaðr mikill, hann rak kaupferð til ýmissa landa, hann fór optliga austr í Garðaríki ok var hann fyrir þá sök kallaðr Guðleikr gerzki. Þat vār bjó Guðleikr skip sitt, ok ætlaði at fara um sumarit austr í Garðaríki. Ólafr konúngr sendi þá orð Guðleiki, at hann vildi hitta hann. Eu er Guðleikr kom til konungs, þá segir hann at hann vill leggja fèlag við hann, ok bað hann kaupa sèr dýrgripi þá, er hær væri torogætir<sup>5</sup> í Noregi. Guðleikr segir, at þat skal á hans valdi vera; þá greiddi konúngr honum í hendr þat fè, sem hann skyldi gripina með kaupa; fór Guðleikr um sumarit í Austrveg, þeir lágu nökkura hríð við Gautland, varð þá sem opt kann verða, at eigi eru allir haldin-orðir, ok urðu landsmenn varir þess, at hann

<sup>1</sup>) Orðost, C, E, G. <sup>2</sup>) Angsunda, C, E, L, S; Haugsunda, *hik.* <sup>3</sup>) hær sleppr E um sinn. <sup>4</sup>) Guðleifr, G, I. <sup>5</sup>) torogætir, B.

var fèlagi Ólafs konúnga ðígra. Guðleíkr fór þá ferða sinna, sem hann hafði ætlat, ok keypti hann þar marga góða gripa konúnga ok sèr, bæði pell, er hann ætlaði konúnga til tignar-klæða, ok enn önnur ágætari klæði, svà ok skinn dýr ok ágætan borðbúnað. Um haustit er Guðleíkr fór austan, þá fèkk hann andviðri, ok lágu þeir mjök lengi við Eyland. Þorgautr skarði hafði njósnum tilhaldit um ferðir Guðleíks, ef þeir færi austan, ok er þeir lágu við Eyland, þá kom þar Þorgautr at þeim úvörum, ok barðist við þá; þeir Guðleíkr vörðust vel ok lengi, en með því at liðsmunr var mikill, enda vurðu þeir ekki viðbúnir, þá fèll þar Guðleíkr ok skipverjar hans allir, tók Þorgautr fè hans allt, ok svà gersimar Ólafs konúnga. Þeir Þorgautr skiptu nú herfánga sínu öllu at jafnaði, en dýrgripina, segir hann, at hafa skal Ólafr Svía konúng, ok er þat nökkurr lutr af skatti hans þeim, er hann á at taka af Noregi. Þorgautr fór þá austr til Svíþjóðar. Þessi tíðindi spurjast brátt. Eyvinðr úrarhorn kom liðu síðarr til Eylands, en er hann spurð þessi tíðindi, þá sigldi hann þegar austr eptir þeim Þorgauti, ok hittust þeir í Svíaskerjum ok börðust þegar, þar fèll Þorgautr skarði ok flest lið hans, en sumt ljóp á kaf, þar tók Eyvinðr fè þat allt, er hann tók af Guðleiki gerzka, ok mikit fè annat ok gersimar Ólafs konúnga allar. Fór Eyvinðr um haustit aptr til Noregs, færði hann

Þá Ólafi konúngi digra gersimar sínar. Ólafr konúngr þakkar honum mikilliga þessa ferð, ok hèt honum þá enn vináttu sinni af nyju; þá hafði Ólafr verit konúngr yfir Noregi 3 vetr.

66. Þat sumár hafði Ólafr konúngr leið-  
ánger úti, ok fór þá allt austr til Elfar, þá fóru  
orðsendingar milli Ólafs konúngs ok Rögnvalds  
jarls ok Íngibjargar Tryggvadóttur, konu jarls,  
hún gekk at með öllu kappi at veita Ólafi Nor-  
egs konúngi, þvíat hún var ákafamaðr mikill  
um þetta mál, hèt þar til hvárttveggja, at  
frændsemi var mikil með þeim Ólafi konúngi  
ok henni, ok þat annat, at henni fyrndist aldrí  
fall Ólafs konúngs Tryggvasonar, bróður síns, við  
Ólaf Svía konúng, ok hún þóttist eiga at ráða  
fur Noregi, varð jarl af fortölum hennar mjök  
snúinn til vináttu við Ólaf digra, þó at hann  
væri hinum Ólafi lyðskyldr; kom svà at þeir  
Ólafr konúngr ok jarl lögðu stefni sín í milli ok  
hittust við Elfvi, ræddu þeir þá marga luti ok  
mest um skipti þeirra Ólafs Svía konúngs ok  
Noregs konúngs, sögðu þeir báðir, sem satt  
var, at hvorumtveggjum, Víkverjum ok Gautum,  
var hin mesta landeyða í, er eigi skyldi vera  
kaupferð þar í milli, ok at lyktum settu þeir  
grið ok frið í milli sín ok sinna manna til ann-  
ars sumars; gáfust þeir konúngr ok jarl gjafir  
at skilnaði ok mæltu til vináttu; fór konúngr  
þá norðr í Víkina, ok hafði þá enn konúngstekj-  
ur allar til Elfar, ok allt fólk hafði þá undir



hann gengit. Ólafr Svía konúngr lagði úþokka svá mikinn til Ólafs konúngs Haraldssonar, at engi maðr skyldi þora at nefna hann rættu nafni, svá at konúngr heyrði, hann var þar kallaðr hinn digri maðr, ok voru honum þar veittar stórar átölur, þegar hans var at nökkuru getit.

67. Bændr í Víkinni ræddu sín í milli, at sá einn væri til at konúngar gerði frið ok sætt sín í milli, ok töldust illa viðkomnir, ef konúngarnir herjaði á þá, en engi þeirra þorði þó þenna kurr upp at bera djarfliga; þá báðu þeir Björn stallara at tala þetta mál fur konúngi, at hann sendi menn á fund Svía konúngs ok bjóða honum sætt af sinni hendi. Björn var trauðr til, ok mæltist undan lengi. En við bæn margra vina sinna, þá lét hann at lyktum at tala þetta mál fur konúngi, en kveðst þó svá hugr um segja at konúngr mundi þessu þúngliga taka, at hafa nökkur tillæti við Svía konúng. Þetta sumar kom utan af Íslandi Hjalti Skeggjason, at orðsendingu Ólafs konúngs, fór hann þegar á fund Ólafs konúngs, ok tók hann vel við honum, ok bauð Hjalta með sér at vera, ok vísaði honum til sætis hjá Birni stallara, ok voru þeir mötunautar, gjörðist þar brátt félagskapr góðr. Eitt sinn er konúngr var á stefnu sinni við bændr ok ræð landræðum, þá mælti Björn

stallari: hverja ætlan hafið þér á, herra konúngur! um úfrið þann, sem er milli yðar ok Svía konúnga, nú hafa hváirtveggju látit drepa menn fur öðrum lánga tíma, en öngvir vita nú gjörr enn áðr, hvat hvárr ykkarr konúnganna skal eiga at frjálsu; nú hafið þér setit hér í Víkinni einn vetr ok 2 sumur, en leggið landit allt at baki yðr norðr hëðan; nu leiðist mönnum hér at vera þeim, er eignir eðr óðul eiga norðr í landi; nú er því vill bæði lendra manna ok annarra landsmanna ok bónda, at einnhvern veg skeri or. En með því at nú eru sett grið við Rögnvald jarl ok Vestr-Gauta, er hígat eru næstir, þá þætti mönnum þat helzt til, at þér sendið menn til Svía konúnga ok bjóðið honum sætt af yðvarri hendi, ok munu margir menn vel undir þat standa, þeir sem (með) Svía konúngi eru, þvíat þat er hvárumtveggjum mikit gagn, at sættir verði með Svíum ok yðr. At ræðu Bjarnar gerðu menn góðan róm. Þá mælti konúngr, ok tók seint ok stilliliga til orða: ráð þetta, Björn! er þú hefir hér uppborit, þá mun þat vera makligast at þú hafir fur þér gjört, ok skaltu fara þessa sendiför, njót þú þá, ef vel er ráðit, en ef öðruvís er ráðit, þa veldr þú enn miklu um sjálfr, en víst munu sumir menn kalla þat forsending, er eigi er háskasamligri enn þessi ferð er, er þat ok þín þjónusta at flytja konúnga erendi ok tala í fjölmenni slíkt, er ek

vil tala láta. Þá stóð konúgr upp ok gekk til kirkju ok let sýngja sèr hámessu, gekk síðan til borða. Um daginn eptir mælti Hjalti til Bjarnar: hví ert þú svá úkátr, vinr? ertu reiðr manni nökkrum? Björn segir honum þá frá ræðu þeirra konúgs, ok sagði þetta vera hina mestu forsendíng. Hjalti svarar: svá er konúngum at þjóna, at þeir menn hafa metnað mikinn ok eru virðir framarr enn aðrir menn, en opt verða þeir í lífsháska at vera, ok verðr hvárutveggja vel at kunna. En mikit má konúgs gæfa um slíka luti, endamun mikill framí fást í ferðinni, ef vel tekst til. Björn mælti: all auðveldliga tekr þú á um ferðina, ok munt þú vilja fara með mèr, þvíat þat mælti konúgr, at ek skyldi kjósa menn með mèr í ferð þessa af mínum sveitúngum. Hjalti svarar: fara skal ek at vísu með þèr, ef þú vill, þvíat vânfenginn mun mèr þikkja sessunautrinn, ef við skiljum.

68. Fám dögum síðarr, þá er Ólafr konúgr var á stefnu, kom þar Björn stallari ok þeir 12 saman, hann segir konúngi at hann er þá búinn at fara sendiförina, ok hestar þeirra stóðu þá úti söðlaðir hjá stofunni. Nú vil ek vita, segir Björn, með hverjum erendum vèr skulum fara, eðr hvert ráð þú leggr fur oss. Konúgr svarar: þèr skuluð bera Svía konúngi þau mín orð, at ek skal frið setja í milli landa

værra til þeirra takmarka, sem Ólafr konúgr Tryggvason hafði fur mæ, ok sè þat bundit fastmælum, at hvárigir gáangi þar um fram, en um maunalát þat, er hvárir hafa beðit fur öðrum, þá þarf þess eigi at geta, ef sættast skal, þvíat Svía konúgr fær oss þat ekki með fè bætt þann mikla mannskaða, er vèr höfum fengit af Svíum. Þá stóð konúgr upp ok gekk út með þeim Birni, hann tók þá sverð búið ok fingrgull ok fèkk Birni. Konúgr mælti: sverð þetta gef ek þèr, en mæ gaf þat í sumar Rögnvaldr jarl, til hans skuluð þèr furst fara, berið honum þau mín orð, at hann leggi til ráð með þèr ok sinn styrk, at þú komir fram erendum mínum; þikkir mæ þá vel flutt, ef þú heyrir orð Svía konúgs, ok segi hann annathvært já eðr nei, en fingrgullit fær þú Rögnvaldi jarli; þessar jarregnir mun hann kenna. Hjalti gekk þá at konúgi ok kvaddi hann ok mælti: þess þurfu vèr mjök, herra! at þèr leggið á ferð þessa yðra hamíngju, ok liutumst heilir! Konúgr spurr hvárt hann ætlaði at fara með Birni. Já, segir hann. Konúgr svarar: vit þú þat víst, Hjalti! at ek skal allan hug á leggja at yðr takist vel til, ok tilleggja at vísu mína hamíngju, ef þat veqr nökkut, ok bæta mun þat þessa ferð, at þú farir, Hjalti! með þeim, þvíat þú hefir opt reyndr verið at hamíngju. Þeir Björn stallari riðu nú leið sína eptir þat, ok er ekki getit um ferð þeirra

furr enn þeir komu til hirðar Rögnvalds jarls, var þeim þar vel fagnat. Björn var frægr maðr ok mörgum kunnigr at sýn ok máli, þeim öllum er sèð höfðu Ólaf konúng, þvíat Björn var því vanr á hverju þingi at standa upp ok tala konúnga erendi. Íngibjörg, kona jarls, gekk at Hjaltu, ok hvarf til hans, þvíat hún kendi hann glögg, hann var þá með Ólafi konúngi Tryggvasyni, bróður hennar, er hún var heima, ok taldi hún frændsemi við Vilborgu, konu Hjaltu, þvíat þeir voru bræðr synir Víkinga-Kára, lends manns í Noregi, Eiríkr bjóðaskalli, faðir Ástriðar, móður Ólafs konúnga Tryggvasonar ok Íngibjargar ok Böðvarr, faðir Ólafar, móður Gizurar hvíta, föður Vilborgar, ok voru þeir Björn þar í góðum fagnaði.

69. Einn dag gengu þeir Björn ok Hjalti at tala við jarl ok Íngibjörgu, þvíat hún var í öllum umráðum með þeim, þá berr Björn upp erendi sín fur þau, ok sýndi þeim jartegnir. Jarl svarar: hvat hefir þik þess hent, Björn! er konúngr vill dauða þinn, er þèr at síðr fært með þessi orðsending, at ek hygg at engi muni sá vera, ef þessum orðum mælir fur Svía konúngi, at refsingarlauss muni í brott komast, ef hann má ráða; miklu er Ólafr Svía konúngr skapstærri, heldr enn fur honum sjálfum megi þèr ræður hafa, er honum sè mjök í móti skapi.

Þá svarar Björn: engir lutir hafa þeir tilborit um lagi mína, at konúngr megi mik neins kunna, eðr hann hafi mér reiðst um, en mörg er sú ráðagerð konúngs fur sèr ok mönnum sínum, at hætta mun á þikkja, hversu tiltekst þeim mönnum, er allhræddir eru um sik, en öll ráð konúngs hafa til hamíngju snúizt enn hèr til, ok væntu vèr enn at svâ muni fara. Nú er þat yðr at segja, herra jarl! at ek mun fara á fund Svía konúngs, ok eigi furr aptrhverfa, enn ek hefi hann heyra látit öll þau orð, er Ólafr Nor-egs konúngr mælti við mik, at ek skyldi frambera fur Svía konúngi, nema mér banni hel, eðr ek sè svâ heptr, at ek mega eigi framkoma ferð minni, mun ek á þat hætta, hvárt sem ek fær af yðr nökkurn styrk eðr engan fur konúngs orðsendíng. Þá mælti Íngibjörg: skjótt mun ek birta mitt skaplyndi, mun þat hèr sannast, sem mælt er til vor kvenna, at vèr lítum jafnan skjótt á þat er tilberi, en af lítilli vizku eðr hyggjandi; vil ek, jarl! at þèr leggið allan hug á at koma fram orðsendíng Ólafs konúngs, ok þetta eyrendi gjörist svâ, at Birni getist at, hver svör sem Svía konúngr vill hafa fur sèr; nú þó at þar liggi við reiði Svía konúngs eðr öll eign vor, þá vil ek þó miklu heldr til þess hætta, enn hitt spyrst á önnur lönd, at þú leggist undir höfuð orðsendíng Ólafs konúngs Haraldssonar fur hræðslu sakir við Svía konúng, hefir þú ok burði til þess ok frænda styrk, at vera hèr frjáls

í Svíaveldi, at mæla mál þitt, þat er jafnvel sam-  
ir sem þetta, ok öllum skal þikkja áheyriligt,  
hvárt sem til hlýða margir eðr fáir, ríkir eðr fá-  
tækir, ok þóat sjálfr konúgr heyri á. Jarlsvar-  
ar: ekki er þat blindt, hvers þú eggjar, nú  
má ok vera, at þú ráðir þessu, at ek heita kon-  
úngs mönnum því, at fylgja þeim, svá at þeir  
nái fyrir því at flytja eyrendi konúngs síns fur  
Svíá konúngi, ef þeir hafa þá djörfung til at  
bera upp fur honum, hvárt sem konúngi líkar  
þat þá vel eðr illa, en mínum ráðum vil ek  
láta framfara, hvert tilstilli hafa skal, en ekki  
vil ek laupa at ákafa Bjarnar eðr annars manns  
um svá mikit vandamál, sem mēr sýnist þetta  
vera, vil ek at þér dvelzt með mēr til þeirrar  
stundar sem mēr þikkir<sup>1</sup> nökkuru líkast at  
fram megi komast þetta erendi. En er jarl  
hafði því upplokit, at hann mundi fylgja þeim  
at þessu máli ok leggja til þess sinn styrk, þá  
þakkaði Björn honum vel ok kveðst gjarna vilja  
hans ráðum framfara. Dvöldust þeir Björn  
mjök lengi með jarli; var Íngibjörgu forkunn-  
arvel til þeirra; Björn talaði opt fur honum  
sín erendi, kveðst illa þikkja at dveljast  
skyldi svá lengi; þau Hjalti talaðu þetta  
opt öll saman, ok eitt sinn er þau talaðu þetta,  
þá mælti Hjalti: ek mun fara til konúngs, ef  
þér villð, ek er ekki norrænn maðr, ok er  
ek þar úkunnigr flestum mönnum, megu Svíar

<sup>1</sup>) hér byrjar E aptr.

mèr engar sakir gefa, en ek hefi spurt, at með Svía konúngi eru íslenzkir menn í góðu yfirlæti, kunn-íngjar mínir, ok eru þat skáld konúngs, Gizur svartí ok Óttarr svartí, mun ek þá forvitnast, hvers ek verða viss af Svía konúngi, hvárt þetta mál mun svá úvænt horfa, sem nú taka allir á, eðr eru þar enn í nokkur efni önnur, enn nú er hær sagt; mun ek finna mèr þat til erendis sem mèr sýnist; þetta þótti þeim Birni ok Íngibjörgu vera hit mesta snjallræði, ræðu þau þetta til fasta með sér. Býr nú Íngibjörg ferð Hjalta, ok fèkk honum 2 menn gauzka til fylgðar, ok bauð þeim svá, at þeir skyldu honum fylgja ok vera honum aflèttir bæði um þjónustu ok svá ef hann vildi senda þá; Íngibjörg fèkk þeim til skots silfrs 20 merkr vel vegnar, hún sendi ok orð með honum ok jartegnir til Íngigerðar, dóttur Ólafs Svía konúngs, at hún skyldi allan hng á leggja hans mál, hvers sem hann þyrfti hana at krefja í nauðsyn; ferr Hjalti nú þegar hann er búinn. En er hann kom til Ólafs konúngs, þá fann hann þau skáldin Gizur ok Óttar, ok verða þeir honum fegnir, gengu þegar með honum fur konúnginn, ok sögðu konúngi at þar var sá maðr kominn, er samlendr var við þá ok mestr virðingamaðr er á voru landi einhverr, þeir báðu konúng taka vel við honum; hann gerði svá. Skáldin voru opt á tali fur konúnginum ok Hjalti með þeim, þeir voru allir menn máldjarfir; virðist konúngi Hjalti



vittr maðr ok margfróðr, ok talaði laungum við hann, ok spurði hann margs af Íslandi.

70. Þá er Björn fór heiman, beiddi hann Sighvat skáld til farar með sér, hann var þá með Ólafi konungi, en til þessarar ferðar voru menn ekki fúsir [at fara, þvíat flestum þótti hættuferð hin mesta í at fara<sup>1</sup>, en þar var vingott með þeim Birni ok Sighvati. Hann kvað þá:

Áðr hefi ek gott við góða  
grams stallara alla  
átt, þá er orum drottni,  
ógnðjarfs, fur knè hvarfa;  
Björn [átt þú<sup>2</sup> opt at árna  
íss<sup>3</sup> fur mèt at vísu,  
góðs<sup>4</sup> meguð gott<sup>5</sup> of ráða,  
gunnrjóðr! þvíat vel kunnið.

Sighvatr fór þessa ferð með Birni, en er þeir riðu upp á Gautland, þá kvað Sighvatr vísur þessar:

Kátr var ek opt, þá er úti  
örðigt veðr á fjörðum  
vísa segl í vási  
vindblásin skók<sup>6</sup> innan<sup>7</sup>;  
hestr óð kafs [á köstu<sup>8</sup>,  
kilir ristur haf lista,  
út þá er eisa lètum  
undan skeiðr á sundi.

<sup>1</sup>) v. i. K. S. <sup>2</sup>) fúztu C, D, E, F, G, H. <sup>3</sup>) is, hin.  
<sup>4</sup>) gjóðs, F. L. <sup>5</sup>) gutt, C. <sup>6</sup>) skóf, E, F, L, S. <sup>7</sup>)  
strindur, hin. <sup>8</sup>) af köstum, hin.

Snjalls lètum skip skolla  
 skjöldúngs við ey tjöldut  
 fur ágætum<sup>1</sup> úti  
 öndverdt sumar landi;  
 en í haust, þá et hestar  
 haffþorns<sup>2</sup> á mó sporna,  
 fékk<sup>3</sup> ýmissar ekkjur  
 iðit<sup>4</sup>, hlýt ek at ríða.

En er þeir riðu upp um Gautland, þá kvað  
 Sighvatr vísu:

Jór renn aptan Skærun<sup>5</sup>  
 allsvángr götur lángr,  
 völl kná hófr til hallar  
 höfum lítinn dag slíta;  
 nú er þat, er blakkr um bekki  
 berr mik, Dönum ferri,  
 fákr laust drengs í díki  
 dægr mætast nú fæti.

Þá riðu þeir um kaupstaðinn í Sköllum<sup>6</sup> ok fram  
 um strætit at garði Rögnvalds jarls; þá kvað  
 Sighvatr vísu:

Út munu ekkjur líta  
 allsnúðula prúðar,  
 fljóð sjá reyk, hvar ríðum  
 Rögnvalds í bý gegnum;  
 keyrum hvatt<sup>7</sup>, svá at heyri  
 harða langt at garði

<sup>1</sup>) ágætu, *hín*. <sup>2</sup>) haffþorns, *C, D, G, I*. <sup>3</sup>) tæ ek, *B, C, D, E, G, I*. <sup>4</sup>) iðnir, *B, C, E, F, H, L*; iðir, *D, A, S*; iðil, *G, I*. <sup>5</sup>) Skjæru, *hín*. <sup>6</sup>) Skaurum, *A*. <sup>7</sup>) hest, *B*; hross, *hín*.

hestrarás or húsúm,  
hugsvinn konan, innan.

71. Einn dag gekk Hjalti enn fur kon-  
únginn ok skáldin með honum, þá tók Hjalti  
til máls: svá er, herra konúngr! sem yör er  
kunnigt, at ek er hær kominn<sup>1</sup> á yðvarn fund,  
ok hefi ek farit lánga leið ok torsótta at því er  
mér þikkir, en síðan er ek kom yfir hafit ok ek  
spurði til yðarrar tignar, þá þótti mér ófróðligt  
at fara við þat aptr til míns lands, at eigi hefði  
ek séð yör, svá mikit sem mér var af yör sagt,  
en þat eru lög milli Íslands ok Noregs, at vèr  
gjaldum landaura Íslendíngar, er vèr komum  
til Noregs, en er ek kom yfir hafit, þá tók ek  
við landaurum allra minna skipverja, en fur  
því at ek vissi at þat var rétt at þær hefðið, þvíat  
þær eigið þat ríki, er í Noregi er, þá fór ek fur  
því mest á yðarn fund, at ek vildi færa yör  
landaurana; sýndi hann þá konúngi silfrit, ok  
helti í skikkjuskaut Gizurar svarta 10 merkum  
silfrs. Konúngr mælti: fáir hafa os slíktfært or  
Noregi um hríð, vil ek nú, Hjalti! kunna þær  
mikla þökk í fur ok öfúsu, fur þat er þær hafið  
svá mikla stund á lagit at færa oss landaurana  
heldrenn gjalda úvinum vorum, en nú vil ek  
at þetta fè þiggir þú af oss at gjöf ok vináttu  
vára með. Hjalti þakkaði konúngi mörgum  
fögnum orðum, ok er þat eigi logit af yör sem  
sagt er, at þær eruð engum konúngi líkir at

<sup>1</sup>) hær vanta nokkur blöð í G.

rausn ok örleik ok allri stórmenzku; þaraf kom Hjalti sèr í hina mestu kærleika við konúng, ok var opt á tali við hann, þótti konúngi, sem var, at Hjalti var vitr maðr ok orðsnjallr. Hjalti segir þeim skáldunum, at hann var sendr með jartegnum til Íngigerðar konúngs dóttur til trausts ok vináttu, ok bað þá koma sèr til tals við hana; þeir sögðu sèr lítit fur því, ok gánga einn dag til húsa hennar, sat hún þar með marga menn ok drakk; hún fagnar vel skáldunum, þvíat henni voru þeir kunnigir. Hjalti bar henni kveðju Íngibjargar, konu Rögnvalds jarls, ok sagði at hún hafi sendt hann þángat til hennar til trausts ok vináttu, ok bar fram jartegnir; konúngsdóttir tók því vel ok kvað honum heimilaskyldu sína vináttu; sátu þeir þar lengi dags ok drukku; spurði konúngsdóttir margra tíðinda Hjalta, ok bað hann þar opt koma til tals við sik; hann gerði svá, kom þar optliga ok talaði við konúngsdóttur, hann sagði henni ok í trúnaði af ferð þeirra Bjarnar ok erendum, ok spurr hvathún ætlaði, hversu Svía konúngr mundi taka því máli, at sætt væri gjör með konúngunum. Hún svarar, kveðst þat hyggja at þess mundi ekki gera at leita, at faðir hennar sættist við Ólaf digra, sagði hann svá vorðinn honum reiðan at engi skyldi þora at nefna hann konúng eðr Ólaf, heldr hinn digra mann, ok ekki ræð ek þèr, Hjalti! at þú flytìr þetta mál fur feðr mínum.

72. Þat var einn dag at Hjalti gekk fur konúng ok talaði við hann, konúngr var þá allkátr ok drukku mikit, þá mælti hann við Ólaf konúng: allmikla rausn má hér sjá margskonar, vareigi þess vãn at þat mundi logit vera, er frá yðr er flutt um öll lönd, hvar sem yðvar er getit, er mēr nú at sýn vorðit yðart ágæti, er ek hefi áðr spurn til eins, at engi konúngr væri yðr ágætari á öllum Norðrlöndum; allmikill harmr er þat, er menn skulu svá langt eiga at sækja hingat ok meinfært, fyrst hafsmegin mikit, en þó eigi friðsamligt at fara um Noreg þeim mönnum, er hingat vilja með vináttu sækja á yðvarn fund, eðr hvárt leita menn ekki um sættir með yðr Ólafi digra? mjök var þat rædt í Norégi ok svá í Vestra-Gautlandi, at allir mundu þess búnir vera, at friðr vyrði á milli landanna, ok þat var mēr sagt með sannindum frá orðum Ólafs konúngs Haraldssonar, at hann vildi sættast, ok er þat rætt at vãnum, þvíat hann mun slíkt sjá kunna, at hann hefir miklu minna styrk undir sèr enn þèr hafið, ok því mun hann ekki meiga bera reiði yðra, er hann ok svá vitr maðr at hann mun slíkt seá kunna; svá var ok þat rædt at hann ætlaði at biðja Íngigerðar, dótturyðvarar, heyrði ek ok slíkt talat, at þat væri líkast til heilla sátta, þvíat hann er hinn mesti merkismaðr, at því er flestir tala um. Þá svarar konúngr: hætt þú, hætt þú, Hjalti! segir hann, ekki skaltu þess hins digra manns geta

fur mér, eðr kalla hann konúng í minni hirð, eru til hans, ok miklu minni ráða skot enn margir láta yfir, ok mun þér svá þikkja, ef ek segi þér gjörla frá, ok eigi mun þér, Hjalti! sú mægð þikkja maklig þeim hinum digra manni, þvíat ek er nú hinn 10di konúngur á Uppsölum, svá at hverr hefir eptir annann tekit konúngdóm várra frænda, ok verit einvaldskonúngur yfir öllu Svíaveldi ok yfir mörgum öðrum stórlöndum, ok verit allir yfirkonúngar annarra konunga á Norðrlöndum, en í Noregi er lítil bygð ok þó sundrlaus, en fólkk fátækt; hafa ok margir þar smá konúngar verit; var Haraldr konúngur hárfagri mestr konúngur í því landi, ok átti hann skipti við fylkiskonunga ok braut þá undir sik, kunni hann sèr þá þann fagnað<sup>1</sup>, at girnast ekki á Svía konungs veldi, létu Svía konúngar hann því sitja í friði, ok enn bar þat til, at þar var frændsemi mikil þeirra í milli; en þá er Hákon Aðalsteinsfóstri ræð Noregi, sat hann í friði, þar til er hann herjaði í Gautland ok í Danmerk, en síðan var efldr flokkur í móti honum ok var hann feldr frá landi; Gunnhildar synir voru ok af lífi teknir, þegar þeir gerðust úhlýðnir Dana konungi, lagði þá Haraldr Gormsson undir sik Noregs ríki ok skattgildi, ok þótti oss þó Haraldr Gormsson miklu minni fur sèr enn Uppsala konúngar, þvíat Styrbjörn frændi minn kúgaði hann, ok gerðist Haraldr hans maðr ok honum

<sup>1</sup>) furuat, J; hér sleppr C um sinn.

skattgildr, en Eiríkr konúgr hinn sígræli, faðir minn, steig þó yfir höfuð Styrbirni, þá er þeir reyndu sín í millum; ok er Ólafr Tryggvason kom til Noregs, ok kallaðist konúgr, þá létu vèr honum þat eigi hlýða, fóru vèr Sveinn konúgr til ok tókum hann frá ríki, nú hefi ek eignast Noreg síðan, ok eigi með minna ríki enn nú mátt þú heyra, ok eigi verr at komizt enu svá, at ek sótta hann með orrostu ok sigraðak konúg þann sem áðr ræð fur; nú mátt þú ætla at þat mun fara fjarri, at ek láta laust þat ríki fur þeim hinum digra manni, ok er þat undarligt, er hann man eigi þat, er hann komst nauðuligast út or Leginum, þá er vèr Svíar höfðum hann inni burgt í Leginum, hygg ek at honum væri þá annat í hug, ef hann kæmist með fjörvi í braut, enn þat at deila kappi við oss; nú skaltu, Hjalti! eigi hafa optarr í munni þessar ræður fur mér. Hjalta þótti þá úvænt áhorfast, at konúgr mundi vilja tillýða sátta umleitan; hann hætti þá þessu tali ok tók aðra ræðu. Nökkuru síðarr var hann á tali við Íngigerði konúgs dóttur, hann segir henni þá ræðu þeirra konúgs, hún kvað sèr slíkra svara væn af honum, hann bað hana leggja til nökkur orð við konúg, ok sagði þat helzt tjá mundu. Hún kvað konúg ekki mundu áhlýða, hvat sem hún mælti, en um má ek ræða, segir hún, ef þú vill. Hjalti kvaðst þess þökk kunna. Íngigerðr konúgsdóttir var á tali við föður sinn einn dag,

en er hún fann, at konúngi var skaplètt, mælti hún: hverja ætlan hafið þér á, faðir! um deilu ykkra Ólafs digra, margir menn kæra þat vandræði, kallast sumir hafa látit fè, sumir frændr fyrir Noregs mönnum, en allir várir menn friðlandit, ok engum yðrum manni kvæmt í Noregi at svá búnu, var þat ok mjök at ósynju, er þér kallaðuð til ríkis í Noregi, er land þat fátækt ok illt yfirfarar, en fólk ótrútt, vilja menn raunar þar í landi hvern konúng annann yfir sèr heldrenn yðr; nú ef ekskyldi ráða, mundir þú láta kyrt at kalla til Noregs, en brjótast heldr í Austrveg til ríkis þess, er höfðu hinir furri Svía konúngar, ok nú enn fur litlu lagði undir sik Styrbjörn, frændi várr, en sættast heldr við Ólaf digra ok láta hann ná frændleifð sinni. Konúngur svarar með mikilli reiði: þat er þitt ráð, Íngigerðr! at ek láta af ríki í Noregi ok gipta þik Ólafi digra; nei, segir hann, annat skal furr, heldr skal hitt í vetr á Uppsalaþíngi, at ek skal þat bert gera fur öllum Svíum, at almenníngur skal úti at liði ok skipum, þegar ísa leysir af vötnum, skal ek fara í Noreg ok eyða land þat með oddi ok eggju, ok brenna allt ok bæla, ok gjalda þeim svá ótrúleik sinn; var þá konúngur svá æfr ok ærr, at hún mátti þá engu orði svara, gekk hún þá í brott. Hjalti hèlt þá vörð á, er hún gekk í brott ok þau skildu talit, gekk hann þegar at finna hana, spurð hann þá, hvert erendi hennar varð til konúngs. Hún segir, at svá fór sem



hana varði, at öngum orðum mátti við hann koma, ok hann heitaðist í mót, ok bað hún hann aldrí geta þessa máls optarr fyrir konúngi, ok segir honum eigi ella endast mundu. Íngigerðr ok Hjalti talaðu þetta mál opt sín í milli ok ræddu um Ólaf digra, sagði hann henni opt frá honum ok hans háttum, ok lofaði sem hann kunni, ok var þat þó sannast af at segja; hún lét sér þat allt vel skiljast. Ok enn eitt sinn er þau talaðu, mælti Hjalti: hvárt skal ek í orlofi tala, konúngsdóttir! þat sem mér er í hug. Hún svarar: mæl þú svá, at ek heyra ein. Þá mælti hann: hvern veg mundir þú svara, ef Ólafr konúgr Haraldsson sendi menn til þín þeirra eyrenda at biðja þín. Hún roðnaði á at sjá, ok mælti stilliliga: ek hefir ekki hugfest, Hjalti! svör fur mér um þetta mál, þvíat ek ætla at ek muna eigi þurfa til at taka þeirra svara; en ef Ólafr er svá ágætr um alla luti, sem þú segir frá honum, þá mundi ek eigi kunna at æskja annann veg minn mann, ef eigi er þat, Hjalti! at þú hafir heldr hóli gildt í marga staði. Hjalti svarar, at engan lut hafi hann betr látit um konúng enn efni voru til; þau áttu þetta tal optliga sín í milli. Íngigerðr bað hann varast at tala þetta mál fur öðrum mönnum, þvíat konúgr mun verða okkr reiðr, ef hann veit slíkar ræður. Hjalti segir skáldunum Óttari ok Gizuri; þeir segja þetta vera hit mesta happa ráð, ef framkvæmt mætti verða. Óttarr var maðr máldjarfr við

höfðingja, kemr hann brátt at þessu máli við konungs dóttur, tala þau optliga þetta sín í milli öllsaman, ok talaði Óttarr slíkt hit sama fur henni sem Hjalti um mannkosti Ólafs konungs. En er Hjalti var sannfróðr vorðinn um erendislok sín, þá sendi hann aptr hina gauzku menn, er honum höfðu þángat fylgt, ok lét þá fara aptr með sínum erendum ok Íngigerðar konungsdóttur; Hjaltilet ok koma veðr á þau jarl ok Íngibjörgu um þær ræður, er hann hafi uppi haft við Íngigerði, ok svá um svör hennar um bónorðit hver voru; komu sendimenn til jarls nökkuru fyrir jól.

73. Þá er Ólafr konúgr Haraldsson hafði sendt þá Björn á Gautland, þá sendi hann ok aðra menn til Upplanda með þeim erendum at boða upp veizlur fur sér, ok ætlar hann þann vetr at fara at veizlum um Upplönd, því at þat hafði verit siðvenja hinna furri konunga at fara at veizlum um Upplönd hinn 3ja hvern vetr; hóf hann þá ferðina um haustit, fór furst um Vínulmerk, hvataði hann þá ferðinni, hann tók veizlu í nánd markbygðum, ok stefndi þá til sín öllum bygðarmönnum ok þeim öllum vandligast, er first bygðu megin hëruðum; hann ransakaði þá um kristnihaldit ok þar er honum þótti ábótavant, þá kendi hann þeim rétta trú ok kristni, ok lagði svá ríkt við, ef nökkurir væri, þeir er eigi vildi viðskiljast ok láta af heiðinni, at suma rak

hann á brott or landi, sumu lét hann höggva eðr hengja, en engan lét hann úhegndan þann, er eigi vildi guði þjóna, fór hann svá um allt þat ríki ok fylki; jafnt hegndi hann ríka sem úríka, hann fèkk þeim kennimenn ok setti þá svá þykt, sem honum þótti bezt sama; hann hafði 3 hundruð vígra manna, þá er hann fór uppí Raumaríki, hann fann þat brátt á, at því minna var kristnihaldit, sem hann sótti meirr á landit upp, hann hèlt þó hinu sama fram ok snèri öllum lýð á rétta trú, en veitti stórar refsingar þeim, er eigi vildu lýða hans orðum. En er þetta spurr konúngr sá, er ræð fur Raumaríki, þá þótti honum gerast mikit vandkvæði í þessu er ágnúði, þvíat hvern dag komu menn til hans ok margir vinir hans, er þetta kærðu, sumir ríkir en sumir úríkir. Konúngr tók þá þat ráð, at hann fór uppá Heiðmörk á fund Hræreks konúngs, þvíat hann var þar vitrasir konúngr, en er konúngarnir tóku tal sín í milli, þá kom þat ásamt með þeim at senda orð Guðröði konúngi norðr í Dala, ok svá á Haðaland til þess konúngs, er þar var, ok biðja þá koma á Heiðmerk til fundar við þá Hrærek konúng. Konúngarnir lögðust þessa ferð eigi undir höfuð, ok hittust þessir 5 konúngar á Heiðmerk, þar sem heitir á Ríngisakri<sup>1</sup>; Ríngr var þar hinn 5ti konúngr, bróðir Hræreks konúngs. Þeir konúngarnir gengu nú á eintal

<sup>1</sup>) Hríngisakri, D, K, J.

allir samt; tók sá furst til orða, er kominn var af Raumaríki, ok segir þeim frá yfirferð Ólafs digra ok þeim úfriði, er hann gjörði bæði í manna aftökum ok manna meiðslum, suma rekr hann or landi en suma meiðir hann, en tekr upp fê fur öllum þeim, er nökkut mæla í móti honum, en hann ferr með of manns yfir landit, en ekki eptir því sem lög vor standa til, hann kveðst ok fur þeim ófriði hafa flýit þángat, ok marga ríka menn aðra, segir hann, þenna úfrið flýit hafa bæði eignir ok óðöl af Raumaríki, en þóat nú sê þetta vandræði mër næst, þá mun þó eigi langt til, at þér munuð undir slíku áfelli eiga at standa, ok er fur því vænst, at vèr ráðim um allir samt, hvert ráð nú skal taka. En er hann lauk sinni ræðu, þá viku konúngarnir allir til svara Hræreks konúngs, þvíat hann var þeirra vitrastr. Hann tók til máls: nú er þat framkomit, sem mik grunaði at verða mundi, þá er vèr áttum stefnu á Haðalandi, ok þér voruð allir ákafastir, at vèr skyldum Ólaf hefja upp yfir oss, ok þér vilduð ekki annat heyra, en mër kom þá þetta sama í hug, at oss mundi hann verða harðr í horn at taka, þegar hann vyrði einvaldi yfir landi. Nú sýnist mër 2 kostir fur höndum, sá annarr, at vèr farim allir á fund Ólafskonúngs ok látim hanneinn ráða, ok skapa ok skera allt vár í millum, ok ætla ek yðr sá þikkja harðr, en þó hygg ek oss þann beztan af at taka; en sá er annarr, at rísa nú í móti,

meðan hann hefir eigi víðara yfir landit farit, en þóat hann hafi 3 hundruð manna eðr 4 hundruð, þá er þat ekki ofrefli við at eiga, ef vèr erum allir at einu ráði, en optast sigrast þeim verr, er fleiri eru ok allir jafnríkir, heldrenn hinum, er einn er oddviti fur liðinu, ok sannast þat hit fornkvæðna, at sitt ráð tekr hverr, er í svörfinn ferr; nú ferr þat svá optast, þegar allir eru jafnríkir, ok skal engi ríkari eðr einnforíngi heldrenn annarr, at þá tekr hverr sitt ráð, er í kreppíngar kemr ok at sverfr, en hirðir þá ekki um hvat hverigum hentir eðr til ráðs liggr, ok er þat heldr mitt ráð, at hætta eigi til at etja hamíngju við Ólaf konúng Haraldsson. En eptir þat þá talaði hverr þeirra konúnganna slíkt er sýndist, löttu sumir uppreistar, en sumir fýstu, ok varð engi orskurðr ráðinn, töldu þeir á hvárntveggja sína andmarka. Þá tók til orða Guðbrandr Dala konúngr ok mælti svá: undarligt þíkkir mér, er þèr vefið svá mjök þetta mál fur yðr, ok eruð þèr þegar vorðnir gagn hræddir við Ólaf þenna, nú veittu vèr honum styrk at berjast við Svæinjarl fur Nesjum, ok hefir hann með vorum afla eignast land þetta, nú ef hann vill furmuna hverjum vorum þess hins litla ríkis, er vèr höfum nú haft um hríð, ok veita oss pyndíngar ok kúgan, þá kann ek þat frá mér at segja, at ek vil færast undan þrælkan konúngs, ok kalla

<sup>1)</sup> Guðrøðr, D, E, F, H, J.

ek þann yðarn ekki at manni vera, er nökkut æðrast um þetta, at vèr takim Ólaf þenna af lífi, ef hann ferr hígat í hendr oss uppá Heiðmerk, fur því at þat er yðr satt at segja, at aldrí strjúkum vèr frjálst höfuð, meðan Ólafr þessi lifir. Ok eptir eggjun þessa snúast þeir allir at einu ráði. Þá mælti Hrærekr: svá lízt mér á ráðagerð þessa, er nú er helzt staðráðin með oss, at vèr munum þurfa at gera ramligt samband, ef hlýða skal, at engi skjöplist í einurðinni við annann, þar sem vèr erum í framkomnir vandan áðr; nú ætlið þèr þat þá, er Ólafr konúgr kemr hígat á Heiðmerk, at veita honum atgaungu í ákveðnum stað, þá vil ek ei þann trúnað undir yðr eiga, at þèr sèð þá sumir norðr í Dölum, en sumir<sup>1</sup> út á Heiðmerk, vil ek, ef þetta skal framfara ok staðfestast með oss, at vèr sèim allir samt nótt ok dag, þar til er þetta ráð verðr framgengt, ef auðna fellr til. Þessu játa þeir, ok fara nú allir samt; þeir láta nú boða upp veizlur fur sèr á Ríngisakri, ok drekka þar hvirfíng, ok gera njósnir frá sèr út á Raumaríki, svá at þeir vita dag ok nótt um ferðir Ólafs konúngs ok um fjölmenni hans, láta þegar aðra njósnarmenn út fara, er aðrir fara aptr. Ólafr konúgr fór nú utan um Raumaríki, sem hann hafði ætlat, at veizlum, ok aptr með þvílíkum hætti, sem furr var sagt. En er veizlunnar endust eigi, eptir því sem ákveðit var, fur fjölmennis sakir þess er hann hafði, þá

<sup>1</sup> hér byrjar C. aptr.

lèt hann þá þar til leggja, at auka veizlunnar sem búin voru, þvíat honum þótti nauðsyn til bera at dveljast ok bæta um siðu manna, en sumstaðar dvaldist hann skemmr enn ætlat var, ok verðr ferðin hans skjótari enn ætlat var upp til vatnsins. En er konúngarnir höfðu þetta ráð fest með sèr, þá sendu þeir orð ok stefndu til sín lendum mönnum ok ríkum bóndum or öllum þeim fylkjum, er þeir áttu vald yfir; en er þeir komu þar, er orð voru send, þá eiga konúngarnir stefnu við þá eina saman, ok gera bert fyrir þeim sína ráðagerð, ok kveða á stefnudag, nærr þessi ætlan skal framkoma; á þat kveða þeir ok, at hverr þeirra konúnganna skal hafa 4 hundruð<sup>1)</sup> manna; sendu nú aprt hina lendu menn, til þess at samna liði, sem ákveðit var, ok koma síðan til móts við þá konúngana at ákveðnum tíma í nefndan stað. Sjá ráðagjörð líkaði flestum vel, en þó var hær enn, sem mælt er, at hverr á sèr vin með úvinum. Á þessari stefnu var Ketill af Ríngunesi, en er hann kom heim af stefnunni um kveldit, þá mataðist hann, síðan klæddist hann ok húskarlar hans, ok fóru ofan til vatnsins, tók þar karfann er Ólafr konúngr gaf honum, settu fram skipit, ok var þar í naustinu allr reiði skipsins, skipaðust síðan til ára ok róa út eptir vatninu; Ketill hafði 40 manna allvel búna at vopnum ok klæðum. Ketill kom þar er

<sup>1)</sup> 3 hundruð, *hin*.

Ólafr konúgr var á veizlu, þá er hann gekk frá óttusöng, hann gekk fur konúgr ok kvaddi hann; konúgr tók honum vel; Ketill segir, at hann vill tala við hann skjótt, þeir gánga báðir samt á tal 2 einir saman, þá segir Ketill, hvert ráð þeir hafa í millum handa konúgarnir ok alla tilætlan þeirra, er hann var viss vorðinn. En er konúgr var þessa viss, þá kallar hann menn sína til sín, sendir hann suma í bygðina, ok biðr hann stefna til hans reiðskjótum þeim er fengist, suma sendi hann upp til vatnsins, at taka róðrar skip þau er þeirfengi, ok hafa í móti konúngi; en hann gekk þá til kirkju ok lét sýngja sér messu, gekk síðan til borða; en er hann varmettr, bjóst hann sem skyndiligast ok fór til vatnsins upp, komu þar menn hans í móti honum með skipum, steig hann sjálfr á karfaun með Katli ok svá mart manna með honum, sem hann tók upp, enn hverr annarra fékk sér þar far, sem helzt gat, ok um kveldit er áleið létu þeir frá landi, logn var á veðrs; þeir ræru um nóttina upp eptir vatninu, konúgr hafði nærr 3 hundruð<sup>1)</sup> manna. Fyrr enn dagaði kom hann upp til Ríngisakrs, vorðu varðmenn eigi furr varir við, enn liðit kom upp til bæjar. Þeir Ketill ok hans menn vissu glöggt í hverjum herbergjum konúgarnir sváfu, þar sem þeir höfðu þaðan farit áðr annat kveldit, lét konúgr þá taka öll þau herbergi, svá at engi maðr

<sup>1)</sup> 4 hundruð, C, E.



kvæmist þaðan á brott, ok biðu svá lýsingar. Kon-  
 úngarnir höfðu engan liðskost til varnar, ok voru  
 þeir allir handteknir ok leiddir svá fur Ólafkon-  
 úng, þvíat hann bannaði at bera vâpn á þá.  
 Hrærekr þótti maðr forvitri ok harðráðr, þótti  
 Ólafi konúngi hann vera ótrúligr, þótt hann  
 gerði nökkura sætt við hann, því lét hann blinda  
 Hrærek báðum augum, ok hafði hann með sér  
 síðan, en hann lét skera túngu or Guðrauði Dala  
 konúngi, en Hríng ok 2 aðra lét hann sverja  
 sér eiða, at þeir skyldu fara í brott or Noregi ok  
 koma aldrí aptr síðan, en lenda menn ok bændr,  
 þá er sannir voru at þessum svikum, rak hann  
 suma or landi, suma lét hann meiða at hönd-  
 um eðr fótum, af sumum tók hann sættir; frá  
 þessu segir Óttarr svartí<sup>1</sup>:

Lýtandi<sup>2</sup> hefir ljótum<sup>3</sup>

landráðandum branda

um stillíngar allar

ífla folds<sup>4</sup> um goldit;

hafa læzt þú heiðskra<sup>5</sup> jöfra

herskorðandi forðum

mundángs laun, þá er meinum,

mætr grámr! um<sup>6</sup> þik sættu<sup>7</sup>

Braut hafið, böðvar þreytir

branda rjóðr, or landi,

meirr fannst þinn enn þeirra

<sup>1</sup>) Sighvatr skáld, II, J. <sup>2</sup>) hér sleppr E um sinn. <sup>3</sup>) ljótú,  
 B, D, J, K, S; ljótun, lin. <sup>4</sup>) fold, C, F, L. <sup>5</sup>) heimska,  
 B, D, F, L; hætka, J, S. <sup>6</sup>) við, hin. <sup>7</sup>) vitna v. í H.

þrekr, döglínga rekna;  
 stökk, sem þjóð of þekti,  
 þær hverr konúgr ferri,  
 heptuð jer enn eptir  
 orðreyr þess er sat norðast.

Nú ræðr þú fur þeirri,  
 þik remmir guð miklu,  
 fold, er forðum hældu  
 fimm bragníngar, gagni;  
 [breldr er' austr til Eiða  
 [ættland und sik randa<sup>2</sup>,  
 aungr sat elda slöngvir<sup>3</sup>  
 áðr at slíku láði<sup>4</sup>.

1012 Ólafr konúgr lagði þá undir sik allt þat ríki, er  
 þessir 5 konúngar höfðu átt, tók hann þá gislar  
 af lendum mönnum ok bóndum, hann tók veizlur  
 ok gjöld norðan or Dölum ok víða um Heiðmerk,  
 ok snýr þaðan útá Raumaríki ok þaðan vestr á  
 Haðaland. Þann vetr andaðist Sigurðr konúgr  
 sýr, mágr Ólafs konúgs, á Ríngaríki, ok gerði  
 Ásta, móðir hans, veizlu mikla í móti honum;  
 þá bar Ólafr konúgr einn konúngsnafn í Nor-  
 egi öllum.

74. Svâ er sagt þá er Ólafr konúgr var  
 á veizlu með Ástu, móður sinni, at hún leiddi  
 fram börn sín fur hann ok sýndi honum; kon-  
 úngrinn setti á knè sèr Guthorm, bróður sinn, en  
 á annat knè sèr Hálfðán bróður sinn, konúgr

<sup>1</sup>) Lreið eru, *lin.* <sup>2</sup>) ættlönd und þær (viðr þik, *J*) gönd-  
 lar, *lin.* <sup>3</sup>) þraungvir, *B, D, F, J, L, S.* <sup>4</sup>) ráði, *C.*

sá á sveinana um hríð, þá ýglist hann ok leit reiðuliga til þeirra; þá glúpnaðu sveinarnir, síðan fóru þeir í brott, þá leiðir Ásta til hans hinn ýngsta son sinn, er Haraldr hèt, hann var þá þrèvetr, konúngr setti hann þá á knè sèr ok ýgldist á hann, en Haraldr sá á hann, upp í móti honum, ok starði á konúnginn, þá tók konúngr í hár sveininum ok kipti stundar hart, sveinninn tók þá í kamp konúnginum ok hnykti sem hann mátti. Þá mælti konúngr: hefni-samr munt þú síðarr, frændi! Annann dag reikaði konúngr úti um bæinn ok Ásta móðir hans með honum, þá gengu þau at tjörn einnihverri, þar voru þá sveinarnir, synir Ástu, Guthormr ok Hálfðán, ok lèku sèr, þar voru gjörvir bæir ok kornlöður, naut mörg ok sauðir, þat voru leikr þeirra sveinanna, sem jafnan er tídt úngmennum; skamt þaðan við tjörnina var Haraldr einnsaman hjá leiruvík nökkurri, hann hafði þar trèspánu marga, ok flutu þeir þar við landit. Konúngr spurr, hvat þat skyldi; Haraldr kvað þat skyldu vera skip sín. Konúngr hló ok mælti: vera kann þat, frændi! at þar komi þinnar æfi, at þú ráðir fur skipum. Þá kallaði konúngr þángat Guthorm ok Hálfðán, hann spurr þá Guthorm: hvat vildir þú flest eiga, frændi? Akra, segir hann. Konúngr mælti: hversu víða akra vildir þú eiga? Hann svarar: þat vildi ek at nes þetta væri sáð hvert sumar, er hèr gengr úti vatnit, en þar stóðu tíu bæir í nesinu. Kon-

úngr mælti: víst væri þat mikill akr. Þá spurð hann Hálfðán, hvat hann vildi flest eiga? Kýr, segir hann; hversu margar vildir þú þær eiga? segir konúngr; Hálfðán mælti: þá er þær færi til vatns, skyldu þær sem þykkvast standa mega umhverfis vatnit. Konúngr svarar: bú stór vildið þið eiga, er þat ok líkt feðr yðrum, væri ok takanda þeirri sátt, at þið vyrðið þvílíkir menn, sem hann var. Þá spurð konúngr Harald: hvat vildir þú flest eiga? Húskarla, segir hann. Konúngr mælti: hversu marga vildir þú eiga húskarla? Hann svarar: þat vilda ek at þeir væri svá nökkuru margir, at þeir æti at einu máli kýr Hálfðánar, bróður míns. Þá hló konúngr ok mælti til Ástu, móður sinnar: hær muntu konúng uppfæða, móðir! segir hann; eigi var þá getit fleiri orða þeirra.

75. Í Svíþjóð var þat forn lands siðr, meðan heiðni var, at höfuðblót skyldi vera at Uppsölum at góí vetrar, skyldi þá blóta til árs ok friðar ok sigrs konúngi sínum, ok skyldu menn þángat sækja um allt Svíaveldi, skyldi þar vera þíng allra Svía, þar var þá ok markaðr ok kaupstefna, ok stóð viku markaðrinn; en nú síðan kristni var alsiða, en konúngarnir afræktust at sitja at Uppsölum, þá var færðr markaðrinn ok hafðr kyndilmessu, ok hefir þat haldizt síðan, er nú hafðr eigi lengri enn stendr 3 daga, ok er þar þá þíng Svía, ok sækja þeir þá þángat um allt landit. Svíaveldi liggir í mörgum lutum, einn lutr

Svíþjóðar er Vestra-Gautland ok Vermaland ok Markland ok þat er þar liggr til, ok er þat svá mikít ríki, at undir þann biskupsstól, er þar er, eru 12<sup>1</sup> hundruð kirkna; annarr luti lands er Eystraland<sup>2</sup>, þeim biskupsdómi fylgir Gautland ok Eyland, ok er þat allt saman miklu meira biskupsveldi. Í Svíþjóð sjálfri er einn luti lands, er Suðrmannaland heitir, þat er einn biskupsdómr; þá heitir Vestmannaland eðr Fjaðrunda-land<sup>3</sup>; þá heitir Tíundaland<sup>4</sup>; hinn fjórði lutr Áttanda<sup>5</sup> land; þá er Sjáland ok þat er þar liggr til, þat liggr hit eystra með hafinu. Tíunda-land er göfgast ok bezt byggð í öllu Svíaveldi, þvíat þá gat lýtr til allt ríkit, þar eru Uppsaliir, þar er konúngs atseta, þar er erkistóll, þar er viðkendr Uppsala auðr, þá gat skulu tilleggjast allar skyldir um allt land til Uppsala; yfir hvern luta lands er skipaðr lögmaðr, ok ræðr hann mestu við bæendr, þvíat þat skulu lög vera, sem þeir vilja uppkveða eðr segja; en ef konúngr eðr jarl eðr biskup ferr yfir landit, ok eigu þíng við bæendr, þá svarar lögmaðr af hendi bónda ok sezt fur öll þeirra mál, ok fylgja honum svá bæendr, at ofrellismenn þora varla at koma á þíng lög-  
manna, ef eigi vilja bæendr eðr lögmaðr; en ef lögin skilr á, þá skulu öll hallast til móts við Uppsala lög; allir lögmenn aðrir skulu vera undirmenn þess lögmans, er á Tíundalandi er.

<sup>1</sup>) 11, C, F, J, K, S; 10, L. <sup>2</sup>) Eystra-Gautland, C, D, F, J, K, L, S. <sup>3</sup>) Fjóruðungaland, D. <sup>4</sup>) enn þriðri luti Svíþjóðar, b. v. in. <sup>5</sup>) Áttjándi, C, D, F.

76. Þá var á Tíundalandi lögmaðr sá, er Þorgnýr hét, faðir hans var nefndr Þorgnýr Þorgnýrsson, þeir lángeðgar höfðu þar<sup>1</sup> verit yfir-lögmenn um margra konunga æfi á Tíundalandi. Þessi Þorgnýr var þá kallaðr vitrastr maðr í öllu Svíaveldi, hann var frændi Rögnvalds jarls ok íóstrfaðir hans. Nú er þar til máls at taka, er furr var frá horfit, at þeir menn komu til Rögnvalds jarls, er þau Íngigerðr konungsdóttir ok Hjalti Skeggjason sendu austan með bræfum, báru þeir fram sín erendi fur jarl ok Íngibjörgu, konu hans, ok sögðu at konungsdóttir hefði opt rædt fur Svía konungi um sætt þeirra Ólafs konungs ok Noregs konungs, ok henni þótti úvænliga horfa at svá búnu. Jarl sagði nú Birni, hvat hann hefði austan spurt, ok bað hann aptr fara við svá búit ok hætta eigi meirr á. Björn sagði, at hann skal at vísu framhaldasinni ferð, þartil er hann hittir Svía konung, ef hann má framkomast, en veizt þú þat, jarl! at þú hefir því heitit at fylgja mæ'r á konungs fund? Jarl játti því. Nú líðr fram vetrinn, ok þegar á bak jólum býr jarl ferð sína, hann hafði 60<sup>2</sup> manna, þar var með honum Björn stallari ok hans förnautar; fór jarl nú austr í Svíþjóð, en er hann sótti uppí landit, þá sendi hann menn fur sèr til Uppsala, ok sendi orð Íngigerði konungsdóttur, at hún skyldi koma í mót honum útá Ull-

<sup>1</sup>) hér sleppr I um sinn. <sup>2</sup>) 40, C.

aragr', þar átti hún bú stór. En er konungs-  
dóttur komu orð jarls, þá fór hún ok vildi þá  
för eigi undir höfuð leggjast, hún fór fjölmenn,  
þar var Hjalti Skeggjason með henni; en áðr  
hann fór, gekk hann fúr konúng ok kvaddi  
hann ok mælti: sit þú nú allra konúnga heil-  
astr! ok er þat satt at segja, at ek hefir þess  
hvergi komit, at ek hafi alslíka tign sæð, sem  
hèr með yðr, skal ek ok þat orð frá bera, hvar  
sem ek kemr, vil ek þess biðja þik, konúngr!  
at þú sèr vinr minn. Konúngr svarar: hví  
lætr þú svá brautfúsliga, Hjalti! Hann svarar:  
ek ríð nú furst út á Ullarakr með Íngigerði,  
dóttur yðarri. Far þú vel ok heill, Hjalti! segir  
konúngr, vitr maðr ertu ok velsiðaðr, ok kannt  
vel at vera með tignum mönnum. Gekk þá  
Hjalti leið sína, ok reið þá útá Ullarakr með  
Íngigerði konungsdóttur, hún fór til búss síns, ok  
lèt þar búa veizlu mikla í móti Rögnvaldi jarli.  
Síðan kom jarl þar, ok var honum vel fagnat.  
Dvaldist jarl þar nökkurar nætr; þau konungs-  
dóttir talaðust mart við, ok flest um þá Noregs  
konúng ok Svía konúng, segir hún, at henni  
þíkkir úvænt horfa um sættir með þeim kon-  
úngunum. Þá mælti jarl: hvern veg er þær  
þat gefit, frændkona! ef Ólafr Noregs konúngr  
biðr þín, sýnist oss þat helzt til heilla sátta ok  
einhlítast, ef mægðir mátti takast með konúng-  
unum, þvíat oss lízt þessi maðr Ólafr úlíkr flest-

1) Aullarakr C.

um mönnum, en ek vil með engu móti með því gánga. Hún svarar: faðir minn skal sjá ráð fyrir mér, en þá ert þú svá minna frænda annarr, at ek vil helzt mitt mál undir eiga, þat er mér þikkir svá miklu máli skipta, eðr hversu ráðligt þikkir þèr þetta? Þat þikkir mér allráðligt, segir jarl; taldi hann þá upp marga mannkosti um Ólaf konúng, þá er stórvæglicir voru, sagði hann henni þá frá atburðum þeim, er þá höfðu fur skemstu gerzt, ok hann hafði þá ný spurt af Noregi, er Ólafr konúgr hafði handtekit 5 konunga á einum morni, þá er allir vildu aðr sitja um líf hans, ok rak þá alla af ríkjum sínum, en lagði undir sik eignir þeirra ok jók með því sitt ríki ok veldi. Margt ræddu þau um þetta mál ok urðu á allar sínar ræður vel sátt; fór jarl í brott, þá er hann var búinn; Hjalti fór með honum.

77. Rögnvaldr kom einn dag at kveldi til búss Þorgnýrs lögmanns, þar var mikill bær ok stórkostligr, voru þar margir menn úti, er þeir komu; þeir fagnaðu vel jarli ok tóku við hestum þeirra ok reiða, þeir gengu inní stofu, þar sat í öndvegi maðr gamall, engan mann höfðu þeir Björn sèð jafnmikinn, skegg hafði hann bæði mikit ok breidt ok sídt, svá at þat lá í knjám hans ok breiddist um alla brínguna, hann var vænn maðr ok göfugligr. Jarl gekk fur hann ok heilsaði honum; Þorgnýr fagnar vel jarli, ok bað hann setjast í rúm sitt,



þar er hann var vanr at sitja; Jarl settist þá öðrum megin í öndvegi gegnt Þorgnýri, þar dvaldist jarl nökkurar nætr, áðr hann bar upp erendi sín, ok einn dag beiddi hann Þorgný, at þeir skyldu ganga í málstofu; þeir Björn gengu þangat með jarli ok hans förunautar. Þá tók jarl til máls ok sagði frá því, er Ólafur konungur hafði sendt þá gat menn sína með þeim erendum, at hann vill sættast við Ólaf Svía konung, talaði jarl þarum langt eyrendi, hvert vandræði Vestr-Gautum var af deilum konunganna ok þeirra úþykkju; hann sagði ok Þorgný frá því, at hann hafði heitit sendimönnum Ólafs Noregs konungs at fylgja þeim á fund Svía konungs, svá at þeir mætti flytja úhræddir eyrendi sín fur þá sök; jarl sagði honum ok þat, at Svía konungur tók þessu máli svá þungliga, at hann lét engum manni hlýða skyldu, at ganga með þessu máli. Nú er svá, fóstri minn! sem optarr, at ek verð mēr eigi einhlítr at þessu máli, hefi ek ok því sótt á þinn fund, at ek væntir þar enn heilla ráða ok þíns trausts ok liðsinni. En er jarl hætti ræðu sinni, þagði Þorgnýr lánga stund, en er hann tók til máls, þá mælti hann svá: undarlíga skiptið þér til, girnizt at taka tignarnafn en kunnið yðrengi forráð eðr furhyggju, þegar þér komið í nökkurn vanda; hví skyldir þú eigi hyggja at því, áðr þú hæzt þessari ferð, at þú hafðir ekki ríki til þess at mæla nè eitt orð í

móti Ólafi Svía konúngi, þikkir mér hitt eigi úvirðingar vænna, at vera í bónda tali, ok vera frjáls orða sinna, at mæla slíkt er þú vill. Jarl þakkaði honum vel orð sín, ok dvaldist hann þar um hríð, ok reið með þeim Þorgnýr til Uppsala þíngs, ok kom þar allmikit fjólmenni; þar kom Ólafr konúgr með hirð sinni.

78. Hinn fursta dag er þíngit var sett, sat Ólafr konúgr á stóli ok þar hirð hans umhverfis, en annann veg á þíngit sátu þeir á einum stóli Rögnvaldr jarl ok Þorgnýr lögmaðr, en á bak þeim stóli stóð bóndamúgrinn ok allt umhverfis í hring, sumir fóru á hólæðr hæðar, at heyra hvat talat var; en er talat voru konúngs erendi, þau er siðr er til at tala á þíngum, ok er því var lokit, þá stóð upp Björn stallari hjá stóli jarls, ok mælti hátt vel ok snjalt: Ólafr konúgrsendi mik hingat þess eyrendis, at hann vill bjóða sætt af sinni hendi Ólafi Svía konúngi, ok þat landa skipti sem at fornu hefir verit milli Noregs ok Svíþjóðar. Björn mælti svá hátt, at Svía konúgr heyrði gjörla, en furst er Svía konúgr heyrði nefndan Ólaf konúng, þá hugði hann, at sá maðr mundi flytja nökkut hanseyrendi, ok bað menn gefa hljóð til; en er hann heyrði rædt um sætt ok landaskipti milli Noregs ok Svíþjóðar, þá skildi hann af hverjum lotum vera mundi; þá ljóp hann upp ok kallaði hátt, at sá maðr skyldi sem skjótast þegja, ok kvað slíkt ekki gera mundu. Björn settist

Þá niðr. En er hljóð fækst í annat sinn, þá stóð jarl upp ok mælti, hann sagði furst frá orðsendingu Ólafs digra ok sættarboðum til Svía konungs, ok frá því at Vestr-Gautar sendu Ólafi konúngi öll orð, til þess at sætt væri gjör við Noregs konúng ok Norðmenn; taldi jarl upp hvert vandræði Vestr-Gautum var at því, at missa þeirra luta allra af Noregi, sem þeim var mest árbót í at hafa, en í annann stað sitja fur áhlaupum Víkverja ok hernaði, ef Noregs konúgr samnaði her saman ok herjaði á þá; jarl sagði ok, at Noregs konúgr hafði þángat menn senda þeirra erenda, sem sæmilig er upp at bera, at hann vill biðja Íngigerðar dóttur hans. En er jarl hætti at tala, þá stóð upp Ólafr Svía konúgr, ok var allreiðiligr, hann svarar þúngliga um sættina, en veitti jarli stórar átölur ok þúngar um þá dirfð, er hann hafí gert frið við þann hinn digra mann ok lagt við hann vináttu, taldi jarl fur þat sannann at landráðum við sik, sagði ok þat makligt, at hann væri rekinn or ríki, ok sagði at slíkt [væri allt<sup>1</sup> af áeggjan Íngibjargar konu sinnar, ok taldi þat vera hit úsnjallasta ráð, er hann hefir fengit at girndum svá stórborinnar konu ok ríkrar; hann talaði langt ok snèri þá enn ræðunni at lyktum á hendr þeim hinum digra manni. En þegar hann settist niðr, þá var furst hljótt um hríð, þá stóð

<sup>1</sup>) hlaut hann, *hin*.

upp Þorgnýr lögmaðr, en þegar hann stóð upp, þá stóð upp allr bóndamúgrinn, þeir er áðr höfðu setit, ok þustu at allir þangat, þeir er áðr höfðu annarstaðar setit, ok vildu heyra, hvat Þorgnýr talaði, þá var furst gnyr mikill af fjölmenni ok vápnum, en er hljóð fékkst, mælti Þorgnýr:

79. Annann veg er skaplyndi manna<sup>1</sup>, enn furr hefir verit; Þorgnýr, föðurfaðir minn, mundi glögt Eirík Uppsala konúng Eymundarson, ok sagði hann þat frá hans háttum, at meðan honum var sem lètlast, herjaði hann hvert sumar, ok hafði leiðánger úti, ok fórti til ýmissa landa, ok hann lagði undir sik Finnland ok Kirjálaland<sup>2</sup>, Eistland ok Kúrland, ok svá víða um Austrlond, ok mun enn sjá þær jarðborgir ok stórvirki, er hann lèt gera; ok var hann þó eigi svá stolts eðr stór, at hann hlýddi eigi mönnum, ef skylt áttu at tala við hann. Þorgnýr, faðir minn, var með Birni konúngi lánga æfi, voru honum hans siðir kunnir, stóð um æfi Bjarnar konúngs hans ríki með miklum styrk en engum skort eðr þurð; var hann þó góðr ok dæll sínum mönnum. Ek má muna Eirík konúng hinn sigrsæla, var ek með honum í mörgum herförum, jók hann ríki Svía konúngs, en varði harðfengliga, ef á var leitat hans ríki, varð oss þó gott orðum við hann at koma. En konúngur þessi, er nú er yfir landi, lætr engum manni hlýða at mæla við sik, nema þat eina, er hann vill vera láta, ok

<sup>1</sup>) Svinakonunga, D, F, H, I.    <sup>2</sup>) Kyriáli, C.

hefir við þat allt kapp, en hann lætr skatlönd sín undan sèr gánga af eljanarleysi ok þrekleysi; hann girnist ok til þess at halda Noregs veldi undir sik, er enginn Svía konúngr hefir girnzt, ok gjörir hann í því mörgum mönnum mein ok únáðir. Nú er þat vili vârr bónda, at þú, Ólafr konúngr! gerisætt við Ólaf konúng digra, ok þat með at þú giptir honum Íngigerði, dóttur þína. En ef þú vill vinna aptr undir þik ríki þau í Austrveg, er frændr þínir hafa átt ok forellrar, þá viljum vèr allir fylgja þèr ok styrkja þik til þess. Meðr því at þú vill eigi hafa þat, er vèr mælum, þá munu vèr veita þèr atgaungu hèr þegar á þínginu ok drepa þik, ok þola þèr eigi úfrið ok úlög þau, er þú gerir ok tekr til; ok hafa svâ gert hinir furri frændr vârir ok forellrar, þá er þeir steyptu 5 konúngum í eina keldu á Múla þíngi, sem þú munt heyrt hafa, er áðr höfðu uppfylzt ofmetnaðar, sem nú hefir þú við oss; seg nú, hvârn kost þú vill upptaka! Þá gjörði bóndalýðrinn þegar gný mikinn ok vâpna-brak. Ólafr konúngr stendr þá upp ok mælti, segir at allt vill hann svâ vera láta, sem bændr vilja, segir at svâ hafa gert hinir furri konúngar, at þeir hafa bændr látit ráða með sèr, því er þeir vildu. Staðnaði þá kurr bóndanna. Eptir þat tala þeir allir saman höfð-íngjarnir, konúngr ok jarl ok þorgnýr, ok gera frið ok sætt af Svía konúngs hendi, eptir því

sem Noregs konúngr hafði orð til sent. Var á því þingi þat ráðit, at Ólafr konúngr Haraldsson skyldi fá Íngigerðar, dóttur Ólafs Svía konúngs, tók þá Rögnvaldr jarl festar af Svía konúngi, ok var þessu nú til staðar ráðit. Slitu þeir nú þinginu at svá mæltu. Fór jarl þá heim, ok hitti konúngsdóttur, ok talaðu þau margt um þetta mál; hún sendi Ólafi konúngi slæður af pelli mjök gullsaumaðar<sup>1)</sup>, ok silkiræmur. Fór jarl þá í brott við svá búit, ok þeir Björn með honum, dvaldist Björn þar þá litla hríð, ok fór síðan aptr til Noregs með sínu föruneyti. En er hann hitti Ólaf konúng, sagði hann honum erendislok sín, þau sem voru. Ólafr konúngr þakkaði honum vel ferðina, ok segir sem satt var, at Björn hafði gæfu tilborit í slíkum úfriði sem var, at koma fram erendi sínu. Ólafr konúngr fór, er váraði, út til sjóvar, ok lét búa skip sín, ok stefndi til sín liði sínu, ok fór um vârit út allt eptir Víkinni til Líðandisness ok allt norðr á Hörðaland, sendi þá orð lendum mönnum, ok nefndi til alla hina ríkastu menn ok héraðum, ok bjó þessa ferð at öllu sem vegligast, er hann ætlaði at fara í móti festarmeyju sinni; veizlan skyldi vera um haustit austr við Elfvi við Landamæri.

80. Ólafr konúngr hafði með sér Hrærek blinda, en er hann var gróinn sára sinna, þá

<sup>1)</sup> gullskotnar, C.

fékk Ólafr konúgr honum 2 menn til fylgðar ok þjónustu við hann, ok lét hann sitja í háseti hjá sér, ok hélt hann at klæðum ok drykk engum mun verri, enn hann hafði áðr haldit sik sjálfr. Hrærekr konúgr var maðr fámálugr, en svarstuttr þá er menn orkaðu orða á hann; þat var venja hans hvern dag, at hann lét leiða sik úti um daga frá öðrum mönnum í brott, þá barði hann knapann svá at hann stökk í brott, þá sagði Hrærekr til Ólafs konúgs, at sá sveinn vildi ekki honum þjóna; þá skipti Ólafr konúgr um þjónustumenn við hann, ok fór allt á sömu, leið, at engi þjónustumaðr hélzt við með Hræreki; þá fékk Ólafr konúgr til fylgðar ok gæzlu við hann þann mann, er Sveinn hét, ok var frændi Hræreks konúgs, ok hafði verit hans maðr áðr. Hrærekr hélt teknum hætti um stríðleika ok svá um einfarar, en er þeir voru 2 saman staddir, þá var hann kátr ok málreittinn, hann minntist þá á marga luti, þá er fur höfðu verit ok um hans daga höfðu atborizt, ok hverr brugðit hafi hans ríki ok sælu, en gjört hann at ölmusumanni: en hitt þikkir mér þó þúngast at vita, segir hann, er þú eðr aðrir frændr mínir skulu ekki at manni verða ok svá miklir ættlerar, at engrar svávirðingar skulu þora at hefna, þeirrar er gjörvar eru á ætt várri þvflskar hörmúngartölur hafði hann fur Sveini, frænda sínum. Sveinn svarar: at þeir áttu við ofrefli um at eiga, en þeir höfðu litla kosti

sjálfir. Hrærekr svarar: til hvers skulu vèr lengi lifa við skömm ok meiðslur, nema svà beri til, at vèr sigrimst blindir á þeim, er oss sigraði sofandi, heilir svà drepum hann Ólaf hinn digra, hann uggir nú ekki at sèr, kann vera at nú leggist lítt fur hann, ek skal ráðin til setja, ok ei vildi ek hendrnar til spara, ef ek mætti þeim viðkoma, en þat má ek eigi fur sakir blindleiks, ok skaltu fur því bera vâpnin á hann; en þegar Ólafr er drepinn, þá veit ek af forspám mínum, at þá hverfr ríkit undir úvini hans; nú kann vera at ek verði þá konúngr, þá skaltu vera jarl minn. Svà kom fortölum hans, at Sveinn játaði at fylgja þessu úráði. Svà var ætlat ráðið, at þá er konúngr gekk til aptansöngs, stóð Sveinn í svölunum úti fur konúngi, ok hafði sverð brugðit undir yfirhöfn sinni, ok þá er konúngr gekk út or stofunni, bar hann skjótara at enn Svein varði, ok sá hann í andlit konúnginum, er hann gekk út, ok bliknaði hann, ok varð fölr sem nárr, ok fèllust honum hendr, er betr var. Konúngr fann þat þegar, at honum bjó nökkut flt í skapi, ok mælti: hvat er nú, Sveinn! vill þú svíkja mik? Sveinn kastar af sèr kápunni ok í brott frá sèr saxinu, ok fèll til fóta konúngi ok mælti: allt á guðs valdi ok yðru, herra! Konúngr bað menn sína taka hann, ok var hann settr í járn; þá lét Ólafr konúngr færa sæti Hræreks á annann pall, en hann gaf grið Sveini, ok fór hann í brott or landi. Konúngr fèkk þá annat herbergi at



sofa í, enn þat er hann svaf í. Kónúgr fèkk til 2 menn af hirð sinni at fylgja Hræreki dag ok nótt, þeir menn höfðu áðr lengi þjónat Ólafi konúngi ok sýnt honum mikin trúleika jafnan. Hrærekr gerði nú ýmist, at hann var einteiti, ok svá glaðr ok kátr at hann lèk við fingr sèr, ok fèkk hvatvitna til skemtunar, eðr hitt at hann þagði upp mörgum dægum saman, svá at hann mælti við engan mann, stundum mælti hann margt ok þó ílt, svá var ok at stundum drakk hann hvern mann af stokki, ok gerði alla úfæra þá er nær honum voru, en optast drakk hann lítit. Ólafr konúgr fèkk honum vel skotssilfr. Opt gerði Hrærekr þat, þá er hann fór til herbergis, áðr hann fór til svefns, at hann lèt taka inn mjaðarbyttur nökkurar, ok gaf þeim at drekka þá öllum herbergismönnum, ok af slíku varð hann þó þokkasæll.

81. Maðr er nefndr Finnr litli, upplenzkr maðr, en sumir segja hann finnskan at ætt, hann var manna minnstr ok allra manna fót-hvatastr, svá at engi hestr tók hann á rás, hann kunni manna bezt við skíð ok boga, hann hafði verit lengi þjónustumaðr Hræreks konúgs ok farit opt erenda hans, þeirra er trúnaðrláundir, hann kunni alla vegu um Upplönd, hann var ok málkunnigr öllu stórmenni; en síðan Hrærekr var tekinn í fángelsi, þá slóst Finnr í ferð með knöpum ok þjónustumönnum, ok hvert sinn er hann mátti, kom hann sèr í tal ok í þjónustu við Hrærek, ok var opt á tali við hann.

Hrærekr vildi ekki, at þeir talaði laungum samfast, ok þótti sem þá munði síðr í ráðit; en er á leið vârit, ok þeir sóttu útí Víkina, þá hvarf Finnir í brott frá liðinu nökkuru daga, kom hann þá enn aptr, er stund leið, ok dvaldist þá enn þar um hríð, ok fór svâ enn fram optarr, at Finnir hvarf í brott, en stundum kom hann aptr, ok var at þessu engi gaumr gefinn, þvíat margir voru umrennendr með liðinu. Ólafr konúngr kom til Túnsbergs nökkuru fur páska, ok dvaldist þar lengi um vârit, þá kom þar til bæjarins mart manna, bæði Saxar ok Danir, austan or Vík ok norðan or landi, var þar þá mikit fjölmenni; þar var þá ár mikit, ok höfðu menn drykkjur miklar. Þat barst at á einu kveldi, þá er Hrærekr var kominn í herbergi þat, er hann (var) vanr at sofa í, þat var síð um kveldit, ok höfðu menn þá drukkit mjök, hann var þá allkâtr, þá kom þar Finnir litli með mjaðar byttur 2, ok var þat grasaðr mjöðr ok hinn styrkasti; þá lét Hrærekr konúngr gefa öllum þeim, er inni voru, allt til þess er hverr sofnaði í sínu rúmi; Finnir var þá í brott genginn, ljós brann hverja nótt í herberginu, þá vakti Hrærekr upp menn sína, þá er vanir voru at fylgja honum<sup>1</sup>, ok sagði at hann vill gánga til garðs, þeir höfðu með sèr skrilljós, þvíat myrkr var á mikit; salerni var í garðinum, þá heyra þeir at maðr mælti: högg þú fjandann! þá heyrðu þeir brest mikinn, ok dett sem nökkut fèlli, salernit stóð á stólp-

<sup>1</sup>) hér byrjar E. aptr.

um, ok var rið upp at gánga til duranna, en er þeir sátu í garðinum, þá heyrðu þeir þessi orð-tök út, sem nú var sagt. Hrærekr mælti: eigi er drykkjan svá góð sem oss þikkir, en þat er satt at segja, at þeir hafa fulldrukkit, er þar eigust við, farið nú út ok skillð þá! Þá bjuggust þeir út hirðmenninnir semskyndiligast, ok ljópu út, þá voru þar komnir menn Hræreks konúngs, Sigurðr hit, er verit hafði hirðmaðr Hræreks konúngs, ok þeir 15 saman, þar var þá ok Finnir litli í för með þeim, en er hirðmennirnir komu út, þá var sá furr höggvinn, er síðarr gekk, ok þó drepnir báðir, þeir voru dregnir upp á milli húsanna, en tóku Hrærek til sín ok höfðu með sér, ljópu svá á skip út, er þeir áttu, ok ræru þá í brott sem tíðast. Sighvatr skáld svaf í herbergi Ólafs konúngs, hann stóð upp um nóttina ok skósveinn hans með honum, ok gengu til hins mikla garðhúss, en er þeir skyldu aptr gánga ok ofan fur loptriðit, þá skriðnaði Sighvatr ok féll á knè, ok stakk niðr höndunum, ok fann at þar var vått undir; þá mælti Sighvatr: þat hygg ek at nú í kveld hafi konúngr fengit oss mörgum karfasótinn, ok hló at, en er þeir komu í herbergit, brann ljós; þá spurð skósveinninn: hví ert þú í blóði einu allr, eðr ert þú skeindr? Hann svarar: ekki er ek skeindr, en þó mun þetta tíðindum gegna; þá vakti hann upp Þórð Fólason, merkismann Ólafs konúngs, þeir voru rekkjufélagar, síðan gengu þeir út,

ok höfðu með sèr skriðljós, ok fundu þegar blóðit, þeir fundu ok brátt líkin, ok kendu þegar mennina, þá er vegnir voru; þeir sá at þar lá trèstobbi mikill, ok í mikit skýlihögg, ok spurðist þat síðan, at þat hafði gert verit til ólíkinda at höggva trèstobban, at teygja þá svá út er inni voru, ok hafði Hrærekr hèr sett öll ráð til þessar meðferðar. Þeir Sighvatr tala nú með sèr, at nauðsyn væri at konúngr vissi þessi tíðindi sem bráðast; þeir sendu nú sveininn til herbergis þess, er Hrærekr skyldi hafa sofit í, ok vita hvat þar væri tíðinda, þar sváfu menn allir, en Hrærekr konúngr var í brottu; sveinninn vakti þá menn alla, er þar voru inni, ok sagði þeim tíðindin; þá stóðu menn upp ok fóru þáгат í garðinn, sem líkin voru; en þó at nauðsyn væri at vekja konúnginn ok hann vyrði sem furst viss þessara tíðinda, þá þorði þó engi at vekja konúnginn, ok segja honum þessi tíðindi. Þá mælti Sighvatr: mikit er enn eptir nætrinnar, ok kann vera, áðr dagat sè, at Hrærekr hafi fengit sèr þat fylskni, at hann sè ekki mjökauðfundinn síðan, en þeir munu enn ekki langt komnir, þvíat líkin voru enn ekki köld; skal oss aldrí þá skömm henda, at vèr látim eigi konúnginn vita þessi svik. Þá mælti Sighvatr til þórðar: hvárt villt þú, lagsmaðr! vekja konúnginn eðr segja honum tíðindin? Þórðr svarar: fur engan mun þori ek at vekja konúnginn, en segja má ek honum tíðindin, ef þú vill, enda vekir þú hann.

Sighvatr mælti: gakk nú upp í herbergit ok bíð mín þar! Þórðr gerði svá, sem hann bauð. Þá fór Sighvatr til kirkju, ok vakti upp klokkarann, ok bað hann hríngja fur sál hirðmanna konúngs, ok nefndi hirðmennina þá er vegnir voru. Klokkarinn gerir sem hann bauð. Konúngrinn vaknar við hríngíngina, ok settist hann upp, hann spurr þá, hvárt óttusaungsmál væri. Þórðr svarar þá: verri tíðindi eru enn svá, herra! Hrærekr er í brottu, en drepnir hirðmenn yðrir 2, þeir er hans skyldu gætt hafa; þá spurr konúngr vandliga eptir atburðum þeim, er þar höfðu vordit. Þórðr sagði af slíkt, er hann vissi. Þá stóð konúngr upp, ok lét blása til hirðstefnu, en er lið kom saman, þá nefndi konúngr til menn, at leita Hræreks allavega frá bænum. Þórir<sup>2</sup> lángi gestahöfðíngi tók skútu, ok fór með sveit sína, at leita Hræreks konúngs frá bænum við 30 manna, en er lýsa tók, þá sá þeir at skútur 2 litlarreyru fur þeim, en er hvárir sá aðra, þá ræru hvárirtveggju sem mest máttu þeir, þar var þá Hrærekr konúngr, ok hafði 30 manna; en er samandró með þeim, þá snæru þeir Hrærekr at landi, ok ljópu á land upp allir nema Hrærekr konúngr, hann settist upp í lyptíngina, ok mælti til sinna fêlaga, bað þá heila fara ok heila hittast; því nærst ræri Þórir at landi, þá skaut Finnur litli öru, ok kom sú á þóri miðjan, ok fêkk hann þegar bana, en

<sup>1</sup>) klukkarinn, C, E. <sup>2</sup>) Þórðr, C, E, F, L.

Sigurðr hlt ok hans fèlagar ljópu þegar í skóginn, ok létu hann hlífa sèr, en menn þóris tóku lík hans ok svà Hrærek konúng, fluttu nú út til Túnsbergs. Ólafr konúngur tók þá enn við valdi Hrærek konúng, ok lét vandliga gæta hans, ok galt nú mikinn varhuga við svikum hans, þvfat hann sá at hann sat um þat dag ok nótt, fèkk hann nú menn til at gæta hans nótt ok dag. Hrærekr var nú svà kátr, at hann lèk við fingr sèr, ok fann engi maðr á honum, at eigi líkaði honum allt sem bezt. Þat barst at uppstigníngardag at Ólafr konúngur gekk til hámessu, þá gekk biskup með processíó um kirkju, ok leiddi konúnginn, en er þeir komu aptr í kirkjuna, þá leiddi biskup konúnginn til sætis síns fur norðan dyr í kórinn, en er Ólafr konúngur hefir niðr sezt, þá tók Hrærekr konúngur á öxl Ólafi konúngi ok þrýsti, hann mælti þá: pellsklæði hefir þú nú, herra! Ólafr konúngur svarar: nú er hátíð mikil haldin í dag, sem þú munt vita, í minning þess, er Jesús Kristus steig upp til himins af jörðu. Já, sagði Hrærekr, svà má vera, en ekki skil ek af, svà at mèt hugfestist, þat er þèr segið frá Kristi yðrum, þíkkir mèt mart þat heldr útrúligt, er þèr segið þar frá, en þó hafa margs dæmi vorðit í fornescjunni. En er messan var upphafin, þá stóð Ólafr konúngur upp, ok hèlt höndunum yfir höfuð sèr, ok laut til altaris, ok bar yfirhöfnina aptr af herðum

honum, er hann hafði lotit undan. Hrærekr sprettr þá upp hart ok tídt; hann lagði þá til Ólafskonungs saxknífi þeim, er Rytningr er kallaðr; lagit kom í yfirhöfnina uppi við herðarnar, er hann hafði lotit undan, skárust mjök klæðin, en konúgr varð ekki sárr. En er Ólafr konúgr fann þetta tilræði, þá ljóp hann við fram á gólfrit. Hrærekr lagði þá þegar í annat sinn til hans knífinum ok misti; þá mælti Hrærekr: flýr þú nú, Ólafr digri! fur mæ<sup>r</sup> blindum. Ólafr konúgr bað sína menn taka hann ok leiða hann út or kirkjunni, ok svá var gjört. Eptir þessa atburði eggjaðu menn Olafkonung, at hann lèti drepa Hrærek: ok er yör þat, sögðu þeir, hin mesta gæfuraun, at hafa hann jafnan hjá yör, hverjar úhæfur sem hann tekr til, en hann sitr um þat nótt ok dag, at veita yör líflát, en þóat þær sendið hann nökkut í braut frá yör, þá sjám vèr engan mann til þess, at svá fái hann geymt, at hann komist eigi á brott, en ef hann kemst í brott ok verðr lauss, þá mun hann þegar hafa flokk uppi ok gera margt illt. Konúgr svarar: rætt er þat mælt, at margr hefir tekit dauða fur minni tilgjörðir, enn Hrærekr hefir gert, en trauðr em ek at týna þeim sigri, er ek fékk á Upplendinga konúngum, þá er ek tók 5 konúnga á einum morni, ok náða ek svá ríki þeirra, at ek þurfti engis þeirra banamaðr at verða, þvíat þeir voru allir frændr mínir, en

<sup>1)</sup> hér sleppr E aptr.

Þó fæ ek nú varla sæð fur mun um, hvárt Hrærekr mun eigi fá nauðgat mēr til at láta drepa sik eðr eigi. Hrærekr hafði fur því tekit á öxl konúngi, at hann vildi vita, hvárt hann væri í brynju, ok vildi eigi til ráða, nema hann ætlaði at yfirtæki.

82. Maðr er nefndr Þórarinn Nefjólffson, hann var íslenzkr maðr ok ættaðr fur norðan land, ekki var hann ættstórr maðr, hann var allra manna vitrastr ok orðdjarfastr við tigna menn, hann var sarmaðr mikill ok var laungum á Íslandi annann vetr, en annann í Noregi. Þórarinn var manna ljótastr, ok var þat þó mest fur, hversu illa hann var limaðr, hann hafði hendr miklar ok ljótar, en fætr hafði hann miklu ferligri. Þórarinn var þá staddr í Túnsbergi, er þessi tíðindi gerðust, er nú hefir verit frásagt um hríð, hann var þá málkunnigr Ólafi konúngi; Þórarinn bjó þá kaupskipsitt, ok ætlaði til Íslands um sumarit; Ólafr konúngr hafði hann í boði sínu nökkura daga ok talaði við hann margt, svaf Þórarinn í konúngsherbergi; þá var þat einn morgin snemma, at konúngr vakti, en aðrir menn sváfu í herberginu, þá var sól lítit farin ok var ljóst mjök inni; konúngr sá at Þórarinn svaf ok hafði rétt annann fótinn undan klæðunum, konúngr sá á fótinn um hríð, síðan vaknaðu menn í herberginu. Konúngr mælti: Þórarinn! segir hann, vakat hefir ek um hríð, ok hefir ek um hugleidt þá sýn, er



mèr hefir fur augu borit, ok mèr þíkkir mikils um vert, en þat er manns fótr sá, er ek hefir engan slíkan sæð, ok þat hygg ek at enginn muni hær í kaupstaðnum finnast ljótari fótr, ok það nú aðra menn at hyggja, hvárt nökkut sýndist svá, en allir sannaðu er sá, at svá var sem konúngr sagði. Þórarinn svarar, ok sá hvar til konúngr mælti: fátt er svá, herra! einhverra luta, at örvænt sæ at finnast annat þvílíkt, ok þat er líkæzt, at hær sæ enn svá. Konúngr mælti: heldr vil ek hinu at fylgja, at eigi muni jafnljótr fótr finnast, ok svá þóat ek skyldi veðja um. Þá mælti þórarinn: búinn er ek at veðja um við yðr, herra! at ek skal finna í kaupstaðnum ljótara fótr. Konúngr svarar: þá skal svá vera, ok skal sá okkarr kjósa bæn at öðrum, er sannara hefir; svá skal vera, segir þórarinn, hann brá þá öðrum fætinum undan klæðunum, ok var sá engum inun fegri, en þar var af hin mesta táin. Þá mælti þórarinn: sæ hær nú, herra! annann fótr, ok er sá því ljótari, at hær er af ein táin, ok á ek nú veðfæt. Konúngr svarar: er hinn því öllu ljótari at þar eru 5 tær ferligar á þeim, en hær eru 4 einar, ok á ek víst at kjósa bæn at þær; þat er þó mælt, herra! segir þórarinn, at þat sæ jafnan ljótara, er eigi er með þeim hætti, sem Krístr hefir skapat fur öndverðu, en hær mun sannast hit fornkeðna, at dýrt er drottins orð, eðr hverja bæn villð þær at mèr kjósa eðr þiggja? Konúngr svarar: þá, at þú flytir Hrærek konúng

út til Grænlands, ok færir hann Leifi í Brattahlíð. Þórarinn svarar: ekki hefir ek siglt til Grænlands. Konúngr svarar: þá er þér (nú) mál at sigla til Grænlands, slíkr siglíngramaðr sem þú ert, ef þú hefir þar eigi furr komit. Heyra mun ek yðr láta, herra! hvers ek mundi yðr biðja, ef mér bærist veðfèit; já, svarar konúngr, þat er víst til; ek vil biðja yðr hirðvistar, ok ef þér veitið mér þetta, þá verð ek miklu skyldari at leggjast þessa ferðeigi undir höfuð eðr þat annat, er þér vilið kraft hafa. Konúngr játti honum þessu, gerðist Þórarinn þá hirðmaðr Ólafs konúngs, játti Þórarinn þá at taka við Hrærek, ok bjó síðan skip sitt, ok er hann var albuinn, þá tók hann við Hrærek konúng, en áðr þeir Ólafr konúngr skildu, þá mælti Þórarinn: nú berr svà til, herra konúngr! sem opt verðr, at vèr komim eigi fram Grænlands ferðum, herra oss til Íslands eðr annarra landa, hversu skal ek skiljast við Hrærek konúng, svà at yðr líki? Konúngr svarar: kemr þú til Íslands, þá skaltu selja hann í hendr Guðmundi Eyjólfssyni eðr Skapta lögmanni eðr öðrum höfðingjum þeim, er við honum vilja taka fur mína vináttu, ok haf þartil jartegnir mínar, hvar sem þik kann at atbera; en ef þik berr at öðrum löndum þeim, er hèr eru nálægri, þá haga þú svà til, at þú vitir víst, at Hrærekr komi aldrí<sup>1)</sup> aptr í Noreg, en gjör þat því at eins, at engi sè önnur faung á.

<sup>1)</sup> lífs, b. v. C, D.

En er byri gaf, hœlt hann útleiði fur utan eyjar allar norðr til Liðandisness, síðan stefndi hann útá aðalhaf, honum byrjaði ekki vel, hann var-aðist þat mest, at koma hvergi við Noreg, hann sigldi fur sunnan Ísland, ok hafði vita af landi, ok svâ vestr um landit í Grænlands haf, fêkk hann þá rettu<sup>1)</sup> stóra ok valk mikit, en er á leið haustit, tok hann Ísland í Breiðafirði. Þorgils Arason kom til þeirra furstr virðingamanna; Þórarinn sagði honum orð ok vináttumál Ólafs konúnga ok jartegnir þær, er fylgðu viðtöku Hræreks konúnga. Þorgils varð við vel, ok tók þegar við Hræreki konúngi, ok var hann með Þorgilsi Arasyni um vetrinn á Reykjahólum; Hrærekr undi þar eigi lengr enn þann vetr, ok beiddi hann Þorgils, at hann skyldi láta fylgja honum til Guðmundar á Möðruvöllum. Þorgils gerði svâ. Guðmundr tók við honum fur sakir konúnga orðsendingar, ok var hann með honum annann vetr, þá undi hann þar eigi lengr, fêkk Guðmundr honum þá vist á litlum bæ, er hêt á Kálfskinni, ok var þar fátt hjóna, þar var Hrærekr 3 vetr, ok sagði hann svâ, at síðan hann lèt af konúngdómi, at honum hefði þar bezt þótt á Kálfskinni, þvíat hann var þar af öllum mest metinn. Þá tók Hrærekr konúngr sótt, þá er hann leiddi til bana; svâ er sagt at hann einn konúnga hvíli á Íslandi. Þórarinn Nefjólfs-

<sup>1)</sup> retti, C.

son hafðist síðan lengi í kaupferðum, en stundum var hann með Ólafi konúngi. Þat sumar er Þórarinn Nefjól sson fór til Íslands með Hrærek konúng, þá fór Hjalti Skeggjason ok til Íslands, ok leiddi Ólafr konúgr hann með vingjöfum í braut, er þeir skildust. Þat sumar fór Eyvindr úrarhorn í vestrvíking, hann kom um haustit til Írlands, ok gekk til handa Konofögr Íra konúngi. Þeir hittust um haustit í Úlfreksfirði<sup>1</sup> Íra konúgr ok Einarr jarl or Orkneyjum, ok varð þar orrosta mikil, hafði Konofögr Íra konúgr lið miklu meira ok fèkk hann sigr. Einarr jarl flýði undan einskipa, ok kom um haustit heim í Orkneyjar, ok hafði þar látit flestallt lið sitt ok herföng allt, þat er þeir höfðu fengit um sumarit, ok undi jarl stórilla við sína ferð, ok kendi þat mest Norðmönnum þeim, er verit höfðu með Konofögr Íra konúngi í orrostu, en þat var Eyvindr úrarhorn ok hans sveitúngar.

83. Nú er þar til máls at taka er Ólafr konúgr Haraldsson fór brúðlaupsferð sína, at sækja festarmey sína Íngigerði, dóttur Ólafs Svía konúgs, hann hafði lið mikit ok valit svá mjök, at honum fylgði allt stórmenni, þat er hann mátti ná, hann hafði valit lið með sèr bæði at ættum ok svá at gjörviligleikum; lið þat var ok búit með hinum beztum faungum at skipum ok vǫpnum ok klæðum. Þeir hældu nú austr til Konúngahellu, ok er þeir komu

<sup>1</sup>) Ulfkelsfirði, B, D, K, S.

þar, þá spurð Ólafr konúgr ekki til Svía-konúgs, voru þar ok aungvir menn komnir af hans hendi. Ólafr konúgr dvaldist þar lengi um sumarit, ok leiddi at spurníngum ok njósnum um, hvat menn kynni at segja honum frá ferð eða ráðaættan Svía konúgs<sup>1</sup>, en engi kunni honum þar nè eitt af at segja; þá gerði hann menn sína upp í Gautland til Rögnvalds jarls, ok spyrja eptir hvat tilbar, er Svía konúgr kom eigi, eptir því sem ákveðit var, til stefnu við Ólaf konúg. Jarl segir at hann vissi þat eigi: en ef ek verð þess viss, þá mun ek þegar senda menn til Ólafs konúgs, ok láta hann vita, hvert efni í er, ef dvöl þessi er fur nökkut annat enn af fjölskyldu þeim, er opt kann tilbera um ferðir Svía konúgs, er jafnan dvelst meirr enn hann ætlar.

84. Ólafr Svía konúgr átti furst frillu, er hét Eðla, hún var dóttir jarls af Vindlandi; börn þeirra voru þau Emundr ok Ástríðr ok Hólmfríðr; Eðla hafði verit hertekin af Vindlandi, ok var hún kölluð konúgs ambátt; enn gátu þau son, ok var hann fæddr á Jacobsmessu<sup>2</sup> dag, en er skíra skyldi sveininn, þá lét hún hann heita Jacob, en þat nafn líkaði Svíum illa, ok kallaðu at aldrí hefði Svía konúgr Jacob heitit; öll voru börn Svía konúgs mannvænlig ok fríð sýnum ok vel viti borin. Drott-

<sup>1</sup>) hér byrjar *G aptr.* <sup>2</sup>) Jacobsvöku, *hín.*

ing var ríklunduð ok ekki vel til stjúpbarna sinna. Konúngr sendi Emund son sinn til Vindlands, ok fæddist hann þar upp með móðurfrændum sínum, ok hélt vel<sup>1</sup> kristni lánga hríð; en Ástríðr konungsdóttir fæddist upp í Vestra-Gautlandi at göfugs manns, er Egill hét, hún var kvenna fríðust sýnum ok best orðfarin, glaðmælt ok lítillát, mild af fê, ok var hún af því allra kvenna vinsælust; en er hún var fullkomin at aldri, þá var hún með Ólafi konungi, föður sínum, ok þokkaðist þar hverjum manni vel. Ólafr konúngr var maðr ríklundaðr ok óþýðr, bæði í máli ok svá í skaplyndi; honum líkaði stórilla þat, er landherra hafði gjört at honum þys á Uppsala þingi ok heitit honum afarkostum, ok kendi þat mest Rögnvaldi jarli; engan tilbúnað lét hann hafa um brúðferðina, eptir því sem mælt var, at gipta Íngigerði, dóttur sína, Ólafi Noregs konungi, nè svá at fara um sumarit til landamæris, at finna Noregs konung; en er á leið sumarit ok fur vãn var komit at Svía konúngr mundi þá stefnu sækja, eptir því sem mælt var, þá gjörðist mörgum manni forvitni á, hverja ætlan konúngr mundi á hafa, hvárt hann mundi halda sætt við Noregs konung, eðr mundi hann ætla at rjúfa. Margir voru við þetta hugsjúkir, en engi var svá djarfr at þyrði at spurja konúnginn máls at um þetta, en margir kærðu þetta fur Íngigerði konungs dóttur, ok báðu hana til at

<sup>1</sup>) ekki, F, G.

verða vísa, hverja tilætlan konúgr mundi hafa; ófús em ek þess, segir hún, at tala þar til um skípti þeirra föður míns ok Ólafs digra; henni fékk þetta mikillar áhyggju, ok var hær laungum hugsjúk um ok úkát, þvíat henni var hær ok mikil forvitni á, hverja ætlan konúgr mundi hafa, ok hvat hann mundi upptaka, grunaði hana þó þat meirr, at hann mundi eigi halda orð sín við Noregs konúgs, þvíat þat fannst á í hverju sinni, er Ólafr digri var konúgr kallaðr, at Svía konúgr varð reiðr.

85. Þat var einn dag at Svía konúgr reið með hauka sína ok hunda ok margt manna með honum; en er þeir fleygðu haukunum, þá drap konúgs haukr í einu renzli tvá orra, ok þegar eptir þá rendi hann enn fram ok drap þá enn 3 orra; hundarnir ljópu niðri undir jafnfram, ok tóku hvern fuglin er á jörð kom ok færðu konúgi; konúgr tók við fuglunum, ok hældi nú mjök veiði sinni, ok sagði svá: langt mun yðr til flestum, at þær veiðið svá; þeir sannaðu at svá mundi vera, ok sögðu engan konúg mundi slíka gæfu tilbera (um) sína veiði sem hann. Reið konúgr nú heim í garðinn, ok allir þeir. Konúgsdóttir var þá gengin út or herbergi sínu ok var glöð vel, en er hún sá at konúgr reið í garðinn, þá snèri hún þegar ok heilsar honum; hann fagnar henni hlæjandi, ok bar þegar fram veiði sína, sýndi henni fuglana. Hann mælti: hvar veizt þú þann konúg, dóttir! segir hann,

er jafnmikla veiði hafi fengit á lítilli stundu? Já, segir hún, góð morginveiðir er þetta, er þér hafið tekit fimm orra, en meira ágæti var þat, er Ólafr Noregs konúgr tók fimm konunga á einum morni, ok eignaðist svá allt ríki þeirra. En er konúgr heyrði þetta, þá hljóp hann af hestinum, ok snérist við henni, ok mælti: vit þú þat, Íngigerðr! svá<sup>1)</sup> mikla ást sem þú hefir á þeim hinum digra manni ok elsku við hann lagt, þá skaltu hans aldri njóta ok hvárki ykkart annars, skal ek heldr gipta þik þeim manni nökkurum, er mér sè vel vinátta við eigandi, en ek má aldri vera vin þess manns, er ríki mitt hefir gert svá at herfáangi ok kastat á sinni eign, ok gert mér skömm ok skaða bæði í manndrápum ok ránum. Slitu þau svá sinni ræðu, at hvártveggja var blóðreidt, gekk þá sína leið hvárt þeirra. Íngigerðr konúgs dóttir var nú vís vorðin hins sanna um furætlan Svíakonúgs, ok gerði hún sendimenn ofan í Vestra-Gautland til Rögnvalds jarls, ok lét segja honum, hvat tídt var með Svía konúgi, at brugðit var öllu sáttmáli við Noregs konúg, ok bað jarl varast ok aðra Vestr-Gauta, ok sagði þeim mundu ósýnan friðin af Noregs mönnum. En er jarl hafði spurt þessi tíðindi, þá sendi hann orð ok boð um allt sitt ríki, ok bað menn viðvarast, ef Noregs konúgr vildi herja á þá; jarl gjörði ok sendimenn til Ólafs konúgs digra ok lét segja

<sup>1)</sup> hér byrjar *E aptr.*



honum, at hann vill halda öllu sáttmáli ok vin-  
 áttu<sup>1</sup>, ok allt þat er þeir höfðu bezt viðmælt,  
 ok beiddi þess með, at hann skyldi eigi herja  
 á ríki hans. En er þessi orðsending kom til  
 Ólafs konúngs, varð hann reiðr mjök ok hug-  
 sjúkr, ok var þat þá nökkura daga at engi  
 maðr fèkk orð af honum; en eptir þat átti  
 hann húsþing við lið sitt, hvern upp skyldi  
 taka, hvárt herja skyldi þegar á Vestr-Gauta,  
 er þeir voru þar næstir, ok á ríki Rögnvalds  
 jarls. Þá stóð upp Björn stallari ok talaði,  
 hóf þar furst er hann fór til friðgjörðarinnar  
 um vetrinn, ok sagði frá því, hversu jarl hafði  
 honum vel fagnat, hann segir ok hversu þung-  
 liga Svía konúngr hafði tekit þeim málum í  
 furstu<sup>2</sup>, en sú sætt, er gjör var, segir hann, þá  
 var þat meirr af styrk fjölmennis ok ríki Þor-  
 gnýrs ok liðveizlu Rögnvalds jarls, enn þat  
 væri af góðvilja Ólafs Svía konúngs, ok þikkist  
 ek af því vita, at konúngr mun því valda, er  
 sættinni er brugðit, en þat er ekki jarli at  
 kenna, þvíat hann reyndi ek sannan vin yð-  
 varn, konúngr! Síðan talaðu margir menn, ok  
 kom í einn stað niðr at lyktum, at allir lattu  
 hernaðar, ok sögðu svá: Þóat vèr hafim lið mikit  
 ok fridt, þá er hèr saman samnat ríkum mönnum  
 ok göfugum, en til hernaðar eru bezt fallnir  
 úngir menn, þeir er gott þikkir at afla sèr fjár  
 ok metnaðar, er þat ok háttr ríkra manna, ef

<sup>1</sup>) Hèr áleppr D um sinn.    <sup>2</sup>) Hèr byrjar J aþtr.

Þeir skulu fara í hernað eðr orrostur, at þeir hafa með sér marga menn til hernaðar ok hlífðar, berjast ok opt þeir eigi verr, er lítit fê eigu, enn hinir er ríkarir eru ok auðigri eru uppfæddir. Ok at fortölum þeirra var þat ráðs tekit at rjúfa leiðángriinn, gaf konúngr þá hverjum manni heimfararleyfi, en lýsti því at annat sumar skyldi hann leiðánger úti hafa frá öllu landi, ok halda þá til móts við Svía konúng, ok hefna þessa lausmælis. Þetta líkaði öllum höfðingjum vel. Fór þá Ólafr konúngr norðr í Víkina ok settist um haustit í Borg, ok lét þá gat til draga öll faung þau, er hann þurfti til vetrar, ok sat þar um vetrinn fjölmennr.

86. Menn mæltu allt misjafnt til Rögnvalds jarls, töldu sumir hann sannan vin Ólafs konúngs, en sumum þótti þat ekki trúligt mjök, ok kölluðu hann ráða mundu því við Svía konúng, at hann haldi orð sín við Noregs konúng ok sáttmál. Þat er sagt, at Sighvatr skáld var mikill vin Rögnvalds jarls í orðum sínum, ok talaði opt fur konúngi um vináttu jarls, hann bauð konúngi at fara austr á fund Rögnvalds jarls ok njósna um, hvers hann vyrði viss frá Svía konúngi, hvat hann bærisk fur, eðr freista, ef hann mætti nökkurri sætt við koma. Ólafi konúngi líkaði þat vel, þvíat honum þótti gott fur trúnaðar mönnum sínum at tala til Íngigerðar konúngsdóttur. Öndverðan vetr fór Sighvatr skáld ok þeir 3 saman or Borg, ok austr

um Markir ok svá til Gautlands, en áðr þeir skildu, þeir Ólafr konúngr, þá kvað Sighvatr vísur þessar:

Nú sit þú heill, en hollir<sup>1</sup>  
 hær finnumst, meirr þinnar  
 aptr<sup>2</sup> unds ek kem vitja,  
 Ólafr konúngr! mála;  
 skáld biðr hins, at halda<sup>3</sup>  
 hjálm-drífu<sup>4</sup> stafr<sup>5</sup> lífi,  
 endist leyfð, or<sup>6</sup> landi  
 lýk ek vísu nú þvísa.

Nú eru [mál þau er mæla<sup>7</sup>  
 meir kunnum skil fleiri  
 orð þau er oss of varða  
 alls mest konúngr flestra;  
 guð láti þik gæta,  
 geðharðr konúngr! jarðar,  
 víst hefig þann, þvíat þinnar  
 þú ert tilborinn, vilja<sup>8</sup>.

Síðan fóru þeir til Eiðaskógs, ok fengu íllt far yfir ána, eikjukarfa nökkurn, ok komust nauðuliga yfir. Sighvatr kvað:

Lèt ek til Eiðs, þvíat óðumst  
 aptrhvarf, dreginn karfva,  
 vèr stiltum svá, valtan,  
 vátr, til glæps á báti;

<sup>1</sup>) hallar, C, E, G, K, L, S; hallir, J. <sup>2</sup>) atti, C; at, E, G, L, S. <sup>3</sup>) haldi, C, E; G, J, L. <sup>4</sup>) hjálmdrífu, C, E, S; hringdrífu, G, H, J. <sup>5</sup>) viðr, B, E, K, S; þú, C; frömu, G, J. <sup>6</sup>) ok, C, E, G, J, S; í, L. <sup>7</sup>) mælt en mála, hin. <sup>8</sup>) vís. v. í H.

taki hlægi-skip hauga<sup>1</sup>  
 herr, sákat ek far verra,  
 lét ek til hafs á hrúti  
 hætt, fór betr enn ek vætta<sup>2</sup>.

Síðan fóru þeir um Eiðaskóg; Sighvatr kvað:

Vara furst, er ek rann rastir,  
 reiðr, um skóg frá Eiðum,  
 menn<sup>4</sup> [veit at ek mæti<sup>5</sup>  
 meini, tólf ok eina;  
 hykk á fót, en flekkum<sup>6</sup>  
 fèll sár á il hvára,  
 [hvat gegnir þat þáingat<sup>7</sup>,  
 þann dag, konúng manna.

Síðan fóru þeir um Gautland, ok komu á þann bæ, er Hof heitir, þar var hurð aptr, ok komust eigi menn í húsin, sögðu at þar var heilagt ok engum manni lofat inn at koma; brott hurfu þeir þaðan; Sighvatr kvað:

Réð ek til Hofs at hæfa,  
 hurð var aptr, en ek spurðumst,  
 inn setta ek nef nenninn<sup>8</sup>  
 niðr<sup>9</sup> lútr, fur útan;  
 orð gat ek furst<sup>10</sup> [at furstum<sup>11</sup>  
 flögð það ek, en þau þögðu<sup>12</sup>,  
 hnektust<sup>13</sup> heiðnir rekkar,  
 heilagt, við þau deila.

1) hörga, B. 2) heims, hin. 3) vís. v. í H. 4) of, b. v. hin. 5) veita fœr mætum, J. 6) flestum, C, E, G, L. 7) hvatt gengum þó þíngat, hin. 8) nætinn, J. 9) mjök, b. v. C. 10) fœst, B, G; fæst, C, S; flest, J. 11) af fyrðum, hin. 12) sögðu, E, F, L. 13) hnektumst, B, E, K, S; hnækþumk, C, G.

Þá kom hann at öðrum garði, ok stóð þar hús-  
freyja í durum úti, ok bað þá eigi þar inn koma,  
sagði at þau bóndi áttu þar inni álfa blót; Sig-  
hvatr kvað:

Gakkattu inn, kvað ekkja,  
armi drengr hinn! lengra,  
hræðumst ek við Óðins,  
erum heiðin við, reiði;  
rýgr kveðst inni eiga  
óþekk, sú er mēr hnekkði,  
álfablót, sem úlfir<sup>1</sup>  
[at vins, á bæ sínum<sup>2</sup>.

Annat kveld kom hann til 3gja bónda, ok hæt  
hverr þeirra Ölver, ok ráku þeir hann allir út; þá  
kvað Sighvatr vísu<sup>3</sup>:

Nú hafa hnekt, þeir er hnakka,  
heinflets, við mēr settu,  
þeigi bella, þollar,  
þrír samnafnar tíri;  
þó sjáms<sup>4</sup> hitt, at hlæði,  
hafskíðs muni síðan  
út, hverr er Ölver heitir,  
alls mest reka gesti.

Þá fóru þeir enn um kveldit, ok hittu hinn 4ða  
bónda, ok var sá beztr þegn þeirra; út rak sá  
Sighvat; hann kvað þá vísu:

Fór ek at finna báru,  
friðs vætta ek mēr, síðan,

1) úlfir, G. 2) óttvin í, B, C; út vin í, E, K, L; ot vin á,  
G, S; otuin í, J. 3) hér sleppr E um sinn. 4) sjáamk, C. 5)  
hlæðir, hin.

brjót, þann er bragnar létu,  
 blikis vildastan miklu;  
 grefs<sup>1</sup> leit við mēr gætir,  
 gestr þá er illr hinn vesti,  
 lítt reiði<sup>2</sup> ek þó lýða  
 last<sup>3</sup>, ef sjá er hinn bazti.

Mista ek fur austan  
 Eiðaskóg á leiðum  
 Ástu buss, þá er æstag  
 ókristinn hal vistar;  
 ráks fannka ek son Saxa<sup>4</sup>,  
 saðr var aungr fur þaðra,  
 út var ek eitt kveld heitinn,  
 inni<sup>5</sup>, fjórum sinnum.

Ok er þeir komu til Rögnvalds jarls, kvað hann  
 þá haft hafa erfviða ferð; Sighvatr kvað vísu:

Átt hafa sèr, þeir er sóttu,  
 sendimenn, fur hendi,  
 Sýgna grams, með sagnir  
 siklínga, för mikla;  
 spurðist<sup>6</sup> færst<sup>7</sup>, en<sup>8</sup> furða<sup>9</sup>  
 faung eru stór viðgaungu,  
 vörðr veldr<sup>10</sup> nýtr því, er norðan,  
 Noregs, þinnig fórum.

Drjúg gengit varð drengjum,  
 drengr magnar lof þengils,  
 æztr<sup>11</sup>, til jöfra þrýstis

<sup>1</sup>) greps, *J.* <sup>2</sup>) reifi, *F.* <sup>3</sup>) löst, *B, C, G, J, K, S.* <sup>4</sup>) slíkan, *B.*  
<sup>5</sup>) innann, *G, J, S.* <sup>6</sup>) spörðumst, *B, G, L;* spörðust, *C;*  
 spurðumst, *hín.* <sup>7</sup>) flest, *C, F, J, L;* fæst, *hín.* <sup>8</sup>) né *B;* er,  
*J.* <sup>9</sup>) firða, *hín.* <sup>10</sup>) réð, *hín.* <sup>11</sup>) austr, *hín.*

Eiðaskógs á leiðum;  
 [seldir mest<sup>1</sup>, áðr mildan  
 minn drottinn kem<sup>2</sup> ek finna,  
 hlunns af hilmis runnum  
 hnekt<sup>3</sup> dýrliga<sup>4</sup> bekkjar.

Rögnvaldr gaf Sighvati gullhríng, þá tók til  
 orða kona ein, ok kvað hann hafa gengit til  
 nökkurs með þau hin svörtu augun; hann kvað  
 þá vísu:

Oss hafa augun þessi  
 íslenzk, konan! vísat  
 brattan stig at baugi  
 björtum langt, hin svörtu;  
 sá hefir, mjöð-nannan! manni,  
 minn<sup>5</sup>, ókunnar þínum,  
 fótr<sup>6</sup> á fornar brautir  
 fulldrengila gengit.

En er Sighvatr kom heim til Ólafs konúngs, ok  
 gekk inní höllina ok sá á hallarveggina, hann  
 kvað þá:

Búa hilmis sal hjálmum  
 hirðmenn, þeir er val<sup>7</sup> grenna  
 hær sè ek bens [á búnum<sup>8</sup>  
 beggja kost á veggjum;  
 þvíat úngr konúngr engi,  
 ygglaust er þat, byggva<sup>9</sup>,  
 húsbúnaði [at hrósa<sup>10</sup>,  
 höll er dýr með öllu.

<sup>1</sup>) skyldit mér, *hin*. <sup>2</sup>) kom, *B, F, L*. <sup>3</sup>) hnekkir, *C, F*.  
<sup>4</sup>) dýrloga, *G*. <sup>5</sup>) mín, *B, C, F, J, L, S*. <sup>6</sup>) fætr, *B, C, F*,  
*L, S*. <sup>7</sup>) svan, *hin*. <sup>8</sup>) ok brynju, *hin*. <sup>9</sup>) dyggva, *hin*. <sup>10</sup>)  
 á hrósa, *C*; hrósar, *H, J*.

Síðan sagði hann frá ferð sinni, ok kvað:

Hugstóran<sup>1</sup> bið ek heyra,  
[hvers fórst<sup>2</sup>, jöfur<sup>3</sup>, þessar,  
þolda ek vas, ok<sup>4</sup> vísur,  
verðung, um för gerðag;  
sendr var ek upp af öndrum  
austr, svaf ek fátt í hausti,  
til Svíþjóðar, síðan,  
svanfánga<sup>5</sup> í för lánga<sup>7</sup>.

Ok þá er hann talaði við Ólaf konúng, kvað hann vísur þessar:

Lèt ek við yðr, hinn itri  
Ólafr! hugat<sup>8</sup> málum  
rètt ok, ríkan hittag  
Rögnuvald, konúngr! haldit;  
deilda ek máls [hins milda<sup>9</sup>  
málma vörðu<sup>10</sup> Hörða<sup>11</sup>  
[mögr! nè ek heyrði herra<sup>12</sup>  
heið manns tölur greiðri.

Þik bað [stála stökkvir<sup>13</sup>  
sinn halda<sup>14</sup> vel, Rínar,  
hvern þann er língat árnar  
húskarl, nefi jarla!  
en hverr, er austr vill sinna,

<sup>1</sup>) hugstóra, *hín*. <sup>2</sup>) hvers fors, *B*; hresslynds, *G*; hress fors, *S*; hressför, *J*; hresslyndr, *hín*. <sup>3</sup>) jöfurs, *B*, *G*, *J*, *K*, *S*.  
<sup>4</sup>) en, *G*; hve, *hín*. <sup>5</sup>) frá, *B*. <sup>6</sup>) svanfánga, *G*, *J*. <sup>7</sup>) vís.  
*v. í H*. <sup>8</sup>) hugar, *B*, *C*; hygg at, *L*. <sup>9</sup>) ein milda, *B*, *C*; við mildan, *G*. <sup>10</sup>) vörðs, *B*; vörð, *C*, *G*, *H*, *J*, *K*, *L*. <sup>11</sup>) í Görðum, *hín*. <sup>12</sup>) Hörða mögr (*múgr B*) nè ek heyrða, *B*, *C*; harða mörg nè ek heyrða, *hín*. <sup>13</sup>) sólar sökkvir, *hín*. <sup>14</sup>) halda inn, *C*, *F*, *L*.



jafnvíst er þat, lista  
þengill! þinna drengja,  
þar á hald und Rögnvaldi.

Ok enn kvað hann:

Fólk ræð um sik, fylkir!  
flest, er ek kom vestan,  
ætt, sem [yðr of hittag<sup>1</sup>,  
Eiríks Svía<sup>2</sup> fleiri<sup>3</sup>;  
en því at<sup>4</sup> jarla frænda  
eins þat er rætt<sup>5</sup> af Sveini  
yðr kveð ek jörð<sup>6</sup> þá er áttuð<sup>7</sup>  
Úlfs bróður lið stóðust.

Spakkr læzt<sup>8</sup> Úlfr<sup>9</sup> meðal ykk<sup>10</sup>  
Ólafr! rekit<sup>11</sup> málum,  
þau fengu [vèr þángat  
þat eru svör, konúngr! gerva<sup>12</sup>;  
[þá er<sup>13</sup> lét jöfra<sup>14</sup> rýrir  
þær sem öngvar væri  
riptar reknar heiptir  
Rögnvaldr gefit<sup>15</sup> aldar.

Öndverðan vetr fór Sighvatr or Borg, sem fur var  
ritat, ok þeir 3 saman austr um Merkr ok svá til  
Gautlands, ok fèkk hann í þeirri ferð optliga ill-  
ar viðtökur. Sighvatr skáld kom til Rögnvalds  
jarls, ok var þar í góðum fagnaði lánga hríð, þá  
spurr hann þat til Íngigerðar, dóttur Ólafs Svía

1) áðr um hvatti, *hín.* 2) svika, *H, J, K, S.* 3) þeirra, *hín.*  
4) er, *b. v. B.* 5) tókt, *hín.* 6) orð, *J.* 7) náðu, *J;* náðut, *hín.*  
8) lét, *hín.* 9) Ulf, *C.* 10) okkar, *K.* 11) tekít, *B, C, H, J, L.* 12)  
svör sættu, sakar leggit þit beggja, *hín.* 13) þar, *F, L;* þær,  
*hín.* 14) þjófa, *C, G, H, J, K, L, S.* 15) kveðit, *C, G, L.*

konúnga, at komit höfðu til föður hennar sendimenn Jarizleifs konúnga austan or Hólmgarði þess erindis, at biðja Íngigerðar til handa Jarizleifi konúnga, ok þat með, at Ólafr Svía konúgr tók þessu máli allvænt; þá kom ok til jarls, meðan Sighvatr var þar, Ástríðr, dóttir Ólafs Svía konúnga, var þar þá fögur veizla gjör. Gjörðist Sighvatr þá brátt málkunnigr konúngsdóttur, kannaðist hún brátt við hann, þvíat Óttarr svartí, systurson Sighvats, hafði þar lengi verit í kærleikum miklum með Ólafi Svía konúnga, föður hennar; þá var þar margt talat. Jarl spurð þá Sighvat, hvat hann ætlaði, hvárt Ólafr Noregs konúgr mundi fá vilja Ástríðar: ok ef hann vill þat, segir jarl, þá munu vèr ekki at því spurja Svía konúng um þetta mál, hvárt sem honum líkar betr eðr verr. Slíkt hit sama sagði Ástríðr konúngsdóttir. Eptir þat fóru þeir Sighvatr heim, ok komu heim litlu fur jól til Borgar á fund Ólafs konúnga. Brátt sagði Sighvatr Ólafi konúnga þau tíðindi sem hann hafði spurt, varð hann furst fárr ok ókátr, er Sighvatr sagði honum bónorð Jarizleifs konúnga, ok sagði konúgr svá, at honum var ílls vân af Svía konúnga, nærr sem vèr fáim honum þat goldit með nökkuru móti. En er frá leið, þá spurð konúgr margra tíðinda austan af Gautlandi. Sighvatr segir honum mikit af fríðleik Ástríðar konúngsdóttur ok málsnild hennar, konúnga féll þat vel í eyru. Sagði Sighvatr honum þá allar ræður

Þeirra Rögnvalds jarls ok Ástríðar konúngsdóttur, er þau öll saman hafa talat sín í milli, ok fannst konúngi mart um, ok mælti svá: eigi mun Svía konúngr þat hyggja, at ek muni þora at fá dóttur hans utan hans vilja; en ekki var þetta mál borit fur alþýðu at svá búnu. Ólafr konúngr ok þeir Sighvatr 2 saman töluðu opt um þetta mál sín á milli. Ólafr konúngr spurr Sighvat eptir vandliga, hvat hannkannaði af um Rögnvald jarl, hvern vinr hann er vârr. Sighvatr segir sem var, at jarl var hinn mesti vinr Ólafs konúngs; þá kvað Sighvatr vîsu þessa:

Fast skaltu ríkr við ríkan  
Rögnvald, konúngr! halda,  
hann er þýðr af þinni  
þörf nátt ok dag, sáttum;  
þann veit ek, þínga kennir!  
þik beztan vin miklu  
á Austrvegu eiga  
allt með rauða salti.

87. Eptir jól fór Þórðr skotakollr, son<sup>1</sup> Sighvats, ok annar skósveinn hans<sup>2</sup> með honum leyniliga frá hirðinni, þeir fóru austr á Gautland, þeir höfðu báðir áðr um haustit farit austr þannig með Sighvati. En er þeir komu til hirðar jarls, þá báru þeir fram jartegnir þær, er þeir jarl höfðu gjört með sèr at skilnaði; ok þegar jafnan skjótt býst jarl til ferðar, ok með

<sup>1</sup>) systurson, C, F, G, J, L.    <sup>2</sup>) Sighvats, L.

honum Ástríðr konúngsdóttir, ok höfðu nærr hundrað manna ok valit lið at vápnum ok klæðum ok hestum; riðu síðan leið sína norðr í Noreg til Sarpsborgar, ok komu þar at kyndilmessu. Ólafr konúgr hafði látit viðbúast, var þar allskonar drykkir, er beztan mátti fá, ok öll önnur fong voru hin beztu; ok hann hafði þá stefnt til sín or héraðum mörgum göfgum mönnum. En er jarl kom þar liði sínu, þá fagnaði konúgr honum vel, ok voru jarli fengin herbergistór ok góð ok búin ítarliga, ok þar með þjónustumenn, ok þeir menn er þar skyldu fur sjá, at engan lut skyrti þann, er veizlu mætti prýða. En er sú veizla hafði staðit nökkura daga, þá gekk konúgr ok jarl ok konúngsdóttir á málstefnu, leitaði Ástríðr konúngsdóttir marga vega eptir spakliga um sætt milli föður hennar ok Ólafs konúgs, en Ólafr konúgr sagðist gjarna vilja sættast, ef Svía konúgr hældi orð sín, ok gipti honum Íngigerði dóttur sína. Ástríðr svarar: sá einn lutr er svá, at faðir minn tekr þvert at gipta þér Íngigerði, þvíat hann kallar ykkir þat girndar ráð; nú megum vèr eigi ráða um hennar gjaforð, en þat er til vor kemr um ráðahag, þá mun þat eigi hær hnekkja, at þetta megir girnda ráð heita. Konúgr svarar: göfgann ráðahag ætla ek at fá yðvarar, en þó hafða ek mæð hinn ætlat. Þau Ólafr konúgr ok Ástríðr talaðu allan þann dag; um kveldit fór Ástríðr til síns herbergis, ok jarl með henni. Annann

dag fór Ástríðr til tals við konúng, ok leitaði enn um sættir meðal þeirra konúnganna, ok komu engu til vegar; enn 3ja dag kom hún til fundar við Ólaf konúng, ok leitaði friðar, ok kveðst ætla at faðir hennar mundi unna honum þess ráðs, at fá hennar, en konúngr lét sér ekki um þat finnast. Nú er Ástríðr hefir marga vega spakliga eptirleitat um sætt milli konúnganna, ok sá at Ólafr vildi því at einu sættast, ef hann fengi Íngigerðar, þá mælti hún við konúng: eigi mun ek optarr þessa erendis koma á yðvarn fund, at biðja yðr, herra! friðar, þvíat ek hefir allt tillagit í mínum orðum, þat er ek hefir vit til haft, ok mundi ek eigi svá framt talat hafa, ef ek sæi eigi, hversu mikit viðlægi; nú fel ek yðr á hendr alla ábyrgð yðvarra mála, ok hygg at, svá vitr maðr sem þú ert aföllum taldr, hvat þú gefr í milli tveggja systra, þeirra er sumir menn kalla eigi svá mikinn mun vera, er þú vill berjast til annarrar, en nítir annarri, þó at nálíga bjóðist þèr, er þess ok meiri vâ, at þèr gefið mjök margra kristinna manna líf við yðvarri þrályndi. Ok er hún hafði svá mælt, þá segir svá, at hún reið í brott með sínu föruneyti; þá gekk konúngr á einn haug, er þar var skamt á brott, ok kvað vísu þessa:

Fjögr stóð ek meðan bar brúði  
blakkr ok sag' á sprakka

<sup>1)</sup> ant, L.

oss lét yndis missa  
 augfögur kona af haugi;  
 [keyrði gefn<sup>1</sup> or garði  
 góðlát vala slóðar<sup>2</sup>  
 eyk ek en eitt mein sækir  
 jarl hvern konan snarlig.

Satt er þat, segir konúngr, er Ástriðr sagði, at mikill glæpr er þat, at gefa margra kristinna manna lif í milli tveggja systra, ok þó eigi ráðit hvart vèr næðim þeirri, er oss er meiri hugr á, ok skal nú sækja Ástriði, ok vil ek enn tala við hana. Var þá svá gjört, kom hún enn til konúngs, ok sátu þau jarl öll samt á tali, ok kom þat upp af tali þeirra, at sú ráðagerð var höfð, at Rögnvaldr jarl fastnaði Ólafi konúngi Ástriði, dóttur Ólafs Svíakonúngs, með þeirri allri heiman fylgju, er haft skyldi hafa Íngigerðr, systir hennar; var nú veizlan aukin af nýju, ok var þá drukkit brúðkaup Ólafs konúngs ok Ástriðar drottníngar með vegsemd mikilli. Eptir þat fór Rögnvaldr jarl aptr til Gautlands, ok at skilnaði veitti Ólafr konúngr jarli góðar gjafar, ok skildust hinir kærastu vinir, ok hældu því meðan þeir lifðu báðir.

88. Eptir um vârit komu til Svíþjóðar sendimenn Jarizleifs konúngs austan af Hólmgarði, ok fóru at vitja mála þeirra, er Ólafr konúngr hafði áðr um sumarit heitit, at gipta dóttur sína Íngigerði Jarizleifi konúngi. Hún

<sup>1</sup>) þey var gefit, L. <sup>2</sup>) slóðir, L.

segir svá, þá er Ólafr konúngr leitaði þeirra mála við hana, ok sagði þat vera sinn vilja: ef ek skal giptast Jarizleifi konúngi, segir hún, þá vil ek hafa í tilgjöf mína Aldeigjuborg, ok þat<sup>1</sup> ríki er þar liggr til, vil ek ok þá ráða fyrir því ríki, er þar liggr, slíkt er mér líkar, ok skipa þeim yfir, er ek vil. Sendimenn játtu þessu af hendi Garða konúngs. Þá mælti Íngigerðr til Ólafs konúngs, föður síns: ef ek skal fara austr í Garðaríki, ok gera þat eptir þínum vilja, faðir! þá vil ek kjósa mann þann or Svfaríki, er ek vil, ok mér þíkkir bezt tilfallinn mér at fylgja, vil ek ok þat tilskilja við yðr alla saman, at sá maðr hafi eigi minni nafnbót austr þar enn hér, ok í engann stað minni metorð nè verra rétt, enn hann hefir hér í Svíþjóð. Þessu játti konúngr ok allir þeir, seldi konúngr ok sendimenn trú sína til þessa máls. Þá spurð konúngr Íngigerði, hverr sá maðr væri í hansríki, er hún vill kjósa til fylgðar við sik. Hún svarar: sá maðr er Rögnvaldr jarl Úlfsson, frændi minn. Konúngr svarar: annann veg hefi ek ætlat at launa honum drottinssvikinu þau, er hann fór til Noregs í vetr með dóttur mína, ok seldi hana til frillu þeim hinum digra manni, er hann vissi mestan áðr vörn úvin, ok skal hann heldr fur þá sök upphánga þetta sumar. Íngigerðr bað þá föður sinn efna orð sín ok halda trú sína, er hann

<sup>1</sup>) jarls, A, S.

hafði áðr selt henni; kom þá svá af fortölum hennar ok bæn, at konúgr sagði at Rögnvaldr jarl skyldi fara í griðum á brott or Svíaveldi, ok koma eigi í Svíþjóð meðan Ólafr væri konúgr fyrir Svíaveldi. Íngigerðr sendi þá menn á fund Rögnvalds jarls, ok lét segja honum þessi tíðindi, ok gerði honum stefnulag, hvar þau skyldu hittast. Jarl bjóst þegar til ferðar, ok reið upp í Eystra-Gautland, fèkk sèr þar skip ok hélt liði sínu til móts við Íngigerði konúngsdóttur, fóru þá síðan öll saman austr í Garðaríki, var Rögnvaldrjarl þar lengi síðan, ok þótti ágætr maðr. Synir hans voru þeir Úlfr ok Eilífr jarl.

89. Maðr er nefndr Emundr<sup>1</sup> af Skörum, hann var lögmaðr á Vestra-Gautlandi, hann var vitr maðr ok orðsnjallr, hann var frændmargr ok stór auðigr, hann var kallaðr undirhyggjumaðr ok meðallagi trúr, hann var þá ríkastr maðr í Vestra-Gautlandi, er Rögnvaldr jarl var í brottu. Þat vár, er Rögnvaldr jarl fór í brott af Gautlandi, áttu Gautar jafnan þíng, ok kærðu optliga sín á milli, hvat Svía konúgr mundi tiltaka; þeir spurðu þat til sanns, at hann var þeim reiðr fur þat, er þeir höfðu vingast við Ólaf Noregs konúng, heldrenn haldit deilum við hann, hann bar ok sakir á þá menn, er fylgt höfðu Ástríði dóttur hans í Noreg; mæltu þat margir, at þeir skyldu leita sèr trausts til Nor-

<sup>1</sup>) Eyvindr, C; Eymundr, F, G, K, L, S.



egs konúnga ok bjóða honum sína þjónustu; sumir löttu þess, ok sögðu, at Vestr-Gautar höfðu ekki styrk til þess at halda deilu ok úfrið ímóti Svíum: en Noregs konúngur verður oss fjarri, sögðu þeir, þvíat landsmegin hans er oss fjarri, ok er hinn til furst, at gera mann til Svía konúnga, ok freista, ef sætt kemr á við hann, en ef þat fæst eigi, þá er oss kostur at leita trausts til Noregs konúnga. Báðu menn Emund at fara þessa ferð, en hann kvað já við, ok fór síðan, er hann var búinn, með 30 manna, ok komu fram í Eystra-Gautlandi, ok voru þar fur margir frændr hans ok vinir, fækk hann þar góðar viðtökur; hann átti þar tal við alla hina vitrastu menn um þetta mál ok vandkvæði þat, er á þeim lá, ok kom allt ásamt með þeim, ok þótti mönnum mikit um siðleysu þá, er konúngur gjörði, ok þóttust trautt bera mega. Fór Emundr uppí Svíþjóð, ok átti þar tal við marga ríkismenn, ok kom þat allt í einn stað niðr, at allir urðu samþykkir við hann. Hann heldr fram ferð sinni til þess, er hann kom aptan dags til Uppsala, þar sem var konúnga atseta, tók sér þar gott herbergi, ok dvöldust þar um nóttina; eptir um daginn gekk Emundr á konúngsfund, þá er hann sat á stefnu ok fjölment um hann; Emundr gekk fur konúng, ok kvaddi ok hneigði honum ok kvaddi hann tíguliga. Konúngur sá í móti honum, ok heilsaði honum, ok spurr hann at tíðindum. Emundr svarar: smá ein erutíðindi

með oss Gautunum, en þat þíkkir oss ný tíðindi, er Atti<sup>1</sup> hinn dælski á Vermalandi fór í vetr uppá mörk með skíð sín ok boga, hann köllum vèr þáingat mestan veiðimann, ok nú fèkk hann á fjallinu svá mikla grávöru, at hann hafði fyllt skíðsleða sinn, svá sem mest gat hann flutt eptir sèr; þá snýr hann heim af mörkinni, þá sá hann einn dag einn íkorna<sup>2</sup>, þá varð Atti svá reiðr, at hann lét lausan sleðann, en rendi eptir íkornanum, en íkorninn kom sèr jafnan þar, sem þykkastr var skógrinn ok verst var eptir honum at sækja, stundum í viðarrætr; en stundum í limar upp, þá sigldi hann stundum í milli limanna ok annat trè or öðru, en er Atti skaut at honum, þá flaug æ fur neðan eðr ofan, en aldrí fór íkorninn svá langt undan, at eigi sæi Atti hann einart: honum varð svá mikit kapp á þessari veiði, at hann skreið þar eptir allan daginn, en eigi at heldr gat hann veidt þenna íkorna; en er myrkva tók af nótt, þá kastaði hann sèr niðr á ísinn, þar sem hann var vanr á nætrnar, veðr var<sup>3</sup> ádrífanda ok kalt, en um morgunin, er ljóst var, fór Atti at leita sleða síns, ok fann aldrí, síðan fór hann heim við svá búit. Slík eru mín tíðindi, herra! Konúngr svarar: lítil tíðindi, ef ekki eru meiri eðr merkiligri frá at segja. Emundr svarar: var-enn fur skömmu þat, er tíðindi má kalla, at

<sup>1</sup>) Atti, C, F, alotaðar. <sup>2</sup>) í viðinum ok skaut at honum ok misti, b. v. hin. <sup>3</sup>) Ilr sleppr I um sinn.

Gauti Tófvason fór með 5 herskipum út<sup>1</sup> eptir Gautelfi, en er hann lá í Ekreyjum<sup>2</sup>, þá komu þar Danir 5 kaupskipum stórum; þeir Gauti lögðu þegar at þeim, ok vunnu skjótt 4 kaupskipin, svá at þeir létu öngan mann, en fengu of fjár, en hit 5ta skip komst á haf út, ok komu segli við ok drógu undan; Gauti fór eptir þeim einskipa, ok dró furst bezt eptir, þá tók veðrit at vaxa, ok gekk þá meira kaupskipit, sóttist þá mjök hafit, vildi Gauti þá aptr snúa, þá gerði á storm sem mestan, braut hann þá skip við Hlèsey, týndist þar fè allt, þat er á skipinu var, ok mestr luti manna, en aðrir hans förunautar skyldu bíða hans í Ekreyjum; þá komu at þeim Danir með 15 kaupskipum, ok drápu þar hvert mannsbarn, en tóku fè allt til sín, þat er hinir höfðu áðr fengit; nú gafst þeim svá ágirnin. Konúngr svarar: þetta eru mikil tíðindi ok frásögulig. Hvert er þitt erendi hígat? Eymundr svarar: ek fer, herra! at leita úrskurðar við yðr um vandræði vart Gautanna, en þat er með því móti, at lög vár skilr á ok Uppsala lög. Hvat er þat, segir konúngr, er þú vill kæra? Emundr svarar: þar voru 2 menn eðli bornir, þeir voru jafnbornir at ætt, en újafnir at eignum<sup>3</sup> ok skaplyndi, þeir deildu um jarðir, ok gerði hverr öðrum skaða lánga hríð, ok gerði sá meiri skaða, er ríkarí var áðr, en þeirra deila var um síðir niðrsett ok dæmt um mál

<sup>1</sup>) upp, S. <sup>2</sup>) Eikreyjum, B, C, G, K, S. <sup>3</sup>) þannig hin; ætt, A.

Þeirra á allsherjar þingi, ok laut sá at gjalda, er ríkari var, þvíat sá þótti meira hafa afgjört, en honum líkaði þat þó lítt. En at fursta sali, þá galt hann' gagl fur gús, en grís fur gamalt svín, en fur mörk gulls brends greiddi hann hálfa merk gulls, en aðra hálfa merk af leiri ok moldu, en á þat ofan hèt hann honum afarkostum þeim, er heimti fèit, ok tók hinn þó af honum þetta í sína skuld, ok þikkir oss slíkt ekki mjök rættligt, eða hvat dæmið þèr um þetta mál, herra! þvíat yðvarn dóm skulu vèr halda um alla luti hèr í Svíaveldi? Konúngr svarar: gjaldi hann fullum gjöldum, slíkt er dæmt var í furstunni, en konúngi sínum 3 slík, en ef eigi er þetta fè goldit fur jafnlengð, þá skal hann fara útlægr af allri eign sinni, falli þá fè hans hálft í konúngsgarð, en hálft til þess, er sökina átti. Emundr skírskotar þeim konúngsdómi til þeirra laga, er gengu á Uppsalaþingi. Eptir þat heilsaði Emundr á konúng, ok þakkaði honum sinn orskurð. Eymundr gekk þá út eptir þat, en þá hófu aðrir menn sínar kærur, ok sat hann þar lengi dags yfir málum manna. En er hann kom til borðs um daginn, þá spurð hann, hvar Emundr lögmaðr væri; honum var sagt, at hann var heima í herbergi. Þá mælti konúngr: hann skal vera í boði mínu í dag; þvínæst komu inn sendingar, ok þar eptir

<sup>1)</sup> hær sleppr G um sinn.

fóru inn leikarar með hörpur ok gígjur ok önnur saungtöl, var þá konúgr hinn kátasti, ok hafði marga ríka menn í boði sínu um daginn, ok gáði þá ekki Emundar, drakk hann þann dag allan, ok svaf af nöttina; en at morni, er konúgr vaknaði, þá hugsaði hann, hvat Emundr hafði talat um daginn, en er hann var klæddr lét hann kalla til sín spekinga sína; Ólafr konúgr hafði jafnan 12 hina mestu spekinga, þeir sátu yfir dómum með honum, ok ræðu vanda-  
málum, þat var þó eigi vandalaust, þvíat konúgi líkaði illa, ef dómum var hallat frá réttu, en eigi hlýddi at mæla í móti honum. A þeirri málstefnu tók konúgr svá til orðs, bað þángat kalla Emund lögmann; en er sendimenn komu aptr, mæltu þeir svá: herra! sögðu þeir, Emundr lögmaðr reið í brott í gær dags, þegar hann hafði snædt. Þá mælti konúgr: segið þér, góðir höfðingjar! hvat vissi lagafrètt sú, er Emundr spurði í gær. Þeir svöruðu: þér munuð þat hugsat hafa, ef þat kom nökkut til annars enn þess, sem hann mælti. Konúgr mælti: þeir 2 menn eðli bornir, er hann sagði frá at úsáttir hefði verit, ok þó annar ríkari enn annar, ok gerði hvárr öðrum skaða, þat sagði hann frá okkr Ólafi digra. Svá er rétt, herra! sem þér segið, segja þeir. Konúgr mælti: en hvar kom þat til at hann sagði, at goldit væri gagl fur gás, en grís fur gamalt svín,

<sup>1)</sup> Dómr var á voru máli á Uppsala þingi b. v. hin.

eðr leir ok mold fur hverja merk gulls? Arnviðr<sup>1</sup> blindi svarar: herra! hvat er úlíkara enn raudt gull ok mold, en meira skilr þó konúng ok þræl eðr þý, þèr hētuð Ólafí digra dóttur yðvarri Íngigerði, er konúngborin er í allar hálfur af Uppsvía ætt<sup>2</sup>, er tignust er á Norðrlöndum, þvíat sú ætt er komin af goðunum sjálfum, en nú hefir Ólafí fengit Ástríðar, en þóat hún sè konúngborin, þá er þó ambátt móðir hennar ok þó vindversk; mikill munr er þeirra konúnga, er annar tekr slíkt<sup>3</sup> með þökkum, en annar lætr sem slíkt skuli eigi svá gjört hafa, ok er þess at vâ, at eigi megi nè einn maðr<sup>4</sup> jafnast við Uppsala konúng; gjöldum þar allir þökk fyrir at þetta haldist, þvíat goðin hafa lengi haft rækt mikla á ástmönnum sínum, þóat nú úrækist margir þann átrúnað. Þeir voru bræðr 3, Arnviðr blindi, hann var sýndr svá lítt, at varla var hann herfærr<sup>5</sup>, hann var manna snjallastr; annar hét Þorviðr stami, hann fèkk eigi mælt tveim orðum lengra samfast, svá var hann stamr, hann var þar maðr djarfastr ok einarðastr; þriðl hét Freyviðr dauí, hann heyrði ekki nema æpt væri at honum; þeir bræðr voru allir auðigir menn, ríkir ákalliga ok kynstórir, forvitrir voru þeir allir ok kærir konúngi. Þá mælti konúngr: hvat vitið þèr til, hví Eymundr sagði frá Atta dælska? Þá svarar engi, ok leit hverr þeirra

<sup>1</sup>) Arnfiðr, C.    <sup>2</sup>) hér byrjar J apr.    <sup>3</sup>) hér byrjar E apr.  
<sup>4</sup>) Norðmaðr, hin.    <sup>5</sup>) hestfær, C, E.

bræðra til annars. Konúngr mælti: segið nú. Þá mælti Þorviðr stami: atti, atti, atzsamr<sup>1</sup>, ágjarn, illgjarn, dælskr, fólskr. Hverr á þessa sneið, segir konúngr? Þá svarar Freyviðr dauði: herra! mun nú berara, ef þat skal í orlofi yðru vera. Konúngr svarar: tala nú í orlofi, Freyviðr! slíkt er þú vill talat hafa. Freyviðr tók þá til máls: Þorviðr, bróðir minn, er vor er vitr-  
astr, þann kallar hann allan einn atta ok at-  
saman<sup>2</sup>, dælskan ok fólscan, þann kallar hann  
svá, er leiðr er friðrinn, svá at hann keppist  
til smárra luta, ok fær þó eigi, en hann lætr  
þar fur farsælliga luti stóra, sem Atti gerði;  
nú er ek svá daufr, at ek heyri varla hvat mælt  
er hjá mër, en svá hafa nú þó margir mælt,  
at ek hefir vel mátt skilja, at mönnum líkar  
illa, bæði ríkum ok allri alþýðu þat, er þær  
haldið eigi orð yður við Noregs konúng, ok  
hitt annat, er þær rufuð allsherjar dóm, þann  
er dæmdr var með yðr Ólafi digra á Uppsala-  
þingi, en ek ætla yðr satt at segja, at eigi  
þurfið þær at hræðast Noregs konúng eðr Dana  
konúng ok engan annann, ef Svía herr vill fylgja  
yðr, en ef landsfólk snýst á hendr yðr með einu  
samþykki, þá sjám vèr vinir yðrir engi ráð  
þau, er víst sè at duga muni. Konúngr svarar:  
hverir gjörast höfuðsmenn at því, at ráða land  
undan mër. Freyviðr mælti: allir vilja hèr lög  
ok fullan rètt sinn, en mönnum þikkir þat fara

<sup>1</sup>) azamar, C. <sup>2</sup>) azam, C, J, K, S; ozon, E.

heldr fjarri fur ofríki yðru ok kappi; en þar er Emundr fór með laga frètt, þá kom þar til yðvar Ólafs digra, Noregs konúngs, ok ykkara skipti, hefir þú þar dæmt sjálfr um mál ykkart, ok þann sama dóm ætla höfðingjar nú at þèr skuluð hafa ok þola verða; lítið nú á, herra! hversu margir höfðingjar yðrir sitja hèr nú yfir ráðagerðum með yðr; ek ætla hitt, satt at segja, at vèr sèim eigi fleiri enn 6, er þèr kallið ráðgjafa yðra, en allir aðrir hygg ek at í brott sè farnir ok riðnir í hèröð með einu samþykki, ok eiga þíng við landsfólkit, ok yðr satt at segja, þá er hèr ör uppskorin ok send um allt landit ok stefnd yðr refsíng<sup>1)</sup> fur stærð ok siðleysu, þá er þú þikkir tiltaka, ok vilja menn þateigi lengr þola yðr; allir vèr bræðr höfum verit beðnir til at eiga lut í ráðagerð þessari, en engi várr vildi eiga þat nafn, at heita drottinssviki, þvíat eigi var svá várr faðir. Konúngr tók þá til máls: hvert orráð skulu vèr nú hafa, þvíat vandi mikill er til handa borinn, gefið nú ráð til, góðir höfðingjar! þat er ek láí haldit landi mínu ok sæmd ok konúngdómi ok föðurarfi mínum, en ekki má ek deila kappi við allan Svía her. Arnviðr blindi svarar: þat sýnist mèr helzt ráð, at þèr ríðið ofan í Áróss með þat lið, sem yðr vill fylgja, takið þar skip yður ok farið furst út í Löginn ok gætið yðvar þar, stefnið þá til yðvar fólkinu, slíku sem fara vill, farið nú ekki með stórleik, bjóðið

<sup>1)</sup> refsíping, C, F, J.



mönnum lög ok landsrètt, drepð svá niðr her-  
örinni, þvíat hún mun enn ekki svá langt kom-  
in, er stund hefir verit sköm, en sendið menn  
yðra í annann stað, þá sem þér trúðið bezt til fund-  
ar við þá, er þetta ráð hafa meðal handa, ok freista,  
ef þessi herr<sup>1</sup> mætti með nökkru móti niðrsetjast.  
Konúngr sagði, at hann vill þetta ráð gjarna  
þiggja: vil ek, segir hann, at þér bræðr farið  
ferð þessa, þvíat ek trúi yðr bezt af mínum  
mönnum öllum. Þá mælti Þorviðr stami: ek ek  
mun eptir vera, en en Jacob fari, þess þess þarf.  
Þá mælti Freyviðr dauði: gjörum svá, herra! seg-  
ir hann, sem Þorviðr mælti, hann vill eigi  
við yðr skiljast í þessum háska, en hann vill at  
við Arnviðr farim, ok farim með Jacob hinn unga,  
son þinn. Þessi ráðagerð var höfð, at Ólafr kon-  
úngr fór til skipa sinna ok hèlt út í Lögin, en  
ok samnaðist brátt fjölmenni til hans, þvíat  
hann var blfðr ok hægr, ok bauð hverjum manni  
lög ok réttindi. En Freyviðr ok Arnviðr riðu  
furst útá Ullarakr, ok höfðu með sér Jacob kon-  
úngsson, ok drógu þó heldr dul á hans ferð;  
þeir vörðu brátt varir við, at þar var fur samnaðr  
ok herlaup, ok bændr áttu þing bæði dag ok  
nótt. En er þeir Freyviðr hittu þar fyrir frændr  
sína ok vini, segja þeir at þeir vilja ráðast í  
flokkinn, en því taka allir feginsamliga, var  
þá þegar ráðum til þeirra skotit, ok dróst þá þeg-  
ar til þeirra mikit fjölmenni, ok mæla þó enn

<sup>1</sup>) kurr, C, E.

allir eitt, ok segja svá, at þeir skulu aldri lengr Ólaf at konúngi hafa yfir sèr: ok viljum vèr eigi lengr þola honum ólög ok ofdramb, þvíat hann vill engis manns máli hlýða, þóat stórhöfðíngjar segi honum sannindi. En er Freyviðr fann ákafa lýðsins, þá sá hann, í hvert óefni komit var, hann átti þá stefnu við landshöfðíngja, ok talaði fur þeim ok segir svá: svá lízt mèr, ef þetta stórvirki skal framfara, at taka Ólaf konúng fra ríkinu, sem vèr Uppsvíar munu fur því skulu vera um þetta mál, hefir hèr svá jafnan verit, at þat sem Uppsvía höfðíngjar hafa staðfest sín í millum, þá hafa hlýtt þeim ráðum aðrir landsmenn; eigi þurftu vðrir frændr at þiggja ráð at Vestr-Gautum um Svía landstjórn, nú verðum vèr ok eigi þeir ættlerar, at Emundr af Skörum þurfi oss ráð at kenna, vil ek at vèr bindum saman ráð vðrt, frændr ok vinir, þvíat hèr mun vera hverr öðrum trúr ok tryggr. Þessu játuðu þeir allir, ok þótti þetta vel mælt. Eptir þat snýst allr fjöldi liðsins til þess sambands, er Uppsvía höfðíngjar tóku með sèr, voru þeir bræðr þá höfðíngjar fyrir liðinu, Freyviðr ok Arnviðr, en er Emundr fann þat, þá grunaði hann, hvert þetta mundi verða framgengt, fór hann þá til fundar við þá bræðr, ok áttu þeir tal saman, spurr þá Freyviðr Emund: hverja ætlan hafið þèr um þat, ef Ólafr Eiríksson er tekinn af lífi, sem nú er ætlat, hvern konúng villð þèr þá hafa yfir yðr? Emundr svarar: þann er þá sýnist bezt

tilfallinn, hvárt sem hann er af konúnga ætt eðr eigi. Freyviðr svarar: eigi viljum vèr Uppsvíar þat samþykkja, at konúngdómrinn gáangi or ætt lángeðga enna fornu konúnga á vorum dögum, meðan svà góð faung eru á, sem nú er. Ólafr konúngrá tvà sonu, ok viljum vèr annann þeirra til konúngs kjósa, þvíat sjaldan gefst þat vel, ef þeir menn eru til valdsmanna teknir, er ekki eru til þess ættbornir, ok kunna öngir menn sik ógjörr enn þeir jafnan. At þessum orðum ok orskurð varð mikill rómr, ok völdu allir Jacob til konúngs. Þá mælti Emundr af Skörum: Þèr Uppsvíar hafið nú vald til at ráða þessu at sinni, en hitt mun ek segja, sem eptir mun gánga, at þeir sumir, er nú vilja ekki annat heyra enn konúngdómr hèr í Svíþjóð gáangi eigi or lángeðgatölu eðr ætt, þá munu þeir hinir sömu lifa ok játa þá, er konúngdómrinn mun í aðrar ættir koma, ok mun þat betr gegna. Eptir þat létu þeir bræðr Freyviðr ok Arnviðr leiddan verða fram á þíngit Jacob konúngsson, ok létu honum þar gefa konúngsnafn, ok þarmeð gáfu Svíar honum Önundarnafn, ok var hann svà kallaðr, meðan hann lifði, þá var hann 11<sup>a</sup> vetra eðr 12. Eptir þat fèkk Önundr konúngr sèr hirð, ok valdi með sèr höfðíngja, ok höfðu þeir allir saman lið svà mikit, sem honum þótti þurfa, en hann gaf þá heimfarar leyfi bóndamúgnum. Eptir þat fóru menn í milli þeirra

<sup>1)</sup> 10, *hin.*

4 BINDI.

konúnganna, ok þvínæst kom svá, at þeir hittust báðir ok gerðu sætt sína, skyldi Ólafr vera konúngr yfir landi, meðan hann lifði, hann skyldi ok halda frið ok sætt við Noregs konúng ok svá við alla þá menn, er í þessari ráðagerð höfðu verit, hann skyldi vera mjúkr ok linr ok hægr við alla sína menn; Önundr skyldi ok konúngr vera, ok hafa slíkt áf landinu til forráða, sem þá semdist með þeim feðgum, en vera skyldr at fylgja þeim bóndum, ef Ólafr konúngr gerði þá nokkura luti, er bændr vildu eigi þola honum. Eptir þát voru menn sendir til Noregs á fund Ólafs konúngs með þeim erendum, at Svía konúngr vill at þeir tryggji þar sættir sínar, ok hann færi í stefnuleiðánger til Konúngahellu til móts við hann. En er Ólafr konúngr digri heyrði þessa orðsending, þá var hann enn sem fyrr gjarn til sátta ok friðarins, ok ferr hann með liði sínu sem ákveðit var, kom þar ok Ólafr Svía konúngr, en er þeir mágar fundust, þá binda þeir sætt ok frið með sér, var þá Ólafr Svía konúngr góðr viðmælis ok mjúklyndr. Svá segir [Þorsteinn fróði<sup>1</sup>, at byggð<sup>2</sup> sú lá í Hísing, er fylgt hafði ýmist til Noregs eðr Gautlands. Þá mæltu konúngarnir sín í milli, ok urðu sáttrir, at þeir skyldu luta um eign þá, hvárr þeirra eiga skyldi, ok kasta til teningum, skyldi sá hafa, er stærra kastaði. Þá kastaði Svía konúngr furr, hann kastaði 6 tvö, ok mælti at Ólafr kon-

<sup>1</sup>) Fróði, C; menn, E; Ari prestur, F. <sup>2</sup>) ey, E.

úngr þyrfti eigi at kasta; hann svarar ok hristi teningana í hendi sèr: enn eru tvö sex á teningum, ok er guði, drottni mínum, lítit fur enn at láta þat upphorfa; þá kastaði hann ok kom upp sex tvö; síðan kastaði Svía konúngr sex tvö, ok kvað þá þó fur allt eitt koma mundu. Ólafr Noregs konúngr kastaði eigi at síðr, var þá enn sex á öðrum, en annar hraut í sundr í tvö, ok voru þar á 7 augun, ok hafði Ólafr konúngr nú kastat 13, ok eignaðist hann svá bygðina. Ekki höfum vèr heyrt getit fleiri tíðinda á þessum fundi. Skildust konúngarnir nú sáttir.

90. Eptir þessi tíðindi, sem nú hefir verit frásagt um hríð, snèri Ólafr konúngr Haraldsson liði sínu aptr í Víkina, fór þó furst til Túnbergs, hann dvaldist þar litla hríð, ok fór þá norðr í land, ok um haustit norðr allt í Þrándheim, ok lét þar búa til vetrvistar, ok settist þar um vetrinn; þá var hann einvaldskonúngr yfir landi öllu; en Haraldr konúngr enn hárfagri hafði marga fylkiskonunga undir sèr; hann hafði nú með friði fengit þann luta lands, er Svía konúngr hafði haft, en þann luta lands, er Danakonúngr hafði haft, tók hann með valdi, ok ræð fyrir þeim luta rætt sem annarstaðar í landi. Knútr Dana konúngr ræð fur Englandi í þenna tíma ok svá Danmörk, ok sat hann sjálfr lengstum í Englandi, en setti höfðingja til landsstjórnar í Danmerk, ok veitti hann ekki tilkall í Noreg í þenna tíma.

91. Svá er sagt, at á dögum Haralds konungs hins hárfagra bygðust Orkneyjar, en áðr voru þar víkínga bæli. Sigurðr hét hinn fursti jarl í Orkneyjum, hann var son Eysteins glumru ok bróðir Rögnvalds Mæra jarls. En eptir Sigurð var jarl í Orkneyjum Guthormr son hans einn veir. Eptir hann tók jarldóm í Orkneyjum Torf-Einarr, son Rögnvalds jarls af Mæri, ok var hann lengi jarl yfir Orkneyjum, ok var ríkr maðr. Hálfðán hálegg, son Haralds hins hárfagra, fór á hendr Torf-Einari ok rak hann á brott or Orkneyjum; Einarr kom aptr litlu síðar, ok drap þá Einarr Hálfðán hálegg í Rínanssey<sup>1</sup>. Eptir þat fór Haraldr herför í Orkneyjar, en Einarr flýði þá upp á Skotland. Haraldr konúgr lét Orkneyínga sverja sér öll óðöl í Orkneyjum fur aftöku Hálfðánar. Eptir þat sættust þeir konúgr ok Einarr jarl, gjörðist þá jarlhans maðr, ok tók þá löndin í lén af konúngi, ok skyldi þó enga gjalda skatta af, þvíat þar var herskátt mjök. Jarl galt konúngi 60 marka gulls, þá herjaði hann<sup>2</sup> á Skotland, svásem getit er í Glymdrápu<sup>3</sup>. Eptir Torf-Einar ræðu landi synir hans, Arnkell ok Erlendr ok Þorfinnr hausa-kljúfr; á þeirra dögum kom í<sup>4</sup> Noreg Eiríkr blóðöx, ok voru þá jarlar honum lyðskildir; Arnkell og Erlendr fëllu í hernaði, en Þorfinnr ræð þá löndum, ok varð gamall; synir hans voru

<sup>1</sup>) Rínalsey, *J.*   <sup>2</sup>) Haraldr, *hin.*   <sup>3</sup>) Glúmsdrápu, *B, C, E.*

<sup>4</sup>) af *B, C, S.*

Þeir Arnfinnr<sup>1</sup>, Hávarðr, Ljótr ok Skúli; móðir þeirra var<sup>2</sup> Gróa, dóttir Þorsteinsrauðs. Ofarliga á dögum Þorfinns jarls komu af Noregi synir Eiríks blóðaxar, þá er þeir flýðu fur Hákoní Adalsteinsfóstra, var þá í Orkneyjum mikill yfirgánger þeirra. Þorfinnr jarl varð bráðdauðr<sup>3</sup>; Eptir þat ræðu löndum synir hans, ok eru frá þeim miklar sögur<sup>4</sup>; Hlöðver lifði þeirra lengst, ok ræð þá einn landi. Son hans var Sigurðr digri, er jarldóm tók eptir hann, hann var hermaðr mikill; á hans dögum fór Ólafr konúnger Tryggvason or vestrvíking með herliði sínu, hann lagði til Orkneyja, ok tók höndum Sigurð jarl í Rögnvaldsvági, hann lá þar fyrir einskipa. Ólafr konúnger bauð jarli þá fjörlausn, at hann skyldi taka skírni ok rétta trú, ok gerast hansmaðr, ok bjóða trú um eyjarnar, ok því játaði jarl. Ólafr konúnger tók í gislíng son jarls, er hét Hvelpr eðr Hundr; þaðan fór Ólafr konúnger til Noregs, ok var þar konúnger, sem menn vitu; Hundr var með Ólafi konúngi nökkura vetr, ok andaðist þar, en síðan veitti jarl honum enga lyðskyldu, ok fékk dóttur Melkólfs<sup>5</sup> Skota konúngs, ok var þeirra son Þorfinnr, en synir Sigurðar jarls hinir ellri voru þeir Sumarliði ok Brúsi ok Einarr rángnuðr<sup>6</sup>. Fimm vetrum eðr

<sup>1</sup>) Hlöðver *b. v. hin.* <sup>2</sup>) Grelöð (Grelaug C, K) dóttir Dúngaðar jarls af Katanesi, móðir hennar var, *b. v. hin.* <sup>3</sup>) sóttidauðr, *hin.* <sup>4</sup>) *hér sleppr E um sinn.* <sup>5</sup>) Melkólms, K, S. <sup>6</sup>) ok Rögnvaldr J.

fjórum eptir fall Ólafs Tryggvasonar fór Sigurðr jarl til Írlands, en hann setti sonu sína hina ellri lands at gæta, en Þorfinn sendi hann til Skota konúnga, móðurföður síns, ok í þeirri ferð fëll Sigurðr jarl í Brjáns orrostu; en er þat spurðist til Orkneyja, þá voru synir hans til jarla teknir, Sumarliði, Brúsi ok Einarr, ok skiptu landi í þriðjunga með sèr. Þorfinnr Sigurðarson var þá 5 vetra, er Sigurðr jarl fëll; en er þat spurðist til Skota konúnga, þá gaf hann Þorfinni, frænda sínum, Katanes ok Suðrland, ok jarlsnafn með, ok fëkk mann til at gæta ríkis með honum. Þorfinnr jarl varð þegar bráðgjörr í uppvexti ok öllum þroska, hann var mikill ok styrkr, ljótr sýnum, ok þegar honum vóx aldr, var þat auðsýnt, at hann var ágjarn maðr, harðr ok grimmr ok forvitri. Þess getr Arnór jarla skáld:

Gjörr lèt grund at verja

geðfrækn ok til sækja

æri' Einars<sup>2</sup> hlýri<sup>3</sup>

aungr mann und ský ranni<sup>4</sup>.

Þeir bræðr Einarr ok Brúsi voru úlfkir í skaplyndi; Brúsi var hóglyndr ok samsmaðr mikill, vitr ok vinsæll ok málsnjallr; Einarr var maðr stríðlyndr, fálátr ok óþýðr, ágjarn ok fægjarn ok hermaðr mikill. Sumarliði var líkr Brúsa at skaplyndi, ok var elztr, ok lifði þeirra skemst bræðra, hann varð sótt dauðr. Eptir andlát hans

<sup>1</sup>) orr K. <sup>2</sup>) annars J. <sup>3</sup>) hlýra B, K, L. <sup>4</sup>) vís. v. í. C.



taldi Þorfinnr jarl til síns luta í Orkneyjum. Einarr svarar því, at Þorfinnr hefði Katanes ok Suðrland, ok þau ríki er þar fylgja, ok átt hafði Sigurðr faðir þeirra; ok taldi hann þat miklu meira enn þriðjúng í Orkneyjum, ok vildi því eigi unna Þorfinni skiptis; en Brúsi lét uppi skipti fyrir sína hönd: ok vil ek ekki, segir hann, ágirnast meira af landi, enn þann þriðjúng, er ek á at frjálsum. Þá tók Einarr undir sik 2 luti eyja, gerðist hann þá ríkr maðr en meðallagi vinsæll, hann skorti þá eigi fjölmenni, hann var í víkingu hvert sumar ok herjaði, ok hafði útboð mikil í landinu, en allmisjafnt varð til fjár í víkingunni; þá tók bóndum at leiðast þat starf ok sá kostnaðr, er þeir höfðu af þessu, en jarl hélt fram hinusama með frekju allt at einu, ok létengum manni lýða í móti at mæla, en jarl var hinn mesti ofstopamaðr; þá gerðist hallæri mikit í hans ríki af starfa þeim, er hann hafði á mönnum ok fækostnaði þeim, er þar fylgði, ok undu bændr illa við; en í þeim luta lands, er Brúsi var ok hafði, þá var ár mikit ok hóglífi bóndum; varð hann af slíku vinsæll.

92. Ámundi hèt maðr ríkr ok auðigr, hann bjó í Hrosseyju í Sandvík á Laupandanesi; Þorkell hèt son hans, var hann allra manna gerviligastr í Orkneyjum. Ámundi var hin vitrasti maðr, faðir hans var ok manna mest virðr í Orkneyjum. Þat var eitt vár at Einarr jarl hafði útboð mikil enn, sem hann var vanr, en

bændr kurruðu þá enn illa, ok báru þetta mál fur Ámunda, ok báðu hann mæla sèr nökkura forstoð við jarl. Hann svarar: jarl þessi, er vèr eigum, er óhlýðinn hvat sem talat er fur honum, ok vill þat eina hafa, er honum kemr í hug; mun ekki stoða at biðja hann nè einnar bænar hèr um þetta mál, en vinátta vor jarls er góð at svà búnu, en mèr þikkir við váða búit, ef vèr verðum missáttir við hann, við skaplyndi þat, sem hvárir hafa; mun ek mèr hèr engu afskipta. Þá ræddu þeir þetta mál við Þorkel son hans, hann var trauðr til, ok hèt þó um síðir við áeggjan manna. En er jarl átti þíng, þá mælti Þorkell af hendi bónda, ok bað jarl vægja mönnum um álögur, ok taldi upp nauðsyn bónda; en jarl svarar vel ok segir at hann skyldi mikils virða orð Þorkels: ek hafði ætlatat hafa 6 skip or landi, en nú skal eigi meirr hafa enn 3; en þú, Þorkell! bið eigi optarr þessar bæn- ar! Bændr þakkaðu vel Þorkatli liðveizlu sína; fór jarl í víking ok kom aptr um haustit. Eptir um várit hafði jarl útboð, sem hann var vanr, ok átti þíng við bændr; þá talaði Þorkell af hendi bónda, ok bað hann vægja bóndum. Jarl svarar þá reiðuliga ok segir, at luir bónda skal versna mikit við hans ræðu; gjörði hann sik þá svà óðan ok reiðan at hann segir at þeir skyldu eigi annat sumar báðir heilir á þínginu, ok sleit svà því þíngi. En er Ámundi varð þessa viss, hvat þeir Þorkell ok jarl höfðu við áttzt, þá bað

Ámundi Þorkel fara brott or eyjunum; fór hann þá yfir á Nes til Þorfinns jarls, en sumir flýðu til Noregs, en sumir til ýmissa landi, þeir sem voru vinir hans. Þorkell var lengi með jarlinum, ok elskaðist at honum, ok því var hann kallaðr Þorkell fóstri, ok var hann ágætr maðr. Margir menn flýðu óðöl sín or Orkneyjum, ríkir ok ágætir; en er Þorfinnr jarl rosknaðist, þá sendi hann sættarboð til Einars jarls, bróðursíns, ok beiddist af honum ríkis þess, er hann þóttist eiga í Orkneyjum, en þat var þriðjúngur í eyjunum. Einarr tók því óbratt, at mínka ríki sitt; en er Þorfinnr jarl spurð þat, þá býðr hann liði út af Katanesi, ok fór síðan út í eyjarnar; en er Einarr jarl varð þessa varr, samnar hann liði ok ætlar at verja eyjarnar. Brúsi samnar ok liði, ok fóru til móts við þá bræðr sína, ok bar sáttmál í milli þeirra, varð þat at sætt, at Þorfinnr jarl skal hafa þriðjúng landa í Orkneyjum, svá sem hann átti at réttu; en Brúsi ok Einarr lögðu saman sinn luta landa, skyldi Einarr einn hafa forræði fur þeim í landvörn; en ef misdauði þeirra vyrði, þá skyldi sá þeirra land taka eptir annann, er lengr lifði; en sá máldagi þótti ekki mjök vera jafnliggr, þvíat Brúsi átti son þann, er Rögnvaldr hét, en Einarr jarl var sonlauss. Setti Þorfinnr jarl þá sína menn at varðveita ríki þat, er hann átti í Orkneyjum, en hann var optast á Katanesi. Einarr jarl var enn optast í hernaði til Írlands eðr

Skotlands eðr Bretlands. Þat var eitt sumar er Einarr jarl herjaði á Írlandi, at hann þarðist í Úlfkelsfirði við Konofögr Íra konúng, svá sem furr var ritat, at Einarr jarl fèkk þar úsigr mikinn ok mannlát. Annat sumar eptir fór Eyvinðr úrarhorn vestan af Írlandi, ok ætlaði til Noregs, en er stormr var veðrs, en straumar úfærir, þá snýr hann til Ásmundar vágs, ok lá þar veðrfastr nökkura hríð; ok er þat spurr Einarr jarl, þá hèlt hann þángat miklu liði, tók hann þar Eyvinð úrarhorn ok lét drepa, en lét gefa grið öllum mönnum hans, ok fóru þeir austr til Noregs á fund Ólafs konúngs, ok sögðu honum aftöku Eyvindar. Konúngr svarar hær íá um, en þó faunst þat á, at honum þótti þetta mikill mannskaði ok mótgerð við sik, en um flest var hann fáræðinn, þat er honum þótti sèr mjök í móti skapi. Þorfinnr jarl sendi Þorkel fóstura út í Orkneyjar at heimta þaðan skatta sína. Einarr jarl kendi mjök Þorkeli uppreist þá, er Þorfinnr jarl hafði haft tilkall í Orkneyjar; fór Þorkell þá skyndiliga or eyjunum ok yfir á Nes, hann sagði Þorfinni at hann var þess viss vorðinn, at Einarr jarl vildi dauða hans, ef eigi hefði frændr hans ok vinir honum njósn borit: þar mun ek þann á baugi<sup>1)</sup> eiga, segir hann, at láta þann verða fund okkarn, at um skipti með oss, en þann annann, at fara lengra í braut, ok þannig sem ekki er hans vald yfir; jarl fýsti

<sup>1)</sup> áhuga, H, J.

Þess, at Þorkell skyldi fara á fund Ólafs konúgs: munt þú, segir hann, mikils metinn með tignum mönnum, hvar sem þú kemr, en ek veit skaplyndi ykkart jarls beggja, at skamma stund mundizt þið til. Bjóst þá Þorkell fósttri til Noregs um haustit á fund Ólafs konúgs, ok var þar um vetrinn í kærleikum miklum með Ólafi konúgi; konúgr hafði Þorkel mjök við mál sín, þótti konúgi, sem var, at Þorkell var vitr maðr ok skörúgr mikill; fannst konúgi þat brátt í ræðum Þorkels fósttra, at hann misjafnaði mjök með þeim jörlunum í frásögnum sínum, ok var mikill vin Þorfinns jarls, en lagði þúngt til Einaris jarls. Ok snemmendis um vârit sendir Ólafr konúgr skip ok menn vestr til Þorfinns jarls um haf með þeirri orðsendíng, at hann skuli koma á hans fund. Þorfinnr jarl lagðist þá ferð eigi undir höfuð, þvâat vináttumál fylgðu orðsendíngunni.

93. Þorfinnr jarl fór nú austr á konúgs fund til Noregs, ok fêkk þar allgóðar viðtökur, ok dvaldist þar lengi um sumarit; en er hann bjóst vestr, þá gaf Ólafr konúgr honum lán skip gott ok mikit með öllum reiða. Þorkell fósttri rêðst þá til vestrfarar með jarli, ok gaf hann honum þat skip, sem hann hafði vestan um sumarit, skildust þeir konúgr ok jarl með hinum mestum kærleikum. Þorfinnr jarl kom um haustit til Orkneyja; enn er Einarr jarl spurð þat, þá hefir hann fjölment, ok lá á skip-

<sup>6)</sup> Þannig hín; austan, A.

um. Brúsi jarl fór þá enn til móts við þá báða bræðr sína, ok bað þá sættast, kom hann þá enn því við, at þeir sættust, ok bundu þat eiðum. Þorkell fóstri var þá ok í sætt tekinn við Einar jarl, ok var þat mælt, at hverr þeirra skyldi sækja veizlu til annars, ok skyldi jarl furri sækja til Þorkels í Sandvík; en er jarl var þar á veizlunni, þá veitti Þorkell hit kappsamligasta, en jarl var ekki kátr; þar var skáli mikill, er þeir drukku í, ok dyrr á báðum endum.

94. Þann dag er jarl skyldi í brott fara, þá skyldi Þorkell fara með honum til veizlu. Þorkell sendi þá menn fram á veginn fur, þar er leiðin lá, ok þeir skyldu fara um daginn; en er þeir komu aptr, sögðu þeir Þorkeli, at þeir höfðu fundit þrennar sátir: ok hyggjum vér svik vera, segja þeir, þvíat þeir menn voru allir með vâpnum, sem til bardaga væri búnir. En er Þorkell heyrði þetta, þá frestaði hann heldr búnaðinum, ok grunaði hann, at honum mundi eigi þángat til öls boðit, sem látit var; heimtir Þorkell nú at sér menn sína; jarl bað þá búast, ok segir þeim mál at ríða; Þorkell kveðst eiga margt at annast, hann gekk stundum út en stundum inn; eldar voru á gólfi í skálanum, ok sátu menn þar við ok drukku; þá gekk Þorkell inn um aðrar dyr, ok sá maðr með honum, er nefndr er Hallvarðr, íslenzkr<sup>1</sup> maðr, hann lét aptr hurðina eptir

<sup>1</sup>) ok austfirðskr at ætt, b. v. C.

þeim; Þorkell gekk innar milli eldsins ok þess er jarl sat. Jarl mælti: ert þú eigi búinn enn? Þorkell svarar: nú er ek búinn; þá hjó hann til jarls í höfuðit. Jarl steypist fram á eldinn; þá mælti Íslendingr: hær sá ek alla versta fangaráðs, er engi dregr jarl af eldinum; hann keyrði þá til spurðuna<sup>1</sup>, er hann hafði í hendi, undir hnakkabeinit, ok kipti jarli upp at bekkinum. Þorkell ok þeir fèlagar gengu út aðrar dyr, enn þeir höfðu inn gengit, stóðu þar þá fur durunum menn Þorkels alvápnaðir; en jarls menn tóku til hans, ok var hann þá dauðr, en öllum fèllust hendr at hefna hans, var ok þat, at bráðum bar, ok engan varði þessa verks af Þorkeli, þvíat þeir hugðu at þat mundi allt fast, er mælt var með þeim jarli ok Þorkeli, voru þar ok flestir vápnlausir inni ok vinir Þorkels margir; bar ok svá til með því at honum varð lengra lífs auðit, hafði hann ok, þá er hann kom út, engum mun færra liðs enn jarls menn, fór hann þá til skips síns, en jarls menn á brott. Þorkell sigldi þegar austr í haf, ok var þat eptir vetrnætr, kom hann með heilu ok höldnu til Noregs, ok fór þegar á fund Ólafs konúngs sem skyndiligast. Konúngr tók við honum forkunnar vel, ok lèt vel yfir verki þessu. Var hann þar um vetrinn í kærleikum miklum.

95. Eptir<sup>2</sup> víg Einars jarls tók Brúsi Jarl

<sup>1</sup>) spurðu, J, S.    <sup>2</sup>) Hér byrjar E apt.

undir sik þann luta landa, sem hann hafði haft, þvíat þat hafði á margra manna vitorði verit, hversu þeir höfðu fèlag sitt gert bræðr, ef misdaði þeirra vyrði, en Þorfinni jarli fannst þat rættast, at hálfar eyjar hefði hvárr þeirra; en þó hafði Brúsi þann vetr tvá luti landa. Eptir um várit kallaði Þorfinnrjarl til við Brúsa bróður sinn, at hann vill hafa helmíng landa í eyjunum<sup>1</sup>, en sagði þat með, at Brúsi þurfti eigi at hafa meirr enn þriðjúng at því skaplyndi sem hann hafði. Undi ek því, segir Brúsi, at hafa þriðjúng landa, þann sem ek tók í arf eptir föður minn, kallaði ok engi til þess mēr í hendr; en nú hefir ek tekit annann þriðjúng í arf eptir bróður minn at rættum máldögum; enn þó at ek sè mjök vanfærr til at deila kappi við þik, bróðir! Þá mun ek þó annars fleita enn<sup>2</sup> þess, at játa af mēr með lítilmensku ok úeinurð; mun ek ok eigi ætla mēr at deila kappi við þik, bróðir! meðan ek er traustlauss, slíkt traust sem þú hefir af Skota konungi, móðurföður þínum. Brúsi jarl ræðst þá til ferðar, ok fór or landi austr til Noregs á fund Ólafs konungs, ok hafði með sèr Rögnvald, son sinn, var hann 10 vetra. Ok er jarl hitti konúng, tók hann vel við honum; þá bar jarl upp erendi sín fur konúng, ok

<sup>1</sup>) en Brúsi galt eigi jákvæði til þess, áttu þeir þá þíng ok stefnur at þessum málum, gengu þá at vinir þeirra, at semja þetta mál, ok kom svá at Þorfinnr lét sèr ekki annat líka enu hafa helmíng eyjanna, b. v. hin. <sup>2</sup>) hér sleppr I um sinn.



segir honum allt, sem farit var með þeim bræðrum, ok bað hann styrks, til at hann gæti haldit ríki sínu fyrir Þorfinni jarli, bauð þar í mótt fulla vináttu sína. Konúngr svarar, ok tók þar fyrst til, er Haraldr hárfagri eignaðist óðul öll í Orkneyjum, en jarlar höfðu haft síðan land í lèn, en aldrí at eign: er þat til marks um, segir konúngr, at þá er Eiríkr blóðöx var í Orkneyjum ok synir hans, þá voru jarlar þeim lyðskyldir; en er Ólafr Tryggvason, frændi minn, kom til Orkneyja, þá gerðist Sígurðr hans maðr, faðir þinn; en nú hefi ek tekit arf allan eptir Ólaf konúng, vil ek gera þér þann kost, at þú gerist minn maðr, mun ek þá fá þér eyjarnar í lèn, skulu við þá freista, ef ek veiti þér styrk, hvárt at haldi kemr þat traust þér, eðr Þorfinni jarli traust Skota konúngs; en ef þú vill eigi þennann kost, þa mun ek leita eptir þeim eignum, er ek á vestr þar, ok várir lángeðgar hafa átt. Jarl íhugaði þetta mál fur sèr; ok bar fur vini sína, ok leitaði ráðs við þá, hverju hann skyldi um svara, hvárt hann skyldi sættast at þessu við konúng ok gerast hans maðr, en hitt er mèr úsýnt, hverr minn lutr verðr at skilnaði vorum, segir jarl, ef ek kveð hér nei við, þvíat konúngr hefir nú gjört bert tilkall um löndin, þau er hann þikkist eiga í Orkneyjum; en við stórræði hans, ok þat at vèr erum nú komnir í greipr honum, þá mun honum lítt fyrir þikkja at gera slíkt af vorum kosti, sem honum

sýnist. En þó at jarli þætti á hvàrttveggja andmarki, þá tók hann þann kost af at leggja allt á konúngs vald ok ríki sitt; tók þá konúngr vald yfir jarli ok forráð yfir öllum erfðalöndum hans. Gerðist jarl þá konúngsmaðr ok, batt þat sverdögum.

96. Þorfinnr jarl spurð nú þat, at Brúsi bróðir hans var farinn austr til Noregs á fund Ólafs konúngs, at sækja sèr traust þáingat; en fur því at Þorfinnr jarl hafði verit furr á fund Ólafs konúngs ok komit sèr þar í vináttu, þá þóttist hann eiga þar vel fyrir búit, ok vissi at þar mundu margir fulltíngsmenn um hans mál, en þó vænti hann at fleiri mundi vera, ef hann kæmi sjálf; gjörir hann þat ráð fur sèr, at hann býst sem skyndiligast, ok siglir austr til Noregs, ok ætlaði at minni mundi vorðinn misfari þeirra bræðra, enn svá sem var; hugði hann at erenði Brúsa skyldu eigi lyktut eðr yfirtekin, þá er hann kvæmi á konúngs fund; en þat varð annann veg enn hann ætlaði, þvíat þá er Þorfinnr jarl kom á konúngs fund, var lokit ok greidt um allt sáttmál konúngs ok Brúsa jarls; vissi ok Þorfinnr jarl eigi at Brúsi hefði uppgesit ríki sitt, furrenn hann var áðr kominn á fund Ólafs konúngs. En þegar er þeir fundust Ólafr konúngr ok Þorfinnr jarl, þá hóf konúngr upp þat hit sama tilkall við Þorfinn jarl, sem hann hafði haft við Brúsa jarl

<sup>1)</sup> af S.

um Orkneyjar, ok beiddi hann þess hins sama, at hann skyldi játa konúngi þeim luta landa, er hann átti áðr. Jarl tók vel orðum konúnga ok stilliliga, sagði þat at honum þótti miklu máli skipta um vingan konúnga, ok ef þèr, herra! þikkist liðs þurfa ímóti yðvarri vináttu, þá hafið þèr áðr fullt til þess unnit af mèr; en mèr er eigi hent at veita yðr lyðskyldu, þar sem ek er handgenginn Skota konúngi. En er Ólafi konúngi fannst undandráttr í svörum jarls um þessa málaleitan, er hann hafði upphafit, þá mælti konúngur: ef þú, jarl! vill ekki gjörast minn maðr, þá er hinn kostur, at ek setja þann mann yfir eyjarnar, sem ek vil; en ek vil at þú sverir mèr þess, at veita ekki tilkall landa þeirra, ok láta þá í friði vera af þèr, er ek set til landsgæzlu; en ef þú vill hvárngan þenna kost, þá mun þeim svá þikkja, er löndin varðveita, sem úfriðar muni af yðr vâ, má yðr þá eigi þikkja undarligt, þóat dalr mæti hóli. Jarl svarar, bað konúng gefa sér frést til at hugsa þetta mál; konúngur játti því, ok gaf jarli stund góða til umráða ok orlof at ráða um þetta við menn sína. Þá<sup>1</sup> beiddi jarl þess, at konúngur skyldi ljá honum fresta til annars sumars um þetta mál, ok færi hann þá furst heim, sagði heima vera hit bezta ráðuneyti sitt, en kveðst bernskr vera mjök fur aldrs sakir.

<sup>1</sup>) *hér byrjar G aptr.*

4 BINDI.

Konúngr bað hann þá þegar kjósa annattveggja. Þorkell sóstri var þá með Ólafi konúngi; hann sendi menn til Þorfinns jarls leyniliga, ok bað hann eigi þat fur berast, hvat sem honum bjó í skapi, at skiljast svà við Ólaf konung at sinni, at þeir væri eigi sáttir, svà sem hann væri þá kominn í hendr honum. Af slíkum áminningum þóttist jarl sjá, at einn mun kostur fur höndum, at láta konúng ráða, þar sem komit var; þá þótti honum hinne eigi kjörligri, at eiga enga vãn sjálfr sinnar ættleifðar, ok veita swardaga til þess, at þeir skyldu hafa í ró ríki hans, er ekki voru tilkomnir. En fur því at honum þótti úvíst um brautferð sína, þá kaus hann þat af, at ganga til handa Ólafi konúngi ok gerast hans maðr, svà sem Brúsi hafði gjörzt. Konúngr fann þat, at Brúsi var miklu úskapstærri enn Þorfinnr jarl, þóttist konúngr sjá, at hann kunni illa öllu yfirboði, ok því trúði hann verr Þorfinni jarli enn Brúsa at halda sættina. Sá konúngr þat, at Þorfinnr jarl þóttist eiga trausts vãn af Skota konúngi, þótt hann tæki þessu sáttmáli. Skildi konúngr þat af vizku sinni, at Brúsi jarl gekk tregliga at öllu sáttmáli, en mælti þat eina um, er hann ætlaði sèr at halda; en þar er Þorfinnr jarl var, þá er hann hafði ráðit fur sèr, hvern hann skyldi upptaka, þá gekk hann skjótt ok gládt at öllum-skildögum, ok dró um þat engan lut, sem konúngr beiddi í furstu ok hann ákveddi; en þat grunaði konúngr at hann mundi eptir ætla at gera sumar sættirnar.

97. Þá er Ólafr konúgr hafði hugsat allt sáttmál þeirra, þá lét hann blása til fjölmennrar stefnu, ok lét kalla þánga jarla. Þá mælti konúgr: sáttmál vart Orkneyínga jarla vil ek nú birta fur alþýðu; þeir hafa nú játat mínu eiginorði yfir öllum Orkneyjum ok Hjaltlandi, ok gjörast báðir mínir menn, ok hafa báðir bundit þat swardögum. Nú vil ek gefa Brúsa í lèn þriðjúng landa, en Þorfinni annann þriðjúng, svá sem þeir hafa áðr haft; en þann þriðjúng, er átt hefir Einarr rángmuðr, bróðir þeirra, þann læt ek falla í minn garð fur þat, er hann drap Eyvind úrarhorn, hirðmann minn ok kæran félagsmann; vil ek sjálfr ráða fur þeim þriðjúngi landa, þat er ek vil, ok þat vil ek tilskilja við ykk jarla báða, at þið takið sættum við Þorkel fóstura Ámundason fur aftöku Einars, bróður ykkars; vil ek ok, at sá<sup>1)</sup> dómr sè undir mèt, ef þið villð því játat hafa. En þat var sem annat, at jarlar ját-aðu því öllu, sem konúgr vildi; gekk þá Þorkell fóstur fram, ok festi konúgrsdóm á þessu máli. Sleit svá þessu þingi. Ólafr konúgr dæmdi fur víg Einars jarls, sem fur 3 lenda menn, en fyrir sakir skyldi niðrfalla þriðjúngr gjalda. Síðan bað Þorfinnr jarl sèr orlofs af konúgr til brautferðar, en þegar þat fékkst, þá bjóst jarl sem skjótast, ok er hann var alþúinn, var þat einn dag, þá er jarl drakk á skipi sínu, at þar

<sup>1)</sup> hér byrjar D aptr.

kom Þorkell Ámundason vâveifliga, ok lagði höfuðit í knè jarli, ok bað hann þá afgera slíkt er hann vildi. Jarl spurrr, hví hann fór svâ: vèr erum sáttir at konúngsdómi, ok statt þú upp, Þorkell! Hann gerði svâ. Þorkell mælti: sætt sú, er konúngr gerði í milli vor Brúsa, þá mun ek henni hlíta, en þat er til þín kemr af, þá skaltu einn ráða, hvat sem þar er áðr um mælt. Nú þó at konúngr hafi skilit mèr eignir eðr landsvist í Orkneyjum, þá kann ek svâ skaplyndi þitt, at mèr er þá gat úfært, nema ek fari í fullum yðrum trúnaði, en ella vil ek þat festa yðr, at koma aldrí til Orkneyja, hvat sem konúngr hefir þar um mælt. Jarl þagnaði, ok tók seint til máls: vilt þú heldr, Þorkell! at ek dæma um okkur mál enn hlíta konúngs dómi, þá mun ek þat hafa upphaf at<sup>1)</sup> sætt okkarri, at þú skalt nú þegar fara með mèr til Orkneyja ok vera með mèr, ok skilja eigi við mik, nema mitt sè lof til, vera ok skyldr til at verja land mitt ok allra þeirra verka, er ek vil fur þik leggja, meðan við erum á lífi báðir. Þorkell svarar: þat skal á yðru valdi sem annat, þat er ek máraða. Gekk þá Þorkell í annat sinn til jarls, ok festi honum þat, sem hann kvað á. Jarl segir, at hann mun síðarr ákveða um fægjöld, tók hann þá swardaga af Þorkeli til þessa máls, ok ræðst hann þá til ferðar með jarli. Fór Þorfinnr jarl þegar í brott, er honum gaf, ok sjást þeir Ólafr konúngr aldrí

<sup>1)</sup> Hér byrjar J, aptr.

síðan. Brúsi jarl dvaldist þá enn eptir, ok bjóst meirr í tómi; en áðr hann færi í brott, þá átti Ólafr konúgr stefnu við hann, ok mælti svá: Þat lizt mér sem ek muni þik, jarl! hafa at trúnaðar manni vestr þar, ætla ek svá til, at þú skalt hafa 2 luti landa til forráða ok þarmeð traust mitt, svá at þú megir vel halda þik fur Þorfinni, bróður þínum, at réttu. Brúsi tók þat með þökkum at hafa 2 luti landa; dvaldist Brúsi jarl þá ekki lengi þaðan frá í Noregi, ok kom um haustit vestr til Orkneyja. Rögnvaldr, son hans, var austr eptir með Ólafi konúngi, hann var allra manna fríðastr sýnum, hárit mikit ok gult sem silki, hann var snemma mikill ok sterkr ok manna gerviligastr bæði sakir vits ok framgaungu; hann var lengi síðan með Ólafi konúngi<sup>1</sup>.

98. Þá er þeir bræðr komu vestr til Orkneyja, Þorfinnr jarl ok Brúsi jarl, þá tók Brúsi tvá luti landa til forráða, en Þorfinnr þriðjúng; hann var laungum á Katanesi eðr á Skotlandi, en setti mann yfir eyjarnar, hafði Brúsi þá einn landvörn yfir eyjunum; en í þann tíma var þar herskátt mjök, þvíat Danir ok Norðmenn herjaðu mjök í vestrvíking, ok komu þá opt í eyjarnar, er þeir fóru<sup>2</sup> vestr eðr vestan, ok námu þar nesnám. Brúsi jarl taldi at því við Þorfinn, bróður sinn, er hann hafði öngvar útgerðir eðr

<sup>1</sup>) C, D, E, F, G, H, J, S, b. hér við vísu, sjá Hkr, Ol. S. 2. Kap. 108. <sup>2</sup>) Hér sleppr E um sinn.

landvörn fur eyjunum ok Hjaltlandi, en hafði skatta ok skyldir af sínum lut; þá bauð Þorfinnr jarl at hafa 2 luti landa, en Brúsi jarl hefði þriðjung; ok mun ek þá einn hafa landvörn alla sem hann. En þóat þetta skipti færi eigi fram bráða fangs, þá segir þó svá í jarla sögunum, at þat gekk við um síðir, at Þorfinnr jarl hafði 2 luti, en Brúsi jarl þriðjung, ok þó eigi furr enn Knútr konúgr hafði lagt undir sik Noregsveldi, en Ólafr konúgr var fráfallinn. Þorfinnr jarl hefir verit göfgastr jarla í Orkneyjum ok haft mest ríki allra Orkneyínga jarla; hann eignaðist Hjaltland, Orkneyjar, Suðreyjar, hann hafði ok mikit ríki á Skotlandi ok Írlandi<sup>1)</sup>, hann var hinn mesti hermaðr; hann tók jarldóm 5 vetra gamall, ok ræð jarldóminum 60 vetra eðr meirr; hann varð sötíðauðr á ofanverðum dögum Haralds konúgs Sigurðarsonar, en Brúsi jarl andaðist á dögum Knúts hins ríka, litlu eptir fall Ólafs konúgs hins helga.

99. Nú skal þar taka til sögunnar, sem furr var frá horfit, at Ólafr konúgr hafði frið gjört við Ólaf Svía konúng, ok þat með at Ólafr konúgr fór þaðan norðr til Noregs í þrándheim, hann hafði þá verit konúgr 5 vetr; þat haust bjó hann til vetrvistar í Niðarósi, ok sat þar um vetrinn. Þann vetr var með Ólafi konúgi Þorkell fóstri, sem furr var ritat. Ólafr konúgr leiddi þá mjök at spurníngum um kristnihald, hvert

<sup>1)</sup> C og þau fylg. b. v. stöku hér, sjá *IIkr. Ol. S. h. Kap.* 109.



væri í landinu, ok frèttist honum svá til, sem ekki væri kristnihaldit í, þegar norðr sótti á Hálogaland, ok þó skorti mikit á, at vel væri um Naumudali ok inn um Þrándheim. Maðr er nefndr Hárekr, hann var son Eyvindar skáldaspillis, hann bjó í eyju þeirri, er Þjótta heitir, þat er fur Hálogalandi. [Eyvindr, faðir hans, hafði verit festerkr maðr, ættstórr ok' skörungur mikill. Í þjóttu bjöggu smá bændr ok eigi allfáir; Hárekr keypti þar bæ furst í eyjunni ok eigi mikinn, ok bygði þar; en á sömum<sup>1)</sup> misserum hafði hann rudt í brott öllum bóndum þeim, er þar bjöggu áðr, svá at hann átti þá einn alla cyna, ok gerði þar þá höfuðbæ mikinn. En Hárekr varð brátt vellauðigr ok spekingr mikill at viti, hann hafði haft metnað mikinn af konúngum; hann var ok í frændsemistölu við Noregs konunga, ok því hafði hann haft vináttu af Noregs höfðingjum. Gunnhildr, föðurmóðir Háreks, var dóttir þeirra Hálfðánar jarls ok Íngibjargar, dóttur Haralds hins hárfagra. Hárekr var þá heldr á efra aldri, er þetta var tíðinda; Hárekr var þá mestr virðinga maðr á öllu Hálogalandi, hann hafði haft lánga hrið sinnferðir ok konúngssýslur upp á Mörkina, hafði hann haft stundum einn, en stundum aðrir menn með hon-

<sup>1)</sup> Eyvindr hafði verit maðr ekki festerkr, hann var ættstórr ok C, F; Eyvindr hafði verit maðr ekki festerkr ok lítill eignaðr, maðr ættstórr ok, C, G, L; Eyvindr hafði ekki verit auðigr maðr né ættstórr, en, J. <sup>2)</sup> fám, hin.

um; ekki hafði Hárekr komit á fund Olafs konungs, en þau orð höfðu farit í milli þeirra, er vingjarnlig voru, ok þann vetr, er Ólafr konúgr sat í Niðarósi, fóru enn menn í millum þeirra ok orðsendingar; þá lýsti konúgr yfir því, at hann ætlaði at fara um sumarit norðr til landsenda, en þeir Háleygirnir hugðu all misjafnt til yfirferðar Ólafs konungs.

100. Ólafr konúgr bjóst um vârit með 5 skipum, ok hafði nærr 3 hundruð manna, en er hann var búinn, þá byrjaði hann ferð sína norðr með landi, en er hann kom í Naumdæla fylki, stefndi hann þing við bæendr, var hann þá til konungstekinn á hverju þingi; hann lét þá ok upplesa lög þau, er hann bauð mönnum þar í landi kristni at halda, ok lagði við líf ok limar ok aleigu sök hverjum manni, er eigi vildi halda kristin lög; veitti konúgr mörgum stórar refsingar, ok lét þat gânga einn veg yfir ríkan ok fátækan; skildist hann svâ við í hverju fylki, at allt fólk hêt at halda kristin lög ok rætta trú; en flestir ríkir menn ok stórbæendr þá gerðu veizlu í móti konungi, fór hann allt norðr á Hálogaland. Hárekr í Þjóttu veitti konungi kappsamliga, ok var þar allmikit fjölmenni, ok veizla hin prýðiligsta; gjörðist Hárekr þá lendrmaðr Ólafs konungs, fèkk konúgr honum þá veizlur svâ stórar, sem hann hafði haft áðr af hinum fyrrum höfðingjum.

101. Maðr er nefndr Grankell eðr Gran-

ketill, auðigr bóndi, ok var þá heldr við aldr; en er hann var á unga aldri, hafði hann verit í víkingu ok verit hermaðr mikill, hann var ok atgervimaðr mikill um flesta alla luti, þá er íþróttum gegndi. Ásmundr hét son hans, ok var hann um flesta luti líkr feðr sínum eðr nökkuru framarr, þvíat þat er margra manna mál, at fur flestra luta sakir, fróðleiks ok afls ok allra íþróttu, at hann hafi hinn þriðl maðr verit bezt at sèr búinn í öllum Noregi, var hinn fursti Hákon Aðalsteinsfóstri, en annar Ólafr Tryggvason. Grankell bauð Ólafi konúngi til veizlu, ok var þar veizla hin kappsamligasta, ok veitt hit sköruligasta, leiddi Grankell konúng út með stórgjöfum. Konúngr bauð Ásmundi til sín, ok lagði til þess mörg orð, en Ásmundr vildi eigi brjótast við gæfu sinni, ok ræðst hann til ferðar með konúngi, ok gerðist síðan hans maðr, ok komst í hina mestu kærleika við konúng. Ólafr konúngr dvaldi mestan luta sumars á Hálogalandi, ok fór þar í allar þinghár, ok kristnaði þar allan lýð. Þá bjó í Bjarkey þórir hundr, hann var ríkastr maðr norðr þámgat, hann gerðist lendr maðr Ólafs konúngs. Margir ríkir bónda synir ræðust til ferðar með Ólafi konúngi. Þá er áleið sumarið, kom hann norðan, ok snéri þá inn eptir Þrándheimi til Niðaróss, ok sat þar um vetrinn; ok þann vetr kom Þorkell fóstri Ámundason vestan af Orkneyjum, eptir er hann hafði drepit Einar jarl\*. Þat haust var í Þránd-

\* ) rángmunn, b. v. D, G, J, L, S.

heimi hallæri mikit at korni, en þar hafði verit áðr góð árferð, hallærit var allt norðr í landit, ok því meira, er norðarr var, en korn var gott norðan austr<sup>1</sup> í land ok svá um Upplönd; en þess naut mjök við um Þrándheim, at þar voru mikil korn forn.

102. Þat gerðist til tíðinda<sup>2</sup>, at Ólafi konúngi var sagt, at bændr höfðu veizlur stórar ok fjölmennar at vetrnóttum, voru þá drykkjur stórar; konúngi var sagt, at þar væri minni öll signuð Þór ok Óðni, Freyju ok Ásum, allt eptir fornum sið, þat fylgði ok þeirri sögn, at þar væri drepin naut ok ross, ok roðnir stallar með blóði ok framit hlót berliga, ok veittr sá formáli, at þat skyldi vera til árbótar; þat fylgði þar, at öllum mönnum þótti þat sýnt, at goðin höfðu reiðzt því, er Háleygir höfðu til kristni horfit. En er konúngr spurr þessi tíðindi, þá sendi hann menn inn í Þrándheim, ok stefndi til sín bóndum þeim, er hann vildi tilnefna. Maðr er nefndr Ölver á Eggju, hann var kendr við bæ þann, er hann bjó á, ríkr maðr ok ættstórr, hann var höfuðsmaðr ferðar þessar af bónda hendi til konúngs. En er þeir komu á konúngs fund, þá bar konúngr á hendr þeim þessi kennsl; en Ölver svarar af bónda hendi, sagði at bændr hefði engar veizlur haft þat haust, nema gildi sín ok hvirflings drykkjur, en sumir vinaboð:

<sup>1</sup>) Hér sleppr *J um sinn*.    <sup>2</sup>) innan or Þrándheimi, *b. v. C, D, G, L*.

en þat, herra! segir Ölver, sem yðr er sagt, frá orðtökum vorum Innþrænda, þá kunna þat allir menn sèr at varast slíkar ræður, en eigi kann ek synja fyrir heimska menn eðr ölóða, hvat þeir mæla. Ölver var maðr málsnjallr ok máldjarfr, enda var hann vitr maðr, ok varði allar þessar sakir fur bændr; ok at lyktum mælti konúngr, at Innþrændir sjálfir skyldu bera sèr vitni um, hversu þeir væri trúaðir; fengu þá bændr allir orlof af konúngi til heimfarar; fóru þeir þá ok þegar þeir máttu.

103. Síðarr um vetrinn var konúngi sagt at bændr höfðu fjölment á Mærinni, ok voru þar blót stór at miðjum vetri, ok blótaðu þeir þá til friðar ok til vetrarfars góðs; en er konúngr þóttist sannfróðr um þetta, þá sendi hann menn til Þrándheims, ok stefndi enn bóndum út til bæjar, nefndi hann enn til þá, er honum sýndist, ok honum þótti vitrastir. Bændr áttu þá enn stefnu ok tal sín í millum um orðsending þessa, voru þeir allir ófúsastir nú til ferðarinnar, er farit höfðu áðr um vetrinn; en við þæn bónda allra, þá varð Ölver enn tilskyldaðr. Ok er hann kom til bæjar, fór hann brátt á konúngsfund, ok talaðu þeir mál sín með sèr; bar konúngr enn á hendr bóndum, at þeir hefði miðsvetrarblót. Ölver svarar, at bændr eru vanir at hafa allir saman jóladrykkjur víða í héraðum! ætla bændr sèr eigi svá [nærr jafnan<sup>1</sup> um jölaveizlurnar, at

<sup>1</sup>) hnept til C, G, L, S.

eigi verði þat jafnan stór aflaup ok afgangr; nú var enn svá, herra! at vèr drukkum þat lengi síðan, en á Mærinni er mikill höfuðstaðr, sem þèr vitið, enbygð mikil umhverfis, þíkkir mönnum þat gott til gleði at drekka mörgum saman. Konúngr svarar fá um, ok var heldr stygggr, því at hann þóttist vita annat sannara, enn þá var uppborit; það konúngr bændr aptr fara: en ek mun viss verða af stundu, segir hann, hvat satt er, þó at þèr gángið eigi við, en hversu sem hèr til hefir verit, þá gerið eigi slíkt optarr! Fóru þá bændr heim, ok sögðu sína ferð, ok svá þat at konúngr var heldr reiðr.

104. Ólafr konúngr hafði veizlu mikla um vârit á páskum, ok hafði marga menn í boði sínu, bændr ok bæjarmenn; en eptir páskana lét konúngr setja fram skip sín ok bera til reiða ok árar, lét þilja skipin ok tjalda, ok lét fljóta albúin fur bryggjum. Ólafr konúngr sendi menn eptir páskana inní Veradal. Maðr er nefndr Þóraldi, ármaðr konúngs, hann varðveitti konúngsbú at Haugi; konúngr sendi honum orð, at hann skyldi koma út þángat sem skjótast til hans. Þóraldi fór at orðsendingu konúngs út til bæjarins þegar með sendimönnum konúngs. Konúngr heimti hann á tal við sik, ok spurði hvat satt var um þat, er honum var sagt af síðum Innþrænda, hvárt svá er ferliga, at þeir snúast til blóta með öllu. Þóraldi svarar: þat vil ek segja þèr, at ek flutti hígat til bæjarins börn mín ok

konu ok lausafè allt þat, er ek mátti með komast, en ef þú vill hafa þessa sögu af mèt, þá skal þat vera á yðru valdi, munuð þér þá sjá ráð fyrir mèt ok mínu hyski, mun mèt þat ok allvel gegna. Konúgr mælti: seg þú þat, er ek spur, ekki skal gera á luta þinn. Þat er yðr satt at segja, herra! segir Þóraldi, at ek skal rétt eptir því segja sem er, at inn um Þrándheim má kalla allt fólk heiðit í átrúnadi, þóat sumir menn sè þar skírðir at kalla; en þat er siðr þeirra at hafa blót á haustum, ok fagna þá vetri, annat blót hafa þeir at miðjum vetri, en hit 3ja at sumri, þá fagna þeir sumari; eru at þessu Eynir ok Sparbyggjar, Verdælir ok Skeynir; tólfmenn eru formenn at þessu um blótveizlurnar, ok á nú í vor at hafa blótveizluna Ölver bóndi af Eggju, hann er nú í starfi miklu á Mærinni, ok þágar at eru nú tilflutt öll faung þau, sem þarf til veizlunnar. En er konúgr varð viss hins sanna um þetta mál, þá lét hann blásasaman liði sínu, ok lét segja mönnum, at til skipa skal ganga. Konúgr nefndi menn til skipstjórnar, eðr hvert hvergi skyldi til skips ganga; var þá búizt skjótt. Konúgr hafði 5 skip ok 3 hundruð<sup>1</sup> manna, hann hèlt inn eptir firði, var á góðr byr, ok töldu snekkjurnar ekki lengi fjörðin fur vindinum; en þessa varði engan mann, þann sem fur var, at konúgr mundi svá skjótt koma inn þángat á þá. Konúgr kom um nóttina inn á Mæri,

<sup>1</sup>) 4 hundruð, G.

var þá þegar sleginn hrúgr um húsin, var Ölver þar handtekinn ok drepinn ok margir menn aðrir, en konúgr tók upp veizluna alla, ok lét flytja til skipa sinna ok svá lausafé allt, bæði húsbúning ok klæði ok gripi, er menn höfðu haft þangat, ok lét konúgr skipta því með mönnum sínum; konúgr lét fara heim at þeim mönnum ok bóndum, er honum þóttu mest lut hafa átt at þessum ráðum, voru sumir handteknir ok í járn settir, en sumir komust undan með hlaupi, fur mörgum var fèit upptekit. Síðan stefndi konúgr þing við bændr, en sakir þess at konúgr hafði marga ríka menn höndum tekit, ok hafði þá í sinni varðveizlu, þá sýndist þat ráð frændum þeirra, at játa konúgi hlýðni, heldrenn þeir væri drepnir, ok var engi uppreist gjör í móti konúgi þat sinn í Þrándheimi; snéri konúgr þar öllu fólki á rétta trú, ok setti þar kennimenn ok lét kirkjur vígja. Konúgr lagði Ölví úgildan, en kastaði sinni eign á lausafé allt, þat er hann hafði átt, en þá menn aðra, er honum þóttu mest vera sakbitnir við sik, lét hann suma drepa, suma hamla at höndum eðr fótum, suma rak hann or landi, en tók fèit at sumum. Fór konúgr síðan út aptr til Niðaróss.

105. Maðr er nefndr Árne Armóðsson\*, hann átti þóru, dóttur Þórsteins gálga. Þessi voru börn þeirra: Kálfr, Finnrr, Þorbergr, Á-

\*) Armóðsson, S.



mundi, Kolbjörn ok Arnbjörn, Árne hét hinn yngsti. Ragnhildr hét dóttir þeirra, hana átti Hárekr or Þjóttu. Árni var lendr maðr, ríkr ok ágætr, ok mikill vinr Ólafs konúnga; þá voru með konúngi synir hans, Kálfr ok Finn, ok voru þeir báðir í miklum kærleikum við hann. Kona sú, er átt hafði Ölver á Eggju, var úng ok fríð sýnum, ættstór ok auðig af fæ, hún þótti kostgæð, en konúngur hafði þá forráð hennar; þau Ölver áttu 2 sonu únga. Kálfr Árnason beiddist þess af konúngi, at hann gipti honum konu þá, er Ölver hafði átt, en fyrir vináttu sakir veitti konúngur honum þat, ok þar með veitti konúngur honum eignir þær allar, er Ölver hafði átt, ok gjörði hann þá lenda mann sinn, ok fékk honum umboð sitt inn um Þrándheim; gjörðist Kálfr þá höfðingi mikill ok var forvitri.

106. Þá hafði Ólafr verit konúngur yfir Noregi 7<sup>a</sup> vetr. Þat sumar komu til hans jarlar or Orkneyjum, Þorfinnr ok Brúsi, eignaðist Ólafr konúngur þá lönd þau, er þeir fóru með, svá sem furr er ritat. Þat sumar fór Ólafr konúngur um Mæri hváratveggja ok um Rauðsdal inn. Um haustit<sup>2</sup> lét hann þar taka alla hina beztu menn, bæði á Lesjum ok á Dofrum, ok vörðu þeir at taka við kristni eða þola dauða ella, eða rýma land ella, þeir er því komu við;

<sup>1</sup>) fjóra G. <sup>2</sup>) þar gekk hann af skipum sínum, ok fór þá til Upplanda, ok kom fram á Lesjar, b. v. hin.

en þeir er við kristni tóku, fengu konúngi sonu sína í gislíngar ok til trúnaðar. Konúngr var þar um nótt, sem Borrar<sup>1</sup> hèt á Lesjum, ok setti þar presta yfir; síðan fór hann yfir Orkadal ok um Gaulardál<sup>2</sup>, ok kom niðr þar, er heitir Stafabrekka, en á sú fellr eptir dalnum, er Ótta<sup>3</sup> heitir, ok eru bygðir tveimmegin árinna, ok er kölluð bygðin Lóar. Konúngr mátti þá sjá eptir endilángri bygðinni, konúngr mælti þá: skaði er þat, er brenna skal bygð svá fögr, ok stefndi ofan í dal liði sínu, ok var á bæ þeim um nóttina, er Nes heitir, ok tók konúngr sèr þar herbergi í lophúsi einu, ok þar svaf hann sjálfr, ok þat lophús stendr enn í dag, ok hefir ekki verit gjört at því síðan. Konúngr var (þar) 5 nætr, ok skar upp herboð, ok stefndi til sín bæði af Vaga ok af Lóni<sup>4</sup>, ok lét þat fylgja þessu herboði, at þeir skulu annathvært halda bardaga við hann eðr þola bruna af honum, eðr taka við kristni ok fá honum sonu sína í gislíng. Síðan komu þeir á konúngs fund, ok gengu á hönd honum, en sumir flýðu undan í Dala.

107. Dala-Guðbrandr hèt maðr, en svá segja menn at hann væri sem konúngr yfir Dölunum, ok var þó hersir at nafnbótum; honum jafnaði Sighvatr skáld við Erlíng Skjálgsson, þá er hann kvað svá:

<sup>1</sup>) Bærar, B; Borur, C; Bær D; Bora, K; Lóar, S; Borar, hin. <sup>2</sup>) Ljórdal, hin. <sup>3</sup>) Orká, S. <sup>4</sup>) ok Stedal, b. v. C, D, G, L.

Einn víska ek þér annann  
 jarls brók-töpuðr<sup>1</sup>! líkan,  
 víðt<sup>2</sup> ræð gumna gætir,  
 Guðbrandr hæt sá, landi<sup>3</sup>;  
 ykkir kveð ek jafna þikkja,  
 ormlaðs<sup>4</sup> háti! báða  
 lýgr hinn at<sup>5</sup> sèr lægir<sup>6</sup>  
 láðsetrs<sup>7</sup>, er telst betri.

Guðbrandr átti son einn, svá at hær sè getit. Þá er Guðbrandr frá þessi tíðindi, at Ólafr konúgr var kominn á Lesjar<sup>8</sup>, ok nauðgaði fólk til at taka við kristni, þá skar hann upp herör, ok stefndi til sín mönnum or öllum Dölum til bæjar þess, er Húnþorp<sup>9</sup> heitir, ok þar komu þeir allir, ok var þat ógryn timer liðs; þar liggir vatn eitt nærr, er Láng<sup>10</sup> heitir, ok mátti vel á skipum fara til þessa fundar. Guðbrandr átti þing við þá, ok sagði at sá maðr var kominn á Lesjar, er Ólafr hæt: ok vill oss bjóða sið annann enn vèr höfum, ok brjóta goð vor í sundr, ok segir hann svá, at hans er miklu máttugara guð enn vár ok meira fur sèr, ok er þat furða, er jörðin brestr eigi undir honum, er hann þorir slíkt at mæla, eðr goð vor láta hann lengr gánga,

<sup>1</sup>) topur, B, C, D, F, L. <sup>2</sup>) vítr, D, F. <sup>3</sup>) landum, hin.  
<sup>4</sup>) orðlaða, C. <sup>5</sup>) er, K. L. <sup>6</sup>) leggir, K. <sup>7</sup>) læggsetrs, B, C, D, F, S; linnsetrs, G, L. <sup>8</sup>) Lóar, hin. <sup>9</sup>) Gunnþorp, D; Hundþorp, hin. <sup>10</sup>) Lōgr, hin.

ok veit ek, ef vèr berum út þór or hofi sínu ok blóthúsi, er hann stendr í á þeima bæ, ok oss hefir jafnan vel dugat í nauðsynjar, ok sèr hann Ólaf ok hans menn, þá mun guð hans bráðna í sundr, ok svá hann sjálfr; ok verða at alls engu, ok mun hann ekki eiga stað við sjónum hans. Þá æptu þeir upp allir senn ok mæltu, at Ólafr þessi skyldi aldri þaðan heill koma eðrlífs, ef hann mætti þángat á fund þeirra, ok eigi mun hann þora at fara lengra suðr eptir Dölunum enn nú er hann kominn. Síðan ætlaðu þeir til, at fara skyldi 7 hundruð manna norðr til Breiðu, en fur því liði var sonr Guðbrands 18 vetra gamall, ok margir aðrir með honum ágætir menn, ok voru þeir 3 nætr á bæ þeim, er Hof heitir; kom þar margt lið til þeirra, þat sem flýit hafði af Lesjum ok Lóne<sup>1</sup>, ok eigi vildi undir kristni gánga, en konúngr ok Sigurðr erkibiskup settu éptir kennimenn á Lóne ok Vaga; síðan fóru þeir yfir Urguröst, ok komu niðr á Usu<sup>2</sup>, ok voru þar um nóttina, ok frágu þar þau tíðindi, at lið var mikit fur þeim, ok þat með at bændr á Breiðum bjöggust til bardaga á móti konúngi. Ok er konúngr stóð upp um morgininn, þá herklæddist hann, ok fór suðr eptir Usudölum<sup>3</sup>, ok létta eigi fur enn hann kom á Breiðuna, ok sá þeir þar mikinn her fur, svá sem búinn til bardaga.

<sup>1</sup>) ok Vaga, *b. v. hin.* <sup>2</sup>) Lísu, *C, F*; Ausu, *G*; Lesjum, *L.*  
<sup>3</sup>) Sávöllum, *C, G, K, S.*

Síðan fylkti konúgr liði sínu, ok ræð sjálfr fylkingunni, hann orti orða á bændr, ok bauð þeim at taka við kristni; en þeir svöruðu: þú munt öðru þurfa við at koma í dag enn gabba oss ok æptu þegar heróp, ok börðu våpnunum á skjölduna. Konungsmenn ljópu þá ok fram, ok skutu spjótum til bónda; en bændr snæru þegar á flóta, svá at fátt varð eptir; varð þá sonr Guðbrands höndum tekinn, ok gaf Ólafr konúgr honum grið, ok hafði hann með sér; þar var konúgr 3<sup>r</sup> nætr; þá mælti konúgr við son Guðbrands: far þú aptr til föður þíns, ok seg honum, at ek mun brátt þar koma. Síðan fór hann heim aptr, ok sagði feðr sínum þessi tíðindi, at þeir höfðu háit bardaga við Olaf konúng: en lið vart flýði þegar, svá at aldrí stóð maðr eptir, en ek varð handtekinn, segir hann, ok gaf konúgr mér grið, ok bað mik fara á þinn fund, ok segja þér, at hann kemr hér brátt; nú ræð ek þér þat, faðir minn! at þú berltst eigi við þenna mann. Skilja má þat, segir Guðbrandr, at barit er or þér hjarta allt: ok fórt þú fá heilli heiman, ok mun sjá ferð þín lengi uppi vera, ok trúir þú þegar á [úræð þau<sup>2</sup>, er þessi maðr ferr með, er þér hefir mikla hneyking gjört ok þínu liði. Ok um nóttina eptir dreymdi Guðbrand, at maðr kom at honum mikill ok ljóss, svá at hann þóttist engan slíkan sæð hafa; af honum stóð mikil ógn, ok mælti

<sup>1</sup>) 4, *hin*.    <sup>2</sup>) Órar þær, C, D, G, S.

hann: son þinn fór enga sigrför, Guðbrandr! móti Ólafi konúngi, en miklu skaltu meiri skömm fara fur honum, ef þú ætlar at berjast við hann, ok muntu falla sjálfr ok allt lið þitt, ok munu vargar draga hræ yður, ok hrafnar slíta. Hann varð hræddr við ógn þessa, ok sagði Þórði ístrumaga, er þá var mestr höfðingi annar yfir Dölunum. Hann svarar: slíkt hit sama dreymdi mik í nótt, ok mun þetta vera nökkut. Ok um morgininn létu þeir blása öllu liðinu til þings, ok segja svá, at þeim þótti þat ráðligt at eiga furst þing við þann mann, er norðan fór með ný boðorð, ok vita með hverjum sannindum hann færi. Síðan mælti Guðbrandr við son sinn: þú skalt nú fara á fund konúgs þessa, er þér gaf grið í bardaganum, ok 12 menn með þér, ok seg honum svá, at vèr viljum furst eiga þing við hann, ok sjá, með hverju hann ferr, ok gera þá síðan slíkt af sem oss sýnist. Þeir fóru á fund konúgs, ok sögðu honum þessi tíðindi, at bændr vildu hafa furst þing við hann, ok setja grið til þessa fundar milli konúgs ok bónda. Konúgr segir sèr þat vel líka, ok bundu síðan grið til þessa einkamála, þartil er þessi stefna væri liðin; fóru þeir aptr við svá búit, ok sögðu þeim Guðbrandi, at grið voru sett, ok konúgr fór þá til bæjar þess, er Liðstaðir heita, ok voru þar um nóttina; þá fór konúgr til þings, ok átti tal við bændr;

en væta var á mikil um daginn, síðan þíngit var sett; þá stóð konúgr upp, ok sagði at þeir á Lesjum ok á Lóni<sup>1</sup> höfðu við kristni tekit ok brotit blóthús sín niðr ok goð, og trúa nú á sannan guð, þann er skóp himin ok jörð, ok alla luti veit, þá er liðnir eru, ok eigi síðr hina er eigi eru framkomnir; ok síðan settist konúgr niðr. En Guðbrandr svarar: eigi vitum vèr, um hvern guð þú ræðir, kallar þú þann guð, er þú mátt eigi sjá ok enginn annarra; en vèr eigum þann guð, er hvern dag má sjá, ok er mikill fur sèr, væntir ek at yðr skjóti þá skelk í bríngu<sup>2</sup>, ef hann kemr á þíngit; en með því at þèr segið, at guð yðvarr sè svá mikill ok máttugr, at hann megí allt, þá lát þú hann svá gera, at á morgin sè skýjat veðr, en regn ekki, ok finnumst hèr þá! Konúgr fór þá heim til herbergis, ok fór með honum sonr Guðbrands í gíslíng, en konúgr fèkk þeim annann mann í móti. Um kveldit spurr konúgr son Guðbrands, hversu goð þeirra var gert; hann segir at þat var merkt eptir þór, hefir hann hamar í hendi, ok mikill<sup>3</sup> vexti, svá at ekki eru þeir menn, at honum sè meiri; hann er holr innan ok gjörr [undir honum<sup>4</sup>, svá sem stallr<sup>5</sup> sè, ok stendr hann þar á ofan, þá er hann er úti; eigi skortir hann gull á sèr ok silfr, fjórir hleifar<sup>6</sup> eru honum færðir hvern dag, ok þar

<sup>1</sup>) ok á Vaga, b. v. C og fylg. <sup>2</sup>) Hér sleppr D um sinn. <sup>3</sup>) Hér byrjar E, aptr. <sup>4</sup>) innan C. <sup>5</sup>) bjallr B, C, E, G. <sup>6</sup>) brauðs b. v. C, E, G.

með slátr at því skapi, ok leifir hann þess ekki. Síðan fóru menn í rekkjur, en konúngr vakti lengi um nóttina, ok var á bænum; en er dagr kom, stóð konúngr upp ok klæddist, ok fór til kirkju, og lét sýngja sèr tíðir ok messu, ok fór síðan til borða ok þá til þíngs; veðri var svá farit, sem Guðbrandr hafði beidt. Á þessu þíngi stóð upp Sigarðr biskup, hann hafði yfir sèr kantara kápu ok biskupsmítr á höfði, en bagal í hendi sèr, ok taldi trú fur bóndum, ok sagði margar jarteinir, er guð gerði bæði fur písl sína ok eptir, ok lauk biskup sínu máli vel ok fagrliga. Þá svarar Þórðr ístrumagi: margt mælir hyrnígr sjá, er staf hefir í hendi, ok uppi á sem sè veðrarhorn bjúgt; nú með því at þið fèlagar segið guð ykkarn svá miklar jarteinir gjört hafa, þá mælið þið við hann, at á morgin láti hann vera sólskin ok heiðviðri, ok skíni sól gladt vel, ok finnumst þá ennhèr! gjörum þá annattveggja, at vèr sættumst um þetta mál, eðr höldum bardaga, ok skiljumst við þetta at sinni.

108. Kolbeinn sterki hèt maðr, er var með Ólafi konúngi, hann var kynjaðr or Fjörðum, hann hafði þann búning jafnan, at hann var gyrðr sverði, ok hafði ruddu mikla í hendi, er sumir menn kalla klumbu. Konúngr mælti við Kolbein, at hann skyldi standa nærr honum um daginn á þínginu; síðan mælti hann við menn sína: gángið þèr þángat, sem skip bónda eru, í nótt, ok borið á raufar neðan, svá at eigi sè sæfær,



en ríðið í brott eykjum þeirra, þeim sem þér náðið. En konúgr var alla þá nótt á bænum, ok bað þess guð, at hann skyldi leysa þetta vand-ræði með sinni mildi ok miskunsemi; en er þeir konúgr ok biskup höfðu lokit tíðum í móti d egi, þá fór hann til þings, en er hann kom þar, þá voru bændr öngvir komnir, þá sá þeir mikinn fjölda fara til þings, ok báru mikit mann-likan í milli sín, þat var glæst allt af gulli ok silfri; ok er þat sá bændr, þeir er (á) þínginu voru, þá ljópu þeir upp allir ok lutu því skrimslí; síðan var þat sett á miðjan þíngvöllinn, sátu öðrumegin at bændr, en öðrumegin konúgr ok hans menn. Þá stóð upp Dala - Guðbrandr, ok mælti: hvar er nú guð þinn, konúgr! þat ætla ek, at hann beri nú heldr lágt höku-skeggit, ok svá þíkkir mēr, sem nú sè minna kapp þitt ok þess hyrníngsins, er þar sitr hjá þér, er þér kallið biskup, enn var hinn furra dag, þvíat nú er sá kominn, er ykk mun kyrra, ok ræðr hann öllum heimi, ok lítr hann á ykkr hvössum augum, ok sèr ek gjörla, at þið eruð yfirkomnir ok felmsfullir, ok þorið varla augum upp at sjá; nú fellið niðr hindrvitni ykkra ok hægóma, ok trúið á guð várt, er allt hefir í hendi ráð ykkart! ok lauk svá ræðunni. Konúgr mælti við Kol-bein sterka, svá at bændr heyrðu eigi: ef svá berr til í ræðu minni, at bændr líti frá guði sínu, þá skaltu ljósta hann þat högg, sem mest mátt þú. Eptir þat stóð konúgr upp, ok mælti: margt

hefir þú, Guðbrandr! mælt til vor í myrgin, ok lætr þú undarliga yfir því, er þú mátt eigi sjá guð minn, en vèr væntum at hann komi nú brátt til vor; þú ógnar oss guði þínum, er bæði er blindr ok daufr, ok má hvárki bjarga sèr nè öðrum, ok kemst hvergi or stað, nema borinn sè, ok væntir ek at honum sè skamt til ílls; litið þèr nú í austr, þar ferr nú guð várr með ljósi miklu! þá rann þar sól upp, ok litu bæendr allir þáгат til; en í því bili laust Kolbeinn svá goð þeirra, at þat brast allt í sundr ok ljópu þar or mýss svá stórar, sem kettir væri ok nöðrur ok ormar; en bæendr vorðu svá ræddir, at þeir flýðu, hverr sem mátti, sumir flýðu til skipanna, en er þeir hrundu fram skipunum, þá ljóp þar þegar inn vatn, ok máttu þeir hvergi þeim fara, en þeir er tileykjanna ætlaðu, þá fundu þeir eigi þá. Síðan lét konúngr þáгат kalla bæendr til sín, ok segir at hann vill eiga tal við þá, hurfu þeir þá aptr, ok sátu þing í annat sinn. Ólafr konúngr stóð þá upp, ok talaði: eigi veit ek, hvat skal harki þessu ok herlaupi, er þèr hafið, en nú megið þèr sjá, hvat guð yðvart mátti sèr, er þèr báruð á gull ok gersimar, ok sjáið þèr nú, hverir neytt hafa þess, sem þèr hafið honum gefit, þat eru ormar ok pöddur ok mýss: nú eru þeir heimskir, er á slíkt trúa, ok eigi vilja láta af heimsku slíkri; nú takið upp gull yðvart og gersimar, er nú ferr hèr um völlinn, ok hafið heim

<sup>1</sup>) eðlor B, G, K, S; æyðlor C; ætlar E.

til kvenna yðvarra, ok berið aldrí síðan á stokka eðr steina; en nú eru hær 2 kostir fur hendi minna vegna, sá annar, at þær takið við kristni þegar í stað, eðr þær haldið upp bardaga við mik, ok beri þeir sigr af öðrum, er guð vill, sá er ek trúí á. Þá stóð upp Dala-Guðbrandr, ok mælti: skaða mikinn höfum vēr beðit nú um guð vart; en nú með því at hann mátti eigi sēr bjarga nè viðhjálpa, þá trúí ek, at aldrí mun hann heldr mega oss hjálpa, þá viljum vēr nú heldr trúa á þann guð, konúngr! sem þær trúíð á, ok þið biskup; þá tóku allir við kristni, ok skírði biskup Guðbrand ok son hans, ok setti konúngr þar eptir kennimenn, ok voru þeir nú vinir, er áðr voru úvinir. Dala-Guðbrandr lét gera kirkju á bæ sínum í Dölum.

109. Ólafr konúngr fór síðan út á Heiðmörk, ok kristnaði þar, þvíat þá er hann hafði tekit konúngana, þá treystist hann eigi þegar eptir slík stórvirki at fara víðara yfir landit, varð þá óvísða kristnat í þeirri ferð; en í þessari ferð létti konúngr eigi furr, enn um Heiðmerk var allt alkristnat, ok þar vigðar kirkjur ok kennimenn tilfengnir. Þaðan fór hann út á Þotn ok Haðaland, ok bætti þar síðu manna; þaðan fór hann á Ríngaríki, ok gengu menn þar allt undir kristni. Síðan frágu Raumar, at Ólafr konúngr bjóst upp þáingat, ok samnaðu saman her manns, ok mæltu svâ sín í milli: at þat er þeim eimuni<sup>1</sup> sú yfir-

<sup>1</sup>) einmuna E; auðmunnat, G.

för, er Ólafr konúngr hafði þar næstum farit, ok sögðu hann aldrí svá skyldu fara optarr. En er Ólafr konúngr fór um Raumarfki með liði sínu, þá kom ímóti honum bónda samnaðr við á þá, er Mora' hèt, ok höfðu her manns; ok er þeir fundust, þá ortu bæendr þegar á um bardaga, en þó brann brátt þeirra lutr við, ok hrukku þeir þegar fur sem viðihæll, ok voru þeir bardir til batnaðar, þvíat þeir báðu þá at hafa frið við konúng ok taka við kristni; fór þá konúngr yfir þat fylki, ok skildist eigi furr við, enn þat var alkristnat ok flestir menn skírðir. Þaðan fór hann austr í Sóleyjar, ok kristnaði þar þá byggð, þar kom þá til móts við konúng Óttarr skáld svartí, ok beiddist at gánga á hönd Ólafi konúngi. Þann verr hafði andazt Ólafr Svía konúngr; þá var Önundr Ólafsson konúngr yfir Svíþjóðu. Ólafr konúngr snéri aptr á Raumarfki, var þá mjök áliðinu vetrinn, hann stefndi þá þíng fjölment í þeim stað, er síðan hefir Heiðsefisþíng verit, setti hann þat í lög síðan, at til þess þíngs skyldu sækja Upplendingar, ok Heiðsæfislög skyldu gánga um öll Upplönd, ok svá víða annarstaðar, sem síðan hefir haldizt. En er váraði, sótti hann út til sjófarins, lét hann þá búa skip sín, ok fór um várit út til Túnssbergs, ok sat þar um várit, meðan þar var fjölmennast, ok þá gat var mestr flutningr til bæjarins af öðrum löndum; var þar þá árferð góð um Víkina, ok at góðri hlít allt norðr til Staðs, en hallæri mikit allt norðr þaðan.

<sup>1</sup> Níciá, C, E, G, S, L. <sup>2</sup> Heitsæfis þíng, C.

110. Ólafr konúgr sendi orð á Agðir ok allt norðr um Rogaland ok svá um Hörðaland, at konúgr vill hvárki malt nè korn nè mjöl þaðan í brott láta selja, lét þat ok fylgja, at hann mun þá gat koma með lið sitt ok fara at veizlum, svá sem siðvenja er til. Fór þetta boð um þessi fylki öll, en konúgr dvaldist um sumarit í Víkinni, ok fór allt austr til landsenda. Einarr þambarskelfir hafði verit með Ólafi Svía konúgi, síðan er Sveinn jarl andaðist, mágr hans, ok gerðist hans maðr, ok hafði tekit af honum lèn mikit; en er Ólafr Svía konúgr var andaðr, þá fýstist Einarr at leita sèr griða af Ólafi konúgi digra, ok höfðu þar farit orðsendingar í milli þeirra um vârit; en er Ólafr konúgr lá í Elfinni, þá kom þar Einarr þambarskelfir með nökkura menn, ræddu þeir konúgr þá um sætt sína, ok samdist þat með þeim, at Einarr skyldi fara norðr til þrándheims, ok hafa eignir sínar allar, ok svá þær jarðir, er Bergljótu höfðu heiman fylgt. Fór Einarr þá norðr leið sína, en konúgr dvaldist lengi í Borg um sumarit.

111. Erlíngur Skjalgsson hêlt ríki sínu, svá at allt norðan frá Sognsæ ok austr til Lífandiness rêð hann einn öllu við bændr, en veizlur konúgs hafði hann miklu minni enn furr; en sú stóð ógn af honum, at enginn lagði í aðra skál, enn hann vildi; konúgi þótti ofgánger at um ríki hans. Maðr er nefnðr Áslákr fitjaskalli,

hann var mikill vin Ólafs konúgs, kynstórr maðr var hann ok ríkr. Þórólfr<sup>1</sup> skjálgr, faðir Erlíngs ok<sup>2</sup> faðir Áslaks, voru bræðrasynir. Ólafr konúgr setti hann niðr á Sunn - Hörðalandi, fèkk honum þar lèn mikit ok veizlur stórar, ok bað konúgr hann halda sik til móts við Erlíng, en þat varð ekki á þá leið, þegar konúgr var eigi nærr, varð þá Erlíngr einn at skapa ok skera ímilli þeirra, svá sem hann vildi; Erlíngr var ekki at mjúkari við Áslák, þótt hann hældi sèr fram til móts við hann, fóru þeirra skipti svá, at Áslákr hélzt eigi við í sýslunni, fór hann þá á fund Ólafs konúgs, ok segir honum frá skiptum þeirra Erlíngs. Konúgrbað Áslák vera með sèr: þar tiler við Erlíngr finnumst. Ólafr konúgr gjörði orð Erlíngi, at hann skyldi koma til móts við hann um vârit; en er þeir fundust, þá áttu þeir stefnu með sèr; konúgr mælti þá: svá er mèn sagt, Erlíngr! frá ríki þínu, at enginn maðr sè sá norðan frá Sognsæ til Líðandisness, er frelsi sinu haldi fur þèr, eru þeir þó margir menn, at óðalbornir þikkjast til vera at hafa réttindi af jafnbornum mönnum sèr, hefir slíkr ofsi jafnanilla gefizt; nú er hèr Áslákr, frændi þinn, ok þikkir mèn, sem hann þikkist nokkut kulda af kenna um yðr viðskipti; nú veit ek eigi, hvárt heldr er, at hann hefir sakir til þess, eðr skal hann hins at gjalda, er ek hefir hann sett yfir minn varnað; en þó at ek nefna hann til þessa,

<sup>1</sup>) v. í hin. <sup>2</sup>) Askell, b. v. hin.

Þá kæra þó slíkt margir fur oss, bæði þeir er í sýslum sitja, ok svá hinir, er búin varðveita ok veizlurnar skulu veita mēr ok liði mínu. Erlíngr svarar: Því skal skjótt svara, segir hann, at þat skal neita, at ek gefa Ásláki eðr öðrum mönnum þær sakir, at í yðvarri þjonustu sè; en hinu skal játa, at þat er nú, sem lengi hefir verit, at hverr vārrfrænda vill öðrum meiri vera; hinu öðru skal játa, at ek geri þat lostigr at beygja hálsinn fyrir yðr, konúngr! en hitt mun mēr ördigra þikkja, at lúta til Selþóris, er þrælborinn er í allar ættir, þótt hann sè nú ármaðr, yðvarr, ok þjóna til hans eðr annarra þeirra, er hans makar eru, þóat þèr leggið metorð á. Þá lögðu til ræðu þeirra beggja vinir, ok báðu at þeir skyldu sættast, sögðu sem satt var, at konúngi var at engum manni meiri styrkr enn Erlíngi þar í landi, ef hann vildi vera vinr konúngs. Í annann stað mæltu þeir svá til Erlíngs, at hann skyldi vægja til við konúng, ok segja svá, ef hann hældist í hlýðni við konúng ok vináttu, at honum mundi þá verða all auðveldt, at koma fram því, sem hann vildi, ef þeirra vinátta hældist. Lauk svá stefnu þessari, at Erlíngr skyldi hafa hinar sömu veizlur, sem furr hafði hann haft, ok settust niðr allar sakir, þær er konúngr bar á Erlíng; skyldi þá ok fara til konúngs Skjálgr, son Erlíngs, ok vera með honum; fór ok þá Áslákr fitjaskalli aptr til búa sinna, ok voru þeir þá sáttir allir at kalla.

<sup>1)</sup> Hér sleppr E um sinn.

112. Sigurðr hèt maðr Þórisson, hann var bróðir Þóris hunds í Bjarkey, hann átti Sigríði, dóttur Þórólfs skjálgs af Jaðri, systur Erlíngs. Ásbjörn hèt son þeirra, hann þótti allmannvænligr í furstu; hann<sup>1)</sup> bjó í Ömdr<sup>2)</sup> á Þrándarnesi, hann var stórauðigr ok virðingamaðr mikill, hann var handgenginn konungi. Þórir þótti þó fur þeim bræðrum, þvíat hann var lendr maðr konungs, en heima í búnaði þótti Sigurðr í engan mun minni rausnarmaðr; hann var því vanr, meðan heiðni var, at hafa þrenn blót hvern vetr, eitt at vetrnóttum, annat at miðjum vetri, þriðja at sumri; en síðan kristni var alsíða, hèle hann teknum hætti um veizlurnar, hafði hann þá um haustit vana veizlu, en jóla-boð á vetrinn, ok bauð þá enn mörgum mönnum til sín; þriðju veizlu hafði hann at páska, ok hafði þá eun fjölment; slíku hèle hann fram, meðan hann lifði. Sigurðr varð sótt dauðr, þá var Ásbjörn á tvítögsaldri, tók hann þá arf eptir föður sinn, hèle hann teknum hætti um veizlurnar, hafði hann þrennar á hverjum misserum, sem faðir hans hafði gjört; en í þenna tíma sem faðir hans var andaðr, en Ásbjörn tók við fjár forráðum, tók at versna árferð ok sæði manna. Ásbjörn naut þá þess við, at þar voru mikil forn korn ok önnur faung þau er hafa þurfti. En er þau misseri liðu af, en önnur komu, þá voru korn engum mun betri enn hin furri, þá vildi Sigríðr, móðir hans, at af væri teknar veizlurnar

<sup>1)</sup> Sigurðr, *hinn*.    <sup>2)</sup> Ömd, *hinn*.



sumareðr allar; Ásbjörn vildi þat eigi, ok fór til vína sinna, ok keypti korn þar sem hann gat, en þá af sumum at gjöf. Fór enn svá fram þau misseri, at Ásbjörn hèle öllum veizlum sínum; en eptir um sumarit fengust lítil sæði, þvíat eigi gat [forn korn<sup>1</sup> at kaupa; ræddi Sigrðr þá um, at sætta skyldi húskarla, en taka af veizlur allar; Ásbjörn vildi ekki þat ok hèle fram hinu sama í öllu þat sumar; korn var heldr úvænligt, þat fylgði þá ok, at þat var sagt sunnan or landi, at Ólafr konúngr bannaði þaðan at selja korn ok malt ok mjöl, þá þótti Ásbirni vandast um tilfaungin bússins, var þat þá ráð hans, at hann lèt setja fram burðing, er hann átti, hann var haffærandi at vexti, skipit var ok vandat at reiða, þar fylgði stafat segl með vendi. Ásbjörn ræðst nú til ferðar ok með honum nærr 30<sup>2</sup> manna, fóru síðan suðr með landi um sumarit, ok er ekki sagt frá ferð þeirra, furr enn þeir komu suðr við Körmt<sup>3</sup> aptan dags, ok lögðu við Ögvaldsnes, þar var konúngsbú ok ágætr bær; þar ræð furr þórir selr, hann var ármaðr Ólafs konúngs; þórir var maðr ættsmárr, ok hafði mannast vel, hann var starfsmaðr mikill, snjallr í máli, áburðarmaðr mikill; þeir Ásbjörn lágu þar um nóttina, en um morgininn, er ljóst var, gekk þórir til skips ofan, er hann sá at komit var, ok nökkurir menn með honum; þórir hafði mann margt um sik; hann spur, hverr fur skipi ræði því hinu fagra? Ásbjörn segir

<sup>1</sup>) frækorn, *hín*. <sup>2</sup>) 20, C, F, G, K, L, S. <sup>3</sup>) Kurmsund, *hín*.

til sín ok föður síns. Þórir spurr hvert hann skyldi fara hit lengsta, eður hvat honum var at eyrindum. Ásbjörn segir at hann vildi kaupa sèr korn ok malt ok mjöl, sagði at hallæri var mikit norður í landit: en oss er sagt at hær sè vel ært, eða vilt þú, bóndi! selja oskorn nökkut? ek sèr at hær eru hjálmar stórir, væri oss þat góð orlausn, at þurfa eigi at fara lengra, eður rekast at. Þórir svarar: ek skal gera þær orlausn, at þú skalt eigi þurfa lengra at fara at kornkaupunum, eður víðara at at rekast hær um Rogaland. Ek kann þær með sannindum at segja, at þú mátt hær vel aptr hverfa, fur því at þú munt hær hvergi korn fá, hvarki hær nè í öðrum stöðum, þvíat konúngr bannar, at hēðan skuli seljast norður í land, ok far aptr, Háleygr! sá mun þinn hinn bezt. Ásbjörn svarar: ef svá er, sem þú segir, bóndi! at vēr munim eigi fá kornkaupin, þá mun þó eigi verða minna eyrendi mitt, en hafa kynnisvist á Sóla, ok sjá hýbýli Erlíngs, frænda míns. Þórir mælti: hversu mikla frændsemi átt þú við Erlíng? Hann svarar: hann er móðurbróðir minn. Þórir mælti: vera kann þá, at ek hafi talat ekki varliga, ef þú ert systurson hans Rýgja konúngs. Ásbjörn svarar: ekki er ek orðsjúkr, félagi! þá kastaðu þeir af sèr tjöldunum, Ásbjörn ok hans menn, ok snæru út skipinu. Þórir mælti: farið nú vel ok komið hær, er þær farið aptr. Ásbjörn svarar, at svá skal vera. Fara þeir þá leiðar sinnar,

ok koma einn aptan dags síð á Jaðar; fór Ásbjörn til húss með 15da mann, en aðrir 15<sup>1</sup> gættu skips; en er Ásbjörn kom heim til bæjarins, fèkk hann þar góðar viðtökur, setti Erlíngur hann hit næsta sèr, ok spurð hann margs norðan or landi, ok var hinn kátasti. Ásbjörn segir honum hit ljósasta af um eyrendi sín. Erlíngur segir, at hann var þá eigi allvel atkominn, fur því at konúngur bannar mönnum kornsölur; veit ek eigi, segir hann, þeirra manna vâ, er traust muni til hafa at brjóta orð konúngs. Ásbjörn svarar: seint er satt at spurja, mèn hefir svâ kent verit á únga aldri, at móðir mín væri frjáls borin í allar hálfur, ok svâ þat með, at Erlíngur á Sóla væri ríkastr ok göfgastr allra frænda hennar: en nú heyri ek þik þat segja, at þú sèr eigi svâ frjáls hær á Jaðri fur þrælum konúngs, at þú megir gera af korni þínu, þat er þú vill afgera. Erlíngur sá til hans, ok glotti við tönn, ok mælti: minna vitið þèr til konúngs ríkissins Háleygirnir, enn vèr Rýgirnir, en örórðr muntu heima, frændi! er þú ert svâ á búi, átt þú ok ekki lítt til þess varit, ok drekkum furst, frændi! en sjám á myrgin, hvat þá líðr um<sup>2</sup> erendi þín; þeir gerðu svâ, ok voru allkátir um kveldit, ok drukku lángr á nótt fram. En eptir um daginn talast þeir við fræendr, Erlíngur ok Ásbjörn; þá segir Erlíngur, at hann hefði hugsat ráð um korn-

<sup>1</sup>) 10, C, F, G, K, L, S.    <sup>2</sup>) *Her byrjar D aprt.*

kaup Ásbjarnar: eðr hversu vandr muntu vera ún kaupunauta? segir hann. Ásbjörn svarar, at hann hirði aldri, at hverjum hann keypti, þegar honum var heimilt selt. Erlíngur mælti: þat þikkir mér líkara, at þrælar mínir muni eiga korn svá mikít, at þeir megi gera þik fullkaupa, þeir eru ekki í lögum eðr í öðrum landsrétt við aðra menn, ok hygg ek, segir hann, at konúngur eigi enga sök á því. Ásbjörn svarar, at hann vill þenna kost gjarna. Var þá sagt þrælunum til um þessa kaupstefnu, létu þeir þá þegar fram kornit ok svá maltit, ok seldu Ásbirni; hlóð hann skip sitt af korni ok malti. En er Ásbjörn var í brott búinn, leiddi Erlíngur hann út með vingjöfum, ok skildust þeir með kærleikum; fèkk Ásbjörn byrleiði gott, ok lagði at um kveldit í Körmt á Ögvaldsnesi, ok lágu þar um nóttina. Þórir selr hafði þegar spurn af um kveldit um farar Ásbjarnar, ok svá þat, at skip hans væri hlaðit. Þórir stefnir þá til sín liði um nóttina, svá at hann hafði fur dag 60 manna; hann fór þá á fund Ásbjarnar, þegar lítt var lýst, gengu þeir þegar út á skipit, þá voru þeir Ásbjörn mjök klæddir, ok heilsaðu vel þóri. Þórir spurr, hvat þúnga þeir hefði í skipi. Ásbjörn segir, at korn ok malt var á skipi. Þá mælti þórir: þá mun Erlíngrenn gera eptir vana, at hafa fur hægómanál orð Ólafs konúngs, ok leiðist honum enn eigi þat, at vera mótstöðumaðr hans í öllu, ok er

Þat furða, er konúgr lætr honum hvatvetna hlýða, hverigar úhæfur sem hann tekr til. Þórir er þá málóði um lírfð, en er (hann) þagnaði, þá svarar Ásbjörn: engi sök er á Erlíngi um þetta mál, þvíat þrælar hans seldu mér kornit. Þórir svarar þá snellt, ok kveðst ekki hirða um prett þeirra Erlíngs: ok er nú hitt til, Ásbjörn! segir hann, at þér gángið á land, meðan vèr ryðjum skipit, ella færum vèr yðr alla útbyrðis, þvíat vèr viljum öngva þraung taka af yðr, meðan vèr flytjum farminn af skipinu, en ekki munuð þér lengra fara með faung þessi. Ásbjörn sá þá, at hann hafði ekki liðskost við Þóri, ok gengu þeir Ásbjörn á land upp ok hans förunautar, en Þórir lét flytja farminn allan af skipinu. Þórir mælti: furðu gott segl hafa þeir Háleygirnir, taki byrðíngs segl vart hit forna ok fáir þeim, þat er þeim fullgott, er þeir sigla lausum kili; svá var gjört at þeir voru ræntir seglinu; fór Ásbjörn við svá búit, ok stefndi norðr með landi, ok létti eigi furr enn hann kom heim; var þat öndverðan vetr, ok varð sjá ferð allófræg; varð þá starf allt tekit af Ásbirni at búa veizlurnar. Þórir hundr bauð Ásbirni, frænda sínum, til jólaveizlu, ok mönnum hans þeim öllum, er hann vildi at færi. Ásbjörn vildi eigi fara, ok sat heima. Þat fannst á Þóri, at honum þótti Ásbjörn gera úvirðíng til sín ok til boðs síns, ok hafði Þórir mjök í skaupi um farar Ásbjarnar: bæði er, segir Þórir, at mikill

er virðingamunr frænda Ásbjarnar; endagjörir hann at því, slíkt starf sem hann lagði á at sækja kynnit til Erlíngs á Jaðar í sumar, en vill nú eigi fara hær í næsta hús til mín; veit ek eigi þat, hvárt hann ætlar at Sel-þórir muni fyrirbúa í hverju holti. Slík orð frétti Ásbjörn frá Þóri, frænda sínum, ok önnur þvílík. Ásbjörn undi stórilla við sinn lut, ok enn verr þá, er hann heyrði slíkt talat ok haft at hlátri ok spotti; var hann heima um vetrinn, ok fór hvergi til heimboða.

113. Ásbjörn átti lán skip, þat varsnekkja tvítögssessa, stóð þat í nausti miklu. [Um vetrinn eptir jól ok eptir Maríumessu<sup>1</sup> lét Ásbjörn setja fram skip þetta ok bera reiða til, síðan stefndi hann til sín mönnum, vinum sínum ok frændum, ok hafði nærr 9 tigu<sup>2</sup> manna ok alla vel vápnaða; en er hann var búinn, ok byr gaf, þá sigldi hann suðr með landi, ok fóru þeir ferðar sinnar, ok byrjaði þeim vel ok heldr seint, en er þeir sækja suðr í landit, þá fara þeir meirr útleið enn þjóðleið, þegar er svá mátti. Ekki varð til tíðinda í ferðum þeirra, furr enn þeir koma at kveldi fimta dags í páskaviku utan at Körmt; eyjunni er þannig farit, at hún var mikil ey ok laung, en ekki víðast breið, liggr við þjóðleið fur utan, þar er mikil byggð í eyjunni, ok þó er hún víða úbyggð, þat er útliggrr til hafsins. Þeir Ásbjörn lendu utan at eyjunni, þar er úbyggt er, en er þeir höfðu tjaldat, þá mælti Ásbjörn:

<sup>1</sup>) Eptir Kyndilmessu, *hin*.    <sup>2</sup>) 10 tigu, *C, F, L*.

nú skúluð þér hér vera eptir, en ek mungánga upp á eyna<sup>1</sup>. En er hann kom á hæð nökkura, þar er hann sá heim til bæjar á Ögvaldsnesi, ok svá þaðan á Karmssund, þá sá hann manna ferðir miklar, bæði á sjá ok á landi, ok sótti þat fólk heim til bæjar á Ögvaldsnesi; honum þótti þat undarligt; síðan gekk hann heim til bæjar, þar sem þjónustusveinar bjuggu mat, heyrði hann þá þegar, ok skildi á ræðum manna, at Ólafr konúgr væri kominn þar til veizlu, svá ok þat með, at konúgr var þá til borða genginn. Ásbjörn snéri þá til stofunnar, en er hann kom í forstofuna, þá gèkk þar annar maðr út, en annar inn einart, ok gaf engi maðr at honum gaum. Opin var hurðin, hann sá at Þórir selr stóð fur konúgs borðinu, þá var mjök áliðit matmálit. Ásbjörn heyrði til at menn spurðu Þóri at viðskiptum þeirra Ásbjarnar, ok svá þat, at Þórir sagði þaraf lánga sögu, ok var honum all lætt mælt þarum. Ásbirni þótti hann mjök halla sögunni; þá heyrði hann at maðr frètti: hvern veg varð Ásbirni við, þá er þér rudduð skipit? Þórir svarar: bar hann sik at nökkurri hlít, meðan vèr ruddum skipit, en er vèr tókum seglit af honum, þá grèt hann sem barn. En er Ásbjörn heyrði þetta, þá fèkk hann eigi staðizt, brá

<sup>1</sup>) at njósna um hvört tútt sé í eyjunni, þvíat vèr höfum ekki umspurt úðr, hvat hér er tútt. Ásbjörn hafði vandan búnað ok hött síðan, fork í hendi, en gyrðr sverði undir klæðum; hann gekk uppí land ok yfir eyna, *ð. v. hin.*

hann þá sverðinu hart, ok ljóp svá í stofuna innar, ok þegar hann ætlaði at sverðit mundi taka til þóris, þá hjó hann til hans, ok kom höggit á hálsinn, svá at þegar tók af höfuðit, fèll höfuðit á borðit fur konúnginn, en bolrinn á fætr honum, vurðu borðdúkarnir í blóði einu bæði uppi ok niðri; konúgr bað taka manninn ok leiða út, var svá gjört at Ásbjörn var tekinn höndum ok leiddr út or stofunni, en síðan voru teknir brott dúkarnir ok allr borðbúnaðrinn, ok borðin í braut tekin, svá var í braut borit lík þóris, ok sópat þat er blóðugt var; konúgr var allreiðr ok stilti sik þó vel, sem hann var vanr jafnan, þá er honum þótti mjök ímóti sèr gjört.

114. Skjálgr Erlíngsson stóð þá upp, ok gekk fur konúng, þvíat hann var þá með konúgi. Hann mælti: svá mun nú sem jafnan, herra! segir hann, at þar er til umbóta at sjá, sem þèr eruð, ek vil bjóða fè fur þenna mann svá mikit, sem þèr villð gert hafa, til þess at hann haldi lífi sínu ok limum, en þèr, konúgr! skapið ok skerið einn um allt annat. Konúgr svarar: er eigi þat dauða sök, at brjóta páskafríðinn; ok sú önnur, er hann drap mann í konúgs herbergi; sú hin 3ja, er yðr föður þínum mun lítilsverð þikkja, er hann hefir fætr mína fur höggstokkinn? Skjálgr svarar: illa er þat, herra! er yðr mislíkar, en ella væri verk þetta hit bezta unnit, þvíat ærin var nauðsyn til þessa verks; en þóat yðr, herra! þikki mjök í móti skapi, ok



mikils um þetta verðt, þá væntir ek þó góðs, at ek þiggi mikit af yðr fur mína þjónustu; munu margir ok þat mæla, herra! at yðr sè þat vel geranda. Konúngr svarar: þó at þú sèr mikilsverðr, Skjálgr! þá mun ek þó eigi fur þínar sakir brjóta lögin nè konúngstignina eðr svá landsrèttinn. Skjálgr snarast þá út or stofunni, ok sá at hann fèkk ekki af konúngi; tólf menn höfðu þar verit með honum, ok fylgðu honum allir ok margir aðrir með honum. Þá mælti Skjálgr við þórarinn Nefjólfs-son: ef þú vill hafa mína vináttu, þá legg þú á allan hug, at Ásbjörn, frændi minn, sè eigidrepinn fur sunnudag; ekki er ek þess ráðandi, segir þórarinn; því býð ek þèr þó þetta mál, segir Skjálgr, heldr enn öðrum mönnum, at mèr þíkkir þú líkastr til, fur vitru sakir ok dírðar, at koma þessu fram. Skjálgr fór síðan í brott ok hans menn, ok tóku róðrar-skútu, er hann átti, ok róa suðr með landi, sem af mátti taka, ok koma í nætrelding á Jaðar; gengu síðan þegar upp til bæjarins á Sóla, ok til lopts þess, er Erlíngr svaf í; Skjálgr ljóp á hurðina svá hart, at þegar brotnaði at nöglunum Erlíngr vaknaði við, ok þeir aðrir sem inni voru, hann varð skjótastr á fætr, ok greip skjöld sinn ok sverð, ok ljóp til duranna, ok spurr, hverir svá ákafliga fari um nætr. Skjálgr segir til sín, ok bað uppláta hurðina. Erlíngr svarar: þat var ok líkast, ef allferliga ferr; eðr fara menn eptir yðr, svá at þèr sè hætt? Var þá upplátin hundir.

Þá mælti Skjálgr: Þat væntir ek, þó at þér þikki ek ákafliga fara, at Ásbirni, frænda þínum, þikki þat eigi, þar er hann sitr norðr á Ögvaldsnesi í fjötrum, ok er þat mannligra at duga honum, ennat veita mér átölur. Síðan eigast þeir feðgar orð við, segir Skjálgr föður sínum allan alburð um víg Sel-þóris, ok svá frá orðtaki þeirra Ólafs konúngs.

115. Ólafr konúngr settist, þá er braut var rudt ok umbúit í annat sinn í stofunni, ok var allreiðr. Hann spurr hvat leið um vegandann; honum var sagt, at hann var úti í svölunum í gæzlu hafðr. Konúngr mælti: hví er hann eigi drepinn? Þá svarar Þórarinn Nefjólfs-son: herra! segir hann, kallið þér þat eigi morðverk, at drepa menn um nætr? Konúngr mælti: þá seti hann í fjötra, ok drepí hann á morgin. Síðan var Ásbjörn fjötraðr, ok byrgðr einn í húsi um nóttina; en eptir um daginn hlýddi konúngr tíðum, síðan gekk hann á stefnu, ok sat þar framan til hámessu; ok er hann gekk frá messunni, mælti hann til Þórarins: mun nú vera sólin svá há, at Ásbjörn, vin yðvarr, mun hánga mega fur þat? Þórarinn svarar, ok laut konúngi: þat sagði biskup furra frjádag, herra! at sá konúngr, er þá var þíndr fur várar sakir, at hann þoldi skammraunina<sup>1)</sup>, ok er sá sæll, er eptir honum má líkja, heldr enn hinum, er þá ollu manndrápinu, eðr þeim er

<sup>1)</sup> skappaunina, *hín*.

Þá dæmdu manninn til dauða; nú er eigi svá langt til morgins, ok er þá sýkn dagr hjá því sem nú er. Konúngr leit við honum, ok mælti: ráða muntu þessu, Þórarinn! at hann skal eigi í dag drepa, skaltu nú varðveita hann, ok vit þat til sanns, at hær liggir við líf þitt, ef hann kemst í brott með nökkuru móti. Gekk Þórarinn þá leið sína, þartil er hann fann Ásbjörn í járnum, lét Þórarinn þá af honum fjötrin, ok fylgði honum í eina litla stofu, ok lét fá honum þar mat ok drykk, ok segir hann, hvat konúngr hafi álagt við hann, ef hann kemst í brott. Ásbjörn svarar, það Þórarinn þat ekki óttast, ok læzt ekki til brautlaups ætla mundu. Sat Þórarinn þar lengi um daginn hjá honum, ok svá svaf hann þar um nóttina eptir. Laugardaginn stóð konúngr upp ok hlýddi morgintíðum, síðan gekk hann á stefnur, ok var þar fjölment komit af bóndum, ok áttu mart at kæra, sat konúngr þar lengi dags yfir málum, ok var síð gengit til hámessu; eptir þat gekk konúngr til borðs, ok er hann hafði matazt, drakk hann um hríð, svá at borðin voru uppi. Þórarinn gekk þá til prests þess, er þar var heimaprestr, ok kirkju varðveitti, ok gaf honum 2 aura<sup>1)</sup> silfrs til þess, at hann hríngði til helgar jafn skjótt sem konúngsborð væri ofan. En er konúngr hafði drukkit um hríð, þá voru borðin upptekin. Þá mælti konúngr, sagði, at þá

<sup>1)</sup> merkr, C; skillinga, K.

væri ráð at þrælar færi með vegandann ok dræpi hann; í því bili var hríngt til helgar; þá gekk Þórarinn fur konúng, ok mælti: grið mun sjá maðr hafa skulu um helgina, herra! Þótt hann hafi illa tilgert. Konúngr svarar: gæt þú hans þá, Þórarinn! svá at hann komist eigi á braut, ok ertu jafnan hvatabuss mikill. Þá gekk konúngr til nónu, en Þórarinn sat enn um daginn hjá Ásbirni. Sunnudagsmorgininn gekk Sigurðr biskup til Ásbjarnar, ok skriftaði honum, ok lofaði honum um daginn at hlýða hámessu. Þórarinn gekk þá til konúngs, ok bað at hann skyldi fá mann til að varðveita vegandann: vil ek nú skiljast við, sagði hann, ok vera orallri áburgð um hans mál. Konúngr bað hann hafa þökk fur þat; fékk konúngr þá mann til at gæta hans; var hann enn settr í fjötr; en er til hámessu var gengit, þá var Ásbjörn leiddr til kirkju, ok stóð hann úti fur kirkju, ok þeir er hann varðveittu; konúngr ok alþýða stóðu at hámessu.

116. Nú er þar til máls at taka, er fur var frá horfit, at Erlíngr ok Skjálgr, son hans, gera ráð sín um þetta vandkvæði, ok staðfesta þat með sèr, við áeggjan Skjálgs ok annarra sona hans, at þeir samnaðu liði, ok skáru herör upp, komu þar saman brátt hermenn margir, ok ræðu sèr til skipa, ok var þá skorut nærr 15 hundruð manna; þeir fóru síðan með þat lið, ok komu sunnudagsmyrgininn í Körmt á Ög-

valdsnesi, gengu síðan til bæjar með öllu liði sínu, ok komu í þann tíma, er guðspjalli var lokit; þeir gengu þegar upp at kirkjunni, tóku þegar í burtu af Ásbirni fjötrin. En við gný þenna ok våpnabrák, er út var at heyra, þá er svà frásagt, at allir menn litu út or kirkjunni nema konúngrinn einn, hann var á bæn sinni ok sást ekki, en þeir er áðr voru úti fur kirkjunni, ljópu allir inní kirkjuna. Þeir Erlíngr skipuðu liði sínu tveimmegin strætissins, þess er lá frá stofunni til kirkjunnar, stóð Erlíngr ok synir hans næst stofunni; en er allar tíðir voru súngnar, þá gekk konúnggr þegar út or kirkju, gekk konúnggr furst fram í kvína, ok þá hverr at öðrum hans manna; en er konúnggr kom heim at durunum, þá gekk Erlínggr fyrir dyrnar, ok laut konúngi. Konúnggr svarar, ok bað guð geyma hans. Þá tók Erlínggr til máls: svà er mēr sagt, herra! at Ásbjörn, frænda minn, hafi hent glæp mikinn, ok er þat illa, herra! ef yðr er misþokkat; nú er ek af því hær kominn, at bjóða fur hann sætt ok yfirbætr þvílíkar, sem yðr er sæmd ok vill til, en þiggja í móti líf hans ok limar ok landsvist. Konúnggr svarar: svà lízt mēr, Erlínggr! sem þær munið nú þikkjast hafa vald á um mál vár ímilli. Erlínggr svarar: þær skuluð ráða, herra! ok ráða svà, at vèr skiljumst sáttir. Konúnggr mælti: ætlar þú at hræða mik, Erlínggr! hefir þú fyrir því lið svà mikit? Nei, segir hann, eigi

verðr þér þat; en ef annat býr undir, þá mun-um vér nú or stað bíða. Erlíngur svarar: ekki þarft þú at minna mik á þat, at þeir hafa verit fundir okkrir hér til, at ek hefi lítinn liðskost haft við þér; en nú skal ekki leyna þik því, er mér býr í skapi, at ek vil gjarna, at við skiljunist sáttir, ella mun mér vãn, at ek hætta eigi til fleiri funda okkra. Erlíngur var þá rauðr sem blóð í andliti. Þá gekk fram Sigurðr biskup, ok mælti til konúngs: herra! segir hann, ek býð þik í hlýðni fur guðs sakir, at þér sættizt við Erlíng, eptir því sem hann býðr, at maðr sjá hafi lífs grið ok lima, en þér ráðið öllu sáttmáli. Konúngur svarar: þér skuluð ráða, herra biskup! þvíat þér villð vel. Þá mælti biskup við Erlíng: Erlíngur! segir hann, fáið nú konúngi festu, þá er honum líki. Síðan gekk<sup>1</sup> Ásbjörn til griða ok á konúngsvald. Erlíngur fékk þá festur konúngi<sup>2</sup>; snéri þá Erlíngur a braut með liði sínu, varð þá ekki at kveðjum með þeim konúngi at skilnaði; gekk þá konúngur inní stofuna ok Ásbjörn með honum. Síðan lauk konúngur upp sættar gerðinni, ok mælti svà: þat skal upphaf sáttargjörðarinnar, Ásbjörn! at þú skalt ganga undir [þá sömu þjónustu<sup>3</sup>, er Sel-pórir hefir haft, ok ráðit hér

<sup>1</sup>) gáugi, *hín*. <sup>2</sup>) en konúngur tók við; síðan gekk Ásbjörn til griða ok á konúngsvald, ok kysti á hönd konúngs, *b. v. hín*.

<sup>3</sup>) len lög þau, at sá maðr, er drepr þjónustamann konúngs, þá skal hann ganga undir þá sömu þjónustu, ef konúngur vill; nú vil ek at þú takir upp ármenníng þessa, *b. v. hín*.

fyrir búinu á Ögvaldsnesi. Ásbjörn segir, at svá skyldi vera, sem hann vildi, verð ek þó furst, segir hann, at fara heim til búss míns, ok skipa þar til sem mér líkar; lét konúgr sér þat vel líka. Fór konúgr þáðan til annarrar vezlu, en Ásbjörn ræðst til ferðar með förunauta sína, þeir höfðu legið í Leyruvágum alla þá stund, er Ásbjörn hafði í járnum setit, ok njósnat heim á bæinn, hvat tídt var um hans ráð, vildu þeir eigi furr í braut fara, enn þeir vissi hvat þar ræðst af. Síðan snérist Ásbjörn til heimferðar, ok létti eigi furr um vârit, enn hann kemr norðr til búss síns; hann var síðan kallaðr Ásbjörn selsbani. En er Ásbjörn hafði lengi heima verit, hittust þeir frændr, Ásbjörn selsbani ok Þórir hundr, ok talast við; spurr Þórir vandliga eptir um ferðir hans ok alla atburði, þá er þar höfðu vorðit til tíðinda; en Ásbjörn sagði sögu þá, sem gengit hafði. Þórir hundr svarar: þá munt þú nú þikkjast af hendi hafa rekitssvívirðing þá, er þú vart rænt á hausti. Svá er, frændi! segir hann, eðr hversu þikkir þér? Þat skal skjótt segja þér, segir Þórir, at sú ferð hin furri, er þú fórt suðr í land, ok þú vart rænt, var hin svívirðiligasta, ok stóð þó sú til nökkurrar umbótar, en þessi för er bæði þín skömm ok svá allra frænda þinna, ef þat skal framgengt verða, at þú gerist konúngs þræll, ok komir í stað hins versta manns Sel-Þóris; nú gjör þú svá vel ok menniliga, at

<sup>1)</sup> eigi, b. v. hin.

Þú ver hær heldr at eignum þínum á Þrándar-nesi, skulu ver frændr þínir veita þér styrk til þess, at þú komir aldrí síðan í slíkt farrak<sup>1</sup>. Ásbirni þótti þetta vera allsannligt, er þórir hafði mælt, ok áðr þeir skildust, þá staðfestist þat með þeim, at Ásbjörn skyldi<sup>2</sup> heima sitja í búi sínu, ok fara ekki á konúngsfund, ok svá gerði hann, at hann settist heima um kýrt í búi sínu.

117. Eptir þat er Ólafr konúngr ok Erlíngur höfðu skilit á Ögvaldsnesi, þá hófst með þeim af nýju sundrþykki, ok vóð þat til þess, er fullr fjandskapr var í milli þeirra. Ólafr konúngr fór at veizlum á Hörðaland, ok þá fór hann út á Vors, þvíat hann spurð, at fólk var þar lítt síðat; hann átti þá þíng við bændr, þar sem Vors<sup>3</sup> heitir, komu þar bændr fjölment ok með alvæpni, bauð konúngr þeim at taka við kristni, en þeir buðu honum bardaga ímóti. Síðan fylktu hváirtveggju liði sínu, var þá svá bóndum þegar í framför, at þeim skaut skelk í bríngu, ok vildi þá engi furstr standa; varð þat þá at lyktum, er þeim gegndi betr, at þeir gengu til handa konúngi, ok tóku við kristni; skildist konúngr þar eigi furr við, enn þar var allt alkristit vorðit<sup>4</sup>. Þá fór Ólafr konúngr út á

<sup>1</sup>) Öngþveiti C, S. <sup>2</sup>) Hér byrjar I aþr. <sup>3</sup>) á Váingi hin.

<sup>4</sup>) þat var einn dag at konúngr reið leið, hafði sýngit sálma sína, en er hann kom jam gegnt hauginum, nam hann staðar ok mælti: þau skal segja mín orð maðr manni, at ek kalla ráð at aldrí fari síðan Noregs konúngr í millum þessa hauga, er þat ok



Östrarfjörð til skipa sinna, þá fór konúgr norðr í Sogn, ok tók þar veizlur um sumarit; en er haustaði, snéri hann inní Fjörð ok þaðan uppá Valdres; þar var þá alheiðit; konúgr fór sem ákaflligast upp til bæjar, kom hann þar á úvart bóndum, ok tók skip þeirra öll, gekk hann þar á sjálfr með öllu liði sínu, síðan skar hann þar upp þíngboð, ok setti þíng svá nærr vatninu, at hann átti allan skipa kost undir sèr, ef hann vildi. Bændr snèru þegar þá gat með her manns ok alvæpni; konúgr bauð þeim kristni, en þeir æptu ímót, ok báðu hann skjótt þegja, gjörðu þegar gný mikinn ok vápnabrák; en er konúgr sá, at þeir vildu eigi til hlýða þess, er hann kendi þeim, ok þat annat, at þeir höfðu her manns, þann er ekki stóð við, þá snéri hann ræðunni, ok spurr, ef nökkurir væri þeir, er sakar ættist við, eðr þeir vildi at hann sætti þá; fannst þat brátt í orðum þeirra, at margir voru þar missáttir bændr, þóat þá hefði þeir samhlaupa vorðit at þessu úráði, at mæla ímót kristni. En þegar bændr tóku at kæra sik, þá aflaði hverr þeirra sèr sveitar at flytja fram sitt mál; gekk því fram allan þann dag; at kveldi var slitit þínginu. Þegar er bændr höfðu spurt, at konúgr færi um Valdres, ok hann var kominn í bygðina, þá höfðu þeir látit fara herboð, ok stefnt saman þegn ok þræl, fóru síðan með

sögu manna, at konúgar hafi þat varast síðan, *b. v. C, F, G, I, K, L, S.*

her manns í móti konúngi, var þá alþýða úvíða heima í bygðinni. Bændr hældu samnaðinum eptir þíngit, þess varð konúngr viss, en er hann kom í annat sinn á skip sín, þá lét hann róa um nóttina yfir þvert vatnit, þá lét hann gánga upp ok brenna ok ræna, svá sem þeir komust við. Eptir um daginn reru þeir nes frá nesi, lét konúngr þar allt brenna ok bæla; en þeir bændr, er í samnaðinum voru, þá er þeir sá reyk ok loga heim til húsa sinna, þá vurðu þeir lausir í flokkinum, stefndi þá hverr at öðrum, til þess er allt riðlaðist í sundr í smá flokka, en konúngr reri þá um vatnit aptr, ok brendi þá þeim megin, sem áðr hafði verit bónda-herinn; þá komu bændr til konúngs, ok báðu sèr miskunar, buðu þá konúngi handgaungu; svá gaf konúngr hverjum manni grið, er til þess komu, ok svá fè þeirra, þegar þeir vildi á hönd gánga, mæltu þá ok margir ekki ímót kristninni, lét konúngr þá skíra fólkit, ok tók gislar af bóndum; dvaldist konúngr þar lengi um haustit, hann lét draga skipin uppi yfir eiðin milli vatnanna, fór konúngr lítt um landit upp frá vatninu, þvíat hann trúði þar lítt bóndum, ef hann gefr færi á sèr, hann lét þar kirkju gera ok vígja, ok setti kennimenn til; en er honum þótti vân frera, þá sótti hann upp á landit, ok kom þá fram á þotn. Þess getr Arnór jarlaskáld:

Gengr at<sup>1</sup> þar<sup>2</sup> er ýngvi  
 Upplendínga brendi,  
 Þjóð galt ræsis reiði,  
 [rann, sá<sup>3</sup> er fremstr er manna;  
 vildut [öflgra alda<sup>4</sup>  
 áðr var stýrt til váða,  
 grams dólguð fèkkst gálgi,  
 gagn<sup>5</sup> prýðanda hlýða.

118. Síðan fór Ólafr konúgr norðr um Dali allt til Fjalls, ok nam eigi furr stað enn hann kom í Þrándheim ok allt til Niðaróss, ok bjó til vetrvistar; sá var hinn 10<sup>6</sup> vetr konúgdóms hans. Áðr um sumarit fór Einarr þambarskelfir orlandi, ok fór vestr til Englands, hitti hann þar Hákon, mág sinn, dvaldist Einarr þar með honum um hríð. Síðan fór Einarr á fund Knúts konúgs, ok þá af honum góðar gjafar. Eptir þat fór Einarr austr um sæ, ok allt suðr til Róma<sup>7</sup> borgar, ok kom aptr annat sumar eptir, fór hann norðr þá til búa sinna; hittust þeir Ólafr konúgr þá ekki.

119. Álfhildr hèt kona, er kölluð var konúgs ambátt, hún var þó af góðum ættum komin, hún var þá með Ólafi konúgi. En þat var til tíðinda, at Álfhildr var með barni, en þat vissu trúnaðarmenn Ólafs konúgs, at hann mundi

<sup>1</sup>) í ætt, hin. <sup>2</sup>) þat, B, C, G, L. <sup>3</sup>) ravn þér, B, G.  
<sup>4</sup>) öflgar aldir, C, D, G, I, S. <sup>5</sup>) gagl, H, I. <sup>6</sup>) 11, C, F.  
<sup>7</sup>) þannig C, H, K; Rúma, B, G, S; Mána, A.

vera faðir at barninu, er hún fór með. Svá bar at eina nótt, at Álfhildr tók sótt, ok var fátt manna viðstadt, konur nökkufar ok prestur, ok Sighvatr skáld ok fáir menn aðrir. Álfhildr var þúngliga attekin, ok gekk henni nærr dauða, ok um síðir fæddi hún sveinbarn, ok var þat um hríð, at þau vissu úglögt, hvárt líf væri með barninu eðr eigi; en er barnit skaut upp öndunni ok all ómáttliga, þá bað hann prestrinn fara at segja konungi, hversu háttat var. Sighvatr svarar: þat þori ek fur engan mun at vekja konúnginn, þvíat hann bannar þat hverjum manni, at hann sè vaktr, furrenn hann vaknaði sjálfr. Prestur svarar: nauðsyn er þetta, at barnit fái skírn sína, þvíat mēr sýnist þat únáttuligt, ok lítil vãn lángs lífs. Sighvatr mælti: heldr vil ek til þess hætta, at þú skírir barnit, enn ek vekja konúnginn, ok mun ek sitja fur svörunum, ok gefa nafn sveininum. Svá gera þeir, ok var skírðr sveinninn ok kallaðr Magnús. Eptir um morgininn, er konúgr var klæddr, var honum sagt frá þeim atburð. Konúgr bað Sighvat kalla þángat, ok fundu menn at hann var reiðr; ok er Sighvatr kom þángat, þá mælti konúgr: hví vart þú svá djarfr maðr, at þú lèzt skíra barn mitt, fur enn ek vissi? Sighvatr svarar: því, herra! at ek vildi heldr gefa tvá menn guði, enn einn fjandanum. Konúgr mælti: fur hví liggr þat við? Sighvatr svarar: þvíat barnit

var at dauða' komit, ok mundi þat fjandans maðr, ef þat dæi úskírt, en nú er þat sannliga guðs maðr; hitt er ok í annann stað, at ek vissi, þó at þú værir mēr reiðr, at þar mundi eigi meira viðliggja enn líf mitt, ok ef þér villð, at ek týna lífi mínu fur þessa sök, þá vænti ek ok at ek sè' guðs maðr, slíkt sem mēr gekk til. Konúngr mælti: en fur hví lèzt þú sveinninn Magnús heita? ekki er þat vart ætt nafn. Sighvatr svarar: ek lèt hann heita eptir Karla-Magnúsi konúngi, þvíat hann vissi ek frægastan konúng í frásögn. Þá mælti konúngr: gæfu-maðr mikill ert þú, Sighvatr! segir hann, ok er þat eigi undarligt, þó at gæfa<sup>2</sup> fylgi vizku; hitt er undarligt, er þó kann stundum verða, at sú gæfa fylgir úvitrum manni, at úvitrlig ráð snúast til hamíngju. Var þá konúngr all-glaðr. Sveinninn fæddist þar upp, var hann brátt efniligr, er aldr fór yfir hann.

120. Þat vár hit sama fèkk Ólafr konúngr Ásmundi Grankelssyni sýslu norðr á Hálogalandi, hálfa til móts við Hárek or Þjóttu, en hann hafði áðr haft alla, suma at veizlu, en suma at láni. Ásmundr hafði skútu, er hann átti, ok á nærr 30 manna ok vel vâpnaðir. Ásmundr hafði áðr lengi verit með Ólafi konúngi í miklum kærleikum ok metorðum. En er

<sup>1)</sup> Hér byrjar *E aptr.* <sup>2)</sup> Þannig leiðrétt eptir hinum handritunum; gæfu, *A.*

Ásmundr kom norðr, þá hittust þeir Hárekr, sagði Ásmundr þá Háreki, hversu skipt var sýslunni, ok þar fylgja með jarteinir konúnga, at þetta var hans ákvæði. Hárekr segir, at konúngr mundi ráða, hverr sýslu hefði, en ekki gerðu hinir furri konúngar svá, at mínka vârn rêt, er ættbornir erum til ríkissins at hafa, en fá þeim í hendr bónda sonum, er slíkt hafa eigi furr með höndum haft. En þóat þat fyndist á Háreki, at honum þætti þetta mjök í móti skapi, þá lét hann Ásmund taka við sýslunni, sem konúngr hafði orð tilsendt; fór Ásmundr þá heim til föður síns, ok dvaldist þar litla hríð, áðr hann fór í sýslu sína norðr á Hálogaland. En er hann kom í Lángeý, þá bjöggu þar bræðr 2, hét annar Gunnsteinn, en annar Karli, þeir voru báðir auðigir menn ok virðingameun miklir, hvártveggi þeirra var íþrótta-maðr mikill um marga luti. Gunnsteinn var ellri þeirra bræðra, ok bússýslumaðr mikill. Karli var fríðr maðr ok skartsmaðr mikill. Ásmundr fèkk þar góðar viðtökur, ok dvaldist hann þar um hríð, ok heimti saman or sýslunni þar, slíkt er fèkkst. Karli ræddi þat fur Ásmundi, at hann vildi fara suðr með honum á fund Ólafs konúnga, ok leita sèr þar hirðvistar. Ásmundr fýsti hann þessa ráðs, ok hét honum umsýslu sinni, at Karli fengi sitt eyrendi við konúng. Ræðst Karli þá til ferðar með Ásmundi. Ásmundr hafði spurn af því, at Ásbjörn selsbani

var farinn suðr í Vågastefnu, ok hafði byrðing er hann átti, ok nærr 20 menn á, ok hans var þá sunnan vân. Þeir Ásmundr fóru nú leið sína suðr með landi, ok höfðu andviðri ok þó vindlítit; þá sigldu skip í móti þeim, þau er voru af Vága flotanum. Þeir spurja í hljóði at um ferðir Ásbjarnar, ok var þeim sagt, at hann var þá sunnan á leið. Þeir Ásmundr ok Karli voru rekkjufèlagar, ok var þar hit kærasta. Þat var einn dag, er Ásmundr reri fram eptir sundi nökkuru, þá sigldi skip í móti þeim, var þat skip auðkendt, þar var [birt allt hlýrit<sup>1</sup> bæði hvítum steini ok rauðum, þeir höfðu segl stafat með vendi. Þá mælti Karli við Ásmund: opt hefir þú umrædt, at þér væri forvitni á at sjá hann Ásbjörn selsbana, en eigi kann ek skip at kenna, ef eigi siglir hann hær nú í móti oss. Ásmundr svarar: gjör svá vel, lagsmaðr! ef þú kennir hann, at þú seg mër; þá rendust hjá skipin, ok mælti Karli: þar sitr hann Selsbani við stýri í blám kyrtli. Ásmundr svarar: ek skal fá honum þá rauðan kyrtil. Síðan skaut Ásmundr spjóti til Ásbjarnar selsbana, ok kom á hann miðjan, svá at fast stóð í fóta<sup>2</sup> fjölinni, ok flaug þegar í gegnum hann; fèll Ásbjörn dauðr frá stýrinu. Fóru þá hvárirtveggju leið sína, ok fluttu þeir lík hans norðr á þránd-

<sup>1</sup>) birt allt hlýrit, steint, B; hlýrhjart ok steint, C, E; hlýr hjart stein, D; hlýr birt ok steint, G, I, S; voru hlýr hjört steind, F, L. <sup>2</sup>) höfða, *hina*.

arnes, lét Sigríð þá senda til Bjarkeyjar eptir Þóri hund, kom hann til ok lét búa um líkit eptir siðvanda. En er menn fóru í brott, valdi Sigríð öllum mönnum góðar gjafar, hún leiddi Þóri til skips, en áðr þau skildi, mælti hún: svá er, Þórir! segir hun, at Ásbjörn hlýddi ástráðum þínum, nu vannst honum eigi líf til þess at launa þér þat, eptir því sem vert var; nú þóat ek sé verr tilfær at launa þér, sem vert er, enn hann mundi vera, þá skal ek þó viljann til hafa; nu er hær gjöf, er ek vil gefa þér, ok vildi ek at þér kæmi vel í hald; þetta spjót stóð í gegnum Ásbjörn, frænda þinn, son minn, ok er þar enn blóðið á, mátt þú þá heldr muna, at þat mun saman hæfa ok sár þau, er Ásbjörn frændi þinn hafði, ok þú sátst á honum, hvílík voru; nú vyrði þér þá sköruliga ok mikilmannliga, ef þú lètir þetta spjót svá af höndum selt, at þat stæði í gegnum Ólaf hinn digra; nú mæli ek þat um, segir hún, at þú verðir hvers manns níðingr, ef þú hefnir eigi Ásbjarnar bróðursonarþíns. Snèri hún þá heimleiðis, en Þórir varð svá reiðr orðum hennar, at hann mátti engu svara, ok eigi gáði hann spjótit laust at láta; hann gáði eigi bryggna, ok mundi hann á kaf gengit hafa, ef eigi hefði menn hans tekit ok studdt hann, er hann gekk útá skipit; þat var málaspjót ekki' mikit ok gullrekinns falrinn allr. Ræru þeir Þórir nú á braut ok heim

<sup>1)</sup> v. 4. B.



heim til Bjarkeyjar. Ásmundr ok hans félagar fóru leið sína, til þess er þeir komu í Þrándheim á fund Ólafs konúnga; sagði Ásmundr konúnga, hvat til tíðinda hafði gerzt í ferð hans, ok þakkaði honum vel verkit. Gjörðist Karli þá hirðmaðr Ólafs konúnga, hældu þeir vináttu sína; en orðtók þau, er þeir Karli höfðu mælt við víg Ásbjarnar, þá fór þat ekki svá leynt, þvíat þeir sjálfir sögðu frá því konúnga; en þat var, sem mælt er, at [ferr orð er mun liðr<sup>1</sup>; voru þeir þar sumir, er slíkt hugfestu, ok brátt kom til Þóris hunds í Bjarkey.

121. Ólafr konúgr fór um sumarit suðr meðlandi, ok átti þing við bæendr, skipaði landit ok setti menn yfir, ok tók konúnga skyldir þar sem hann fór. Hann ferr um sumarit allt austr til landsenda, ok hafði þá kristnat landit, þar sem héraðin<sup>2</sup> voru; þá hafði hann skipat lögum um allt landit, eptir því sem hann vildi veraláta. Hann hafði þá undir sik lagt Orkneyjar, sem furr var ritat; hann hafði ok gert sér marga menn at vinum bæði á Íslandi [ok Orkneyjum<sup>3</sup>, á Grænlandi ok í Færeyjum. Ólafr konúgr hafði sendt til Íslands kirkjuvið, ok var sú kirkja gjör á þingvelli, þar sem alþingi er, hann sendi með kirkjuviðinum klokku mikla, þá sém þar er enn; þat var eptir at Íslendingar höfðu fært lög sín ok sett kristinn rétt, eptir því sem Ólafr

<sup>1</sup>) hverr á sér vin með óvinum G, D, E, F, G, J, K, L, S.  
<sup>2</sup>) stórhéruð, hin. <sup>3</sup>) v. í. hin.

konúngr hafði þeim orð tilsendt. Síðan fóru af Íslandi margir metorðamenn, þeir er handgengnir gerðust Ólafi konúngi, var þar einn Þorkell Eyjólfsson, Þorleikr<sup>1</sup> Bollason, Þórðr Kolbeinsson, Þórðr Barkarson, Þorgeir Hávarðsson, Þormóðr Kolbrúnar-skáld Bersason. Ólafr konúngr hafði sent vingjafir til Íslands mörgum höfðingjum, en þeir sendu honum þá luti, er þeir fengu, ok þeir væntu at honum mundisending í þikkja; en í þessu vináttumerki, er konúngr gerði til Íslendinga, bjöggu enn fleiri lutir undir, þeir er síðarr urðu berir.

1074 122. Ólafr konúngr sendi þat sumar Þórarinn Nefjölfsson til Íslands með erendum sínum, ok hélt hann skipi sínu út or Þrándheimi, er Ólafr konúngr fór suðr á Mæri; sigldi Þórarinn þá á haf út, ok fékk svá mikit raðbyri, at hann sigldi á 8 dægum, til þess er hann tók eyjar<sup>2</sup> á Íslandi, ok fór þegar til alþýngis, ok kom þarat lögbergi, ok gekk þegar til lögbergs; en er menn höfðu mælt lögskilum, þá tók Þórarinn til máls: ek skildumst fur 4 nóttum við Ólaf konúng Haraldsson, sendi hann kveðju hingat til lands öllum höfðingjum ok landsstjórnarmönnum, ok þar með allri alþýðu karla ok kvenna, úngum ok gömlum, sælum ok veslum, guðs ok sína, ok hann vill vera yðvarr drottinn, ef þér villð vera hans þegnar, en

<sup>1</sup>) Þorlákr C; Þorkell D; Þorleifr G. <sup>2</sup>) Eyjar B, D, E, G, J, K, S.

hvárir annarra vinir til allra góðra luta. Menn svöruðu vel máli hans, og sögðust vilja vera vinir hans, ef hann væri þeirra vinr. Þá tók þórarinn til máls: Þat fylgir kveðjusending konúngs, at hann vill beiðast í vingjöf af Norðlendingum, at þeir gefi honum útsker, er liggr fur Eyjafirði, er menn kalla Grímsey, vill hann þarímóti varðveita yðr þau gæði af sínu landi, er menn kunnu honum orð til at senda; en hann sendi til þess orð Guðmundi ríka at flytja þetta mál, þvíat konúngr hefir þat spurt, at Guðmundr ræðr mestu fur norðan land. Guðmundr svarar: fúss er ek til vináttu við Ólaf konúng, ok ætla ek mēr þat miklu meira til gagns enn útsker þat, er hann beiðist til; en þó hefir konúngr þat eigi rétt spurt, at ek eiga meiri ráð á eyjunni enn aðrir, þvíat þat er nú at almenníngi gert; nú munu vèr eiga fund ok stefnu vor í milli, ok þeir menn er mest hafa gagn af eyjunum. Ganga menn síðan heim til búða. Eptir þat áttu Norðlendingar stefnulang sín í milli, ok tala þetta með sèr, lagði þá hverr til er sýndist, var Guðmundr mjök flýtandi<sup>1</sup> þessa máls, ok snèru þar margir eptir. Þá spurja menn, hví Einarr legði ekki til, bróðir hans: þíkkir oss, segja þeir, hann kunna glöggst at sjá. Þá svarar Einarr: því er ek fáræðinn um þetta mál, at enginn maðr hefir mik atkvaddan; en ef (ek) skal segja mína ætlan,

<sup>1</sup>) flytjandi D, E, G, K.

Þá gáangið til ok hyggið at, landsmenn ! at gánga undir skattgjafar Ólafs konúngs ok allar álögur, slíkar sem menn hafa í Noregi, ok munu menn þat úfrelsi eigi at eins gjöra oss til handa, heldr ok sonum vorum ok þeirra sonum, ok allri ætt várri<sup>1)</sup> síðan, ok öllum þeim er þetta land byggja, ok mun sú ánauð aldri hverfa af landi þessu síðan. [Þá kvað Einarr vísu þessa :

Trautt erumst lausa at láta,  
leið er oss konúngsins reiði,  
gjarn er gramr at árna,  
Grímsey und trauð fleyja;  
höldum vèr fur hildar  
hann er dýrr konúngr stýri  
hólmgerðar fremst hilmir  
hagli pettu nagla<sup>2)</sup>.

En þótt konúngr þessi sè góðr maðr, sem ek trúi vel at svá sè, þvíat þeir segja bezt frá honum, sem hann er kunnastr, þá mun hann þó verða eigi ellri enn gamall, þá mun þat fara hèðan af sem hèrtil, þá er konúnga skipti verðr, at þeir eru sumir góðir en sumir illir; nú ef landsmenn vilja halda frelsi sínu, því er haft hafa, síðan land þetta byggðist, þá mun sá til vera, at ljá engis fangstaðar á sèr, hvárki um landa eignir hèr á Íslandi, nè um þat, at gjalda hèðan ákveðnar skuldir, þær er til lyðskyldu megí metast, en hitt kalla ek vel fallit, at menn sendi konúngi vingjafar þær, er þeir vilja gert

<sup>1)</sup> Hèr sleppr E um sinn. <sup>2)</sup> frá [ v. í hin.

hafa, hauka eðr hesta, tjöld eðr segl, eðr aðra þá luti er sendingar eru í; en um Grímsey er þat at tala, ef þaðan er enginn hlutr fluttr [til matfanga', sá er þar er, þá má þar vel fæða her manns, ok slíkt nökkut get ek konúng hugsa hær; nú ef þar er útlendr her, ok fari þeir þaðan með lángskipum, þá ætla ek mörgum kotkœrl-unum munu þikkja ærit þykkt fur durunum, þar sem þeir róa at húsi. Ok þegar Einarr hafði þetta mælt ok innt allan þenna útveg, þá var öll alþýða með einu samþykki snúin, at þetta skyldi aldri fást. Sá þórarinn<sup>2</sup> eyrindislok sín hœrum.

123. Þórarinn Nefjólfsen gekk til lögborgis annann dag, ok mælti enn konúngs eyrindi, ok hóf svá mál sitt: Ólafr konúngr sendi orð vinum sínum hígat til lands, nefndi hann til þess Guðmund Eyjólfsson, [Snorra goða, Þorkel Eyjólfsson<sup>3</sup> Skápta lögsögumann, Þorstein Hallsson; hann sendi yðr til þess orð, at þær skylduð fara á hans fund, ok sækja þáng-at vináttuboð; mælti hann, at þær skylduð eigi þessa ferð undir höfuð leggjast, ef yðr þætti nökkut undir hans vináttu. Þeir svöruðu svá þessu eyrendi, at þeir þakkaðu konúngi, en sögðust þá mundu segja þórarni um ferðir sínar, er þeir hefði ráðit fur vinum sínum, hverju hær skal um svara. En þeir höfðingjarnir tóku

<sup>1</sup>) sá er til föstu mata fanga er, C. <sup>2</sup>) *Ylfr sleppr I aprt.*  
<sup>3</sup>) v. i A; *tekið úr hinum.*

tal sín í milli, þá sagði hverr sem sýndist um ferðir sínar. Snorri goði ok Skapti löttu þess, at leggja á þá hættu við Norðmenn, at allir senn færi af landi til Noregs, þeir er mest ræðu fur landi, sögðu þeir, at af þessari orðsendingu þætti þeim heldr grunir ádreignir um þat, er Einarr hafði umgetit, at konúngr mundi ætla til pyndinga nokkurra við Íslendinga, ef hann mætti ráða. Guðmundr ok Þorkell Eyjólfsson fýstu mjök at skipast við orðsending konúngs, ok töldu þat sæmdarför mikla verða mundu; en er þeir knýaðu\* þetta með sér, hvern uppskyldi taka, þá staðfestist þat með þeim, at þeir sjálfir mundu eigi fara, en hverr þeirra skyldi gera mann af sinni hendi, þann er þeim þótti bezt tilfallinn, ok skildust á því þingi við svá búit, ok vorðu engar utanferðir á því sumri; en Þórarinn fór tvívegis á því sumri, ok kom um haustit á fund Ólafs konúngs, ok segir honum sitt eyrendi, slíkt er vorðit var, ok svá þat at höfðingjar mundu koma af Íslandi, svá sem hann hafði orð tilsent, eðr varnaðarmenn þeirra.

124. Þat sumar hit sama kom utan af Færeyjum at orðsendingu Ólafs konúngs Gilli lögsögumaðr ok Leifr Özurarson, Þórálfr or Dím-un, ok margir aðrir bóndasynir. En Þrándr or Götu bjóst til ferðar, hann var einhverr mest virðr í eyjunum, en er hann var til ferðar búinn, ljóp fæli<sup>2</sup> sótt at honum, ok mátti hann hvergi

\*1) kusuðu, C.    2) felli, C, F, K, L, S.

fara, ok dvaldist hann eptir. En er þeir Færeyíngar komu á fund Ólafs konúgs, þá kallaði hann þá á tal við sik, ok átti stefnu við þá, lauk hann þá upp fur þeim eyrendum sínum, er undirbjöggu ferðinni, ok segir, at hann vill skatt hafa af Færeyjum, ok svá þat, at Færeyíngar skyldu hafa lög þau, er hann setti þeim á stefnu þessari; fannst þat í orðum konúgs, at hann mundi taka festu til þessa mála af þeim Færeyíngum, sem þá voru þar komnir, ef þeir vildi þat mál swardögum binda, bauð ok þeim, er þá voru þar komnir, at gerast handgengnir, ok þiggja af sèr vináttu ok metorð; en þeim hinum færeyskum mönnum virðist svá í orðum konúgs, at þeim var hinn mesti grunr á, hvern veg ferð þeirra mundi til snúast, ef þeir vildi eigi undir þetta játast, sem konúgr beiddi þá; ok þóat til þessa væri fleiri stefnur lagðar, aðr enn lyktaðist, þá varð þat þó at lyktum allt framgengt, er konúgr beiddi; gengu þeir til handa konúgi, ok gerðust hirðmenn hans, Leifr ok Gilli ok Þórálfr, en allir veittu swardaga til þess, förunautar þeirra, at halda í Færeyjum lög þau, er hann bauð þeim, ok setti landsrètt, ok skattgildi þat, er hann kvað á. Síðan bjöggust þeir hinir færeysku til heimferðar, en áðr þeir skildist, þá veitti konúgr þeim vingjafir, er honum gerðust handgengnir. Fóru þeir síðan ferðar sinnar, er þeir voru búnir, en konúgr lét búaskip, ok fèkk menn til, ok sendi þá menn

til Færeyja, ok skyldu þeir taka við skatti þeim, er Færeyíngar skyldu gjalda honum. Þeir vorðu ekki snembúnir, ok er þat frá ferð þeirra at segja, at þeir komu aldrí aptr, ok engi skatir á því sumri, er næst var eptir; komu þeir ekki til Færeyja, ok hafði þar engi maðr skattheimtan.

125. Ólafr konúgr fór um haustit at áliðnu inn í Víkina, ok gerði orð til Upplanda, ok lét boða veizlur fur sèr, ætlaði hann um vetrinn at fara um Upplönd. Síðan byrjar hann ferð sína, ok fór til Upplanda, dvaldist Ólafr konúgr þann vetr á Upplöndum, ok fór þar at veizlum, ok leiðrètti þá luti þar, er honum þótti ábótavant, ok samdi hann þá enn kristnina, þar sem honum þótti helzt viðþurfa. Þat gerðist til tíðinda, þá er konúgr var á Heiðmörk, at Ketill<sup>1)</sup> af Ríngunesi hóf upp bónorð sitt, ok bað Gunnhildar, dóttur Sigurðar konúgs sýrs ok Ástu, var Gunnhildr systir Ólafs konúgs, átti konúgr svör ok forráð þessa máls; hann tók því vænliga, var þat fur þá sök, at hann vissi um Ketil, at hann var maðr ættstór ok auðigr, vitr maðr ok höfðingi mikill, hann hafði ok lengi áðr verit mikill vinnr Ólafs konúgs, svá sem hær segir furr. Slíkt allt saman bar til þess, at konúgr unni honum þessa ráðs, varð þetta ráð framgengt, at Ketill fèkk Gunnhildar; var Ólafr konúgr at þessi veizlu. Ólafr konúgr fór síðan norðr í Guðbrandsdali, hann

<sup>1)</sup> kálfr, b. v. hin.



tók þar veizlur, þar bjó sá maðr, er Þórðr hét Guthormsson, á þeim bæ er á Steigh heitir. Þórðr var maðr ríkastr norðr þar í hinum neyrðralut Dalanna; en er þeir hittust, þá hóf Þórðr upp bónorðsiit, ok bað Ísriðar, móðursystur Ólafs konúngs, ok átti hann enn svör þessa máls; en er at þessum málum var setit, þá var þat afráðit, at þessi ráð tókust, ok fèkk Þórðr Ísriðar, gjörðist hann síðan öluðarvin Ólafs konúngs, ok margir aðrir frændr hans ok vinir, þeir er eptir honum hurfu. Fór Ólafr konúngr þá suðr aptr um Þotn ok Haðaland, þá á Ríngaríki ok þaðan út í Víkina; fór hann um várit til Túnsbergs, ok dvaldist þar, meðan mestr var tilflutningr, ok þar var kaupstefna mest; lét síðan búa skip sín, ok hafði með sér fjölmenni mikit.

126. Þetta sumar komu af Íslandi at orð- 1025  
sendingu Ólafs konúngs Steinn Skaptason lögsögumanns, Þóroddr son Snorra goða, Gellir son Þorkels Eyjólfssonar, Egill, son Síðu-Halls, bróðir Þorsteins. Guðmundr Eyjólfsson hafði andazt áðr um vetrinn. Þeir hinir íslenzku menn fóru, þegar þeir máttu viðkomast, á fund Ólafs konúngs, en er þeir hittu konúng, fengu þeir þar góðar viðtökur, ok voru allir með honum um vetrinn eptir. Þat sumar hit sama spurr Ólafr konúngr, at skip þat var horfit, er hann hafði sent til Færeyja hit furra sumarit, ok þat hafði hvergi til landa komit, svá at spurt væri. Kon-

<sup>2)</sup> þannig hin; þ'ðr, A.

úngr fèkk þá annat skip til, ok menn með, ok sendir til Færeyja eptir skatti. Fóru þeir menn, ok létu í haf, en síðan spurðist ekki til þeirra heldr enn hinna furri, ok voru þar margar getur á, hvat af skipum þeim mundi vorðit hafa.

127. Knútr hinn ríki, er sumir mennkallaðu [hinn gamla<sup>1</sup> Knút, hann var konúgr yfir Englandi ok yfir Danaveldi. Knútr hinn ríki var son Sveins tjúguskeggs Haraldssonar; þeir lángeðgar höfðu lengi ráðit Danaríki. Haraldr Gormsson, föðurfaðir Knútskonúgs, hafði skattgildi allan Noreg eptir fall Haralds Gunnhildarsonar, ok tók þaðan skatta af. [Eptir þat eignaðist Knútr Norvegsveldi, ok kallaði erfðaland sitt, sem önnur þau er eignast hafði Haraldr konúgr Gormsson, afi hans; setti Knútr konúgr<sup>2</sup> þar til landsgæzlu í Noregi Eirík jarl Hákonarson; réðu þeir bræðr þá landi ok Sveinn jarl Hákonarson, til þess er Eiríkr jarl fór vestr til Englands at orðsendingu Knúts konúgs, mágs síns, ok setti hann þá eptir til ríkis í Noregi Hákon jarl, son sinn, ok systurson Knúts hins ríka; en síðan Ólafr konúgr kom til Noregs, þá tók hann Hákon jarl höndum, ok setti hann af ríki sínu, sem furr er sagt, fór þá Hákon til Knúts konúgs, móðurbróður síns, ok hafði verit með honum alla þessa stund, til þess er nú er komit sögunni. Knútr hinn ríki hafði unnit

<sup>1</sup>) Engla, S. <sup>2</sup>) setti þar til landsgæzlu Hákon jarl enn ríka; Sveinn Danakonúgr réð fyrir Noregi, ok setti yfir, C, D, G, S.

(England) með orrostum ok barizt til, ok hafði haft langt starf, áðr landsfólkit hafði honum hlýðit vorðit; en er hann þóttist þar fullkominn til landstjórnar, þá minntist hann hvat hann þóttist eiga þess ríkis, er hann, hafði eigi sjálf hönd at eðr varðveizlu, en þat ríki var í Noregi, er hann þóttist eiga at taka at erfðum<sup>1)</sup>, en Hákon, systurson hans, þóttist eiga suman, ok þat með at hann þóttist meðsvírðing látit hafa; sá var hinn þriðli lutr til þess, at þeir Knútr ok Hákon höfðu kyrru fur haldit um tilkall í Noregi, ok þá furst, er Ólafr konúgr kom í land, ljóp upp allr múgr ok margmenni, ok vildi ekki annat heyra, enn Ólafr væri konúgr yfir Noregi; en nú síðan er menn þóttust vera úsjálfráðir fur ríki hans, þá leitaðu sumir or landi braut, höfðu farit margir ríkismenn eðr bóndasynir á fund Knúts konúgs hins ríka, ok fengit sèr ýmist til erenda; en hverr þeirra, er kom á fund Knúts konúgs, ok hann vildu þýðast<sup>2)</sup>, þá fengu allir af honum fullar hendr fjár, mátti þar ok sjá tign miklu meiri enn annarstaðar, bæði at fjölmenni því, er þar var síðægris, ok umbúnaði þeim öllum, er þar var í þeim herbergjum, er hann var sjálf í. Knútr konúgr hinn ríki tók skatt ok skyld af þeim þjóðlöndum, er auðgast voru hingat á Norðrlönd, en þeim öllum mun, sem hann átti meiri eignir at taka enn allir aðrir

<sup>1)</sup> allan Noreg, b. v. hin.    <sup>2)</sup> Hér byrjar apttr J.

konúngar, þá gaf hann því öllu meira enn hverr annarra. Í öllu hans ríki var svá góðr friðr, at enginn þorði þar annars granda, en sjálfir landsmenn höfðust því frið við ok fullan landsrètt í alla staði. Af slíku fékkst honum frægð mikil um öll lönd; en þeir er af Noregi komu, þá kærðu fur honum um frelsi sitt, ok talaðu þat fur Hákonu jarli, en sumir fur Knútu konúngi sjálfum, ok sögðu at þeir mundu þá búnir vera at hverfa aptr undir Knút konúng eðr Hákon jarl, ok þiggja af þeim frelsi sitt. Þessar ræður féllu Hákonu jarli vel í skap, ok talaði slíkt fur konúngi, ok bað hann leita eptir, ef Ólafur konúngr vildi gefa upp fur þeim ríkit eðr miðla þeim með nökkuru sáttmáli; voru þar margir menn með jarli um þetta mál ok honum í sinni, ok fýstu mjök konúnginn at kalla til Noregs. Knútr konúngr sendi menn vestan af Englandi litlu síðarr til Noregs, ok var þeirra ferð búin allvegliga, höfðu þeir bréf ok innsigli Knúts, Englands konúngs. Þeir komu á fund Ólafs konúngs um vârit í Tónsbergi; en er Ólafur konúngi var sagt, at þar voru komnir sendimenn Knúts konúngs hins ríka, þá varð hann styggur við, ok sagði svâ, at Knútr konúngr mundi þáingat enga menn senda með þeim eyrendum, at honum eðr hans mönnum mundi gagn í vera; ok var þat nökkura daga at sendimenninnir náðu eigi fundi konúngsins. En er þeir fengu

<sup>1)</sup> Þannig leiðrètt samkvæmt hinum; Eirík, A.

lof til at tala við hann, þá gengu þeir fur hann, ok báru fram bréf Knúts konúgs, ok sögðu þarmeð eyrendi þau, er fylgðu, at Knútr konúgr kallar sína eign allan Noreg, ok telur þat at hans forellrar hafi þat ríki haft fur honum; en fur þá sök at Knútr konúgr vill frið bjóða til allra landa, þá vill hann ok eigi herskildi fara til Noregs, ef annars er af kostr; en ef Ólafr konúgr vill vera konúgr yfir Noregi, þá fari hann á fund Knúts konúgs, ok taki landit í lèn af honum, ok gerist hans maðr, ok gjaldi honum skatta af slíka, sem jarlar guldu fyrrum, Sveinn ok Hákon. Síðan báru þeir fram bréf, ok sögðu þau slíkt hit sama. Þá svarar Ólafr konúgr: þat hefi ek heyrð sagt furr í fornum frásögnum, at Gormr konúgr hinn gamli þætti gildir konúgr fur sèr, ok ræð hann fyrir Danmerk einni; en þessum Dana konúngum, er síðan hafa verit, þikkir sèr þat eigi einhlítt, ok er nú svâ komit, at Knútr konúgr ræðr fur Danmerk ok Englandi, ok hefir nú þó brotit undir sik mikinn luta Skotlands; nú kallar hann til ættleifðar minnar í hendr mæ, kunna skyldi hann hóf at um síðir um ágirni sína, eða mun hann einn ætla at ráða fur Norðrlöndum öllum? eðr mun hann einn ætla at eta kál allt á<sup>1</sup> Englandi<sup>2</sup>? furr mun hann því alla, enn ek færa honum

<sup>1</sup>) af, C. <sup>2</sup>) Norðrlöndum, J.

höfuð mitt, eðr ek veiti honum nè eina lotning; nú skuluð þèr honum segja þau orð mín, at ek mun verja oddi ok eggjum Noreg, meðan ek endumst til, en gjalda engum manni skatt af ríki mínu, meðan guð vill at ek ráði fur. Eptir þenna orskurð fóru sendimenn Knúts konúnga á brott, ok vörðu eigi sínu eyrendi fegnir. Sighvatr skáld hafði verit með Knúti konúngi, ok gaf Knútr konúngur honum gullhríng þann, er stóð hálfa merk; þá var ok með Knúti konúngi Bersi<sup>1</sup>, ok gaf konúngur honum 2 gullhrínga, ok stóð hvárr hálfa merk, ok þar með sverð gullbúit; þá kvað Sighvatr vísu þessa:

Knútr hefir okkr hinn ítri,  
alldáðgöfugr! báðum  
hendr, er hilmí fundum,  
[húns skrautliga<sup>2</sup> búnar;  
þèr gaf hann mörk eðr meira  
margvitr<sup>3</sup> ok hjör bitran,  
gulls, ræðr gjörva öllu<sup>4</sup>  
guð sjálfr, en mèt hálfa.

Sighvatr gerði sér at hvarfi sendimenn Knúts konúnga, ok spurr þá vandliga tíðinda; þeir segja honum ok slíkt er hann spurr, þeir sögðu honum ok frá viðræðum þeirra Ólafs konúnga ok eyrendislokum sínum, sögðu at konúngur hefði þúngliga svarat þeirra málum: ok vitum vèr

<sup>1</sup>) Þórarinn loftunga, C, F; Ottarr svartí, G; Brúsi, J. Skáldtorfuson, b. v. D, J, L, S. <sup>2</sup>) húnskrautligast, C, D, F, K, S. <sup>3</sup>) maunvitr, C. <sup>4</sup>) heillum, J.

eigi, segja þeir, af hverjum hann hefir traust til at neita því, at gerast maðr Knúts konúngs, ok fara svá ríkir höfðingjar, sem hann er, á konúngs fund, ok mundi hans kostur sá beztr, þvíat Knútr konúngr er svá mildr, at aldrí gera þeir svá mikit af við hann, at eigi gefi hann þeim þegar allt upp, ef þeir sækja konúngs fund, ok veita honum lotníngr; var þat nú fur litlu, er til hans komu 2 konúngar norðan af Skotlandi af Fífi', ok færðu honum höfuð sín, ok gaf hann þeim upp reiði sína, ok svá lönd þau öll, er þeir höfðu átt, ok þarmeð á ofan stórar vingjafir; nú mundi sjá konúngr fara slíka sæmdarför eðr meiri, ef hann kynni at þekkjast, ok vildi hann stunda til Knúts konúngs; þá kvað Sighvatr vísu:

Hafa allframir jöfrar  
 út sín höfuð Knúti  
 færð or Fífi norðan,  
 friðkaup var þat, miðju<sup>2</sup>;  
 seldir<sup>3</sup> Ólafr aldrí,  
 opt vâ sigr hinn digri,  
 [hausi hilmir<sup>4</sup> þvísa  
 hann engum svá manni.

Sendimennfóru síðan aptr leið sína á fund Knúts konúngs, ok byrjaði þeim vel um haustit, ok segja honum erendislok sín, ok svá þau ályktarorð Ólafs konúngs, er hann mælti. Knútrkon-

<sup>1</sup>) Fífr, J. <sup>2</sup>) miðjum, C, F, K. <sup>3</sup>) seldi, hin. <sup>4</sup>) haus í heimi, hin.

úngr mælti: eigi getr Ólafr konúgr þess rétt, ef hann ætlar at ek muni eta einn kál allt hér á Englandi, heldr mundi ek hitt vilja, at hann fyndi þat, at mér býr fleira innan rifja enn kál eitt, þvíat honum skulu hëðan köld ráð koma undan hverja rífi, ef ek má ráða. Þat sama sumar komu af Noregi til Knúts konúgs, Áslákr ok Skjálgr, synir Erlíngs af Jaðri, ok fengu þeir þar góðar viðtökur, þvíat Áslákr átti Sigríði, dóttur Sveins jarls Hákonarsonar; voru þau bræðrabörn ok Hákon jarl Eiríksson; fèkk Knútr þeim stórar veizlur með sèr.

128. Ólafr konúgr stefndi til sín lendum mönnum sínum, ok fjölmenti mjök um sumarit, þvíat þau orð fóru um, at Knútr hinn ríki mundi fara um sumarit vestan af Englandi með herskildi til Noregs; þóttust menn þat spurja af kaupskipum þeim, er vestan komu, at Knútr mundi samandraga her mikinn á Englandi; en er á leið sumarit, þa sannaði þat annar, er vestan kom, en annar synjaði, at hinir mundi koma. En Ólafr konúgr var um sumarit í Víkinni, ok hafði menn á njósni, ef Knútr konúgr kæmi til Danmerkr. Ólafr konúgr sendi menn um haustit til Svíþjóðar á fund Önundar konúgs, mágs síns, ok lét segja honum orðsending Knúts konúgs, ok tilkall hans til Noregs, ok lét þat fylgja, at þat var ætlan konúgs, ef Knútr konúgr legði undir sik Noreg, at Önundr konúgr mundi litla hríð þaðan frá í fríð sitja, eðr halda Svíaveldi, ok kallaði hann þat



ráðligast, þeir byndi saman lagsitt okfelagskap, eptir því sem tengðir þeirra voru til, ok rísa ímóti, ok segja at þá skortir eigi styrk til at halda deilu eðr úfrið við Knút konúng. Önundr konúngur tók vel þessu máli, ok sendi þau orð í móti, at hann vill leggja félagskap við Ólaf konúng, eptir því sem hann hafi orð til sent, svá at hverr þeirra veitti öðrum styrk af sínu ríki, hvárr sem furr þarf; þat var ok með orðsending þeirra, at þeir skyldi finnast, ok gera þá ráð með sèr; ætlaði Önundr konúngur at fara um vetrinn yfir Vestra-Gautland, en Ólafr konúngur efnaði til vetrsetu í Sarpsborg. Knútr konúngur kom þat haust til Danmerkr, ok sat þar um vetrinn með allmikitt fjölmenni; honum var sagt, at orðsending hafi farit milli Svía konúnga ok Noregs konúnga, ok þar mundi stórræði undir búa. Knútr sendi þá menn um vetrinn til Önundar konúnga í Svíþjóð, ok sendi honum stórar vingjafar ok vinmæli; sagði hann svá, at vel mætti hann sitja hjá deilum þeirra Ólafs digra: þvíat þú, Önundr! skalt í friði vera fyrir mér, ok svá ríki þitt. En er sendimenn komu á fund Önundar konúnga, þá báru þeir fram gjafar þær, er Knútr konúngur sendi honum ok vináttu hans með. Önundr konúngur tók þeim málum vel ok ekki fljótliga, ok þóttust sendimenn skilja, at Önundr konúngur mundi mjök snúinn til vináttu við Ólaf konúng, mág sinn; fóru þeir aptr ok segja Knúti konúngi þat, er þeir þóttust vísir hafa vordit um Önund konúng, hverr hann

mundi vera í málum þeirra Ólafs konúngs, ok báðu hann engrar vináttu vænta af Önundi Svía konúngi.

129. [Eptir þenna hinn sama vetr<sup>1)</sup> sat Ólafr konúngr í Sarpsborg, ok hafði fjölmenni mikit; þá sendi hann Karla hinn háleyska norðr í land með erendum sínum; fór Karli furst til Upplanda, síðan norðr um Fjall, ok kom fram í Niðarósi, tók þar fè konúngs svá mikit, sem hann hefir orð til sent ok skip gott, þat er honum þótti vel til fallit þessar ferðar, sem hann hafði fur ætlat, en þat var at fara norðr til Bjarmalands; var svá ætlat, at Karli skyldi hafa fèlag við Ólaf konúng, ok eiga hvárr hálf fè. Karli hèlt skipinu norðr á Hálogaland snemma um várit; ræðst þá til ferðar með honum Gunnsteinn, bróðir hans, ok hafði hann sèr kaupeyri, þar var nærr hálfum þriðja tigi manna á skipi; þeir fóru þegar um várit snemmendis norðr á Mörkina. Þórir hundr spurr þetta, hann gerði þegar menn ok orðsendingar á fund þeirra bræðra, ok þat með at hann ætlar ok um sumarit til Bjarmalands, ok vill hann at þeir hafi samflot, ok hafi at helmíngi hvárir við aðra, slíkt er fæst ok til fengjar berr. Þeir Karli sendu þau orð ímóti, at Þórir skyldi hafa jafnmarga menn, ok hafa hálfan 3ja tög, svá sem þeir höfðu; vilja þeir þá síðan, at þá sè skipt fè milli skipanna at jafnaði, fur utan kaupeyri þann, er

<sup>1)</sup> vetr þann, *hin*.

menn hafa. En er sendimenn Þóris komu aptr, þá hafði Þórir látit framsetja lángskipsbuzu mikla, er hann átti, ok látit búa, hann hafði til þess húskarla sína, ok voru á skipi nærr 80 manna; hafði Þórir einn forráð liðs þessa, ok svá afla þess alls, er verðr í ferðinni. En er Þórir var búinn, hēlt hann skipinu norðr með landi, ok hittust þeir Karli norðr í Sandvík<sup>1</sup>; síðan fóru þeir allir samt, ok byrjaði þeim vel. Gunnsteinn ræddi um við Karla, bróður sinn, þegar er þeir fundust, at honum þótti Þórir vera ærit fjölmennr, ætla ek þat ráðligra, segir hann, at hverfa aptr, ok fara eigi við svá búit, at Þórir eigi alla kosti við oss, þvíat ek trúi honum illa. Karli svarar: eigi vil ek aptr hverfa, þvíat þat mun oss vera lagt til ánmælis; en þó er þat satt, ef ek hefði vitat þetta, þá er ek var heima í Lángey, at Þórir hundr mundi koma í ferð vára með svá marga menn, at vèr mundum þá haft hafa fleiri menn með oss, enn svá sem nú er. Þeir bræðr ræddu þetta við Þóri, ok spurðu hví hann hefði lið miklu fleira, enn svá sem mælt var, ok orð höfðu um farit með þeim. Þórir svarar: vèr höfum skip svá mikit ok liðskýlt<sup>2</sup>, at þar má ekki litlu liði viðhlíta, þikkir mér ok í háskaferðum slíkum eigi góðum dreng um aukit. Nú fóru þeir um sumarit optast eptir því sem skip þeirra gengu til; þá er byrlítit var, gekk meira skip þeirra bræðra, ok sigldu þeir þá undan, en þegar hvassara var,

<sup>1</sup>) Sandverí, B, C, D, F, K, L, S.    <sup>2</sup>) liðskýlt, L.

gekk meira skip Þóris, ok sóttu þeir þá eptir; voru þeir sjaldan allir saman, en vissust þó til jafnan. Ok er þeir komu til Bjarmalands, þá lögðu þeir til kaupstaðar, ok tókst þar þegar kaupstefna með þeim Björnum, fengu þeir þar fullræði fjár, er fè höfðu til at verja; Þórir fèkk ok grávöru marga, bæði bjór ok safala; Karli hafði ok allmikit fè, hann keypti ok skinnavöru mikla; þá hældu þeir út or ánni Vínu, var þá í sundr sagt friði við landsmenn. En er þeir voru komnir til hafs út, ok áttu þar skiparastefnu, þá spurr Þórir, ef mönnum sè nökkurr hugr á at fá sèr fjár. Menn svöruðu ok létust þess búnir, ef fèfaung lægi brýn fur. Þórir svarar ok segir, at fèit mundi fást, ef ferð sú tækist vel, en eigi örvænt at mannhætta gerðist í ferðinni. Allir sögðu, at til vildu hætta, ef fèvân væri. Þórir segir, at þannveg væri þar háttat: þá er auðgír menn önduðust, at lausafè skyldi skipta með hinum dauða ok örfum, skyldi hinn dauði hafa hálft eðr meira, stundum þriðjúng eðr minna; þat fè skyldi hera út í skóga, ok stundum voru haugar at gjörvir eðr hús, þar skyldi hræra allt saman mold ok silfr. Þórir segir at þeir skyldi til ferðarinnar búast at kveldi dags; svá var mælt, at engi skyldi renna frá öðrum, engi skyldi ok eptir vera, þá er stýrimaðr segði, at í braut skyldi leggja. Þeir létu menn eptir at gæta skipsins, síðan gengu þeir á

land upp, ok voru furst vellir slèttir, er þeir komu á landit, en þar næst mörk mikil; Þórir gekk fur, en þeir bræðr síðast. Þórir bað menn fara hljóðliga ok hleypa af trjánum berki, svá at hvert trèit sjái frá öðru, at vèr farim hina sömu leið aptr. Þeir komu síðan í rjóðr eitt mikit, en í rjóðrinu var skíðgarðr hárr, hurð var fur skíðgarðinum, ok var hún læst; sex menn af landsmönnum skyldu vaka yfir skíðgarðinum hverja nótt, sinn þriðjung nætr hverir 2. Þá er þeir Þórir komu til skíðgarðsins, voru þeir vökumenn heimgengnir, en þeir, er vaka skyldu næst, voru eigi komnir á vörðinn; Þórir gekk at skíðgarðinum ok krækti öxi sinni uppá, ok las sik uppeptir, fór svá þar til er hann kom á upp ok inn um skíðgarðinn öðrumegin; Þá kom ok Karli at öðrumegin, ok komu jafnsnemma at hliðinu, ok tóku frá lokurnar ok svá slagbrandana, ok luku upp hurðina, gengu menn þá inn í garðinn. Þá mælti Þórir: í garði þessum er gjörr haugr af gulli ok silfri ok moldu, hrært allt saman, skulu menn nú fara þar til, ætli menn sèr eigi svá þúngt, at eigi megi fara fullum fetum frá því; í garðinum er goð Bjarma, er Jómali heitir, ok verði engi svá djarfr, atvið þat glettist eðr hann ræni at nökkuru. Síðan gánga þeir á hauginn, ok tóku fèit sem mest máttu þeir, báru í klæðisín, fylgði þar þó mold mikil, sem væn var at, er skjótt varupptekit. Síðan

mælti Þórir, at menn skyldu í braut fara, ok segir svá: nú skuluð þið bræðr, Karli ok Gunnsteinn! fara furst, en ek mun gánga síðast, ok gæta liðs várs; snèru þeir þá allir út til hliðsins, ok er þeir förunautar voru allir komnir út at skíðgarðinum, þá snèri Þórir aptr, ok veik at Jómalanum, ok tók silfrbolla, er stóð í knjám honum, hann var fullr af silfrpeníngum, steypiti Þórir þá silfrinu í kiltíng sèr, en dró hödduna á hönd sèr, er var yfir bollanum, gekk Þórir þá út at hliðinu; þeir förunautar voru þá varir við, at Þórir var aptrhorfinn; Karli hvarf þá aptr at leita Þóris, ok hittust þeir þá fur innan hliðit; Karli sá þá, at Þórir hafði silfrbollann; síðan rann Karli at Jómalanum, hann sá at digrt men var á hálsinum, hann reiddi upp öxina, ok hjó í sundr týgilinn aptan á hálsinum<sup>1</sup>, varð þat högg svá mikit, at höfuðit tók af Jómalanum, varð brestr svá mikill<sup>2</sup>, at öllum þótti undr at, tók Karli þá menit, fóru þeir þá í braut; ok jafnskjótt sem brestrinn varð, komu fram í rjóðrit varðmenninnir, ok blèsu þegar í lúðra sína, því næst heyrðu þeir alla vega frá sèr lúðrblástra, sóttu þeir Þórir fram at skóginum ok í skóginn; þá heyrðu þeir aptr í rjóðrit óp ok kall ok gaulun illiliga, voru þeir Bjarmar þá þar komnir. Þórir hundr gekk síðast allra manna liðs þeirra, tveir menn gengu fur honum, ok báru sekk nökkurn milli sín, þar var í

<sup>1</sup>) er menit var fest með, b. v. C. <sup>2</sup>) Hér byrjar E aptr.

Því líkast sem aska, þar tók Þórir í hendi sér ok seri þar' eptir í slóðina sem þeir fóru, stundum kastaði hann því fram yfir liðit; fóru svá fram or skóginum á völlum; þeir heyrðu at herra Bjarma fór eptir þeim með ópi ok kalli ok gaulun illiligri, þustu þeir þá fram á völlum hjá þeim á tvær hliðar, en hvergi komu þeir svá nærr þeim eða vâpn þeirra, at þeim vyrði mein at, en þat þóttust þeir Karli helzt af kanna, at Bjarmar sæi þá eigi; en er þeir komu út til skipanna, gánga þeir Karli útá skipin fyrstir, þvíat þeir voru áðr fremstir, en Þórir var lengst á landinu. Þegar þeir Karli voru búnir, þá kastaðu þeir tjöldunum af sér, ok slógu festum, síðan drógu þeir upp segl sitt, gekk skipit þá út á haf brátt; en þeim Þóri tókst allt seinna, ok var skipi þeirra óhógvíknara<sup>1</sup>, ok er þeir tóku til segls, voru þeir Karli komnir langt undan landi; sigldu þá hvárirtveggju<sup>2</sup> nætr ok daga, allt til þess er þeir Karli lögðu aptan dags at eyjum nökkurum, lögðu þeir þá seglit, ok kastaðu akkerum ok biðu straumsfalls, þvíat mikil röst var fur þeim; þá komu þeir Þórir eptir, lögðust þeir ok um akkeri, síðan skutu þeir báti, gekk Þórir á bátinn ok menn með honum, ræru þeir Þórir til skips þeirra bræðra, Þórir gekk uppá skipit, þeir bræðr heilsaðu honum vel; Þórir var heldr fáligr, hann bað

1) Því, K, S. 2) Óauðráðnara, hin. 3) yfir Gandvík, nótt var þá enn ljós, sigldu þeir þá bæði, b. v. hin.

Karla fá sèr menit, þat er hann tók af Jómalanum: þikkjumst ek makligastr at hafa kostgripi þá, er þar voru teknir, þvíat mèt þótti þèr mín við njóta, er þèr komust í braut með engum mannskaða, en mèt þóttir þú, Karli! stýra oss í hinn mesta váða. Þá svarar Karli: Ólafr konúngr á fè þetta allt at helmíngi, er ek afla í þessi ferð, ok ætla ek honum menit; nú far þú á konúngsfund, kann vera at hann fái þèr menit, ef hann vill fur því eigi hafa þat, er ek tók þat af Jómalanum. Þá segir þórir, at hann vill at þeir fari þá á land upp, ok skipti þar fengi sínum. Gunnsteinn svarar ok segir, at þá væri strauuma skipti, ok mál væri at sigla. Síðan draga þeir strengi sína, ok heimta upp akkeri sín; en er þeir þórir sá þat, þá fara þeir ofan í bátinn, ok reru til skips síns; þeir Karli höfðu þá uppdregit segl sitt, ok voru þá lóngt komnir, áðr þeir þórir kæmi yfir sik seglinu; fóru þeir þá til þess er þeir komu í Geirsver, þar er furst bryggjulægi, er norðan ferr; þar komu þá hváirtveggju aptan dags, ok lögðu þar á bryggjulægi, lágu þeir þórir innarr í höfninni, en hinir í utanverðri; en er þeir þórir höfðu tjaldat, þá gekk hann á land upp, ok hans menn mjök margir saman, þeir fóru til skips Karla, höfðu þeir þá umbúizt; þórir gekk þá út at skipinu ok kallaði, bað stýrimann á land gánga. Þeir bræðr gerðu svâ, gengu á land ok nökkurir menn með þeim, þá hóf þórir



hina sömu ræðu ok furr, at hann bað alla menn á land gánga, ok bera til skiptis, þat sem menn höfðu aflat at herfáangi; þeir bræðr sögðu enga nauðsyn at skipta, furr enn þeir kvæmi heim í byggð. Þórir segir, at þat var ekki siðvandi at skipta eigi fyrr herfáangi enn heima, ok hætta svá til um trúleik manna ok einurð. Þeir ræddu um þetta nökkurum orðum, ok þotti sinn veg hvárum; þá snèri Þórir í brott, ok er hann var skamt genginn, þá veik hann aptr, ok mælti, at förunautar hans skyldu bíða hans, kallaði hann á Karla: ek vil tala við þik einmæli, segir hann; Karli gekk þegar í móti honum; en er þeir fundust, þá lagði Þórir spjóti á honum miðjum, svá at í gegnum hann stóð; þá mælti Þórir: kenna muntu þar, Karli! einn Bjarkeyínginn, hugða ek ok at þú mundir kenna spjótit Selshefni. Hann dó þegar, en þeir Þórir gengu þá til skips síns. Þeir Gunnsteinn sá fall Karla, ok runnu þeir þegar þángat til, og sá þeir vegs ummerki, tóku líkit, ok báru til skips, ok brugðu tjöldum ok svá bryggjum, ok heimtust frá landi, þegar þeir máttu; síðan drógu þeir segl upp, ok sigldu leið sína; ok er þeir Þórir sá þat, þá reka þeir af sèr tjöldin sem ákafast, en er þeir drógu upp seglit, þá gekk í sundr dragreipit, fór þá ofan seglit þverskipa, varð þeim Þóri þat dvöl mikil, áðr þeir kvæmi upp seglinu í annat sinn, voru þeir Gunnsteinn þá langt komnir, áðr þeir Þórir voru seglbúnir, ok skriðr

varð at skipi þeirra; gjörðu þeir Þórir þá hvártveggja, at þeir sigldu ok ræru undir; slíkt hit sama gjörðu þeir Gunnsteinn; fóru nú hvártveggju sem aftók mest, bæði nætr ok daga, ok dró seint saman með þeim<sup>1</sup>, þvíat þegar eyjasundin tóku til, þá varð mjúkara at víkja skipi Gunnsteins, en þó dró Þórir eptir svá fast, at þá er þeir komu fur Lengjuvík<sup>2</sup>, snæru þeir Gunnsteinn at landi, ok ljópu á land upp; en litlu síðarr komu þeir Þórir þar, ok ljópu á land upp, ok eltu þá; kona ein(gat) hólpit Gunnsteini ok fólgit hann, ok er þat sagt, at hún var mjök fjölkunnig; fóru þeir Þórir aptr til skipa, ok tóku fê þat allt, sem á var skipinu Gunnsteins, en báru grjót í staðinn<sup>3</sup>; síðan fóru þeir Þórir heim til Bjarkeyjar. Þeir Gunnsteinn fóru furst huldu höfði, ok fluttust á smáskipum, fóru um nætr en lágu um daga, fóru svá allt þartil er þeir komu fram um Bjarkey; fóru þeir Gunnsteinn furst heim í Lángey, dvaldist hann þar þá litla hríð, áðr hann fór suðr með landi, ok lètti eigi furr enn hann kom suðr í Þrándheim, ok hitti þar Ólaf konúng, ok segir honum tíðindin, slík sem vorðin voru í Bjarmalandsferðinni. Konúngr lèt illa yfir ferð þeirra, en bauð þó Gunnsteini með sèr at vera, ok sagðist leiðrètta skyldumál hans, þegar hann mætti sèr svá viðkoma. Gunnsteinn þakkaði kon-

<sup>1</sup>) Hér sleppr E um sinn. <sup>2</sup>) Launguvík, G. <sup>3</sup>) fluttu skipit útá fjörðinn, ok bjuggu rauf á, ok söktu niðr, ð. v. hin.

úingi vel boð sín, ok þekktist þat, ok dvaldist hann með Ólafi konungi um hríð.

130. Svá er sagt furr, at Ólafr konúgr sat þann vetr í Sarpsborg, er Knútr hinn ríki sat í Danmörk. Önundr Svía konúgr reið þann vetr yfir Vestra-Gautland, ok hafði [mikinn her, 30 hundruð<sup>1)</sup> manna; fóru þá menn ok orðsendingar milli þeirra mága, gjörðu þeir þá stefnulaag sín ímilli, at þeir skyldu hittast við Konúngahellu; þeir frestaðu fundinum fur þá sök, at þeir vildu frétta, hvat Knútr konúgr hefðist at; en er áleið várit, þá bjóst Knútr konúgr vestr til Englands með liði miklu, hann setti eptir í Danmerk Hörðaknútr, son sinn, ok þar með honum Úlf jarl, son þorgils sprakaleggs. Úlfr átti Ástríði, dóttur Sveins konúgs, en systur Knúts konúgs hins ríka; þeirra son var Sveinn Úlfsson, er síðan var konúgr yfir Danmerk. Úlfr jarl var hinn mesti merkismaðr. Knútr konúgr fór nú vestr til Englands, sem furr var sagt; en er þat spurðu konúngarnir, Ólafr ok Önundr, þá fóru þeir þegar til stefnunnar, ok hittust við Konúngahellu, varð þar fagnafundr ok vináttumál mikil, svá at þat varð bert fur alþýðu, en þó ræddu þeir þá marga luti, er þeir vissu 2 einir, ok varð þat síðan sýnt ok augljóst fur mönnum; en at skilnaði skiptust þeir gjöfum

<sup>1)</sup> meirr enn þrjár þúsundir (M M M) G, I; þrjú hundruð, L.

við, ok skildust vinir; fór þá Önundr konúgr uppá Gautland, en Ólafr konúgr norðr í Víkina, ok síðan norðrá Gaular ok út á Agðir, ok þaðan norðr með landi; hann lá mjök lengi í Eikundasundi, ok beið þar byrjar; honum var sagt at Erlíngr Skjálgssoh lá í samnaði, ok þeir Jaðarbyggjarnir, ok höfðu her málins. Þat var þá einn dag at konúgsmenn ræddu um með sér, hvárt væri súnnanveðr eðr útsynníng, eðr hvárt þat veðr væri segltækt eðr eigi fur Jaðar, töldu þat flestir at úsiglanda væri; þá svaðar Haldórr Brynjólfsson: þat mundi ek ætla, ef Erlíngr Skjálgssoh hefði búit yðr veizlu á Sóla, at þetta veðr mundi þikkja siglanda fur Jaðar. Þá mælti Ólafr konúgr, at menn skyldu reka af sér tjöldin, ok leggja út skipunum or höfninni, ok svá var gjört; sigldu þeir þann dag fur Jaðar, ok dugði veðr hit bezta, lögðu at um kveldit í Hvítíngsey; fór konúgr þá norðr á Hörðaland<sup>1)</sup>, ok fór þar allt at veizlum, er furhonum voru gjörvår.

131. Þetta vår hafði farit skip af Noregi út til Færeyja, voru á því skipi orðsendíngar Ólafs konúgs til þess at koma skyldi utan af Færeyjum einnhverr hīrðmánnahans, Leifr Özurarson eðr Gilli lögmaðr eðr Þórálfr or Dímun. En er þessar orðsendíngar komu til Færeyja, ok þeim var sagt sjálfum, þá ræddu þeir með sér, hvat undir mundi búa orðsendíng þessi, ok kom þat

<sup>1)</sup> Hólogaland, C, D, F.

ásamt með þeim, at konúngr mundi vilja spurja eptir um þau tíðindi, er sumir höfðu fur satt, at þar hefði misfarizt í eyjunum þeim tveim skipshöfnum, er engi maðr hafði afkomizt. Þeir ræðu þat af með sèr Færeyíngarnir, at Þórálfr skyldi fara; ræðst hann síðan til ferðar, ok bjó byrðing, er hann átti, ok allaði þar til manna, voru þar til 10 menn eðr 12 samt. En er þeir voru búnir ok biðu byrjar, þá var til tíðinda í Austrey, at Þrándr í Götu gekk til stofu einn veðrdag góðan, en þar í stofunni í þverpallinum lágu þeir frændr hans, Sigurðr ok Þórðr, þeir voru Þorlákssynir<sup>1)</sup>, ok hinn þriði var Gautr hinn rauði, þat var ok frændi þeirra. Allir voru þeir frændr gjörviligir menn, Sigurðr var þeirra elztr ok mestr fyrir þeim í öllu. Þórðr átti kenningarnafn, ok var kallaðr Þórðr hinn lági<sup>2)</sup>, hann var þó<sup>3)</sup> manna hærstr, ok var þat þó meirr frá, at hann var þrekligr ok rammr at afli, svà at trautt vissu menn afl hans, hversu styrkr hann var. Þá mælti Þrándr: margt skipast á manns æfi; útídt var þat, er vèr vorum úngir, at menn skyldu sitja inni ok liggja góða veðrdaga, þeir er úngir voru, mundi þat eigi þikkja líkligt hinum furrum mönnum, at Þórálfr or Dímun mundi þikkja meiri þroskamaðr enn þèr; en byrðingr sá, er ek á ok hèr stendr í nausti,

<sup>1)</sup> Aslákssynir, *I hær og frv.* <sup>2)</sup> lángi, *C, D, G hær og frv.* <sup>3)</sup> *v. í C, D, G.*

ælla ek at nú gjörist svá forn, at hann fúni sundr undir bráðinu, hær er ok hvert hús fullt af ullu, ok verðr ekki til verðs haldit; nú mundi ek svá fara, ef ek væri nökkurum vetrum ýngri. Sigurðr spratt þá upp, ok hæt á Þórð ok Gaut, ok kveðst eigi vilja þola frýju þrándar, gánga síðan út ok þar til er húskarlar voru. fóru síðan til skips, ok settu fram byrðinginn, ok létu flytja til farminn, ok hlóðu skipit, skorti þar eigi til farminn heima, þar var ok reiði allr með skipinu, bjöggu þeir skipit á fám dögum, stigu þar á síðan 10 menn eðr 12 á byrðinginn þrándar. Þrándr karl átti ok lengi eintal við þá Sigurð ok Þórð, áðr þeir fóru heiman. Þeir Þórálfr tóku eitt veðr út allir, ok vissust til jafnan í hafinu; mæltust þeir þat við, at hvárir skyldu öðrum vera liðsinnaðir hvers sem við þyrfti; þeir [tóku Noreg í Hereyjum, þat var síð dags, lögðu þeir Sigurðr at utarr við ströndina, ok var þó skamt í milli þeirra; þat varð til tíðinda um aptaninn síð, er myrkt var vorðit, ok þeir Þórálfr ætluðu til rekna at búast, þá gekk Þórálfr á land upp álfreka ok maðr með honum, þeir leitaðu sèr staðar<sup>1</sup>; ok er þeir ætlaðu ofan at gánga, þá segir sá svá, er honum fylgði, at hann fann eigi furr enn kastat var klæði yfir höfuð honum, síðan var hann tekinn upp af jörðunni, í því heyrði hann brest mikinn, síðan var gengit

<sup>1</sup>) komu at Hernum aptan dags, C, D, G; Hernu, F. <sup>2</sup>) at gánga örna sinna, b. v. I.

með hann sem með barn, ok reiddr til falls, en þar var undir sjór kolblárr, ok var hann keyrðr á kaf; en er hann komst á land, fór hann þar til, er þeir Þórálfr höfðu skilit, hitti hann þar á Þórálfr, ok var hann klofinn í herðar niðr, ok var þá dauðr. En er skipverjar<sup>1)</sup> Þórálfs vorðn þessa varir, þá báru þeir lík hans á skip út, ok náttsettu þar um nóttina. Þá var Ólafr konúgr á veizlu í Lygru<sup>2)</sup>, þat er skamt þaðan, voru honum þegar orð gjör um myrgininn, lét Ólafr konúgr þegar stefna örvarþing, konúgr var þar á þinginu, hann hafði ok þangat stefnt Færeyíngum af hvárutveggja skipinu, ok voru þeir til þings komnir; en er þingit var sett, þá stóð konúgr upp ok mælti: Þau tíðindi eru hér vorðin, er slík eru sjaldgæt er betr er; hér er af lífi tekinn góðr drengr, ok hyggjum vèr, at saklaus hafi verit, eðr er nökkurr sá maðr hér, er kunni at segja, hverr þessu verki veldr? En þar gekk engi maðr við því. Þá mælti konúgr: ekki mun ek því leyna, hverr áhugi minn er um verk þetta, at ek horfi á hendr þeim sjálfum Færeyíngum, þætti mér þannveg helzt at unnit, sem Sigurðr Þorláksson muni hafa vegit manninn, en Þórðr hinn lági muni hafa fært hinn á kaf; en þat fylgir ætlan minni, at ek mundi þess geta til, at þat mundi til saka fundit, at þeir mundu eigi vilja at Þórálfr segði eptir þeim ódádír þær, er hann mun hafa vitat at sannar

<sup>1)</sup> skiparar, C, G, I. <sup>2)</sup> Lyggro, S.

munu vera, en oss hefir lengi grunat um morð þau okillvirki, er sendimenn mínir hafa myrðir verit þar í eyjunum. En er konúngr hætti ræðunni, þá stóð upp Sigurðr Þorláksson ok mælti, hann tók svá til orðs: ekki hefir ek furr talat á þíngum, ætla ek mik munu þikkja ekki mjök orðfíman, en þó sè ek nú ærna nauðsyn tilbera, at svara nökkuru um þetta vandkvæði, sem nú er til handa borit, ok áferli þat sem konúngr drap oss skúta um; vil ek þess tilgeta, at ræða sjá, er konúngr hefir uppi haft, muni vera komin undan túngurótum þeirra manna, er miklu eru úvitrari ok verri enn svá sem hann er, er þat ok úlíkliga mælt, at ek mundi vilja vera skaðamaðr Þórláfs, þvíat hann var fóstbróðir minn ok hinn mesti vin, en ef þar væri nökkuð önnur efni í, ok væri sakar til milli okkar Þórálfs, þá er ek svá viti borinn, at ek mundi heldr til þess verks hætta heima í Færeyjum, heldr enn hær undir handarjaðri yðr, konúngr! nú vil ek þess verks sannliga synja fur mik, ok svá fur alla oss fèlaga ok skipverja, vil ek þar bjóða fur eiða, sem lög yðr standa til; en ef yðr þikkir hit fullara, þá vil ek flytja járnburð, ok vil ek, herra konúngr! at þèr sèð sjálfir við skírsluna, þikkir mèr því betr, er hún er frekari gjör, ok ek gæti þessu illmæli sem skjótast rudt ok hrundit, svá at þat sè öllum góðum mönnum ljóst, at vèr fèlagar sèim þessu máli lognir; vil ek ok líkt hrinda hvárutveggja málinu, ok því er konúngr stakk



oss félögum sneið um, at vēr mundim hafa myrða menn hans til fjár. En er Sigurðr hætti máli sínu, þá áttu margir menn lut at, at hann næði undanfærslu um þetta mál, sögðu Sigurðr hafa vel talat, ok töldu hann úsannan at þessu máli mundu vera, sem honum var kent. Konúgr svarar: um þenna mann [hefr svâ stórum<sup>1</sup>, ef hann er loginn þessu máli, þá mun hann vera góðr maðr, en at öðrum kosti mun hann vera nökkuru djarfari enn dæmi finnist til, ok er eigi síðr þat mitt hugboð at svâ muni vera; en þess get ek at hann beri sjálfr vitni um af stundu. En við flutning ok bæn manna þá varð þat, at konúgr tók festu af Sigurði til járnburðar; skyldi Sigurðr eptir um daginn koma í Lygru<sup>2</sup>, ok skyldi biskup þar gera skírslu; ok sleit með því þinginu; fór konúgr um kveldit í Lygru, en Sigurðr ok þeir félagar<sup>3</sup> til skips, tók þá brátt at myrkva af nótt. Sigurðr mælti þá við förum nauta sína: þat er satt at segja, at vēr höfum komit í mikit vandkvæði, ok höfum vorðit fur mikilli álýgi, er konúgr sjá vælráðr ok brögðóttr, mun nú auðsæn várr kostr, ef hann skal ráða, hefir hann furst látit drepa Þórálfr, vin vârn ok félaga, en nú vill hann gera oss at óbótamönnum, ok bera á oss þetta niðingsverks; er honum lítit fur at villa járnburð þenna; nú ætla ek þann hafa litla miskun, er til þess hættir;

<sup>1</sup>) mun stórum skipta, ok, *hin*. <sup>2</sup>) Lifru, C, G, I, S. <sup>3</sup>) hér byrjar *E aptr*.

en nú leggst innan fjörðinn fjarðagol<sup>1</sup> nökkut, ræð ek at vèr vindum segl vârt, ok stefnum á haf út, fari Þrándr sjálfr annat sumar ok seli ull sína, ef hann vill, en ef ek komumst nú á brott klakklaust at sinni, þá þikkir mér meiri vâ, at ek koma aldri síðan til Noregs, víst meðan sjá er konúngr yfir landi, enda sè ek sjálfráði. Þeim förunautum hans þótti þetta hit mesta snjallræði, taka nú ok draga upp segl sitt, láta svâ gánga um nóttina á haf út, sem mest mega þeir, lètta þeir eigi furr enn þeir koma í Færeyjar, ok síðan heim í Götú; lèt Þrándr illa yfir ferð þeirra fur alþýðu; þeir svöruðu ok eigi vel, ok voru þó heima með honum eigi at síðr. Þeir sögðu mönnum þessi tíðindi til Færeyja, víg Þórálfs or Dímón, ok hversu þar höfðu atburðir vorðit, lètu þat ok fylgja, at þeir ætlaðu at konúngr mundi hafa ráðit hann, ok þótti þat hinn mesti mannskaði þar í eyjunum.

132. Brátt eptir þetta spurði Ólafr konúngr, at Sigurðr var í brottu, ok lagðist þúngr orðrómr á um mál þeirra, voru þá margir þeir er þess kölluðu vâ, at Sigurðr mundi sannr at sökum, er áðr hafði synjat fur hann ok mælt í móti konúngi. Ólafr konúngr var all fâraðinn um þettamál, ok kallaði nú eigi hafa farit fjarri getu sinni, þóttist nú vita þat, er áðr hafi hann grunat um til þeirra Færeyínga. Fór konúngr

<sup>1</sup>) fjalla gol, C, G.

Þá ferðar sinnar, ok tók veizlur þar sem fur honum voru gjörvar. Ólafr konúngr heimti til tals við sik þá menn, sem komnir voru af Íslandi, ok furr voru stefndir: Þórodd Snorrason, Gelli Þorkels-son, Stein Skaptason Egil Hallsson. Þá tók konúngr til máls: Þèr hafið jafnan þat mál haft uppi við mik í sumar, at þèr vilduð fara út til Íslands, en ek hefir þarum veitt engan orskurð; nú vil ek segja yðr, hvern veg ek ætla til: Þèr, Gellir! ætla ek at fara til Íslands, ef þú vill þángat bera eyrendi mín, en aðrir Íslenzkir menn þá munu ekki fara til Íslands, furr enn ek veit, hvern veg þeim málum er tekit, er þú ferr með, Gellir! En er konúngr hafði þetta uppborit, þótti þeim, er fúsir voru ferðarinnar, en bannat var út at fara, höfð við sik hin mestu svik, ok þótti ill seta sín ok úfrelsi. Nú fór Gellir til Íslands um sumarit, ok hafði með sèr orðsendingar Ólafs konúngs, þær er hann flutti fram annat sumar á þíngi; en sú var orðsending Ólafs konúngs, at hann beiddi þess Íslendinga, at þeir skyldu taka við þeim lögum, sem hann hafði sett mönnum í Noregi, en veita honum aflandi- nu þegngildi ok nefgildi, penníng fur hvert nef, þann er 10 væri fur alin vaðmáls; þat fylgði ok því, at hann hèt mönnum hær ímót vináttu sinni fullkominni, ef menn vildi honum þessu játa, en elligar afarkostum, þegar hann mætti viðkomast. Yfir þessu tali sátu menn lengi, ok ræðu um lengi sín ímilli, ok

kom þat ásamt með þeim at lyktum at allra samþykkt, at þeir neitaðu þeim lögum ok svá skattgjöfum ok öllum þeim álögum, er konúngr beiddi; ok fór Gellir utan þat sumar, ok á fund Ólafs konúngs, ok hitti hann þat haust í Vík austr, þá er hann var kominn ofan af Gautlandi, svá sem ek vænti at enn muni sagt verða síðan í sögu Ólafs konúngs. Þá er á leið haustit sótti Ólafr konúngr norðr í Þrándheim, ok hêlt liði sínu inn til Niðaróss, ok lét þar búa til vetrsetu sèr; sat Ólafr konúngr þann vetr í Kaupáangi, sá var hinn 13di<sup>1</sup> vetr konúngdóms hans.

133. Ketill jamtr<sup>2</sup> hêt maðr, hann var son Eymundar<sup>3</sup> jarls or Sparbúi<sup>4</sup> or Þrándheimi, hann flýði fur Eysteini konúngi hinum illráða austr um Kjöl, hann ruddi mörkina ok bygði þar sem nú er síðan Jamtaland; austr þangat flýði ok fjöldi annarra manna or Þrándheimi fyrir þeim úfriði, þvíat Eysteinn skattgildi Þrændi, ok setti þar til konúngs hund<sup>5</sup> sinn, er Saurr<sup>6</sup> hêt. Sonarson Ketils jamtar var Þórir helsíngr, við hann er kennt Helsíngjaland, þar bygði hann furst manna, en er Haraldr hárfagri ruddi sèr til ríkis, þá stökk enn fjöldi manna or landi fur hans ofríki, Þrændir ok Naumdælir, ok fjölgaðust þá enn byggðir austr þar á Jamtalandi, ok sumir fóru allt á Helsíngjaland austr frá hafinu, ok voru þeir lyðskyldir

<sup>1</sup>) átti, C, D, L; tundi, F. <sup>2</sup>) jamti, hin. <sup>3</sup>) Öundar, hin. <sup>4</sup>) Sparrahúi, C; Sparabúi, hin. <sup>5</sup>) son, C, D, G, H, I, K. <sup>6</sup>) Sörr, B, C, D, H, L; Serr, I; Sörkyir, K.

undir Svía konúng. En er Hákon Aðalsteinsfóstri var fur Noregi, þá settist friðr ok kaupferð or Þrándheimi til Jamtlands, en sakir vinsælda Hákonar konúgs, þá sóttu Jamtar austan á fund hans, ok játaðu honum hlýðni sinni, ok guldu honum skatta, setti hann þeim lög ok landsrètt, vildu þeir heldr þýðast Noregs konúng enn stunda til Svía konúgs, þvíat þeir sögðust af Noregi ættaðir, ok svá gjörðu Helsíngjar allir, þeir er ættaðir voru norðan um Kjöl, ok hèlzt þat síðan, allt til þess er Ólafr digri ok Ólafr sænski deildu um landaskipti, þá hurfu Jamtar aptr ok svá Helsíngjar<sup>1</sup> undir Svía konúng, ok røð þá landaskipti austr Eiðaskógr, en þá Kilir allt norðr til Fínmerkr, tók þá Svía konúgr skatt af Helsíngjalandi ok svá Jamtalandi, sem at fornu hafði verit, ok þó hafði þat svá lengi staðit, at Jamtr<sup>2</sup> höfðu Svía konúgi skatt goldit, ok þaðan voru sýslumenn yfir landinu; vildu Svíar þá ok ekki heyra annat, enn undir Svía konúng hyrfi allt landit austr þaðan, þat er lá fur austan Kjölu; var þar þá, sem opt eru dæmi til, þó at mágsemd ok vinátta væri með konúngum, at þó vildi hvárr hafa ríki allt, þat er eiga þóttist, ok hann þóttist nökkura tiltölu hafa; hafði Ólafr konúgr ok látit fara orð um til Jamtlands, at þat var hans vill, at Jamtr veitti honum lyðskyldu, ok hèt þeim elligar afarkostum, en Jamtr gerðu ráð sín, ok sögðust vildu hlýðni veita Svía konúgi.

<sup>1</sup>) Hér sleppr E um sinn. <sup>2</sup>) þannig.

134. Þóroddr Snorrason ok Steinn Skaptason undu illa sínum lut, er þeir fóru eigi sjálf-ráða, hvert er þeir vildu. Steinn var manna fríðastr sýnum, ok bezt at sèrgjörri um allar íþróttir, hann var ok skáld gott, skartsmaðr mikill ok metnaðarfullr. Skapti faðir hans hafði ort drápu um Ólaf konúng, ok hafði kennt Steini, var svá ætlat at hann skyldi færa konúnginum kvæðit. Steinn mátti eigi orða bindast at ámæla konúngi bæði með sundrlausum orðum ok samföstum. Báðir voru þeir Þóroddr óvarmæltir, þeir sögðu at konúngr vildi verr hafa enn þeir, er sonu sína eðr frændr höfðu sent honum til trúnaðar, ok sögðu slíkt hin mestu svik, er konúngr lagði þá í úfrelsi, ok lét þá eigi skyldu vera sjálfráða ferða sinna. Konúngr reiddist þessu mjök. Þat var einnhvern dag at Steinn gekk fur konúng, ok spurð hann, ef hann vildi hlýða drápu þeirri, er Skapti faðir hans hafði ort um hann. Konúngr svarar: hitt mun furst ráð, Steinn! at þú kveðir þat, er þú hefir ort um konúng þinn. Steinn segir, at þat var ekki, er hann hafi ort: þvíat ek er ekki konúngs sköld, en þó at ek kynni at yrkja, þá mundi yðr þat þikkja, sem annat um mik, heldr lítit vegligt; gekk Steinn þá í brott, ok þóttist vita, hvat<sup>1</sup> til horfði, ok talaði ekki fleira við konúng. Þorgeirr hét armaðr Ólafs konúngs, ok ræð fur búi hans í Orkadal, hann var þá þar, ok heyrði orð þeirra konúngs ok Steins, fór hann heim

<sup>1</sup>) Hér sleppr I um sinn.

síðan. Þat var á einhverri nótt, at Steinn ljópst í braut or bænum, ok skósveinn hans með honum, fóru þeir [furst uppá Gaularás, ok svá út síðan, til þess er þeir komu í Gaulardal<sup>1</sup>, ok at kveldi komu þeir til konúngs búss þess, er Þorgeirr ræð fur, bauð Þorgeirr Steini þar at vera um nóttina, ok spurr, hverju gegni um farar hans. Steinn bað hann fá sèr hest ok sleða með; sá hann at þar var heimekit korni með. Þorgeirr svarar: eigi veit ek, hvern veg afstendst um farar þínar, hvárt þú ferr nökkut at konúngs leyfi, þótti mèr [svá at eins<sup>2</sup> mjúkt fara með ykkur hinn furra dag, Steinn svarar: þótt ek sè at engu sjálfráði fur konúngi, þá skal ek þó eigi svá fur þrælum hans; hann brá þá sverði ok drap ármanninn, síðan tók hann hestinn, ok bað svein sinn á bak laupa, en Steinn settist í sleðann; fóru þeir þá leið sína, ok óku um nóttina alla, þar til er þeir komu um myrgininn á Mæri í Súrnaðal; síðan fá þeir sèr flutning yfir fjörðu, ok fóru sem ákafast, ok sögðu<sup>3</sup> víg þetta þar sem þeir fóru, en kölluðust vera konúngsmenn, ok fengu af því góðan forbeina, hvar sem þeir komu; þeir komu at kveldi eins dags í Gizka til búss Þorbergs Árnasonar, hann var eigi heima, en kona hans var heima, hún hét Ragnhildr, ok vardóttir Erlíngs Skjálgsssonar, fekk Steinn þar allgóðar viðtökur, þvíat þar voru kunnleikar miklir með

<sup>1</sup>) Orkadale, *hinn*.    <sup>2</sup>) ekki, *hinn*.    <sup>3</sup>) þeir ekki, *b. v. hinn*.

þeim. Sá atburður hafði vorðit áður, þá er Steinn hafði farit til Noregs furr, átti hann þá sjálfr skipit, ok var hann formaður á skipinu, at hann kom af hafi utan at Gizka, ok lágu þeir þar út við eyna, þá lá Ragnhildr á sængar rekkju, ok skyldi verða létтари, ok kom allhart niðr, en prestur var engi á eyjunni, ok engi allnærr, var þá komit til kaupskipsins, ok spurt hvárt nökkurr var prestur á skipinu; þar var einn prestur á skipi, sá er Bárðr<sup>1</sup> hét, vestfirzkr, úngr ok lærðr heldr lítt. Sendimenn báðu prest fara til húss með sèr, at finna húsfreyju; presti þótti sem þat mundi vandi mikill, en vissi fákunnandi sína, ok vildi eigi fara; þálagði Steinn orð sín til við prest, ok bað hann fara. Prestur svarar þá: fara mun ek, ef þú ferr með mèr, þvíat mèr þíkkir mikit traust at þèr til umráða, hvárs sem við þarf. Steinn segir, at hann vill þat gjarna til leggja, ef hann vill þá fara heldrenn áðr. Síðan fara þeir til bæjar, ok þar til er Ragnhildr var; litlu síðarr fæddi hún barn, þat var meybarn ok var allúmáttuligt, þá skírði prestur barnit, en Steinn hèlt meyjunni undir skírn, ok hèt sú mærl þóra. Steinn gaf meyjunni fíngurgull, er hann hafði á hendi sèr. Ragnhildr hèt Steini vináttu sinni fullkominni, ok bað hann á sinn fund koma, ef hann þættist hennar þurfa. Steinn segir, at hann mundi eigi fleirum meyjum undir skírn halda,

<sup>1</sup>) Brandr, C, D, G, K, L, S.



ok skildust þau at svâ búnu. En nú er þar komit, er Steinn heimtir þessi vinmæli at Ragnhildi, ok segir hvat hann hefir hent, ok svâ þat at hann mun vordinn fur konúngs reiði. Hún segir [mátt at magni skulu<sup>1)</sup> um liðveizluna við hann; bað hann þar biða Þorbergs bónda, hún skipaði honum hjá Eysteini orra, syni sínum, hann var þá 12 vëtra. Steinn gaf gjafir þeim Eysteini ok Ragnhildi. Þorbergr hafði spurt allt um ferðir Steins, áðr hann kom heim, ok var hann heldr úfrýnn. Ragnhildr gekk til máls við hann, ok segir honum allt um hag Steins, hversu farið var, ok bað hún hann taka við Steini, ok sjá á mál hans. Þorbergr svarar: ek hefir spurt allt um ferðir Steins, ok konúngr hefir átt örvarþing eptir Þorgeir ármann sinn, ok er Steinn útlægr gjörr fur endilángan Noreg, dræpr ok tiltækr, hvar sem hann verðr staðinn, svâ ok þat at konúngr er hinn reiðasti, ok kann ek mër meiri svinnu eun takast á hendr einn útlenðan mann, ok hafa þar fur konúngs reiði; ok lát þú Stein fara í brott sem skjótast. Ragnhildr svarar, at þau Steinn skyldu bæði í braut fara, eðr vera þar bæði ella. Þorbergr bað hana fara, hvert er hún vill: vænti ek þess, segir hann, þó at þú farir, at þú komir skjótt aptr, þvíat hër í Gizka munu vera mest þín metorð. Þá gekk fram Eysteinn, son þeirra, hann mælti

<sup>1)</sup> at mátt skal at megni, *hin*,

svá, at hann mundi eigi eptir vera, ef móðir hans færi í braut. Þorbergr sagði þau lýsa mikla þrályndi í þessu ok ákaflyndi, ok er þat vænst, segir hann, at þið ráðið þessu, er ykkir þikkir þó allmiklu máli varða, en of mjök er þér ættgengt, Ragnhildr! segir hann, ok yör frændlíngum, at virða lítils orð Ólafs konúngs. Ragnhildr svarar: ef þér vex allmjök í augu, at halda Stein, þá farðu með honum á fund Erlíngs föður míns, eör fá honum þat föruneysi, er hann komist þáгат í friði fyrir þá sök, þá vænti ek, at hann taki við honum skjótt fur mín orð. Þorbergr segir, at hann mun ekki Stein þáгат senda, ok mun Erlíngi þó ærit margt tilbera, þat er konúngi er misþokkat, þó at þat leiði eigi af mæ til. Var Steinn nú þar um vetrinn; en eptir jól komu til Þorbergs sendimenn Ólafs konúngs með þeim erendum, at Þorbergr skal koma á fund hans fyrir miðja föstu, ok var lagt ríkt við þá orðsending. Þorbergr bar þetta fur vini sína, ok leitaði ráðs við þá, hvárt á þat skyldi hætta, at fara til móts við konúng at svá förnu máli; en flestir löttu hann þess, ok kölluðu þat ráðligra at láta Stein furri af höndum, enn fara á fund konúngs. En Þorbergr var fúsari at leggjast þessa ferð eigi undir höfuð. Nökkuru síðar fór Þorbergr til fundar við Finn, bróður sinn, ok bar þetta mál fur hann, ok bað hann til ferðar með sér. Finn svarar: íllt þikkir

mér ofkvænislíkt, at þora eigi fur konu sinni at halda einurð sinni við lánardrottinn sinn. Kost muntu eiga, segir Þorbergr, at fara eigi nema þú villir, en þó ætla ek at þú letizt meirr fur hræðslu sakir enn hollustu við konúng. Skildust þeir bræðr reiðir, fór Þorbergr síðan tilfundar við Árna, bróður sinn, ok bað hann fara með sér til móts við konúng, og segja honum, hversu háttat var. Árni svarar: jundarligt þykkir mér um svá vitran mann, sem þú ert ok furleitinn, er þú skalt hafa rasat í svá mikla úhamíngju, at þú skalt hafa vorðit fur konúngs reiði, þar sem enga bar nauðsyn til; þat væri nokkur vorkunn, at þú heldir frændr þína eðr fóstbræðr, en þetta er alls engi, at hafa tekizt á hendr íslenzkan mann, ok halda útlaga konúngs, ok hafa nú þar fur í veði fè þitt ok fjör ok allra frænda þinna, þeirra er þínu máli vilja fylgja, ok svá vina þinna. Þorbergr svarar: svá er sem mælt er, at einn er ökvisi<sup>1</sup> ættar hverrar, sú er mér auðsænst úhamíngja föður míns, hversu honum glapnaði sona eignin, er hann átti þann síðarst, er engi líkindi hefir várrar ættar, ok daðlaus er með öllu; mundi þat ok sannast, ef mér þætti eigi skömm við móður mína mælt, at ek mundi þik aldregi kalla várn bróður. Snèri Þorbergr þá heimleiðis ok heldr úkátr. Síðan sendi hann menn

<sup>1</sup>) aukvisi, afskriftinnar.

norðr til Þrándheims á fund Kálfs, bróður síns, ok bað hann koma til Agðaness í móti sèr. Ok er sendimenn komu, ok hittu Kálf, þá hèt hann þegar ferðinni, ok hafði engi orð fur. Ragnhildr sendi menn austr á Jaðar til Erlíngs, föður síns, ok bað hann senda sèr menn. Þaðan fóru synir Erlíngs, Sigurðr ok Þórir, ok hafði hværr þeirra tvítögsessu vel skipaða<sup>1</sup>; fóru nú síðan leið sína, til þess er þeir komu í Gizka; höldu þeir Þorberg þaðan norðr meðlandi, þá lá þar fur þeim Finnur ok Árni með tvær tuttögsessur<sup>2</sup>; síðan fóru þeir með því liði öllu norðr til Þrándheims, ok var Steinn þar í för með þeim; ok er þeir komu til Agðaness, þá var þar fyrir Kálfr Árnason, ok hafði tvítögsessu velskipaða; síðan fóru þeir með liði sínu öllu inn til Niðarhólms<sup>3</sup>, ok lágu þar um náttina. Eptir um morgininn áttu þeir tal sín í milli ok ráðagerðir, vildi Kálfr ok synir Erlíngs, at þeir færi þá öllu liðinu inn til bæjarins, ok lèti þá skeika at sköpuðu, en Þorberg vildi þat eigi, lèzt vilja furst fara at með vægð, ok láta bjóða konungi sæmilig boð; samþykktist Finnur því ok svá Árni; var nú þat ráðs tekit; fóru þeir Finnur ok Árni á konungs fund fíkir saman. Konúngr hafði þá spurt um fjölmenni þat, er þeir höfðu, ok var hann heldr styggr í ræðunni. Finnur bauð fur Þorberg ok Stein boð þau, at konúngr skyldi gera

<sup>1</sup>) ok á 9 tígu manna, C, G, K, S; ok á 30 manna, D. <sup>2</sup>) Hér byrjar E aptr. <sup>3</sup>) Niðaróss, G, L; Hólmur, D, G.

fè svá mikit, sem hann vildi sjálfr, en Þorbergr hefði landsvist ok veizlur slíkar, sem hann hafði áðr, en Steinn lífsgríð ok lima. Konúngr svarar: svá lízt mèt, sem þessi fœr muni svá heim-an búin, at þær munuð nú þikkjast hafa ráð við mèt eða heldr meirr, en þess mundi mik þó sízt vara af yðr bræðrum, at þær munduð<sup>1</sup> fara með her ímóti mèt, enda kenni ek ráð þessi, at þeir Jaðarbyggvarnir munu hær upphafsmenn at vera; en ekki þarf mèt fè at bjóða. Þá svarar Finn: ekki höfum vèr bræðr fur þá sök lið samandregit, at vèr munim yðr, herra! bjóða nökkurn úfrið, má ok þetta ok ekki kenna Jaðarbyggjum, þvíat vèr báðum þá liðs, heldr berr hitt til um fjölmenni vært, at vèr vildim yðr bjóða furst vára þjónostu, en ef þat stoðar ekki, ok villð þær því neita, ok ætlið Þorbergi nökk-ura afarkosti at bjóða, þá munu vèr nú fara með lið þat, sem vèr höfum samandregit, á fund Knúts konúngs hins ríka, ok vita hvært hann vill oss af höndum vísa, en til hins gerumst vèr ekki, at bjóða yðr nè einn úfrið. Konúngr leit við honum, ok mælti: ef þær bræðr villð sverja mèt þat, at fylgja mèt utanlands ok inn-  
anlands, ok skiljast eigi við mik, nema mitt sè lof eðr leyfi; eigi skuluð þær leyna mik, ef þær vitið mèt svikræði veitt, þá vil ek taka sættir af yðr. Síðan fór Finn til liðs síns, ok sagði,

<sup>1</sup>) Hær byrjar I aptr.

hverja kosti konúgr hafði þeim gerva. Bera þeir síðan saman ráð sín; sagði Þorbergr, at hann vill þenna kost fur sína hönd: er ek ófúss at flýja af eignum mínum, ok sækja til útlendra höfðingja, ætla ek mër þat til sæmdar verða munu, at fylgja Ólafi konúgi, ok at vera þar, sem hann er. Þá svarar Kálfr: enga mun ek eiða vinna Ólafi konúgi, en vera þá eina hríð hér í landi, er ek held veizlum mínum ok met-orðum, ok konúgr vill vera vin minn, ok er þat minn vill, at svá gerim vër allir. Finnur svarar: til þess er ek ráðinn, at láta konúg einn ráða skildögum okkarr í milli. Árni Árnason mælti: til þess er ek ráðinn, at fylgja þèr, Þorbergr bróðir! Þó at þú villr berjast í móti Ólafi konúgi, þá mun ek eigi nú við þik skiljast, allra helst er nú tekr þú svá gott ráð upp, ok mun ek fylgjaykkr Finni, bróður mínum, ok taka þann kost upp, sem þið sjáið ykkur til handa. Gengu þeir bræðr 3 í eitt skip, Þorbergr, Finnur ok Árni, ok ræru inn til bæjarins, ok gengu síðan á konúgs fund; fór þá fram þetta sáttmál, at þeir bræðr svörðu konúgi eiða; þá leitaði Finnur Steini sætta við konúg, en konúgr sagði, at Steinn skyldi í friði fur honum fara, hvert er hann vildi: en ekki mun hann með mër vera, segir konúgr síðan, mun hann þat ok ekki lasta. Þá fór Þorbergr út til liðs síns. Fór Kálfr þaðan útá Eggju til búss síns,

<sup>1)</sup> Þorbergr, C, D, E, G, I, K, L, S.

en Finnur fór til konúngs, en Þorbergur ok Árni ok annat lið þeirra fór heim. Steinn fór suður með sonum Erlíngs; ok um vart snemma fór Steinn vestr til Englands, ok gekk síðan til handa Knúti konúngi hinum ríka, ok var með honum í góðu yfirlæti.

135. Þá er Finnur Árnason hafði litla hrið dvalizt með Ólafi konúngi, þá var þat einnhvern dag, at konúngur kallaði Finn til máls við sik, ok enn fleiri menn, þá er hann var jafnan vanr at hafa við ráðagerðir sínar. Þá mælti konúngur, ok segir svá: sú ráðagerð staðfestist í skapi mér, at ek ætla mér í vár at bjóða út leiðángri af öllu landi, bæði at liði ok skipum, ok fara síðan með her þann allan, er ek má fá, ímóti Knúti konúngi hinum ríka, þvíat ek veit um þat tilkall, er hann hefir hér í hendr mér til ríkis, at hann mun þat eigi at engu hafa ætla; nú er þér þat at segja, Finnur Árnason! at ek vil, at þú farir sendiför mína norður á Hálogaland, ok hafir þar útboð, bæði at skipum ok liði, ok stefnir öllu því liði til móts við mik til Agðaness; síðan nefndi hann aðra menn til, ok sendi suma í Þrándheim, en suma suðr íland, svá at hann lét þetta boð fara um allt land. Þat er at segja frá för Finns, at hann hafði skútu, ok á nærr 30 manna; en er hann var búinn, þá fór hann ferðar sinnar, til þess er hann kom á Hálogaland, þá stefndi hann þing við bændr, ok bar þá upp eyrendi sín, ok krafði leiðángurs fur hönd Ólafs konúngs;

bændr áttu í héraði stór skip ok leiðángrsför; skipaðust<sup>1</sup> þeir vel við orðsending konúngs, ok bjöggu skip sín þegar. En er Finnur sótti norðr á Hálogaland, þá átti hann þing við bændr, en sendi menn sína nökkura fur sèr, at krefja útboðs, sem honum sýndist. Finnur sendi menn sína í Bjarkey til Þóris hunds, ok lét þar krefja leiðángrs sem annarstaðar; en er Þóri komu þessi boð konúngs, þá bjóst hann þegar til ferðar, ok skipaði húskörlum sínum á þat hit mikla skip, er hann hafði haft áðr um sumarit til Bjarmalands, bjó hann þat með síns eins kostnaði. Finnur stefndi saman öllum Háleygjum þeim, er norðr voru þaðan; kom þar saman um várit lið mikit, ok biðu til þess, er Finnur kom norðan; var þar ok þá kominn Þórir hundr, þá er Finnur kom; lét hann blása til húspíngs leiðángrs liðinu öllu; á þínginu sýndu menn vörn sín, svá sem siðvandi er til, var svá ok ransakat útboð í skipreiðu hverri; en er þetta var atgjört, þá mælti Finnur: þik vil ek at þessu kveðja, Þórir hundr! hver boð viltu bjóða Ólafi konúngi fyrir aftöku Karla hirðmanns hans, eða fur rán þat, er þú tókt fè hans norðr í Lengjuvík? nú hefi ek konúngs umboð um þetta mál, en nú vil ek vita svör þín. Þórir litast um, ok sá hann til beggja handa sèr standa marga menn, kendi hann þar Gunnstein, bróður Karla, ok marga frændr hans ok vini; þá mælti Þórir hundr: skjót eru boð mín, Finnur!

<sup>1</sup>) hér sleppr E um sinn.



at ek vil festa allt mitt mál undir konúng ok hans dóm, þat er honum þíkkir at við mik. Finnur svarar: þat er nú mest vãn, at þér sè nú minni sæmdar af unnt eðr virðingar, þvíat nú beint munt þú verða at festa á minn dóm, ef sættast skal. Þórir svarar: þá ætla ek þat enn allvel komit, ok skal þat þá enn ekki undan draga. Gekk Þórir þá til festu, ok skildi Finnur þat mál allt fur; síðan segir Finnur upp sættina, at Þórir skyldi gjalda konúngi 10 merkr gulls<sup>1</sup>, en Gunnsteini [aðrar 10 merkr, en þeim frændum<sup>2</sup> hin- ar þriðju 10 merkr fur rán ok fêskaða, ok gjalda nú upp þegar í stað<sup>3</sup>; ok þat með, segir Finnur, at þú skalt nú framselja menit þat hit mikla ok hit góða, er þú tókt af Karla dauðum. Þórir kveðst ekki men tekit hafa. Þá gekk Gunnsteinn fram, ok sagði at Þórir hefði tekit menit af Karla dauðum, ok sagði at Karli hefði menit á hálsi sèr, er hann gekk til fundar við Þóri, en þá var af honum, er vèr tókum lík hans. Þórir lèzt ekki hugleidt hafa um men þat: en þóat verit hafi nökkut men, þá mun þat heima liggja í Bjarkeyju. Þá setti Finnur spjótsoddinn fur brjóst Þóri, ok mælti, at hann skyldi þá fram- selja menit, þótt honum þætti allmikit fur.

<sup>1</sup>) silfrs, C. <sup>2</sup>) ok þeim frændum (fêðgum, C) aðrar 10 merkr, en fyrir rán ok fêskaða, hin. <sup>3</sup>) Þórir svarar: þetta er mikit fê- gjald. Him er annar kostur, at lokit sè sætt allhi. (þat fyrirf. v. i B, G.) Þórir mælti, sagði at Finnur mundi ljá honum fresta at leita lána af sveitúngum sínum. Finnur bað hann gjalda þegar í stað, ð. v. hin.

Þórir tók þá menit af hálsi sèr, ok seldi Finni. Síðan snèri Þórir í braut, ok á skip sitt, ok mart manna með honum; Finnur gekk útá skipit eptir honum, ok tóku þeir upp rúm, þeir fundu undir þiljum niðri við siglu tunnur 2 svá miklar, at þeim þótti öllum mikil undr at vera, hve miklar voru. Finnur spurð Þóri, hvat í tunnum þeim hinum stóru væri. Þórir segir, at þar væri í drykk hans. Finnur svarar: hví gefr þú oss ekki at drekka, fèlagsmaðr! svá mikinn drykk sem þú hefir? Þórir mælti, at renna skyldi or tunnunni í bolla, ok gefa þeim. Síðan var þeim Finni gefit at drekka, ok var þat hinn bezti drykkur. Þá bað Finnur Þóri greiða fèit af höndum, eðr segja, ef hann vildi eigi greiða. Þórir bað hann gánga á land upp, ok kveðst þar mundu greiða. Gekk Finnur þá á land upp ok hans menn, þá kom Þórir þar, ok greiddi fèit, var þá reidt or einum sjóði 10 merkr vegnar, lét hann þá fram knýtiskauta marga, var í sumum merk vegin, en í sumum hálfmerk, sumum aurar nökkurir. Þá mælti Þórir: þetta er lánsfè, er ýmsir menn hafa lánat mèr, þvíat uppi ætla ek nú skotssilfr þat, er ek átti. Síðan gekk Þórir á skip út, en er hann kom aptr, þá reiddi hann silfrit smám ok smám, þá leið á daginn; en þegar er þíngit sleit, þá gánga menn til skipa sinna, ok bjöggust til brottlögu, tóku menn þá at sigla, hverr svá sem búinn var; kom þá svá at flestir höfðu í brott siglt, sá

Finnr þá at þyntist liðit um hann, kölluðu menn þá á hann, ok báðu hann verða búinn, var þá eigi greiddr enn einn þriðjungr fjárins. Þá mælti Finn: seint gengr gjaldit, Þórir! sè ek at þèr þikkir fur at gjalda fèit, skal nú ok kyrt láta furst við þik at sinni, skalt þú nú ok greiða konúngi slíkt fèit, sem eptir er. Stóð Finn þá upp, ok snèri á braut. Þórir mælti: vel þikkir mèr þat, Finn! at nú skill með okkr furst at sinni, en við skal ek leita at gjalda þessa skuld<sup>1</sup>, svà at konúngi ok báðum ykk þikki eigi vargoldin. Þá gekk Finn tilskipa sinna, ok sigldi eptir liði sínu. Þórir varð seint búinn or höfninni, ok er segl þeirra komst upp, þá hèldu þeir út [or Vestrafirði<sup>2</sup>, síðan á haf út, ok suðr með landi, svà at sjárr var í miðjum hlíðum, en stundum vatnaði land, lèt hann svà gánga suðr allt, þar til er hann lèt í Englandshaf, ok kom fram í Englandi; fór hann síðan á fund Knúts konúngs, ok tók hann vel við honum; kom þat þá upp, at Þórir hafði of lausafjár, hafði hann þar þá allt lausafè þat, er hann hafði haft af Bjarmlandi hit furra sumarit, ok svà þat er hann tók af þeim Karla; en í tunnum þeim hinum miklu, þá var botn fur innan þann botninn, ok allskamt í milli, ok var þar drykkinn í milli, en hvártveggi tunnan sjálf var reyndar full af [gulli<sup>3</sup> ok grám skinnum, bjór ok safvala. Var Þórir síðan með Knúti konúngi um hríð; en Finn fór með

<sup>1</sup>) Hér byrjar E aptr. <sup>2</sup>) um Vestfold, D. <sup>3</sup>) v. í hin.

Þat lið, er hann fèkk, til móts við Ólaf konúng, ok segir honum allt af ferðum sínum, ok svá þat með at hann kveðst þat hyggja, at Þórir væri or landi stokkinn, ok vestr til Englands á fund Knúts konúnga: ok ætla ek hann oss óþarf-an vera. Konúgr svarar: trúi ek því, at Þórir mun oss vera úvin, hvar sem hann er, ok þikkir mér hann jafnan betr firr mér enn nærr.

136. Ásmundr Grankelsson hafði verit þann vetr á Hálogalandi í sýslu sinni, ok var heima með föður sínum Grankeli. Þar liggr til hafs útver, er bæði er selver ok eggver gott, fugl-ver ok fiskaver, hafði þat lengi at fornu legit til bæjar Grankels ok þeirra feðga, en Hárekr or Þjóttu veitti tilkall, var nú svá komit, at hann hafði haft af verinu öll gögn nökkur miss-eri; en þá þóttist Ásmundr ok þeir feðgar hafa traust konúnga til allra rættra mála, fóru þeir þá báðir feðgar á fund Háreks um vârit, ok sögðu honum jarteinir Ólafs konúnga, er Ás-mundr fór með, at hann skyldi láta af tilkalli um verit. Hárekr tekr því þúngliga, sagði undr, at Ásmundr færi með slíku rógi ok öðru til konúnga: hefði ek öll sannindi til míns máls, en þú, Ásmundr! skyldir kunna at ætla þèr hóf um síðir, hvat þèr hæfir, þóat nú þikkist þú mikill, fur því er þú hefir konúnga traust, er þá ok svá, ef þèr hlýðir at drepa suma höfð-íngja eðr ræna, ok gera at óbótamönnum, en ræna oss, er furr þóttumst kunna at halda lut

mínum til fulls, þóat oss væri jafnbornir menn, en nú er þat allfjarri, at þèr sèð oss jafnbornir menn fur ættarsakir. Ásmundr svarar: þess kenna margir af þèr, Hárekr! at þú ert ættstórr ok ofreflismaðr við at eiga, sitja því margir yfir skörðum lut fur þèr, en þó þikkir mèr þat nú líkara, at þú, Hárekr! verðir annarstaðar til at leita, at hafa fram újafnað þinn, enn hèr við oss, eðr taka svá mjök aflaga, sem þetta er. Skildust síðan við svá búit. Nökkuru síðarr sendi Hárekr húskarla sína 10 eðr 12 saman til versins með róðrarskútu eina mikla. Þeir fóru síðan í verit, tóku þar allskonar veiðiskap, ok hlóðu ferjuna, en er þeir voru í braut búnir, kom at þeim Ásmundr Grankelsson með 30 manna, ok bað þá láta laust fángit allt, þat er þeir höfðu fengit. Húskarlarnir svöruðu úbrátt um. Síðan veittu þeir Ásmundr þeim atgaungu, kendi þá liðsmunar, voru húskarlar Háreks sumir barðir, sumir særðir, sumir á kaf reknir, en farmrinn af þeim tekinn, ok færðr braut af skipinu, ok höfðu þeir Ásmundr hann; komu húskarlar Háreks heim við svá búit, ok sögðu Háreki ferð s'na; hann svarar: tíðindi þikkja nýnæmi öll, þat hefir ekki furr verit gert, at berja menn mína. Nú var þetta mál kyrt, ok lagði Hárekr eigi orð í, ok var hinn kátasti. Hárekr lét búa um vârit snekkju tvítögssessu, ok skipaði húskörlum sínum, ok var þat skip búit allvel, bæði at mönnum ok öllum reiða; fór Hárekr um vârit í leið-

ánger, en er hann fann Ólaf konúng, þá var ok þar fur Ásmundr Grankelsson, kom konúgr þá stefnulagi á með þeim Ásmundi, ok sætti hann þá, var fest á konúngsdóm um mál þeirra; síðan lét Ásmundr flytja vitni til þess, at Grankell hafi átt verit, ok þá dæmdi konúgr, sem vitni báru, vurðu þá skökk málaefnin, ok vurðu húskarlar Háreks bótalausir, en dæmt verit til handa Grankeli. Hárekr segir, at honum var skammlaust at hlíta konúngsdómi um mál þeirra, hvern veg sem enn vildu þau mál skipast síðan.

137. Þóroddr Snorrason hafði dvalizt með Ólafi konúngi, þá er Gellir Þorkelsson fèkk leyfi af konúngi at fara til Íslands, sem furr var ritat, ok var hann þá með Ólafi konúngi, ok undi stórilla ófrelsi því, er hann skyldi eigi fara í frelsi, hvert er hann vildi. Öndverðan þann vetr, er Ólafr konúgr sat inní Niðarósi, lýsti hann því jafnan, at hann vildi senda menn til Jamtlands, at heimta skatt, en til þeirrar ferðar voru menn ekki fúsir, þvíat af lífi voru teknir sendimenn Ólafs konúngs, þeir er hann hafði furr senda, Þrándr hvíti ok þeir 12 saman, svá sem enn var furr ritat, ok höfðu Jamtar síðan haldizt í hlýðni við Svía konúng. Þóroddr Snorrason bauðst til þessarar ferðar, þvíat hann hirði ekki um, hvat yfir leið, ef hann færi sjálfráða; þat þekktist konúgr, ok fóru þeir Þóroddr síðan 16\* saman, ok komu fram austr á Jamtalandi, ok sóttu heim

\* ) 12, *lin.*

Þann mann, er Þórarrr' hèt, hann var þar lögmaðr ok mestr metorðamaðr, þvíat hann var settur þar stjórnarmaðr yfir þeim; þeir fengu þar góðar viðtökur, en er þeir höfðu þar litla hríð dvalizt, þá báru þeir upp erendi sín við Þórarrr'; hann segir, at fur þeim svörum réðu engum mun síðr aðrir landsmenn ok höfðingjar enn hann, ok kveðst mundu þíngs kveðja til slíkra mála; var svá gert, at þíngboð var uppskorit ok stefnt þíng fjölment; fór Þórarrr til þíngs, en sendimenn dvöldust at hans meðan. Þórarrr bar þetta mál fur alþýðu, en þat var afráðit, at þeim skyldi halda þar, til þess er sýslumaðr Svía konúngs kvæmi austan, skyldu þeir þá stafa fur þeim, slíkt er hann vildi, með ráði landsmanna, en gera hitt yfirbragð á fur þeim, at þeir væri fur því dvaldir, at þeir skyldi skattsins bíða, til þess at hann væri samandreginn til handa þeim, ok skyldi skipa þeim á vistir 2 [eðr 3<sup>a</sup> saman. Þóroddr var við annann mann at Þórarrs, þar var jólaveizla mikil ok samburðaröl, margir voru þar bændr or þorpinu, ok drukku þeir allir saman um jólin; þaðan var eigi langt annat þorp, þar bjó mágr Þórarrs, ríkr ok auðigr, þeir mágar drukku saman jólin, þeir mágar drukkust á, en Þóroddr ok bonda son, ok var kappdrykkja, ok síðan fóru í kappmæli, ok mannfafnað um Norðmenn ok Svía, ok því nærst þrættu þeir um Noregs konúng ok Svía konúng,

<sup>1</sup>) Þórir, D, E, F, L; Þórarinn, S.    <sup>2</sup>) og 2, C, D, E, G, S.

ok svá um þá, er furr höfðu verit, ok um skipti konunga, ok svá um rán þau, er furr höfðu verit, ok þá voru. Ef konungar vârir, segir bôndason, hafa fleiri menn látit fur Norðmönnum, þá munu menn Svía konungs þessu jafna, ef þeir koma austan eptir jólin, með 12 manna fjörvi, ok vitið þér ógerla vesalir menn, til hvers þér eruð dvaldir. Þóroddr hugsar nú sitt mál, en margir drógu at glott, ok fengu þeim mörg hnæfilyrði, ok svá konungi þeirra, ok mælti þá ölit með þeim, ok fór þat þá óleynt, er áðr var leynt með þeim Jamtum, ok þá Þórodd hafði áðr ekki grunat um. Eptir um daginn tóku þeir Þóroddr, okförunautr hans, klæði sín ok öll vâpn sín, ok lögðu til handargagns sèr, ef þeir vildi skjótt tiltaka; um nóttina, er menn voru sofnaðir, ljópu þeir í brott til skógar. Um morgininn, er menn voruð varir við brautlaup þeirra, fóru menn eptir þeim með sporhunda, ok fundu þá í skóginum, þar sem þeir höfðu fólgið, þeir færðu þá heim í eina skemmu með sèr, þar var gröf ein í skemmumni, var þeim Þórodd þar kastat í niðr, ok var þar hurð læst fur, þar höfðu þeir lítinn mat<sup>1)</sup>, en engi klæði, nema þau ein, er þeir stóðu í; ok er þeir komu í gröfina, settust þeir niðr á hálm; þá fór Þórodd ok allir frelsingjar hans til mágs síns, ok skyldu þeir þar drekka þá, þat sem eptir var jólanna. Þrælar Þórodds skyldu gæta grafarinn-

<sup>1)</sup> Her sleppr 1 um sinn.



ar meðan; þeim þrælum var ætlaðr drykkur nógr, en þeir stiltu lít drykkinum, þegar þeir skyldu sjálfir fur sjá, ok gerðu sik þegar ölóða hit fursta kveld, er bóndi var heiman farinn; en er þeir þóttust vera fulldrukknir þrælarnir, þá mæltu þeir sín ímilli, er mat skyldu færa grafarmönnum, at þá skyldi eigi skorta; þeir gerðu ok svá. Þóroddr kvað þeim kvæði, ok skemti þeim, en þeir sögðu hann mundu vera virðingamann mikinn, ok gáfu honum kertí mikít niðr í gröfina, ok ljós á kertinu; þá komu út þeir þrælarnir, er áðr höfðu inni verit, ok kallaðu ákafliga, at hinir skyldu þá inn fara, en hinir hváirtveggjur voru þá svá ölóðir, at þeir hvárigir luku aptr skemmuna nè gröfina; þá ristu þeir Þóroddr í sundr fetla<sup>1</sup> sína í strengi, ok knýttu saman, [unðu síðan fra öðrum endanum í hnoða<sup>2</sup>, ok kastaðu upp í skemmuglugginn ok á gólfít, þar til er þat vafðist um arkar<sup>3</sup> fót einn; þeir leitaðu þá til upp at fara, lypti Þóroddr upp föronaut sínum, til þess er hann stóð á öxlum honum, síðan las hann sik uppí skemmuna, þá skorti þar eigi reip, ok lét hann þau síga ímóti Þóroddi, ok er hann skyldi Þórodd upp draga, þá fèkk hann ekki atgert; þá mælti Þóroddr at hann skyldi kasta reipinu yfir bita þann, er í var skemmunni, en gera lykkju á endanum, ok bera þar í viðu ok grjót, svá at

<sup>1</sup>) feldi. hñ.    <sup>2</sup>) gerðu snúðna (snyð, D) á endanum, C, D, E.    <sup>3</sup>) örku, C, E, S.

Þat væri meirr enn jafnvægi hans; hann gerði svâ, fóru þá sígin niðr í gröfina, en Þóroddr upp; þá tóku þeir sèr klæði í skemmuni, sem þeir þurftu, þar voru nökkur hreinstökkur ok skáru þeir af sitjarnar, ok bundu undir sik öfgar, en áðr þeir fóru í brottu, lögðu þeir eld í kornlöðu eina mikla, hljópu síðan í braut í niðamyrkri; hlaðan brann öll, ok mart annara húsa í þorp-inu; þeir Þóroddr fóru um alla nóttina, en fálust at degi. Um morgininn var þeirra saknat, var þá farit þegar með sporhunda, at leita þeirra allavega frá bænum, en<sup>1</sup> hundarnir röktu sporin aptr til bæjarins, þvíat þeir kendu af hreinstökkunum, ok rökdu þegarsporin, sem klaufirn-ar höfðu vitat á hreinsfitjunum, ok varð ekki leitat þeirra. Þeir Þóroddr fóru lengi um eyðimerkina, ok eitt kveld komu þeir at einum litlum bæ, ok gengu þeir þar inn; þar sat inni karlmaðr ok kona við eld, nefndist hann Þórir: en þetta er kona mín, er hær sitr við eldinn, hann kvað þau eiga húsakotin; bauð hann þeim þar at vera um nóttina, þat þágu þeir; hann segir þeim þat, at hann var því þar kominn, at hann hafi flýit or bygðum fur víga sakir. Þeim Þóroddi var þar unninn hinn beztu beini, ok malaðust þau þar öll við eldinn; síðan var búit um þá Þórodd þar í sætinu, ok bjöggust þeir til svefns, þá var enn log á eldinum; Þóroddi varð ekki mjök svefnsamt, ok vakti hann um hríð,

<sup>1</sup>) Her sleppr E um sinn.

en föronautr hans sofnaði þegar; þá sá Þóroddr, at þar gekk fram einn úngr maðr svá mikill, at þann þóttist engan sæð hafa jafn mikinn, sjá maðr var í skarlats kyrtli rauðum öllum hlaðbúnum í fald niðr, öll voru hans klæði við gull búin, svá var hann ok hinn vænligasti sýnum sjálf. Þóroddr heyrði at hann ávitaði þau um þat, er þau tóku við gestum, þar er þau höfðu sær varla matbjörg. Húsfreyja svarar: ver þú eigi reiðr, bróðir! sjaldan hefir þetta at borit, veit þú þeim heldr nökkura hjálp eðr gagnsmuni, þvíat þú ert betr tilfærr enn við. Þóroddr heyrði þat, at þau nefndu hann Arnljótt gellina, ok svá þat at húsfreyja var systir hans. Þóroddr hafði ok heyrt getit Arnljóts gellina fyrrum, ok svá þat með at Arnljótr var hinn mesti ránsmaðr ok spellvirki ok stigamaðr, lá úti á skógum, ok drap hann til fjár sær. Nú sváfu þeir Þóroddr af nóttina, þvíat þeir voru mjök mæddir af gaungu, en er lifa mundi þriðjúngr nætr, þá kom þar Arnljótr gellini, bað hann þá uppstanda ok búast ferðarsinnar; þeir Þóroddr spruttu á fætr, ok klæddust, var þeim fenginn dagverðr sinn; síðan fèkk Þórir þeim skíð hvárumtveggja; Arnljótr ræðst ok til ferðar með þeim, steig hann ok á skíð, ok voru þau bæði laung ok breið. En þegar Arnljótr laust við skíða geislanum<sup>1</sup>, þá var hann þegar hvar fjarri þeim, þá beið hann ok sagði,

<sup>1</sup>) gislanum G.

at þeir mundu hvergi komast at svá búnu, það hann þá stíga á skíðin með sér; þeir gerðu svá. Stóð Þóroddr nærri honum, ok hēlt sér tveim höndum undir belti Arnljóts, en förunautr Þórodds hēlt undir belti honum, skreið Arnljótr þá svá hart, sem hann væri lauss, þeir komu til sælu<sup>1</sup> húss nökkurs, svá at þriðjúngr var af nótt, drápu þeir sér upp eld, ok bjöggust til matar, ok er þeir mataðust, mælti Arnljótr, það þá engu niðrkasta af matnum, hvárki mola nè beinum. Arnljótr tók or serk sér einn silfrdisk, ok mataðist hann þaraf, en er þeir Arnljótr höfðu matazt, hirðir Arnljótr leifar þeirra; síðan bjöggust þeir til rekna; í annann enda hússins var lopt uppi á þvertrjám, fóru þeir Arnljótr þar upp á loptit, ok lögðust þar til svefns. Arnljótr<sup>2</sup> hafði í hendi höggspjót mikit, var falrinn allr gullrekin, en skaptit var eigi hærra, enn taka mátti hendi til fals, hann var gyrðr sverði gullbúnu, þeir höfðu vâpn sín ok klæði á loptinu hjá sér. Arnljótr það þá vera hljóðsama, hann lá fremstr á loptinu; litlu síðarr enn þeir höfðu umbúizt komu þar til hússins menn 12 saman, voru þat kaupmenn, ok ætlaðu til Jamt-  
alands með varning sinn; en er þeir komu í húsit, gerðu þeir um sik glaum mikinn, ok voru kátir, gerðu þeir furr sér elda stóra, ok er þeir mataðust, þá kastaðu þeir niðr bæði molanum ok beinum öllum út or húsinu; síðan bjöggust

<sup>1</sup>) sælu C, S.    <sup>2</sup>) Hēr sleppr G um sinn.

þeir til svefns, ok lögðust niðr í sætinu upp frá eldinum; en er þeir höfðu litla hríð sofit, þá kom þar inn tröllkona ein mikil, ok er hún kom inn, sópaðist hún um fast, ok tók þat allt, er henni þótti ætt, ok sló því öllu í munn sèr; síðan greip hún mann þann, er næstr henni var, reif þann allan í sundr, ok kastaði börmunum<sup>1</sup>; þá vaknaðu aðrir, ok eigi við góðan draum, ok ljópu upp, en hún færði til heljar hvern at öðrum, þartil er einn var eptir, ljóp sá inn undir loptit, síðan kallar hann til bjargar sèr, ef nökkut væri þess á loptinu, at duga honum mætti, seildist Arnljótr ofan or loptinu eptir honum, ok tók í hendr honum, ok kippti honum uppí loptit hjá sèr; þá slóst hún at fram eldinum, ok tók at eta þá menn, er henni þóttu steiktir vera; þá stóð Arnljótr upp, ok hefr upp spjótit, ok setr milli herða henni, er hún laut at eldinum, svá hart at útkom oddrinn um brínguna, hún brast hart við, ok kvað hún hátt ok illiliga, ok ljóp út; Arnljóti varð laust spjótit, ok hafði hún þat með sèr. Arnljótr ruddi út hræum manna, þeim er hún hafði leift, setti hann síðan hurð fur skálann ok gætti, þvíat hún hafði þat allt frábrotit, er hún ljóp út; sváfu þeir þar um nóttina þat sem eptir var, en er lýsti stóðu þeir upp, ok átu furst dagverð sinn, ok er þeir höfðu matazt, mælti Arnljótr : nú munu vèr hère skilj-

<sup>1</sup>) þannig A; á eldinn, hin.

ast, skuluð þér nú fara at slóð þessi, er þeir fóru hingat ígær kaupmenninnir, en ek mun leita spjóts míns, mun ek hafa<sup>1</sup> at verkkaupi þat, er mér þikkir feneýtt af því fè, er þessir fóru með kaupmenninnir; skaltu, Þóroddr! bera Ólafi konúngi kveðju mína, ok seg honum þat, at hann er svâ allra konúnga á Norðrlöndum, at ek vildi helzt þjóna ok sem bráðast finna, ok meiri vâ þikkir mér, at nökkut sinn finna ek hann, en kveðja mín mun honum lítilsverð þikkja; síðan tók hann silfrdiskinn, ok strauk hann vandliga með dúkinum, ok mælti: fær þú konúngi disk þenna, ok seg honum, at þetta er kveðja mín, ok bið hann hafa lítillæti til at taka með, ok fur hans sakir hefi ek veitt ykkir þenna forbeina ok liðsinni. Síðan bjöggust hváirtveggju til ferðar, ok skildu þar við svâ búit, fór Þóroddr þá leið sína ok þeir förunautar, fór sá með þeim, er undan hafði komizt af þeim kaupmönnum; fór Þóroddr, til þess er hann fann Ólaf konúng í Kaupáangi, ok segir konúngi af ferðum sínum allt sem farit hafði, sagði at Arnljótr heilsaði honum, ok færði honum silfrdiskinn. Konúngrsegir, at þat var illa, er Arnljótr hafði eigi þá þegar farit á hans fund með þeim Þóroddi: ok er þat mikill skaði, segir konúngr, er svâ illt skal leggjast fyrir vaskan ok góðan dreng, ok svâ merkiligan mann sem hann er. Þóroddr var nu<sup>2</sup> síðan með Ólafi konúngi þat

<sup>1</sup>) Hér byrjar E aptr.    <sup>2</sup>) Hér skiptir rithöndum í A.

sem eptir var vetrar, ok fèkk þá leyfi af honum at fara til Íslands um sumarit eptir, ok skildu þá með vináttu.

138. Ólafr konungr bjóst um vârit or Nið-arósi, ok dróst lið at honum mikit, bæði þar or Þrándheimi ok svâ norðan or landi; en erhann var búinn, fór hann með liði því suðr á Mæri, ok heimti þar saman leiðángarlið, ok svâ or Raumsdal. Síðan fór hann á Sund-Mæri, hann lá í Hereyjum, ok beið svâ liðs síns, átti þá optliga húspíng, kom þá margt til eyrna honum, þat er honum þótti ráða við þurfa. Þat var á einu þíngi, er hann átti, at hann hafði þat mál uppi, at hann sagði frá mannskaða þeim, er hann hafði menn sína látit í Færeyjum: en skattr sá, er þeir höfðu mæ heitit, kemr eigi, segir hann; nú ætla ek enn þángat menn at senda eptir skattinum. Víkr konúngr þessu máli nökkut til ýmissra manna, at til þeirrar ferðar skyldi ráðast; en þar kvámu þau svör á móti, at menn töldust undan ferðinni. Þá stóð upp maðr á þínginu, mikill ok friðr sýnum, sá hafði rauðan kyrtil ok hjálm á höfði, ok gyrðr sverði ok höggspjót í hendi; hann tók til máls: þat er satt at segja, segir hann, at hær er mikill manna munr, þær eigið konúng góðan, en hann þegna illa, er nei kveða við sendiferð hans, er hann biðr yðr, en hafið áðr þegit at honum vingjafir, ok marga aðra sæmliga hluti; en ek hafi verit hærtill engi vinr konúngs þessa, hefir

hann ok verit úvin minn, ok segir hann at sakir sè til þess. Nú vil ek bjóða yðr, konúngr! at fara ferð þessa, ef eigi eru vildri faung á. Konúngrmælti: hverr er maðr þessi hinndrengiligi, er svarar máli mínu? gjörir þú mikinn mun öðrum mönnum þeim, er hær eru, er þú býðst til þessarar ferðar, en þeir töldust undan, er ek hugða at vel mundu viðskipast; en ek veit á þær engi deili, ok eigi veit ek nafn þitt. Hann svarar: nafn mitt er ekki vant, en þat væntir ek, at þær hafið mik heyrt nefndan, ek er kallaðr Karli hinn mærski. Konúngrmælti: svà er víst, Karli! at ek hefi þín heyrt getit, ok er þat satt at segja, at verit hafa þær stundir, ef fundi okkra hefði saman borit, at þú mundir [sagt hafa<sup>\*</sup> frá tíðindum; en nú vil ek eigi verr hafa enn þú, er þú býðr mæðr liðsemd þína, vil ek þar leggja í mót þökk ok öfúsu; skaltu, Karli! koma til mín, ok vera í boði mínu í dag, skulu vèr þá tala þetta mál. Karli segir at svà skal vera.

139. Karli inn mærski [hafði verit víkíngur ok inn mesti ránsmaðr, ok hafði konúngr mjök opt gert menn til hans, ok vildi hann af lífi taka, en þess varð eigi auðit. Karli var maðr ættstór ok mikill athafnamaðr, íþróttamaðr hinn mesti, ok atgervimaðr um marga hluti. En er Karl var ráðinn til ferðar þessar, þá tók konúngr hann í sætt við sik, ok gaf honum upp reiði sína,

<sup>\*</sup>) ekki kunna at segja, *hin*.



ok því næst tók konúgr hann í hinn mesta<sup>1</sup> kærleika við sik, ok lét búa ferð hans sem bezt, voru þeir á skipi nær 20 menn. Hann gjörði orð til vina sinna í Færeyjar, ok sendi Karla til halds ok trausts, þar er var Leifr Össurason ok Gilli lögsögumaðr, sendi til þess jartegnir sínar; fór Karli þegar er hann var búinn, byrjaði þeim vel, kvámu til Færeyju, ok lágu í Þórshöfn<sup>2</sup> í Straumeyju; síðan var þar þing stefnt, ok kom þar fjölmenni mikit; þar kom Þrándr or Götum með mikinn flokk; þar kom Leifr ok Gilli með mikla sveit manna; en er þeir höfðu tjaldat ok umbúizt, þá gengu menn til fundar við Karla mærska, voru þar kveðjur góðar; síðan bar Karli fram orð ok jartegnir Ólafs konúgs ok vinmæli til þeirra Leifs ok Gilla; (þeir tóku því vel, ok buðu Karla til sín ok at flytja eyrindi hans, ok veita honum slíkt traust, sem þeir höfðu faung á). Hann tók því þakksamliga. (Litlu síðar kom þar Þrándr or Götum, ok fagnar vel Karli: em ek, segir hann, feginn, er slíkr drengur hefir oss heimsótt ok farit hingat til lands<sup>3</sup> vârs, ok er oss í slíku mikil sæmd ger), með eyrindi konúgs vârs, er vèr erum allir skyldir (til at stunda; vil ek ekki annat, Karl! enn þú) farir til mín til vetrvistar, ok þat allt

<sup>1</sup>) þat sem hér stendr frá [ er tekið úr B, því það er máð í A, og allt það, sem í þessum kaþítula stendr innan þessa () strika, er af sömu orsök tekið úr B. <sup>2</sup>) þannig hín; þurshöfn, A. <sup>3</sup>) hér sleppr E um sinn.

með þér þíns liðs, er þá er þinn vegr meiri enn áðr'. Karl segir, at hann var ráðinn áðr at fara til Leifs, ella munda ek, segir hann, fúsliga þiggja þetta boð; þá mun Leifi enn verða auðit vegsmuna af þessu; en eru nökkurir þeir hlutir aðrir, er ek mega svà gera, at yðr sè liðsemd at? segir Þrándr. Karl segir, at honum þótti mikit í veitt, at Þrándr dragisaman skattinn um Austr-ey, ok svà um allar Norðreyjar. Þrándr segir, at þat var skyldt ok heimilt at hann gjörði þann greiða fyrir konúngs orð, sem hann mátti. Gekk Þrándr þá aptr til búðar sinnar; varð á því þingi ekki fleira til tíðinda; fór Karli til vistar með Leifi Össurarsyni, ok var með honum um vetrinn; heimti Leifr saman skatt um Straumey\* ok um allar eyjar suðr þaðan. Um vârit eptir fèkk Þrándr vanheilsu mikla, tók augnaverk strángan, ok þó aðrar kramar miklar; en þó bjóst hann at fara til þíngs, sem hann var vanr; en er hann kom á þíngit, þá var búð hans tjölduð með svörtum tjöldum innan, til þessat þá væri síðr skíðdræpt<sup>2</sup>; en er liðnir voru nökkurir dagar af þínginu, þá gengu þeir Leifr ok Karli til búðar Þrándar, ok voru fjölmennir, þeir kvomu

<sup>1</sup>) Þvíat ek kalla þat hina mestu vírðing, at slíkr maðr þiggir heimboð at mínu, sem þú ert; nú kann ek alla þökk, at þú þiggir heimboð mitt, ok drepir eigi hendi við, muntu þat ok ásinna, at mér þíkkir þetta allmiklu máli skipta *b. v. B, C, F, K, S.* <sup>2</sup>) Þannig hin; sêst ekki meira enn Straum í A. <sup>3</sup>) skíðdræpt, *B, C, H.*

at búðinni, þá voru þar úti nökkurir menn. Leifr spurði, hvert Þrándr væri í búð; þeir kváðu hann þar vera. Leifr mælti, at þeir bæði Þrándr útganga: eigu við Karli eyrindi við hann. En er þeir kvámu aptr, sögðu þeir Þrándr þann augnaveik hafa, at hann mátti eigi útkoma, ok bað hann at Leifr skyldi innganga. Leifr mælti við förunauta sína, at þeir skyldi fara varliga, er þeir kvæmi í búðina, ok þraungvast eigi ok gáangi sá fyrstr út, er síðast gengr inn. Leifr gekk fyrstr ok þeir Karli ok hans förunautar, ok fóru með alvæpni, sem þá er þeir skyldu til bardaga búast. Leifr gekk at hinum svörtum tjöldum, ok spurði þá, hvar Þrándr væri; hann svarar ok heilsar Leifi; Leifr tók vel kveðju hans, ok spurði, hvárt hann hefði nökkurn skatt samanheimt af Austreyjum<sup>2</sup>, eðr hverr greiði á mundi verða um silfrit. Þrándr segir, at honum hefir þat eigi or hug horfit, er við Karli töluðum, ok segir, at greiði mundi á verða um silfrit: ok er hér, Leifr! sjóðr, er þú skalt viðtaka, ok er fullt af silfri. Leifr sást um, ok sá at fátt var manna í búðinni, ok lágu menn í pöllum, en fáir sátu upp. Síðan gekk Leifr til Þrándar, ok tók við sjóðinum, ok bar utar í búðina, þar er ljóst var, ok steypiti silfrinu ofan á skjöld sinn, rótaði með hendinni, ok mælti, at Karli skyldi sjá silfrit. Þeir litu á silfrit, þá spurð Karli: hversu lízt þér silfrit,

<sup>2</sup>) Norðreyjum, B, C, F, II, L.

Leifr? Hann svarar: þat hygg ek, at hverr peníngur at illr er í Norðreyjum, at sá sè hær kominn. Þrándr heyrði þetta, ok mælti: lízt þèr eigi silfrit, Leifr? Svá er, segir hann. Þrándr mælti: eigi eru þeir þó meðal níðingar, frændr mínir, er þeim má til engis trúa; ek hefi sent þá í vár, at heimta saman skatt norðan or eyjum, þvíat ek var til engis fær, en þeir hafa tekit mútur af bóndum at taka slíkt fals, er eigi er tækt; nú er þat vænst, Leifr! at sjá þat silfr, er goldizt hefir í landskyldir mínar; bar Leifr þá aptr silfrit, en tók við sjóð öðrum, ok bar þann til Karla; þeir ransökuðu þat fè. Síðan spurð Karli, hversu Leifi lítist á þat fè? fè þetta er vânt, segir hann, en eigi örvænti ek, segir hann, um þær skuldir, at úvant er fyrir mælt, at eigi sè slíkt þá tekit; en eigi vil ek slíkt fè taka til handa Ólafi konungi. Maðr einn kastaði klæði af höfði sèr, er lá í pallinum, ok mælti: satt er þat hit fornkvæðna, at svá ergist hverr, sem hann eldist; svá er þèr ok, Þrándr! er þú lætr Karla hinn mærska reka fè fyrir þèr í allan dag; þar var Gautr rauði. Þrándr hljóp upp við orð hans, ok var málóði, ok veitti þeim stórar á-tölur frændum sínum; en at lyktum mælti Þrándr, at Leifr skyldi selja honum þat silfr: en taka hær viðr sjóði, er landsetar mínir hafa goldit mèt, ok fært mèt heim í vár, ok þótt ek sè óskygn, þá er hverjum sjálfs hönd hollust. Maðr reis upp við olboga í pallinum, þar var

Þórðr lági, ok mælti: eigi hljótum vèr meðal orðaskak' af honum Mæra-Karli, ok væri hann launa fyrir verðr. Leifr tók enn við fènu, ok bar fyrir Karl, sá þeir þat fè; þá mælti Leifr: eigi þarf lengr at líta á þetta fè, er hær hverr peníngr öðrum betri, ok viljum vèr þetta fè hafa: ok fá þú til, Þrándr! mann at sjá, at vegit er fèit. Þrándr segir, at honum þótti þá bezt til fengit, at Leifr sæi reizlur fyrir hans hönd. Gengr Leifr þá út ok skamt frá búð-inni, settust niðr ok vágu þá silfrit. Karli tók hjálminn af höfði sèr, ok steypiti þar í silfrinu, er vegit var; þeir sá mann gánga hjá sèr, ok hafði refði í hendi, ok hatt<sup>2</sup> síðan á höfði, ok heklu græna, berfættir ok knýtt línbrók at beini; hann setti niðr refðit í völlinn, ok gekk frá, ok mælti: sè þú við refði mínu, Mæra-Karl! at þèr verði eigi mein at. Litlu síðar kom þar maðr hlaupandi, ok kallandi á Leif Össurarson, ok bað hann fara sem skjótast til búðar Gilla lögmanns: maðr hljóp inn um tjaldskör Sigurðar Þorláks-sonar, ok hefir særðan búðarmann hans til ólífis. Leifr hljóp þegar í brott, ok til fundar viðr Gilla, gekk með honum allt búðarlið hans, en Karli sat eptir, þvíat Austmenn stóðu mjök um hann. Gautr rauði hljóp at, ok hjó yfir herðar mönnum með handöxi, kom höggit í höfuð Karli, ok var þat sár ekki mikit; Þórðr lági greip upp refðit, er stóð í vellinum, ok laust ofaná

<sup>1</sup>) orðaskark, C.    <sup>2</sup>) Hér byrjar aptr E.

öxarhamarinn, svá at öxin stóð í heila; þusti þá fjöldi manna út or búð þrándar. Karli var þá þaðan dauðr borinn. Þrándr lét illa yfir þessu verki, en bauð fè til sætta fyrir frændr sína. Leifr ok Gilli gengu at eptirmáli, ok kom þar eigi fèbótum fyrir, varð Sigurðr útlægr fyrir áverka þann, er hann veitti búðarmanni Gilla, en Þórðr ok Gautr fyrir víg Karla mærska. Austmenn bjuggu skip sitt, þat er Karli hafði þángat haft, ok fara austr á fund Ólafs konúngs; líkaði honum stórrilla þetta verk, en þess varð eigi auðit fyrir þeim ófriði, er gjörðist í Noregi, at hefnt yrði þessa; enn munu vèr hèr frá segja síðan, ok er nökkut<sup>1</sup> at segja fra þeim tíðindum, er Ólafr konúngr heimti skatt af Færeyjum; en þá gjörðust deilur miklar í Færeyjum síðan eptir víg Karls mærska, ok áttust þeir við, Þrándr í Götum ok Leifr Össurarson, ok eru þar frásögur miklar.

140. Nú er frá því at segja, sem fyrr var frá horfit, at Ólafr konúngr fór með liði sínu, ok hafði leiðánger úti fyrir landi, fylgðu honum þá allir lendir menn norðan or landi, nema Einar þambaskelfir, hann hafði um kyrt setit at búum sínum, síðan er hanu kom í land, ok þjónaði ekki konúngi; átti Einar stórmiklar eignir, ok hèlt sik stórmannliga; hann hafði aungvar konúngs veizlur. Ólafr konúngr hèlt liði sínu suðr um Stað, dróst lið enn til hans víða or hæröðum; þá hafði Ólafr konúngr skip þat, er hann

<sup>1</sup>) lokit, B, C, D, E, H, L.

hafði gjöra látit áðr um vetrinn, er Vísundr var kallaðr, ok allra skipa mest; var á framstafninum vísundarhöfuð gullbúit; þess getr Sighvatr:

Lýngs var<sup>1</sup> fiskr<sup>2</sup> til fengjar  
 flugstyggss sonar Tryggva  
 gelnar<sup>3</sup> gulli mölnu,  
 guð vildi svá mildi<sup>4</sup>;  
 annann lét á unnir<sup>5</sup>  
 Ólafr, búinn hala,  
 lögr þó<sup>6</sup> drjúgt, hinn digri,  
 dýrs horn, Vísund sporna<sup>7</sup>.

Fór konúgr þá suðr á Hörðaland; hann spurði þá tíðindi, at Erlíngr Skjálgrsson var or landi farinn, ok hafði haft lið mikit, fjögur skip eða 5, hann hafði sjálfrskeið sína hina miklu, en synir hans<sup>8</sup> tvítugsessur, ok hafði hann siglt vestr til Englands á fund Knúts konúgs ríka; fór þá Ólafr konúgr austr með landi, ok hafði allmikit lið, hann hèlt frèttum til, ef menn vissi nökkut til Knúts ríka; en þat kunnu allir at segja, at hann var á Englandi, þat var ok sagt með, at hann hafði leiðánger úti, ok ætlaði til Noregs, en fyrir þá sök at Ólafr konúgr hafði lið mikit, en hann fékk eigi hitt sannspurt, hvert hannskyldi stefna til móts við Knút konúg, en mönnum þótti sèr illa gegna dvöl í einum stað með her svá

<sup>1</sup>) bar, *him*. <sup>2</sup>) fystr, *C*; frekr, *F*. <sup>3</sup>) gjolnar, *B, D, E*.  
<sup>4</sup>) roðnar, *B, C, D, E*. <sup>5</sup>) unnar, *B, D, S*. <sup>6</sup>) þau, *C*. <sup>7</sup>)  
 vís, *v. í II*. <sup>8</sup>) þrjár, *b. v. B, D, E, F, H, K, S*; 2, *C, L*.

mikinn, þá ræðr konúgr þat af, at sigla með herinn suðr til Danmerkr, ok hafði hann þat lið allt með sèr, er bezt var búit, en gaf hinum heimfarar leyfi, svà sem kveðit er:

Ólafr knýr und árum  
orðsnjallr<sup>1</sup> Vísund norðan,  
brýtr annar gramr úti  
unnheim dreka sunnan<sup>2</sup>.

Nú fór þat lið heim, er honum þótti minni fylgð<sup>3</sup> í; hafði Ólafr konúgr mikit lið ok frítt, voru þar flestir lendir menn or Noregi, nema þeir, sem áðr var sagt, ok or landi voru farnir, eðr eptir höfðu setit heima.

141. Nú siglir Ólafr konúgr til Danmerkr, ok hèlt til Sjólands, en er hann kom þar, tók hann at herja, ok veitti uppgangur, ok var landsfólkit rænt, en sumt var drepit, sumt var handtekit ok bundit, ok flutt svà til skipa, en allt flýði, þat er því kom við, ok varð engi mótstaða; gjörði Ólafr konúgr þar hit mesta hervirki. En er Ólafr konúgr var á Sjólandi, þá spurði hann þau tíðindi, at Önundr konúgr hafði her úti, ok fór með þann her austan fyrir Skáney, ok herjaði hann þar, var þá breytt<sup>4</sup> um ráðagjörð þá, er Ólafr konúgr ok Önundr konúgr höfðu haft í Elfi, er þeir gjörðu samband sitt<sup>5</sup>, at (þeir) skyldu báðir vera mótstöðumenn Knúts konúgs; fór Önundr konúgr til

<sup>1</sup>) orðsæll, A.    <sup>2</sup>) víð. v. í H.    <sup>3</sup>) veig, C.    <sup>4</sup>) bert, hin.

<sup>5</sup>) Hér sleppr E um sinn.



Þess er hann fann Ólaf konúng, mág sinn; en er þeir hittust, þá gera þeir bert bæði fyrir sínu liði ok landsfólkinu, at þeir ætla undir sik at leggja Danmörk, ok beiða sèr viðtöku af landsmönnum, en þat var, sem víða finnst dæmi til, at þar landsfólk verðr fyrir hernaði, ok fá eigi styrk til mótstöðu, þá játa flestir þeim álögum, er sèr kaupa friðinn með; var þá svá, at margir gengu til handa þeim konúngunum, ok játuðu þeim lyðskyldu, lögðu þeir víða undir sik landit, þar sem þeir fara, en herjaðu at öðrum kosti. Þessa hernaðar getr Sighvatr skáld í drápu þeirri, er hann orti um Knút konúng:

Knútr var und himnum  
hugg ek [æztr at-fæstr<sup>1</sup>  
[harraláðs ok hèt  
full<sup>2</sup> vel duga;  
lèt hýrlátr<sup>3</sup>  
suðr or Nið  
Ólafr jöfurr  
at-sæll<sup>4</sup> fara.

Þorðu<sup>5</sup> norðan  
namst þat með gram  
til Sles<sup>6</sup> svalir  
[Sælunds skilit<sup>7</sup>;

<sup>1</sup>) hætt (rètt, *C*, *L*; ætt, *D*, *F*.) ut frètt, *B*, *C*, *D*, *F*, *S*, *L*.

<sup>2</sup>) Haralds í her, hug (hygg, *D*; hugir, *F*, *L*); *B*, *C*, *D*, *F*, *L*.

<sup>3</sup>) lýrgota lið *B*, *H*; luðrgota lið, *C*; lýð, Gota lið, *D*; lýðr Gauta, lið, *F*, *K*, *L*.

<sup>4</sup>) ársæll, *hin*. <sup>5</sup>) Þorðut, *F*, *K*, *L*; Þurðu, *H*. <sup>6</sup>) Sletiz, *D*; Sljetz, *F*, *H*, *L*.

<sup>7</sup>) sílundir kilir, *B*. Sílungs (Sælunds, *D*; Selunds, *A*) kilir, *hin*.

en með annann  
Önundr<sup>2</sup> Dönum  
á hendr [at há<sup>2</sup>  
herr sænskan ferr.

142. Knútr ríki hafði spurt vestr til Englands, at Ólafr Noregs konúgr hafði leiðánger úti, ok svá þat at hann fór með liðinu til Danmerkr, ok var þar úfriðr mikill í ríki hans; lét þá Knútr konúgr liði samna, dróst þá brátt saman her mikill, ok var Hákon jarl annar höfðingi yfir herinum. Sighvatr skáld kom þat sumar vestan or Rúðu til Englands, ok sá maðr með honum, er Bergr hét, þeir höfðu þannveg farit kaupferð hit fyrra sumarit. Sighvatr orti flokk þann, er kallaðr eru Vestrfarar vísur, ok er þetta upphaf:

Bergr höfum minnst hve marga<sup>3</sup>  
morgun Rúðuborgar<sup>4</sup>  
[lét ek í för í fyrða<sup>5</sup>  
fest<sup>6</sup> við arminn vestra.

En er Sighvatr kom til Englands, þá fór hann á fund Knúts konúgs, ok bað sèr orlofs at fara til Noregs; Knútr konúgr hafði sett bann fyrir kaupskip öll, fyrr enn hann hefði búit her sinn. En er Sighvatr kom til konúgs, gekk hann til herbergis hans, ok var þat læst, ok stóð hann

<sup>2</sup>) *Hér sleppr C um sinn.* <sup>2</sup>) *þannig, B, D, II, S; farn, A, K; honum, F, L.* <sup>3</sup>) *margan, hín.* <sup>4</sup>) *Röðuborgar, D.* <sup>5</sup>) *borð (borgir, S); lét ek í förðu, B, D; bórð lét ek í för fyrðu, F, H, L.* <sup>6</sup>) *flest, F, L.*

lengi úti, en er hann hitti konúng, þá fékk hann lof sem hann vildi. Sighvatr kvað:

Utan<sup>1</sup> varð ek, áðr<sup>2</sup> Jóta  
annspilli<sup>3</sup> fékk stillis<sup>4</sup>  
meld' sá [herr fyrir haldi<sup>5</sup>  
húss dyrr [spökum hlýra<sup>6</sup>;  
enn eyrindi oru  
áttúngr<sup>8</sup> í sal knátti  
grams<sup>9</sup>, ber ek opt<sup>10</sup> á<sup>11</sup> armi  
örstúka<sup>12</sup>, vel lúka.

Enn er Sighvatr varð þess varr, at Knútr konúngr byrjar ferð sína á hendr Ólafi konúngi, en hann vissi, hversu mikinn styrk Knútr konúngr hafði, þá kvað hann vísu:

Örr tegast Ólaf gjörva  
allt hefir sá er fjör<sup>13</sup> valtan,  
konúngs dauða mun ek kvíða,  
Knútr ok Hákon, úti;  
haldist<sup>14</sup> vörðr, þó at valdit<sup>15</sup>,  
varla [Knúts ok jarli<sup>16</sup>,  
dælla er fyrst á<sup>17</sup> fjalli  
fundr, ef hann sjálfr kemst undan.  
Átti jarl at sætta

1) nátt, D. 2) þá er, F, K. 3) andspillni, L. 4) ek stillir, B; stillir, D, F; ek stillis, H, S. 5) millr, L. 6) er herfür höldi, B; ek her fur höldum, H; fékk herr um haldit, L. 7) fyrir spyrjast, hin. 8) áttugr, D. 9) Gorms, B, H, K, L, S. 10) orms, B. 11) frá, L. 12) járnstúkur, hin. 13) fœr, D; fœr, L. 14) Haraldr, L. 15) vildit, B. 16) Knútr ok jarlar, B, K, L. 17) af, B.

allframr bændr gamla,  
 ok þeir<sup>1</sup> er optar<sup>2</sup> tóku  
 Ólaf af<sup>3</sup> því máli;  
 þær<sup>4</sup> hafa fyrr [af<sup>5</sup> fári,  
 framt<sup>6</sup> er Eiríks kyn, meira  
 höfðu<sup>7</sup> keypt<sup>8</sup> enn heiptir  
 Hákon saman mundi.<sup>9</sup>

143. En er Knútr ríki hafði búit her sinn or landi, hafði hann of liðs ok skip stór; hann sjálfr hafði dreka þann, er sextugr var at rúma tali, voru þar á höfuð gullbúin. Hákon jarl hafði annann dreka, ok var sá fertögr at rúma tali, voru þar ok gylt höfuð á, en segl bæði voru stöfuð með blá ok rauðu ok grænu; öll voru skip þeirra steind fyrir ofan sjá, allr skipa búnaðr var hinn glæsiligsti, mörg önnur skip höfðu þeir stór ok vel búin. Þess getr Sighvatr i Knúts drápu:

Knútr var und himnum,  
 herr austan ferr,  
 fríð fylkis nið<sup>10</sup>  
 fráneygr Dana;  
 skeið<sup>11</sup> vestan<sup>12</sup> veðr<sup>13</sup>  
 var [glæst sjá er bar<sup>14</sup>  
 unz<sup>15</sup> andskota  
 Aðalráðs þaðan.

<sup>1</sup>) þat, D. <sup>2</sup>) optast, hin. <sup>3</sup>) at, D, F, K, L, S. <sup>4</sup>) þeir, hin. <sup>5</sup>) enferi, L. <sup>6</sup>) framt, L. <sup>7</sup>) höppum, B; höfðum D, S. <sup>8</sup>) kept, D. <sup>9</sup>) bundit, F, K, L; báðar vís v. í. II. <sup>10</sup>) niðr, B, S; lið, F, H. <sup>11</sup>) skreið, hin. <sup>12</sup>) austan, B. <sup>13</sup>) veðr, hin. <sup>14</sup>) glæstr sá, hin. <sup>15</sup>) út, B, D, L, S; utan, F, K.

Ok báru í byr,  
 blá segl við rá,  
 dýr var döglíngs för,  
 drekar<sup>1</sup> landreka;  
 en þeir, er kvamu  
 kilir vestan til,  
 um leið liðu  
 Limafjarðar brimi<sup>2</sup>.

Svå er sagt, at Knútr konúngr hêlt her þeim vestan af Englandi; ok kom öllu heilu liðinu til Limafjarðar, var þar fyrir samnaðr mikill landsmanna.

144. Úlfr jarl Sprakaleggsson<sup>3</sup> hafði settr verit til landvarnar í Danmörk, þá er Knútr konúngr fór til Englands, hafði hann selt í hendr Úlfi jarli son sinn, þann er kallaðr var Hörða-Knútr, var þat hit fyrra sumarit, sem fyrr var ritat. En þegar Knútr konúngr var í brottu, segir Úlfr jarl, at Knútr konúngr hefði boðit honum þat eyrindi at skilnaði þeirra, at hann vildi at þeir tæki til konúngs yfir Danaveldi Hörða-Knútr, son sinn, fékk hann oss fyrir þá sök hann í hendr: hefi ek þat ok, segir hann, ok margir aðrir landshöfðingjar kært optliga fyrir Knúti konúngi, at mönnum þikkir vandi hêr í landi at sitja konúngs lausir, en hinum fyrrum konúngum Dana þótti þat fullræði at hafa konúngdóm yfir Danaveldi einu; en er hin fyrri

<sup>1</sup>) dreka, B, D, F. <sup>2</sup>) brim, hin. <sup>3</sup>) Þorgilsson sprakaleggs, D.

æfi var, ræðu margir konungar þessu ríki, en þó gjörist þat nú meira vandkvæði enn fyrr hefir verit, þvíat vèr höfum' náð hèrtil í friði at sitja fyrir útlendum höfðingjum, en nú spyrjum vèr hitt, at Noregs konúngr ætlar at herja á oss, ok er mönnum þó grunr á, at Svía konúngr muni til ferðar ráðast; er Knútr konúngr enn á Englandi. Síðan bar jarl fram bréf ok innsigli Knúts konúngs, þau er sönnuðu allt þetta, er jarl bar upp; þetta eyrindi studdu ok margir aðrir höfðingjar, ok af þeirra fortölum allra landsmanna ræð landsfólkit þat af, at taka Hörða-Knútt til konúngs, ok var þat gjört á því sama þingi. En at þessi ráðagjörð var upphafsmaðr Emma dróttning, hafði hún látit gera bréf þessi ok látit innsigla, hafði hún með brögðum náð innsigli konúngs, en hann sjálfr var leyndr þessu öllu. En er þeir Hörða-Knútr ok Úlfr jarl vorðu þess varir, at Ólafr konúngr var kominn norðan or Noregi með her mikinn, þá fóru þeir til Jótlands, þvíat þar er megin mest Danaveldis, skáru þar upp herör, ok stefndu saman her miklum; en er þeir Hörða-Knútr ok Úlfr jarl vorðu þess varir, at Önundr konúngr var þar kominn með her sinn, þá þóttust þeir eigi hafa styrk til at halda til orrostu við þá báða, síðan hældu þeir samnadinum á Jótland, ok ætluðu at verja land fyrir konúnginum, en skipaherinn allan drógu þeir saman í Limafirði; síðan gjörðu þeir sendimenn

<sup>1)</sup> *Hér byrjar E aptr.*

til Emmu drottningar, ok báðu hana vissa verða, hvárt Knútr konúgr væri þeim reiðr, var hann þá kominn vestan til Limafjarðar. Drottning ræddi þetta mál fyrir Knúti konúngi. Knútr konúgr svarar: frétt hefi ek, hvað þeir hafa til tekit. Hún segir, at Hörða - Knútr, son þeirra, vill heita öllu því, er Knútr konúgr vildi, þóat hann hefði þat gjört, at konúngi væri í móti skapi. Konúgr svarar, at Hörða-Knútr hefði ekki hans raðum framfarit; hefir þetta svá til tekizt, sagði hann, sem vãn var, (er) hann var barn ok óviti, at hann vildi konúgr heita, þegar vanda nokkurn bar til handa honum, at land þetta mundi herskildi farit, ok leggjast undir útlenda höfðingja, ef eigi kvæmi vârr styrkr til; nú ef hann vill nökkura sætt gjöra við mik, þá leggi hann niðr hægóma nafn þat, at hann lèt sik konúng kalla. Sendi nú drottning þessi sömu orð til Hörða-Knúts, ok þat með at hann skyldi þessa ferð eigi undir höfuð leggjast, sagði sem var, at hann mundi eigi styrk til þess fá at standa í mót feðr sínum. En er þessi orðsending kom til Hörða-Knúts, þá leitaði hann ráða við jarl ok aðra höfðingja, þá er með honum voru; en þat fannst brátt, þegar landsfolkit heyrði at Knútr konúgr, var kominn, þá dreif til hans allr landsmúgr ok þótti þar traust sitt allt. Sá jarl þá ok aðrir félagar hanstvá kosti fyrir höndum, annathvært at fara á fund Knúts konúngs, ok leggjja allt á hans vald, eðr stefna or landi á

brott ella, en allir fýstu Hörða-Knútr at fara á fund feðr síns, enda gjörði hann ok svá. En er þeir hittust, fèll hann til fóta konúnginum, ok lagði innsigli í knè honum, þat er konúngs nafn fylgði. Knútr konúngr tók í hönd syni sínum, ok setti hann í þat sæti, sem fyrr hafði hann setit. Úlfr jarl sendi Svein, son sinn, til Knúts konúngs; hann var systurson konúngs, hann bað griða feðr sínum ok sátt af konúngi, ok bauð at setja í gisling af hendi jarls sjálfan sik; voru þeir jafn gamlir, Sveinn ok Hörða-Knútr. Knútr konúngr sendi þau orð<sup>1</sup> jarli, at hann samnaði her ok skipum, ok færi svá til fundar við konúng, en síðan ræddi þeir um sættir sínar. Jarlgjörði nú ok svá.

145. En er Ólafr konúngr ok Önundr konúngr spyrja, at Knútr konúngr er vestan kominn, ok þat með at hann hafði þá her óflýjanda, þá sigldu þeir austr fyrir Skáney, tóku þá at herja ok brenna hæröð, sækja þá austr fyrir til móts við ríki Svía konúngs. En þegar landsfólkit vissi at Knútr konúngr var vestan kominn, þá varð ekki af handgaungu við konúnga. Þessa getr Sighvatr skáld:

Gátut drottmar  
 Danmörk spanit,  
 undir sik, sökum<sup>2</sup>  
 [svá ok<sup>4</sup> herfarar;

<sup>1</sup>) Svini vörðist hær rángt og ofaukit í A. <sup>2</sup>) spann, B. <sup>3</sup>) sökum, hin. <sup>4</sup>) svarir, D; snarir, hin.



þá hèt<sup>1</sup> skarpla<sup>2</sup>  
 Skáney Dana  
 hlöðr<sup>3</sup> herjaða,  
 höfuð - fremstr jöfurr.

Þá sóttu konúngar anstr fyrir landit, ok lágu þar, er heitir áin helga, ok dvöldust þar um hríð, þeir spurðu at Knútr konúngr fór með her sinn austr eptir þeim, ok bera þeir ráð sín saman, ok tóku þeir þat til ráðs, at Ólafr konúngr fór með sumu liðinu, gekk á land upp ok allt á markir til vatns þess, er áin helga fèll or, ok gjörðu þar í árósinum stíflu með torfi ok viðum, ok stemdi svá uppi vatnit, ok svá skáru þeir stór díki, ok hleyptu saman fleirum vötnum, ok gjörðust þar víðir flóar, enn í árveginnn hjöggu þeir stór við; þeir voru í þessu starfi marga daga, ok hafði Ólafr konúngr tilstilli um alla þessa ráðagjörð, en Önundr konúngr hafði ráðagjörð fyrir skipa herinum. Knútr konúngr spurði til ferða þeirra mága, ok svá skaða þann allan er þeir höfðu gjört í ríki hans, hèlt hann þá til móts við þá, þar er þeir lágu í áinni helgu, ok hafði hann meirr enn hálfu meira lið enn þeir; þess getr Sighvatr skáld:

Lèzt at<sup>4</sup> jöfurr  
 ættmanna fannst<sup>5</sup>  
 Jótlands etast  
 flendr af því;

<sup>1</sup>) lèt, *hin*. <sup>2</sup>) skarðla, *B*; snarpla, *B, F, I*; skjóta, *II*,  
<sup>3</sup>) höldr, *D, F*. <sup>4</sup>) létist, *B*; létat, *D, E*. <sup>5</sup>) fannz, *öll*.

vildi<sup>1</sup> foldar  
 fæst<sup>2</sup> rán<sup>3</sup> Dana  
 hlífskjöldr<sup>4</sup> hafa,  
 höfuð-fremstr jöfurr.

146. Þat var einn dag at kveldi, at njósna-  
 menn Önundar konúnga sá siglmg Knúts kon-  
 únga, ok átti hann þaðan eigi langt, þá lét Ön-  
 undr konúgr blása herblástr, ráku menn tjöld  
 af sér ok herklæddust, ok reyru út or höfn-  
 inni ok austr fyrir landit, lögðu þá saman skip  
 sín ok tengðu, ok bjöggust til bardaga. Önundr  
 konúgr hleypti njósnaarmönnum á land upp,  
 fóru þeir á fund Ólafs konúnga, ok sögðu hon-  
 um þessi tíðindi; þá lét Ólafr konúgr brjóta  
 stífluna, ok hleypa áinni í farvegin, en hann  
 fór um nóttina ofan til skipa sinna; en er Knútr  
 konúgr kom fyrir höfnina, þá sá hann, hvar  
 lá herr þeirra konúnganna búinn til bardaga,  
 þótti honum sem þá mundi vera síð dags at  
 leggja til bardaga um þat at lið hans væri allt  
 búit, þvíat flokkir hans þurfti rúm mikit á  
 sjánum til at sigla, ok var langt ímillum hins  
 fyrsta ok hins síðasta, svá ok þess er nærst fór  
 landi ok hins er first fór; veðr var lítit. Knútr  
 konúgr sá at Svíar ok Norðmenn höfðu rudda  
 höfnina, þá lagði hann inn til hafnar svá öll  
 skip sem rúm hafði, en þá lá meginherinn út  
 á hafit. Um morguninn er mjök var ljóst, þá

<sup>1</sup>) valdr, E; valdi, F. <sup>2</sup>) flest, E, F; föst, L. <sup>3</sup>) rann,  
 E, L. <sup>4</sup>) hlífekjöld, E, F, II. <sup>5</sup>) floti, hin.

var lið þeirra margt á landi uppi, en sumt á tali, en sumt at skemtan sinni, þá finna þeir eigi fyrr enn þar geysast at þeim vötn með fossfalli, þar fylgðu viðir stórir, ok rak at skipum þeirra, ok meiddust skipin þarfyrir, en vötn flutu um alla völlu, týndist fólk allt, þat er á landi var, ok margt þat er á skipum var, en allt lið þat er því kom við, hjöggu festar sínar ok leystust út, ok rak skipin mjök sundrlaus; drekann mikla, er Knútr<sup>1</sup> konúngr var á, rak út fyrir strauminum, varð honum ekki auðsnúit með árum, rak hann út<sup>2</sup> at flota þeirra Önundar konúngs<sup>3</sup>, ok er þeir kendu skipit, lögðu þeir at umhverfis, en fyrir þá sök at skipit var svá mikit sem borg væri, en fjöldi manna á, ok valit hit bezta lið á, þá varð skipit ekki auðsótt, var ok stundin<sup>4</sup> eigi laung; ok er Ulfr jarl lagði at með sitt lið, var þar hörð orrosta; þvínæst dróst herr Knúts konúngs at öllu megin, sá þeir Ólafr konúngr ok Önundr konúngr, mágr hans, at þeir mundu hafa unnit at sinni þann sigr, sem þeim varð auðit, létu þeir þá síga skip sín á hömlu ok létu ok leystust í brott or herr Knúts konúngs; en fyrir þá sök at atlaga þessi hafði ekki svá tekizt, sem Knútr konúngr hafði tilskipat, þá varð ekki af atróðrinum, ok kannaði Knútr konúngr þá lið sitt, ok tóku menn at binda sár sín ok skipa liðinu, ok bjöggust um;

<sup>1</sup>) þannig, B, F, H; Ólafr, rángt í A; v. í. D. E. <sup>2</sup>) v. í. B, D, L; inn, hin. <sup>3</sup>) Hér byrjar apttr C. <sup>4</sup>) þannig hin; skudín, A.

en er þeir höfðu skilit, ok sèr fór hvorr flokkurinn, þá könnuðu konungar lið sitt, ok fundu þat at þeir höfðu ekki mannspèll fengit; þat sá þeir, ef þeir biði þess at Knútr konungur hefði búit her sinn, þann er hann hafði, ok legði síðan at þeim, at liðsmunr var svá mikill, at lítil vãn var at þeir mundu sigr fá, en auðvitat ef orrosta tækist, at þar mundi verða hit mesta mannfali; nú var þat ráðs tekit, at róa liðinu öllu austr með landi; en er þeir sá, at flotri Knúts konungs fór ekki eptir þeim, þá reistu þeir við<sup>1</sup>, ok settu upp segl sín. Óttar svarti orti um fund þenna í drápu þeirri, er hann orti um Knút konung ríka:

Svíum<sup>2</sup> hnektir þú sökkva<sup>3</sup>  
 siklíngr örr hinn<sup>4</sup> mikla,  
 ýlgr' þar er áin helga  
 Úlfs beitu fékk heitit<sup>5</sup>;  
 heltu þat<sup>6</sup> er hrafn<sup>8</sup> [nè svelta<sup>9</sup>  
 hvatráðr ertu láði  
 ógnarstafs<sup>10</sup> fyrir jöfrum  
 ýgr<sup>11</sup> tveimr við kyn beima.

[Þórðr svarta-skáld<sup>12</sup> orti [erfidrápu um Ólaf konung hinn helga<sup>13</sup>, ok [er kölluð Roðudrápa<sup>14</sup>, þar er getit þessa fundar:

<sup>1</sup>) við'or, C, F. <sup>2</sup>) Snörum, D. <sup>3</sup>) sökna, F. <sup>4</sup>) en, C, E, L. <sup>5</sup>) úlfr, D, E. <sup>6</sup>) heiti, B, II; heitir, F, D, E, L. <sup>7</sup>) þar, B, C, D, E, II; nè, L. <sup>8</sup>) hrafn, B, E; hrafnar, C, L. <sup>9</sup>) sveltuð C; nè sveltað, D, II. <sup>10</sup>) ógnarstarfs, B; ógnarstafr, C, D, L; ógnarstaf, E, F. <sup>11</sup>) uggr, E. <sup>12</sup>) Þórðr skáld Svartason, E, F. <sup>13</sup>) drápu eptir Knút konung, B. <sup>14</sup>) v. l. B; sú er kölluð Roðadrápa, C, D, E, H, L.

Átti Egða<sup>1</sup> drottinn  
 Ólafr þrimu stála  
 viðr ágætan Jóta  
 öðling<sup>2</sup> þann er klauf<sup>3</sup> hrínga;  
 skaut nær<sup>4</sup> skart<sup>5</sup> á<sup>6</sup> móti  
 Skánúnga gramr hánnum  
 Sveins varat<sup>7</sup> sonr<sup>8</sup> at reyna  
 slær<sup>9</sup> þaut Úlfr of hræfi.

147. Ólafr konúngr ok Önundr konúngr sigldu austr fyrir Svía konúngs veldi, ok at kveldi dags lögðu þeir at landi því, er í Barvik heitir, lágu konúngar þar um nóttina, en þat fannst á um Svía, at þeim var títt heim at fara, þvíat mikill hluti Svía hers sigldi um nóttina austr með landi, ok létti eigi fyrrsinni ferð, enn hverr kom til síns heimilis. En er Önundr konúngr varð þessa varr, ok lýsti, lét hann blása til húspíngs, gekk þá allt lið á land, ok var sett þíng. Önundr konúngr tók til máls: svá er, Ólafr konúngr! sem þær vitið, at vær höfum í sumar farit allir saman í hernað hér um Danmörk, höfum vær fengit fè mikit, en ekki af löndum, ek hefir haft í sumar hálftr fjórða hundr- að skipa, en nú er eigi meirr eptir en hundr- að skipa; nú lízt mèt svá sem vær munum vinna ekki til sæmdar, með eigi meira her enn nú höfum vær, þóat þær hafið haft 60 skipa, sem

<sup>1</sup>) Engla, B. <sup>2</sup>) æðling, C; öðlingr E. <sup>3</sup>) klýfr, B, E; gaf, F. <sup>4</sup>) at, E, F. <sup>5</sup>) skarpt, hin. <sup>6</sup>) at, B, C, D, F, L. <sup>7</sup>) var, L. <sup>8</sup>) son, L. <sup>9</sup>) slægr, F; slæfr, L.

enn hafið þèr. Nú sýnist mér þat ráðligast at fara aptr í ríki mitt, ok er gott heilum vagni heim at aka, vær höfum aflat í ferð þessi, en látit ekki. Nú vil ek, Ólafr mágr! at þèr farið með oss ok búum allir saman, takið slíkt af mínu ríki, sem þèr fáið yðr vel haldit, ok þat lið sem yðr fylgir, gjörum þá er [vær komum' slíkt ráð sem oss líkar, en ef þèr vilð heldr hinn kost, at hafa land vårt til yfirferðar, þá skal þat heimilt, ok vill þèr fara landveg í ríki yðvart norðr í Noreg.

148. Ólafr konúgr þakkaði Önundi konúngi vinsamligt boð, er hann bauð honum: en þó, ef ek skal ráða, segir hann, þá mun annat ráð tekit, ok munum vær haldasaman her þeim, sem nú er eptir; hafða ek furst í sumar, er ek fór or landi hálftr fjórða hundrað skipa, en áðr ek fór or landi, þá valda ek af her þeim öllum þat lið sem mér þótti bezt, ok skipaða ek þessi 60 skipa, sem nú hefi ek; en nú lízt mér svá um yðvart lið, sem þat munu hafa í bruttu hlaupit sem dáðlausast er, ok verst fylgd var í, en ek sèr hèr alla hirðstjóra yðra ok höfðingja, ok veit ek at þat lið allt er bezt til vâpns, sem hirðin er, höfum vær enn mikinn her ok skipakost goðan, svâ at vær megum vel liggja úti á skipum í allan vetr, svâ sem herkonúngar hafa fyrri gjört; en Knútr konúgr mun skamma stund liggja í áinni helgu, þvíat þar er engi

<sup>1)</sup> vár kemr, (várar) hin.

höfn skipafjölda þeim, er hann hefir, mun hann fara allt eptir oss, ok skulu vær fara allt undan, mun oss þá brátt lið samnast; en ef hann snýr aptr þannveg, sem hafnir þær eru, sem hann má liggja flota sínum, þá mun þar margt lið at öngvum mun síðr heimfýst enn hær; væntir ek at vær höfum svá umbúit í sumar, at þorpkarl-inn<sup>1</sup> viti, hvat hann skal vinna bæði á sjá<sup>2</sup> ok svá á landi<sup>3</sup>, mun herr Knúts konúngs dreifast brátt víðsvegar, ok veit þá eigi, hvorum sigrs verðr auðit; höfum fyrst njósnir, hvert ráð hann tekr upp. Lauk Ólafr konúngr svá sínu máli, at allir gjörðu góðan róm at hans máli ok var þat ráðs tekit, sem hann vildi vera láta; ok voru þá njósnir gjörvar til hers Knúts konúngs, en þeir lágu þar báðir konúngarnir.

149. Knútr konúngr sá þat, at Noregs konúngr ok Svía konúngr hældu báðir austr með landi, þá gjörði hann þegar lið á land upp, lét menn ríða hit efra dag ok nátt, svá sem konúngar fóru hit ytra, fóru aðrir njósnarmenn aptr, en aðrir á fram; vissi Knútr konúngr á hverjum degi tíðindi af ferð þeirra, voru njósnarmenn í her konúnga; en er hann spurði at mikill hluti liðs þeirra var frá þeim farinn, þá hæld hann her sínum aptr til Sjólands, ok lagðist í Eyrarsund<sup>4</sup> með her sinn allan, lá sumt liðit við Sjóland, en sumt við Skáni. Knútr konúngr reið

<sup>1</sup>) Þorparinn, B.    <sup>2</sup>) Skáni B.    <sup>3</sup>) Sjólandi, B.    <sup>4</sup>) Eyrarsund, E.

upptil Hróaskeldu<sup>1</sup>, ok með honum mikil sveit manna, en þar hafði veizlu gjört í móti honum Úlfr jarl, mágr hans, veitti hann allkappsamliga, ok var allkátr; konúgr var allfámáligr ok heldr úfrýnn, jarl orti orða á hann, ok leitaði þeirra málsenda, er hann ætlaði at konúngi mundi bezt líka. Konúgr svarar fá. Þá spurð jarl, ef konúgr vildi leika at skáktafli, hann játtaði því. Úlfr var allra manna skjótorðastr, ok úvæginns bæði í orðum ok öðrum hlutum, ok hinn mesti framkvæmdarmaðr um ríki sitt, ok er saga mikil af honum sögð. Úlfr jarl var maðr ríkastr í allri Danmörk, þegar konúgr leið. Systir Úlfs jarls var Gyða, er atti Guðini jarl Úlfjǫsson<sup>2</sup>, ok voru synir þeirra: Haraldr Engla konúgr, Tosti jarl, Valþjófr jarl, Möðrukári<sup>3</sup> jarl, Sveinn jarl. Gyða hét dóttir þeirra, er átti Játvarðr hinn helgi<sup>4</sup> Engla konúgr.

150. En er þeir lèku at taflinu konúgr ok jarl, þá lèk konúgr fíngubrjót mikinn, þá drap<sup>5</sup> jarl af honum riddara, konúgr bar aptr taflit, ok sagði at hann skyldi annat leika; jarl reiddist, ok skaut niðr taflborðinu, stóð upp ok gekk í brutt; renn þú nú, Úlfr hinn ragi! segir konúgr! Jarl svarar, ok snýr aptr við dyrrin, ok mælti: lengra mundir þú hafa runnið í ánni helgu, ef þú kvæmir því við, kallaðir þú þá eigi

<sup>1</sup>) Róiskeldu C, hinn næsta dag fyrir Michjálsmessu, b. v. hin.

<sup>2</sup>) Ulfnaðrs B, D, II; Ulfnaðs hin. <sup>3</sup>) Möðrukári, hin. <sup>4</sup>) góði B, C, E, L. <sup>5</sup>) skækti B; skákaði C, L; skætti, E.



Úlf hinn raga, er ek lagða til at hjálpa þér, er Svíar börðu yör sem hundaáðr. Gekk jarl eptir þat fbrott ok til svefns. Litlu síðar gekk konúngr at sofa. En eptir um morguninn, er konúngr klæddist, þá mælti hann við skósveinn sinn: gakk þú, sagði hann, til Úlfsjarls, ok drep hann! Sveinninn gekk, ok var í bruttu um hríð, ok kom aptr; þá mælti konúngr: drapt þú jarl? eigi, herra! Þvíat hann var genginn til Lúciukirkju.

151. Maðr hét Ívarr hvíti, norrænnat kyni, hann var herbergismaðr Knúts konúngs ok hirðmaðr hans. Konúngr mælti til Ívars: gakk til ok drep Úlf jarl! Ívarr gekk til kirkju ok innarr í kórin, ok lagði gegnum Úlf jarl, ok fèkk jarl þegar bana. Ívarr gekk aptr þegar til konúngs, ok hafði sverðit brugðit í hendi. Konúngr spurði: drapt þú Jarl? Hann svarar: nú drap ek hann; vel gjörðir þú þá, sagði konúngr. En eptir þat er jarl var drepinn, létu múnkar læsa kirkjuna; þá var þat sagt konúngi, þá sendi hann menn til múnkanna, bað þá lata upp kirkjuna ok sýngja tíðir. Þeir gjörðu sem konúngr bauð, en er hann kom til kirkjunnar, þá keypti hann jarðir til kirkjunnar, svà at þat var hérað mikit, ok hófst sá staðr mjök. Síðan reið konúngr til skipa sinna, ok lá þar lengi um haustit með allmikinn her.

152. Þá er Ólafr konúngr ok Önundr konúngr spurðu, at Knútr konúngr hafði haldit til Eyrarsunds, ok lá þar með hersinn, þá áttu kon-

úngar húspíng, talaði Ólafr konúgr at þetta hefði farit eptir getu hans, at Knútr konúgr hefði eigi lengi legit í ánni helgu, væntir ek at svá muni fara fleira eptir getu minni af viðskiptum vorum Knúts, hefir hann nú lítit fjölmenni hjá því, sem hann hafði í sumar, en hann mun þó minna hafa síðarr, þvíat eigi er þeim úleiðara enn oss at liggja úti á skipum í haust síðan, ok mun oss sigrs auðit verða, ef oss skortir eigi tilræði, ok þetta hefir svá farit í sumar, at vær höfum haft minna lið, en þeir hafa látit fyrir oss bæði fè ok menn. Þá sögðu Svíar at þat væri ekki ráð at bíða þar vetrar, þótt Norðmenn eggjuðu þess; vitu þeir ok ógjörla hver íslög hær kunna at verða, er frýs haf allt óeskliga<sup>1</sup> á vetrum; viljum vær fara heim ok vera hær ekki lengr; gjörðu Svíar kurr mikinn ok mælti hverr í orðastað annars; var þat a'ráðit, at Önundr konúgr ferr þá íbrutt með allt lið sitt, en Ólafr konúgr var þá eptir.

153. En er Ólafr konúgr lá þar, átti hann opt tal ok raðagjörðir við lið sitt; þat var eina hverjanótt, er þeir áttu vörð at halda afkonúngs skipi, Egill Hallsson ok sá mann, er hèt Tófi Valgautsson<sup>2</sup>, kynjaðr af Vestra-Gautlandi, ættstór maðr; en er þeir sátu á verðinum, heyrðu þeir grát mikinn ok veinan, þeir sá hvar sat í böndum hernumit fólk, var þat bundit um nætr á landi uppi. Tófi sagði at honum þótti íllt at

<sup>1</sup>) optliga, *hin*.    <sup>2</sup>) Valgardsson, *D, E*.

heyra læti þeirra, ok bað Egil til at þeir skyldu fara til at leysa þetta fólk ok láta brutt hlaupa; þeir gjörðu þetta sama, fóru til ok skáru böndin, ok hleyptu brutt fólk því öllu, ok var þat verk allóvinsælt af liðsmönnum. Konúngr var þá ok svá reiðr, at hélt við voða sjálfan, ok síðan er Egill var sjúkr, þá var þat lengi at konúngr vildi ekki koma, at sjá hann, áðr margir menn báðu Egil iðrast þess, at hann hafði svá gjört, at konúngi mislíkaði. Egill bað þá af sér reiði, ok veitti konúngr honum þat um síðir. Ólafr konúngr lagði hendr sínar yfir síðu Egils þar er verkrinn lá undir, ok saung bænir sínar, en jafnskjótt tók or verkinn allan, eptir þat batnaði Egli. En Tófi kom sér síðan í sætt, svá sem sagt er, at hann skyldi þat tilvinna at koma föður sínum á fund Ólafs konúngs. Valgautr var maðr hundheiðinn, ok fèkk hann kristni af orðum Ólafs konúngs, ok andaðist þegar hann var ný skírðr. Ólafr konúngr á nú tal við lið sitt, þá leitar hann ráða við höfðingja, hvat þeir skyldu upptaka. En þat kom lítt ásamt, kvað þat annar óráð, er öðrum þótti vænligt, ok velktu þeir þetta ráð mjök lengi fyri sér. Njósarmenn Knúts konúngs voru í her þeirra jafnan, ok kvámu sér í tal við marga menn, ok höfðu þeir fram fèboð ok vináttumál af hendi Knúts konúngs, en þar létu margir eptirleiðast, ok seldu þar til trúnað sinn, at þeir skyldu gjörast menn Knúts

konúngs, ok halda honum til handa landi, ef hann kemr til Noregs; gjörðust margir at þessu berir, þóat þá færi leynt fyrst; sumir tóku þá þegar við fægjöfum, en sumum var heitit síðar, en hinir voru allmargir er áðr höfðu þegit at honum vingjafir stórar; fyrir því at þat var satt at segja frá Knúti konúngi, at hverr er á hans fund kom þeirra manna, er honum þótti nokkut mannsmót at, ok vildu hann þýðast, þá fèkk hverr af honum fullar hendr fjár, varð hann af því stórliga vinsæll, ok var mest um örleika hans viðr útlenda menn, ok við þá mest er lengst voru atkomnir.

154. Ólafr konúngr átti opt stefnur<sup>1)</sup> við sína menn ok spurði at ráðagjörðum, en (er) hann fann, at sitt lagði hverr til, þá grunaði hann at þeir mundi sumir vera, at annat mundi tilleggja, enn þat er ráðligast þætti, ok guldu þá margir honum eigi réttlíga skuld um trúleika; þess eggjuðu margir, at þeir skyldu taka byr ok sigla til Eyrarsunds, ok svà í Noreg, sögðu Dani eigi þora at þeim at leggja, þótt þeir lægi fyrir með mikit lið, en Ólafr konúngr var svà vitr maðr, at hann sá þat at slíkt var ófæra, vissi þat at annann veg hafði gefizt Ólafi konúngi Tryggvasyni, þá er hann lagði fáliða til orrustu við Dani, at þeir þyrði þá eigi at herjast; vissi konúngr ok þat, at í herr Knúts konúngs var fjöldi Norðmanna, grunaði konúng þá, at

<sup>1)</sup> Hér byrjar I optr.

Þeir mundi Knúti konúngi hollari enn honum, er slíkt mæla; veitti Ólafr konúgr þá oss<sup>1</sup> orskurð, ok sagði svá, at þeir menn skyldu búast, er honum vildu fylgja ok fara landvegum Gautland ok svá til Noregs: en skip vár, ok annann þunga þann, er vær megum eigimeð oss flytja, vil ek senda austr í Svíaveldi, ok láta þar varðveita oss til handa.

155. Hárekr or þjóttu svarar máli konúngs: þat er auðsèð, segir hann, at ek má eigi á fæti fara í Noreg, er ek nú maðr gamall ok lítt færri ok vanr lítt gaungum, ætla ek mik ok munu traudan at skilja við skip mitt, ok hefi ek lagt mikla stund á skip þetta ok á búnað þess, ok mun mærléitt at leifa úvinum mínum skipit. Konúgr svarar: far þú með oss, Hárekr! vær skulum bera þik með oss, ef þú mátt eigi gánga; þá kvað Hárekr vísu:

Ráðit hefik at ríða  
rinleiks hæðan mínum  
láðs dynmari leiðar  
laungum heldr enn gánga;  
þótt leggfjötrs<sup>2</sup> liggi  
lundr í Eyrarsundi<sup>3</sup>,  
kann þjóð keski minni,  
Knútr herskipum úti.

Þá lét Ólafr konúgr búa ferð sína, höfðu menn ígánga klæði sín ok væpn, en þat er fækkst af

<sup>1</sup>) v. í hin. <sup>2</sup>) leggfjöturr D, E; lögfjötrs, L. <sup>3</sup>) Eyrar sundum, C, E.

reiði skjótum var klyfjat af klæðum ok lausafè, en hann sendi menn, ok lét flytja skipin austr í Kalmarmar<sup>2</sup>, settu þeir þar upp skip sín, ok fluttu reiða ok annann varning til varðveizlu. Hárekr gjörði sem hann hafði sagt, at hann beið byrjar, ok sigldi vestr fyrir Skáney, til þess er hann kom austan at Hólunum<sup>3</sup> ok var þat aptan dags, en byr var at blásandi, ok lét hann ofan leggja seglin ok svá við, lét taka ofan veðrvita, en sveipa skipit allt fyrir ofan sjá með grám tjöldum, ok lét róa í nokkurum rúmum aptr ok fram, hann lét flesta menn sitja lágt í skipi; nú sá varðmenn Knúts konúgs, ok ræddu um með sèr, hvat skip at þat mundi vera, ok gátu, at flutt mundi vera salt eðr síld, er þeir sá fá menn, en lítt róit, en skip sýndist þeim grátt ok bráðlaust, ok mundi skinit af sólu; þat sá þeir at skipit var hlaðit mjök; en er Hárekr kom fram í sundit um herinn, þá lét hann reisa viðuna ok draga upp seglit hvítt sem dript<sup>4</sup>, ok stafat blá með vendi; þá ræddu menn Knúts konúgs um siglíngrina, ok sögðu meiri vãn at þar sigldi Ólafr konúgr, en Knútr konúgr segir svá, at Ólafr konúgr er svá vitr maðr, at hann hefði eigi farit einskipa í gegnum her Knúts konúgs, ok þat líkara at þat muni vera Hárekr or þjóttu eðr hans maki, ok því hafi menn frá-

<sup>1</sup>) *Hér sleppr C.*    <sup>2</sup>) *Karlmarir B, E, F; Kalmarver, D; Kalmara II; Kalmarn I; Kalmanar L.*    <sup>3</sup>) *Hólundum B; Hælmunum D; Hólmunum E; Hólshólunum II, J, S.*    <sup>4</sup>) *drif, E I.*

sagt, at Knútr konúngr hafi vitat um ferð Háreks, ok hann mundi eigi farit hafa ella, ef eigi hefði vináttumál farit í millum áðr, ok þótti þat birtast síðan, þá er vinátta tókst með þeim Knúti konúngi ok Háreki. Hárekr orti vísu þessa, er hann sigldi norðr um Veðrey:

Lakkat' ek Lundar<sup>2</sup> ekkju<sup>3</sup>.

læ baugs at því hlæja,

skjótum eik fur utan

ey, nè danskar meyjjar;

jörð! at ek ei þyrða,

ífla flaustr<sup>4</sup> á hausti,

á flat-slóðar Fróða

fara aptr vali krapta.

Fór Hárekr þá ferða sinna, ok létu eigi fyrr enn hann kom norðr á Hálogaland ok heim til búss síns í Þjóttu.

156. Ólafr konúngr fór fyrst um Smálönd, ok kom fram í Vestra-Gautlandi, ok fór spakliga ok friðsamliga, en landsmenn veittu honum góðan forbeina; fór konúngr til þess er hann kom ofaní Víkina, ok svá norðr eptir Víkinni<sup>5</sup>, til þess er hann kom í Sarpsborg, dvaldist hann þar ok lét búa til vetrsetu; gaf konúngr þá heimfarar leyfi mestum hluta liðsins, en hann hafði með sér af lendum mönnum þat sem honum sýndist; þar voru þá með honum þeir allir Árnasynir, þeir voru mest virðir

<sup>1</sup>) létkat, B, I; lekkat, D, J, S. <sup>2</sup>) lindur L. <sup>3</sup>) ekkjur, hin.  
<sup>4</sup>) flaust, E, J, K, L. <sup>5</sup>) Hér sleppr I aptr.

af konúngi; þá kom til Ólafs konúngs Gellir Þorkelsson, ok hafði komit áðr um sumarit af Íslandi, sem áðr var ritat.

157. Sighvatr skáld var lengi með Ólafi konúngi, sem hær er ritat, ok hafði konúngr gjört hann stallara sinn. Sighvatr var ekki hagnæmtr<sup>1</sup> maðr í sundrlausum orðum, en skáldskapr var honum svá tiltækr, svá honum mælti aftúngu fram (sem) annat mál, hann hafði verit (í kaupferðum) til Vallands, ok í þeirri ferð kom hann til Englands, ok hitti Knút konúng, ok þá af honum leyfi at fara til Noregs, sem fyrr var sagt; en er hann kom í Noreg, fór hann þegar á fund Ólafs konúngs, gekk hann fyrir konúng, er hann sat yfir borðum; hann kvaddi konúng; Ólafr konúngr leit við honum ok þagði. Sighvatr kvað vísu:

Heim erum hín gat komnir,  
hygg at, jöfurr skatna!  
menn nemi mál sem ek inni  
mín, [stallari, þínu<sup>2</sup>;  
seg þú, hvar sess hafð hugðan  
seim<sup>3</sup>, þjóð konúngr! beinum<sup>4</sup>  
allr er [þekkr með<sup>5</sup> þollum  
þinn skáli mēr innan.

Þá sannaðist hit fornkvečna mál, at mörg eru konúngs eyru. Ólafr konúngr hafði spurt allt um ferðir Sighvats, at hann hafði verit með

<sup>1</sup>) hraðmæltr *hín*. <sup>2</sup>) stallarat *þínir, hín*. <sup>3</sup>) seims, *D, H, K, L, S*. <sup>4</sup>) beima, *L*. <sup>5</sup>) þaktr með, *E*; þýðum, *L*.



Knúti konúngi. Þá mælti Ólafr konúngr til Sighvats: eigi veit ek nú, hvárt þú ætlar nökkut at vera minn stallari, eðr hefir þú nú eigi gjörzt maðr Knúts konúngs? Sighvatr kvað vísu:

Knútr spurði mik mæta<sup>1</sup>  
mildr ef ek hán um vilda  
hendi-lánger sem hrínga  
hugreifum Óleifi;  
ei<sup>2</sup> kvað ek senn at sönnu,  
svara þóttumst ek drottni<sup>3</sup>,  
gjör<sup>4</sup> er gumna hverjum  
gnóg dæmi, mēr sæma<sup>5</sup>.

Þá mælti Ólafr konúngr, at Sighvatr skyldi ganga til sætis þess, sem hann var vanr at sitja, ok hann hafði fyrr haft; kom Sighvatr sèr brátt í kærleika hina sömu, sem hann hafði áðr haft.

158. Erlíngr Skjálgsson ok synir hans höfðu verit um sumarit í her Knúts konúngs, ok í sveit með Hákoní jarli. Þórir hundr hafði ok metorð mikil. En er Knútr konúngr spurði, at Ólafr konúngr hafði farit landveg til Noregs, þá sleit hann leiðánger, ok gaf leyfi öllum mönnum til heimferðar, en lét búa sèr til vetrsetu í Danmörk; var þá í Danmörk herr útlendra

<sup>1</sup>) mætra B, D, H, K, S; mætir, E, F, L. <sup>2</sup>) einn, hin. <sup>3</sup>) drottinn, E, F, H, L, S. <sup>4</sup>) góðr, B, E, F, K. <sup>5</sup>) Ok ein þessa:

Eiðr látaþú ytri

einn, þótt ek verascinnu,

jarðar alla verðar

aufarmildr, einn ek vilda;

era fyri mál þat er mál

mann þú lætr her vandan

laug þörf mun gram gengit

gestr Knúts var ek flestum, b. v. E.

manna, bæði enskra manna ok Norðmanna, ok enn af fleirum löndum, er komit hafði til hersins um sumarit. Erlíngr Skjálgs-son fór um haustit til Noregs með öllu liði sínu, ok þá af Knúti konúngi stórgjafir at skilnaði. Þórir hundr var eptir með Knúti konúngi; en með Erlíngi fóru norðr í Noreg sendimenn Knúts konúnga ok höfðu með sér of lausafjár, fóru þeir víða um landit um vetrinn, en greiddu þá af höndum<sup>1</sup> þat, er Knútr konúngr hafði heitit þeim um haustit til liðs sér, þeir gáfu ok hinum mörgum, er þeir fengu með fè keypt vináttu Knúti konúngi, en þeir höfðu traust Erlínga til yfirferðar; gjörðist þá svà at fjöldi manna snérist til vináttu við Knút konúng, ok hētu honum vináttu sinni, ok þat með at veita Ólafi konúngi mótstöðu, gjörðu þat sumir bert þegar, en hinir voru miklu fleiri, er leyndust at fyrir alþýðu. Ólafr konúngr spurði þessi tíðindi, ok kunnu margir at segja honum frá þessum tíðindum, ok var þat fært mjök í fjölmæli þar í hirðinni. Sighvatr skáld kvað:

Fjandr gánga þar þengils,  
þjóð býðr<sup>2</sup> opt með sjóða  
höfgan málm fyrir<sup>3</sup> hilmis  
haus ófaldin<sup>4</sup> lausa;  
sitt<sup>5</sup> veit hverr of<sup>6</sup> harra  
hollan selr við gulli<sup>6</sup>,

<sup>1</sup>) ferr, H. <sup>2</sup>) við, B, L. <sup>3</sup>) ófalan, B, D, H, L, S; of allan, E, K. <sup>4</sup>) sik, D, H. <sup>5</sup>) ef, E, L, S; er, H. <sup>6</sup>) golli, E, H, L.

[vert er<sup>1</sup> slíks í svörtu;  
sinn, helvíti innan.

Ok enn kvað hann:

Kaup varð dapurt<sup>2</sup>, þar<sup>3</sup> djúpan  
drottinn ræð<sup>4</sup> [af sóttum<sup>5</sup>  
þeim<sup>6</sup> er heim á himna<sup>7</sup>  
háselds svikum beldu<sup>8</sup>.

Opt var sú umræða þar í munni höfð, hversu illa  
samdi Hákon jarli at fara með her á hendr  
Ólafi konungi, er hann hafði honum líf gefit,  
þá er jarl hafði á hans vald komit, en Sighvatr  
var hinn mesti vin jarls, ok þá er Sighvatr  
heyrði á mælt jarli, þá kvað hann:

Gjörði<sup>9</sup> hilmir<sup>10</sup> Hörða<sup>11</sup>  
húskarla<sup>12</sup> þá jarli,  
of<sup>13</sup> við Ólafs fjörvi  
úvægir<sup>14</sup> fè-þeygi;  
hird nam<sup>15</sup> hans at verða  
háleggs<sup>16</sup> fyrir<sup>17</sup> því máli,  
dælla er oss ef allir  
Noregs<sup>18</sup> um svik slíkir<sup>19</sup>.

Ólafr konúgr hafði jólaboð mikit, ok var komit  
til hans margt stórmenni. Þat var hinn átta<sup>20</sup>

<sup>1</sup>) verk eru, B, D. <sup>2</sup>) döpr, D. <sup>3</sup>) þaz, D, E, S. <sup>4</sup>) rætt, hin. <sup>5</sup>) um sóttu, B; af sóttan, D. <sup>6</sup>) þeir, E, F, K, L. <sup>7</sup>) himnum, D, E, F, L. <sup>8</sup>) héldu, E, F; *vís. v. í H, L.* <sup>9</sup>) gjörðist, B, II, S. <sup>10</sup>) hilmis, B, II, S. <sup>11</sup>) *tekið úr B; gleymt í A, D; harða E, K.* <sup>12</sup>) húskarlar, hin. <sup>13</sup>) er, B, D, L; ef, E, F, K. <sup>14</sup>) ofvægir, B, D, S; óvæginn L. <sup>15</sup>) era, B, S; er, D, L; erat, II. <sup>16</sup>) háleitt, hin. <sup>17</sup>) í, L. <sup>18</sup>) erum vér, hin. <sup>19</sup>) skírir, B, D, E, K, S; skævir, II, L. <sup>20</sup>) 7da, D, E, F, K, S; 5ta, H.

dag jóla, at konúgr gekk ok fáir menn með honum; Sighvatr fylgði honum dag ok nátt, hann var þá með honum; þeir gengu í hús eitt, þar voru hirðir í dýrgripir konúgs, hann hafði þá hafðan viðbúning mikinn, sem vandi hans var til, at heimta saman dýrgripi at gefa hit átta kveld jóla; þar stóðu í húsinu sverð eigi allfá gullbúin; Sighvatr kvað þá:

Sverð standa þar<sup>1</sup>, sunða  
sárs leyfu vær árar,  
herstilli<sup>2</sup> væri<sup>3</sup> hylli  
hollust búin gulli;  
viðtæka ek víka,  
[var ek endr með þèr, sendir<sup>4</sup>  
elds! ef þú eitthvert vildir  
allvaldr gefa skáldi.

Konúgr tók eitthvert sverðit, ok gaf honum, þar var gulli búinn meðalkaflinn ok gullbúin hjölt; var þat gripr allgóðr, en gjöfin var eigi öfundarlaus, ok heyrði þat síðar. Þegar eptir jólin byrjaði Ólafr konúgr ferð sína til Upplanda, þvíat hann hafði fjölmenni mikit, en tekjur norðan or landi höfðu öngvar til hans komit þá um haustit, er leiðánger hafði úti verit um sumarit, ok hafði konúgr þar allan (kostnað) tillagðan, sem faung voru á, þá voru engi skip at fara með liðit norðr í land; hann spurði

<sup>1</sup>) hér, B, F, II, L. <sup>2</sup>) herstillir, B; herstillis, hin. <sup>3</sup>) þarf ek, S; verðr, hin. <sup>4</sup>) vil ek enn með þér kennir, B.

Þat eitt norðan, er honum þótti ekki friðsamligt, ok ekki trúligt, ef hann færi eigi með liði miklu, ræð konúngr fyrir þá sök þessaf, at fara á Upplönd, en eigi hafði svá langt liðit síðan at hann hafði þar farit at veizlum, sem lög stóðu til, eðr vandi konúnga hafði til verit. En er konúngr sótti upp á land, þá búðu honum lendir menn ok bændr ríkir, ok létu svá hans sjálfs kostnaði.

159. Björn er maðr nefndr göfugr at kyni, hann var vinr ok kunníngi Ástríðar drottningar ok nokkut skyldr henni, ok hafði hún fengit honum ármenníng á ofanverðri Heiðmörk; hafði hann ok yfirsókn í Eystri-Dali. Ekki er Björn kær konúngi, ok ekki var hann þokkasæll af bóndum; þat hafði atborizt í' bygð þeirri, er Björn ræð fyrir, at þar voru hvörf stór ok stuldir miklir á haustum, þat voru naut ok sauðir, ok allskonar fænaðr. Björn lét þar kveðja þíngs til, ok lýsti þar hvarfunum, hann kallaði þá líkasta til slíkra illbragða, er sátu í markbygðum fjarri öðrum mönnum, veik hann því máli til þeirra, er bygðu í Eystri-Dölum, sú bygð var mjök sundrlaus bygð við vötn eða rudd í mörkum, en úvíða bygðir saman.

160. Rauðr hét maðr, er þar bygði í Eystri-Dölum. Ragnhildr hét kona hans. Dagr ok Sigurðr hétu synir þeirra, þeir voru efn-

<sup>1)</sup> *Hér sleppr E um sinn.*

iligrir menn. Þeir voru staddir á þingi því, ok hældu upp svörum af hendi þeirra Dalamanna, ok báru þá undan sökum. Birni þótti þeir láta stórliga ok vera drambsmenn miklir at vápnum ok klæðum. Björn snèri þá tölunni á hendr þeim bræðrum, ok taldi þá eigi úlíkliga til at hafa slíkt gjört. Þeir synjuðu fyrir sik, ok sleit svà þinginu. Litlu síðar kom til Bjarnar ármaðr Ólafs konúnga með liði sínu, ok tók þar veizlu, var þat mál kært fyrir konúngi, sagði Björn, at honum (þóttu) Rauðs synir líkligstir til at valda slíkum ókynnum; þá var sent eptir Rauðs sonum, en er þeir hittu konúng, þá taldi hann þá úlíkliga til þjófnadar, ok bar þá undan kennslum slíkum<sup>1</sup>. Þeir buðu konúngi til feðr síns, ok taka þar þriggja nátta veizlu með öllu liði sínu. Björn latti konúng ferðarinnar, en konúngr fór eigi at síðr. Hjá Rauð var hin prýðiligsta veizla; þá spurði konúngr, hvat manna Rauðr væri eða kona hans? Rauðr segir, at hann var sænskr maðr at ætt, auðigr ok kynstór: en ek hljóp þaðan í brott, segir hann, með konu þessa, er ek hefir átt síðan; hún er systir Hrínga konúnga Dagssonar. Þá

<sup>1</sup>) Hér bæta handritin B, D, E, F, II, I, K, L, S inni all-lángri frásögn um dvöl Olafs konunga hjá Rauðúlfi, viðræðum þeirra ok því öðru, er þar tilbar. Í bókum brotið endur at fullu í þeirri frásögn. E bæði byrjar og sleppr um sinn i henni.

vaknaði konúgr við ættmenn þeirra beggja, fann hann þat at þeir feðgar voru menn vitrir, ok spurði hann þá eptir íþróttum sínum. Sigurðr sagði, at hann kynni at deila dægra far, þóat eigi sæi himintúngl, ok at skilja drauma. Konúgr reyndi þessar íþróttir, ok var þat sem Sigurðr hafði sagt. En Dagr fann þat til íþróttar, at hann mundi sjá kost ok löst á hverjum manni, er honum bæri fyrir augu, ef hann vildi athyggja. Konúgr bað hann segja skaplöst hans, þann er hann sæi. Dagr fann þat til, er konúngi líkaði, ok honum þótti rætt vera. Þá spurði konúgr um Björn ármann, hvern skaplöst hann hefði. Dagr segir, at Björn var þjófr, ok þat með at hann segir hvar Björn hafði fólgt á bæ sínum, bæði bein, horn ok húðir af nautum þeim, er hann hafði stólit þá um haustit: ok er hann valdr, segir Dagr, allra þeirra stulda, er í haust hafa vorðit, ok hann hefir öðrum mönnum kent; segir Dagr öll merki á, hvar konúgr skyldi leita láta. En er konúgr fór frá Rauði, þá var hann með vingjöfum stórum útleiddr; voru synir Rauðs með konúngi. Fór konúgr fyrst til Bjarnar, ok reyndist honum allt svá sem Dagr hafði sagt; síðan lét hann Björn í brott, ok fór hann or landi, ok naut hann drottníngar at því, at hann hêlt lífi sínu ok limum.

161. Þórir, son Ölvis á Eggju, stjúpson Kálfs Árnasonar [ok systurson Þóris hunds<sup>1</sup>, var manna friðastr, mikill ok sterkr, hann var átján vetra gamall, hann hafði fengit gott kvánfáng á Heiðmörk ok auð fjár með, hann var vinsæll maðr, ok þótti vænn til höfðingja; hann bauð konúngi heim til veizlu með lið sitt; konúngr þektist boðit, fór til Þóris, ok fèkk þargóðar viðtökur, ok var þar veitt hit stórmanligsta, en öll voru faung hin bestu. Konúngr ok menn hans ræddu þat sín í milli, at þeim þótti þat mjök saman fara húsakynni eða húsbúnaðr eða borðbúnaðr eða drykkur, eða maðrinn sá er veitti. Dagr lét sèr ekki um finnast eða fátt. Ólafr konúngr var vanr at hafa ræður við Dag, ok spurði hann ýmissa hluta, reyndist honum þat allt með sannindum sem Dagr sagði, hvárt sem þat var liðit eða úkomit fram, festi þá konúngr trúnað mikinn á ræður hans; nú kallar konúngr Dag á einmæli, ok ræddi þá fyrir honum mjök marga hluti, þar kom niðr ræðu hans, at hann tjáði fyrir Dag, hversu skrautligr maðr Þórir var, er þeim veitti þá veizlu svá virðuliga. Dagr lét sèr fátt um finnast, ok lét þat allt satt er konúngr sagði. Þá spurði konúngr, hverja skapsanmarka Þórir hefði. Dagr kveðst hyggja, at Þórir mundi vel skapi farinn, ef honum er þat svá vel gefit, sem hitt er alþýðan má sjá.

<sup>1</sup>) þannig hin; Arni h. systurson Þóris h. rángt í A.



Konúngr bað hann segja þat er (hann) spurði, ok segir konúngr, at hann er þess skyldr. Dagr svarar: þá muntu, konúngr! þat vilja veita mēr, at ek ráða hefndinni, ef ek skal löstinn segja. Konúngr segir, at hann mun ekki dómum sínum undir aðra menn skjóta, en bað Dag segja þat er konúngr spurði. Dagr svarar: dýrt er drottins orð, þat mun ek til skaplasta finna þóri, sem margan kann henda, at hann er maðr of fægjarn. Konúngr segir: er hann þjófr eðr ránsmaðr? Dagr svarar: eigi er þat, segir hann. Hvat er þá, segir konúngr? Dagr svarar: hann vann þat til fjár, at hann er drottins sviki, hann hefir tekit fè af Knúti konúngi, til þess at svíkja yðr. Konúngr svarar: hvernveg gjörir þú þat satt? Dagr svarar: hann hefir á hinni hægri hendi hríng digran fyrir ofan ölboga, er Knútr konúngr hefir gefit honum, ok lætr hann enga menn sjá. Eptir þat slitu þeir tal sitt, ok var konúngr reiðr mjök. Þá er konúngr sat yfir borðum, ok menn höfðu drukkit um hríð ok voru allkátir, þá gekk þórir um beina, þá lét konúngr kalla þóri til sín, hann gekk framan at borðinu, ok tók höndunum uppá borðit; konúngr mælti: hversu gamall maðr ert þú, þórir? ek er átján vetra, segir þórir. Konúngr svarar: mikill maðrert þú, þórir! jafnúngr ok gjörviligr; tók þá konúngr hönd hina hægri, ok strauk upp af ölboga. Þórir mælti: tak þú kyrt þará!


ek hefi sull á hendinni! konúngr hèlt hendinni, ok kendi at þar var hart undir; konúngr mælti: hefir þú eigi spurt, segir hann, at ek er læknir, ok lát mik sjá sullinn! Þórir sá at mundi ekki tjá at leyna'. Konúngr lét Þóri taka höndum ok setja í járn; þá gekk Kálfr at, ok bað honum griða, ok bauð fyrir hann fè; margir menn studdu þat mál, ok buðu sitt fè fram. Konúngr var svá reiðr, at engi mátti orðum við hann koma, sagði konúngr, at Þórir skyldi slíkan dóm hafa, sem hann hafði honum ætlat. Síðan lét konúngr drepa Þóri; en verk þat [var með hinni mestu öfund<sup>2</sup> bæði þar um Upplönd ok engum mun síðr norðr um Þrándheim, sem ætt Þóris var flest. Grjótgarðr, son Ölvis, var bróðir Þóris, hann var ellri þeirra bræðra, var hann ok hinn gerviligsti maðr, ok hafði sveit um sik, hann var þá staddr á Heiðmörk, er hann spurði af töku Þóris, þá veitti hann árásir þar er fyrir voru menn konúngs eðr fè hans, en at öðru hverju hafðist hann við í skógum eðr í öðrum fylsknum; en er konúngr spurði úfrið þenna, þá lét konúngr njósnum tilhalda um ferðir Grjótgarðs, ok varð konúngr varr við, hvar Grjótgarðr hafði tekit náttstað, eigi langt frá því er konúngr var; Ólafr konúngr fór þá þeg-


<sup>1</sup>) tók þá hringinn ok lét frammi. Konúngr spurði, hvert þat væri gjöf Knúts konúngs? Þórir svarar, at ekki væri því at leyna; b. v. B. <sup>2</sup>) mæltist illa fyrir, H.


ar um nóttina, kom þar þegar um nóttina áðr dagaði, ok sló mannhríng um stofuna, er þeir voru inni; þeir Grjótgarðr vöknudu við mannagný ok våpnabrák, tóku þeir þegar til våpna sinna, hljóp Grjótgarðr út í forstofuna; hann spurði, hverr fyrir liði því ræði, honum var sagt, at þar var kominn Ólafr konúgr; hann spurði, hvárt hann mætti heyra orð hans. Konúgr stóð fyrir durunum; hann segir, at Grjótgarðr mætti mæla slíkt er hann vildi: ok heyri ek orð þín, segir konúgr. Grjótgarðr segir: ekki mun ek gríða biðja. Hann hljóp þá út, ok hafði skjöld yfir höfði sér, en sverð brugðit í hendi, lítt var ljóst, ok sá hann úgjörla, hann lagði til konúgs, en þar varð fyrir Ásbjörn Arnason, kom lagit undir brynjuna, ok rendi uppí kviðinn, ok fékk hann þegar bana; Grjótgarðr var ok þegar drepinn, ok flestallt lið hans. Eptir þenna atburð snöri konúgr ferð sinni suðr aptr til Víkrinnar. En er hann kom til Túnsbergs, þá gjörði hann menn frá sér í allar áttir, ok krafði sér liðs ok leiðángurs skipa, kostur hans var þá lítill; voru þá engi skip nema þau er bændr áttu, en lið dróst vel til hans þar úr hëruðum, en fátt kom um lengra, ok fannst það brátt at landsfólkit mundi þá vera snúit at einurðinni við konúg. Ólafr konúgr gjörði lið sitt á Gautland austr, ok sendi

1) Arnbjörn, *hinn*.

Þá eptir skipum sínum ok þeim varnaði, er þeir létu þar eptir um haustit; en ferð þeirra varð sein, þvíat þá var eigi betra enn um haustit at fara í gegnum Danmörk, er Knútr konúngr hafði her úti um vârit um alla Danmörk, ok hafði eigi færri enn 12 hundruð skipa.


















100389815 - 9

